

*image
not
available*



<36633547630011

<36633547630011

Bayer. Staatsbibliothek

PONDVS SANCTVARIJ

Quo explorata, leviora ostenduntur argumenta, quæ
continet LIBRA Joannis Caramuelii
Lobkowitzii, S.T. Dóctoris

PRO

DD. Cistértiensium & aliorum omnium Benedictinorum,

RESPECTV

*DD. Aroasensium, ac reliquorum Canoniorum
Regularium præcedentia.*

PER

Coroelium Bartholomæi Ordinis Canoniorum Reg. S. Aug. Presbyterum
in Abbazia-Brugensi-Eeck-houtana S. T. Professore,

Iuxta Pondus Sanctuarii.

Num. 3. vers. 50.



R
Pondus meum
Amor meus :

eo seror quocunque
seror. Aug. l. 13. Conf.
c. 9.

BRVGIS, Apud Lucam Kerchovium, viâ Breydeliâ, sub signo S. Antonii.

Anno 1654.

THE ...
...
...
...

...
...
...

...
...

...

...

...



ADMODVM REVERENDO IN CHRISTO PATRI,
 AMPLISSIMOQVE DOMINO
D. NICOLAO VAN TROOSTENBERGHE

INSIGNIS ECCLESIAE
 SANCTI BARTHOLOMÆI,
 Vulgò de Eeck-hout

ORDINIS CAN. REG. S. AVG,
Abbati-Brugensi meritiſſimo, &c.



Ec ancipiti, nec diùtinâ librâ delibe-
 randum fuit, cui potiffimum opus-
 culum nostrum, dedicandum foret
 Ampliffime Domine, primâ ſiqui-
 dem penſiculatione factâ, altera libræ lanx,
PONDERE SANCTVARI prægravata, quaſi
 vene-

EPISTOLA

Ezechielis.
 13.

 Apud Pen.
 lib. 3. c. 33.
 n. 3.

 Aliàs IV.

 Osee 7.

 venerabunda ad Vestram Adm. R. Paternita-
 tem sese inclinavit, quæ contra sex potentes
 alterius ordinis Abbates, validissimo impetû;
 sed irritò conatu, arietantes *se murum opposuit*
pro domo Israel, Ordine, inquam, Canonico,
 cujus institutio, *inter cæteras Religiosas est prima-*
ria, ut habet Diploma Sixti IV. datum anno
 Verbi Incarnati 1483. prout antea decisum fuit
 in Concilio Aquisgranensi primo, sub Stephe-
 no V. & Ludovico I. anno 816. Equidem hujus
 domus zelus, quasi maturus quidam casti amo-
 ris, erga virginem illam, candidam, inquam, Re-
 ligionem Canonicam, fructus pectus tuum cæ-
 terarum virtutum opulentum gazophylacium,
 divitat & exornat: quam quia *Libra dolosa* vio-
 lare tentaverat, sequentis Scorpii vindicem cau-
 dam promerita erat experiri. Videntur enim
 inter duodecim illa Zodiaci signa, quodam pro-
 digio tria hæc, *Virgo, Libra, Scorpius*, hoc ordi-
 ne esse disposita, ut qui *Librâ* abuteretur con-
 tra *Virginem*, *Scorpium* sentiret vindicem.

Hoc, inquam, Cælum minitari videbatur. Sed
 cum *Astratantum inclinent, non necessitent*, adeò
 ut *Sapiens dominetur Astris*, ab animo vindican-
 di fuit temperatum; unde & opusculum hoc,
 non

DEDICATORIA.

non *Scorpiacum*, ut olim suum Tertullianus, sed **PONDVS. SANCTVARI**, quia ejus gravitas, maximè in Pontificiâ auctoritate sita est, fuit indigitatum. Sicut enim in veteri Lege profana pondera, commensa esse debebant, **PONDERI** Iac. Tiri-
nus in
Exod. **SANCTVARI**, sic dictum, quod in Sanctuario asservaretur, ut justa, æqua & legitima censerentur: ita placuit D. Libripendis Adversarii, cujus personam veneror, opinionem insector, argumentorum momenta, in unâ libræ lance posita, ad monumenta Pontificia in alterâ lance opposita, num justa, æqua, legitima ac præponderantia sint, ut is prætendit, explorare & contrarium monstrare. Quod quidem opusculum in obscuro musei nostri angulo, præ verecundiâ non audens prodire in publicum, per aliquot latuit annos. Libri siquidem luxuriantis hujus sæculi, homines & potissimum filias ejusdem sæculi, videntur imitari; vix enim illæ publicè apparebunt, nisi supra modum *compositæ & circumornatæ ut similitudo templi*: Psal 143. Ita libri nisi singulariter compri sint, & excellenter perpoliti, nisi cothurnati eleganti procedant gressu, & *Pulchri sint in calceamentis ut illa filia Principis*, Can. 7. exsufflantur, & exhibentur. Nuda enim veri-

EPISTOLA:

tas (quales Gratia pinguntur) hodiernis nec
sufficit nec satisfacit; sed sicut ornatus hodie
virum, hodie feminam facit; sic elegans sty-
lus, hodie librum: quo quia nudus libellus no-
ster, etiamnum lucem videre verecundatur, nisi
sub *Vestra R. Paternitatis* umbrâ. Non defuere
tamen (novit eadem *Vestra Paternitas*) viri &
dignitate & eruditione magni, qui existimantes
sufficere scriptionem consimilem esse virgini Va-
lentulæ, in quâ plus lacertorum, quam formo-
sitatis, plus roboris, quam nitoris, inter quos-
cum honore hîc mihi nominandus Adm. Rev.
in Christo Pater, Amplissimusq; Dominus, D.
Hugo Beeckmans, Illustris Cysonii Archimandri-
ta dignissimus, vir humanitate, modestiâ, pieta-
te incomparabilis, pudibundum ad exitum fe-
rè compulerunt, & nuditatem ejus, auctorita-
tis suæ pallio tegere promiserunt. Quibus fre-
tus, & maximè *Vestra R. Paternitatis* favoris
afflante aurâ, *Videat lucem & ortum surgentis au-
roræ.* Hoc anno primo, post millenarium à pri-
mâ antiquissimæ vestræ Abbatiae per S. Tru-
donem Presbyterum Confessorem factâ funda-
tione, superiore anno Iubilæo, per particulare
Iubilæum (cujus hoc opusculum descriptionem
habet

DEDICATORIA

habet ad calcem) sub vestris auspiciis, publicâ
pompâ concelebratum ad majorem *Dei Opt. Max.*
& prænominati S. Confessoris ejus gloriam,
cujus te sedulum & exactum imitatoremaxi-
mè in eâdem Abbatiâ restaurandâ & ornandâ,
quam Sanctus ille primus fundavit, facile pro-
bare possem, nisi scirem id grave esse vestris
auribus, quibus nil gravius est, expertus loquor,
quam proprias audire laudes; quas tamen po-
steritati, nobis *tacentibus* Abbatix à te repara-
tæ & exornatæ, *Lapides clamabunt*. Pro quo &
aliis similibus præclare gestis, (quod de S. P.
Augustino canit Ecclesia) cum eodem S. Præ-
fule, nec-non Fundatore S. Trudone, *dissolutâ*
hujus habitationis domo, domum non manufactam
acceptura est in Cælis. Rev. V. Paternitas, post-
quam eam diu nobis incolumem servaverit in
terris ille qui *Cælestia simul & terrena moderatur*,
sic vover qui se glorianter scribit & signat.

Luca 15.

In Off.
prop. Cam.
Reg.

Ejusdem Adm. R. V. Paternitatis

Humillimum & addictissimum famulum

CORNELIVS BARTHOLOMÆI.

Vestro in Quercero, patula sub tegmine fagi
Sylvestrem recubās, quam sum meditatus opellā,
Inter Hamadryades, Druidas, Faunos, Satyrosque,
Optime Praesul habe, Quercus vestraeque sub umbrā
Protege, ab invidia Criticorum dente canino,
Quēis hodierna scateat saeculi quam ducimus aetas,
Quā nulla ut Musis magis exculta exsticit unquam;
Sic nulla à Criticis minus unquam libera vixit:
Ut sit opus (mibi crede) pedito quo vestra sinistra
Illa tuo fulget, Diris mastigibus istis,
A nostro arcendis foetu, qui prodit in auram,
Excipe quem gremius, obstetricanteque dextrā
Fac lucem videat, gere partes atque patrini:
Perque manus veri cultorum hinc ambulet, usque
Extremos Morinos? ultra. Ad Garamantas & Indos,
(Voto absit Nemesis) VERVM dominetur ubique,
Vllibi neve locus falso sit, at exulet orbe,
Pax sit & in terris, quas dudum bella fatigant:
Hic finis nostri voti nostrique Laboris,
Qui licet indignus lectu, ratione sui sit,
Est Mecænatis nihilominus ore venustus,
Ejus & intuitu, supplebitur undique, quidquid
Parte deesse suā, Criticorum nasus olebit.

Sic vovebat idem qui supra.

AD LECTOREM.

PAUCIS te conventum volo, prudens lector. Tractatus hic quinquepartitus ἀπολογία est, conscripta in defensionem Ord. Canonico-Augustiniani, contra quem in librâ Caramueliâ quædam scripta sunt, occasione præcedentiæ controversæ quæ non erant scribenda. Titulus ejus **PONDVS SANCTVARIÏ**, cujus rationem dedi in Epistolâ dedicatoriâ. In primâ parte adstruitur & defenditur ordinis præfati specifica unitas. In secundâ ostenditur ejusdem identitas inter Canonicos Augustinianos Lateranenses & Aroasienses, & præ aliis ordinibus, antiquitas & dignitas. Quæ duo, Vnitas scilicet & Identitas, veluti bina tormenta bellica, demoliuntur opposita duo fulcra, inter quæ suspensa nutat libra, nimirum ejusdem ordinis in se multiplicitem & in suis cætibus diversitatem, quæ confixit D. ζυγοςάτης & per totam libram valde declamat, credens fortè verum hunc esse versiculum:

Dimidium causa, qui bene clamat, habet.

In tertiâ trutinantur eccheses Caramueliæ, & ostenduntur veridicæ gravitatis minus habere. In quartâ explorantur quædam solutiones, quas argumentis nostrorum adhibuit D. Libripens, & detegitur earum insufficientia, futilitas, & Sophistica infidelitas. In quintâ exhibentur fundamentalia pontificia diplomata integra, quorum fragmenta, ad quæ tanquam ad **PONDVS SANCTVARIÏ** collibrata sunt momenta Caramueliæ libræ, in prioribus partibus fuerant ponderata. Item juridicæ sententiæ, & autentica instrumenta Canoniorum Augustinianorum causæ faventia, & tandem ut *Nubila Phæbus* sequitur festiva Mantissa

rissa exhibens Iubilæi Eechoutani, anno M. D. C. L.
in urbe Brugensi sollemnissimè celebrati descriptio-
nem. Habes hic sparsim nonnulla de ordine, antiqui-
tate, dignitate, statu, instituto, unitate, identitate, pro-
fessione, functione, constitutionibus, obligationibus,
regulâ, habitu, locis, gradu, jure, cætibus Canonico-
rum Augustinianorum, & habitudine eorum ad secu-
lares Canon. & Monachos scitu digna & jucunda. Ve-
rum enim verò miraberis fortè in decursu opusculi,
quædam in Adversarios prolata quasi diriusculè so-
nancia, & velut nonnihil excedentia moderamen in-
culpatae titulæ ac modestiæ Religiosæ: spero tamen,
mirari defines, si prudenter & patienter pervolueris
quartæ partis ultimum caput pag. 431. & seqq. ubi
per διασφαλάμειν conglomerata & notata sunt dicte-
riorum Caramueliorum, sub *fortis Urbanitatis* sipario
latentium ἐπίδηματα, quæ si in unâ libræ lance, no-
stra in alterâ collocata ponderaveris, facile deprehen-
des ista graviora, nostra leviora. Vale & prudenter
lege, maximè quisquis es Caramueliæ lectione li-
bræ præventus vel opinione.

INDEX RERUM.

*Numeri ut plurimum sunt paragraphici, nisi addatur. p.
vel pag. tunc enim sunt paginales.*

A.

A Bbas nomen solitudinis non dignitatis n. 170.

Abbatialis dignitas ex privilegio. n. 171.

Abbates in ordine Canonico ab antiquis temporibus fuerunt. num. 239. Abbates seculares qui & quales. 286. Abbates Aroasiensis congregationis, qui eam prius intrarunt priorem in eà locum tenuerunt. 109.

Abbates Echoutani olim præcesserunt Abbates Cistercienses n. 264. Abbas Echoutanus per sententiam provisionalem præcedit Abbatem Dunensem. n. 265.

Andreas Catulle defensus. 149. infideliter traductus à Caranuele. 248. & seq. ejus doctrina explicata & vindicta. 383. 301. 319. 320.

Antagonista noster digladiatur cum umbris. 130.

Antiquitas & Clericalis dignitas præcipuè ponderatæ à pontificibus in Lateranensibus. 148. in quibus Canonici Reg. Victores & Benedictini in Cassinensibus victi ibidem.

S. Antoninus asserit Canonicos Reg. esse institutos ante Benedictinos. 197.

Apologus inter Phœnicem & Aquilam. 346.

Argumentum à vocula, ordo, peti-
tum invalidum. 97. & seqq.

Arnulphus egregius Concionator Canonici Reg. Cōgregationis S. Rufi. 74.

Arnulphus Abbas Echoutanus impetrat bullam ab Alexandro III. cum

Privilegiis. 341.

Aridagamantia olim spelunca latronum, 85.

Aroasiæ origo. 81. & pag. 161. Aroasia dotatur. 86. Ejus Ecclesia dedicatur, ibid. Aroasiensis congregatio oritur pag. 164. in ea Canonicus ordo semel plantatus semper mansit. ibidem. eadem est jam ducentis circiter annis 50. non est distinctus ordo ab ordine Can. Reg. S. August. ibidem. Ejus propagatio 98. Eam quæ intrarunt Abbatia non intenderunt suum ordinem mutare. ibidem. Aroasienses an ejusdem ordinis cū Lateranensibus, 79. in tota fere Hiberniā olim Cathedrales operā S. Malachia 150. & 204. sunt in possessione præscripti tituli Canonici Reg. S. Aug. 130. quatenus Canonici Reg. S. Aug. antiquiores Benedictinis. 219.

S. Augustinus præcipuus Doctor post Apostolos. 170. factus presbyter instituit monasterium Clericorum. 50. factus Episcopus, mutat Episcopium in monasterium. ibidem. & 144. est Canonici ordinis reformatior. 63. quo sensu ejusdem ordinis fundator. 128. Ejus sententia de dictis acutè sonantibus. 1. Ejusdem sententia, quando verum dicendum. 5.

Augustinus Barbosa docet Canonicos Reg. majorum & minorum Ecclesiarum esse ejusdem ordinis. 70.

Avenionenses Canonici Reg. relictis secularibus migrant in monasteria S. Rufi. 74.

Auctoris protestatio. 8. Auctores
b2 quinam

I N D E X.

quinam expresse doceant Canon. Reg. debere præcedere Benedictinos. 269.

B.

Bartholomæus de Columna. 142.

Bellarmini. Chronologia ostenditur non favere Adversario p. 68. idem iudicium esto de multis alijs Auctoribus ab Adversario citatis. pag. 70.

Benedictus XII. quondam Monachus Cisterciensis edidit constitutiones pro reformatione ordinis Canonico-Augustiniani. 15. quæ velsolæ sufficiunt ad probandam unitatē specificam ejusdem ordinis. 16. & seqq.

Benedictinorum primitivorum professio qualis. pag. 424.

Berengarius princeps latronum. 80.

S. Bernardi testimonium ex Apologia ad Guilielmum productum in celebri processu sed frustra. 201.

Bulla Eugeniana probat antiquitatē Can. Reg. S. Aug. 176. integra habetur. 333.

C.

Canonica institutio inter Religiosas primaria. 128. Canonici ordinis notitia ex quibus eluceat. 3. Canonici Reg. ab Apostolis instituti, à S. Marco positi in Ecclesiā Alexandrinā, ab Augustino restituti. 157. Antiquiores Secularibus Canonicis. 52. 63. pag. 302. Sunt Clerici. 160. eorum professio. 162.

Canonici Reg. quinam ord. S. Aug. 142. præcedunt Monachos Benedictinos propter antiquiorem institutionem, 166. & priorem approbationem. 167. dici cœperunt Regulares, quando orti sunt Seculares per relaxationem. 60. quæ ratione defecerint ad secularitatē, 64. ut se habeat ad Cathedrales & Monachos. 217. Sunt capaces beneficiorum

Ecclesiasticorum secularium Ecclesiarum. 257.

Canonici Reg. Belgæ sunt de institutis ab Apostolis & ab Augustino restitutis p. 280. Veri successores antiquorum Clericorum. 149.

Canonicus Regularis verè Canonicus & Canonicus appellacione venit etiā. Canonicatus Reg. juxta Barbosa. 217.

Canonici Seculares cur præcedant Reg. 69. Canonici moderni, in Ecclesiā Lateran. residentes Seculares. 288.

Canonicorum ædes antiquæ an proprii nominis monasteria. p. 427. Canonicos Reg. tempore S. Augustini vocasse definitum à DD. Parisiensibus. 323.

S. Carolus Boromæus in votis habuit Canonicos Reg. reducere in Ecclesias Cathedrales. 196.

Cathedrales Hiberniæ olim cur facti potiùs Arosiensis quam Cistercienses. 112.

Cathedralitatis nulla ratio habita à Pontifice in præferentiā Lateranensium respectu Cassinensium. 76. 115. 122.

Cistercienses non satis versati in jure Canonici ordinis. 123. Quæ ipsis occasio hallucinationis. 125.

Clemens VIII mandat sententiam Pii IV. observari. 334. Declaratio Cardinalium circa habitum Canonicorum Reg. ibidem.

Colonienses Canonici Reg. secularisantibus relictis migrant in Monasteriū Nussienſe. 74.

Chronologia notabilis. 90.

Clericus competit Canonicis Reg. per se, Monachis verò per accidens. 169. 238.

Clericalis dignitatis habita ratio in causa præcedentiæ. 255.

Clericus olim præferebatur Abbati. 169.

Cle-

I N D E X.

Clerici originaliter Regulares, per relaxationem facti seculares. 169.

Clerici proprietarii olim qui vivebant extra Collegiū non erant Canonici 162.

Clerici Canonici in jure Canon. Reg. 144.

Conclusio fundamentalis. 14. 273.

Congregatio Victorina quando orta. p. 163.

Cono succedit in locum Helderuarii. 86. Adit Paschalem II. 87. p. 162.

fit Cardinalis Præcelsus. Ibidem. Beneficus erga Aroasienses Ibidem. Cono recusat papatum. 87. Legatus per Galliam concilium celebrat. p. 163. obit. Ibidem.

Corollarium principale. 274.

Constitutiones Benedicti XII. ponderantur. 16. 17. 18. 11. provulgantur. 22. 23. 24. observantur. 25. producantur ad probandum ordinis Can. antiquitatem à Lateranensibus. 26. Non fuerunt promulgatæ in Pelgio 27. sed in Hispania. 29. Ex illis Corollaria. 20. Probatur eas esse autenticas. 22. & seqq.

Controversa res de præcedentiâ Canonicoꝝ Reg. transit in judicatā. 7.

Controversia præcedentiæ inter Lateranenses & Cassinenses ventilata à tempore Innocentii VIII. 174. in ea non fuit ponderatum, quod Can. Reg. essent Lateranenses, nec quod Cathedralis. 182. sed quod Canonici ordinis S. Augustini. 183.

Consuetudo urbis favet præcedentiæ Canonicoꝝ Reg. 172. 179. ea attendenda non particularium locorum. 191.

Convenientia inter Canonicos Seculares & Reg. 113.

Crutzelingensis Abbatia ordinis Canonici prælatæ Benedictinæ. 118. pro-

bavit ordinem Canonicoꝝ antiquiorem Benedictino. 119. qua de re expeditæ litteræ à Consilio Constantensi, confirmatæ ab Innocentio VIII. 120. 335.

Crutzelingenses ejusdē ordinis cum Lateranensibus & Aroasiensibus. Ibid. Ex eorum præcedentiâ probavit olim Lancellottus præcedentiam Lateranensium. Ibidem.

Cysonienses probantur à primâ fundatione fuisse Can. Reg. ab Anonymo Scriptore Societatis. 270. qui defenditur. p. 419. & seqq.

D.

Diplomatibus pontificiis plus credendum quam scriptoribus recentioribus. 129.

Diplomatum pontificiorum styli ad Can. Reg. S. Aug. varia exempla. 131. Eorundem idem stylus ad Aroasienses & Lateranenses. 135. eadem ostendunt ordinem Canonicum diu floruisse antequam congregationem Lateran. 132. Item, in variis congregationibus eundem esse. Ibidem. In eis mentio statutorum non variat ordinem. 134. 137. Clarè distinguunt inter ordinem Canonicum & monasticum 137. Lateranensium cur meminerint potius quam aliorum. 148.

Dunenses sunt Cistercienses. 271.

E.

Ecclesiæ B. Mariæ de Pillari totius Hispaniæ antiquissimæ, Canonici Reg. præcedunt in Aragoniâ etiam Canonicos Cathedralis. pag. 123.

Ecclesiæ Patriarchales, Metropolitane, Cathedralis, quænam olim infestæ

I N D E X

Canonici Reg. 69.

Ecclesia Cathedralis olim **Regulares** quando factæ sint **seculares** 65. & seqq.

Ecclesia Abbatialis S. Bartholomæi de Eechout dicta insignis ab Innocentio X. 133.

Eugenius IV. bulla ponderatur. 51. servatur in **Ecclesia Lateranensi**. 77. **Exposita & defensa** extat in allegationibus **Lancellotti**. Ibidem. Ei consonant multi **Pontifices & Historici**. 78. **Verba** ejus sunt **dispositiva**. 158. **Integra** habetur. 333.

S. Eusebii Vercellensis Episcopi & Martyris factum memorabile. 242.

F.

Federicus Feltrius **Vrbini Dux** offert **Ecclesiam Eugubinam** **Cathedralem** **Canonici Reg.** reformandam ad **Regularitatem**. 322.

Forma institutionis **Canonicorum Consilii Aquisgranensis**, paraphrasis **Regulæ Augustinianæ**. 56. fuit observata loco **Regulæ Augustinianæ** ab aliquibus **Can. Reg. S. Aug.** 54. 58.

Formula professionis **Canonicorum Reg. S. Aug.** explicata. 34.

Formula professionis **Benedictinorum Vallis-umbrosæ**. 35.

Franciscus Ximenius Archiepiscopus Toletanus conatus est reducere suam **ecclesiam** ad antiquum statum **regularem**. pag. 124.

Frigidionaria & Lateranensis congregationes ferè eodè tempore ortæ. 146.

Functio præcipua **Canonicorum Reg.** pro moderno tempore, est officium **divinum** devotè peragere. 114.

G.

Gabriel Gaudulmerius postea **Eugenius IV.** fautor **reformationis Frigidionariæ**. 142. **Reduxit** **Canonicos Reg.** in **Ecclesiam Lateran.** unde **congregatio** dicta **Lateranensis**. 143.

Gabriel Pennotius Generalis Rector **Lateranensis** defendit **Lateranenses & Aroasientes** esse ejusdem **Ordinis**. 116. **Vindicatus**. 308.

S. Gelasius S. Augustini Clericus professus recipitur in **ecclesiam Lateranensem** à **Leone I.** eamque reformat ad **Reg. S. Aug.** factus **Pontifex** discernit **libros autenticos** ab **Apochryphis**, & approbat **regulam S. Augustini**. 90.

B. Gerhous quæsit **regulam S. Augustini Romæ**. 57.

Gervasius Aroasiz primus **Abbas Benedictus**. pag. 163. resignat **pedum**. p. 163.

Gervasius qualis, 92. ejus **statuta** **qualia**. 98. accipit **consilium** à **S. Bernardo Abbate**. 99. solum intendit reformare **ordinem Canonicum**. Ibidem. & sectari **vitam & regulam S. Aug.** 100. ejus **statuta** conformia **expositioni Hugonis Victorini**. Ibidem. **Silentium** suis **indicit & mollia vestimenta interdicit** 105. **Non novi ordinis institutor**, sed **antiqui conservator**. 129.

Gregorius Magnus propagat **ordinem Canonicum** per **occidentalem Ecclesiam** & præsertim **Anglicanam**. 90. & pag. 160.

Guilielmus Estius dicere solebat **Theologum** nil esse sine **Chronologia**. 298.

H.

Habitus Episcoporum ex **ordine Canonicorum**

I N D E X.

anonicorum Reg. S. Aug. violacius. 340.

Habitus Canoniorum Reg. S. Aug. pag. 28. 39. 41. 238. & n. 161.

Hieronymus Romanus reprehensus à Ioanne Cartagena, & malè explicatus à Ioanne Caramuele. 212.

Heldemarus Fondator Aroasiz. 81. Fuit Canonicus Reg. 82. Hujus Collega. Cono alter Fundator etiam Canonicus Reg. Ibidem. Quo sensu dicantur Eremitæ. Ibidem. Iaciunt Canonice Religionis fundamenta in Aroasiâ. Ibidem. Non novum ordinem fundarunt, sed antiquum transplantarunt. 84.

Heldemari martyrium. n. 81. & pag. 161. clarus miraculis in vita & morte. Ibidem.

Historici quinam testentur Canonicos Reg. ab Apostolis institutos. 262.

I.

Innocentius III. fit Pontifex. p. 164. Ejus approbatio laudatoria fuit, non Canonica. 94.

Innocentii VIII. diploma integrum pro Cruzcelingensibus Can. Reg. S. Aug. 335.

Ioachimus Abbas malè intellectus à Caramuele. 210.

B. Ioannes Morinensis Episc. Can. Reg. propagator ordinis Canonici in Belgio. 86.

Ioannis Baptistæ Cicadæ Card. tit. S. Clementis relatio pro Canonicis Reg. 157.

Ioannis Buschii doctrina de unitate specifica ordinis Canoniorum Reg. S. Aug. explicata. 32. sicut & Emmanuelis Roderici. 36.

S. Ivo Episcopus Carnotensis Reformator ordinis Canonici per Galliam. 86.

scribit Canonicos dictos eo quod voverint Canonicas regulas. 60.

Ius Canonicum loquitur de Canonicis Reg. S. Aug. pag. 99.

Ius præcedendi Benedictinos, Cistercienses &c. competit Canonicis Reg. S. Aug. 274.

L.

Lambertus Gesnensis Episcopus Aroabatenensis. pag. 161.

Lapsus Caramuelis in Chronol. 216.

Lateranenses Can. Reg. supponunt se esse ejusdem ordinis cum aliis Canonicis Reg. S. Aug. 26. fuerunt exempti à constitutionibus Benedicti XII. 26. Desendunt Aroasienses esse secum ejusdem ordinis. 40.

Lateranensis congregatio ordinis Canonico-Augustiniani, nobile membrum non integrum corpus. pag. 87.

Lateranenses Can. Reg. migrant in monasterium B. Mariæ pacis in urbe. 73. adæquatè lite vicerunt Calsinenses. 187. & 202. in Lateranensi Ecclesiâ resederunt per continuos 800. annos. 204. non fuerunt immediatè reformati à S. Augustino, sed ab ejus discipulo S. Gelasio. 207. recusarunt fieri Cathedrales in Ecclesiâ Eugebinâ ob certas rationes. pag. 467. quoad modum vivendi, quantum differant à Canon Secularibus. ibid.

Lateranensis Ecclesiæ ortus, progressus, sublimitas, sanctitas, &c. defectio à regularitate, & ad eandem reditus. 333.

S. Laurentius Archiepiscopus Dublinensis, suos Metropolitanos reformat in Canonicos Aroasienses. 111.

Leonis X. determinatio in causa habitus Prælatorum ex ordine Canonico-assumptorum. 340.

I N D E X.

Libra Cramuelia substantia comprehensa in unâ conclusione. 1.

Libripens actum agit. 7. ejus opinio de ordine Canoniorum Reg. S. Aug. 12. quâ ratione refutanda. 13.

Ligerius Anachorita fundator monasterii Dunensis 271.

Lubertus Haudschilt Abbas Eechou-tanus in concilio Constantiensi mitrâ donatus, & spiritu prophetiæ clarus, 219.

M.

Marcus Antonius Burgesius Pauli V. Genitor cum aliis, Cassinensium Advocatus. 155.

Martini V. diploma integrum ad Windesemenses, in quo referuntur ordinis Canonici primordia ad tempora Apostolorum. 334.

Monachi ex institutione Laici. 169. & 238.

Monachus quid. 244. quâ ratione capax beneficiorum Ecclesiasticorum. 257.

Monachi in Belgio olim occupantes monasteria Canoniorum Reg. cum eis jus præcedentiæ alibi occuparunt. p. 433.

Monachi an Canonici Reg. S. Aug. ex Roderico. 38. cui conformiter scribit Carulle immerito reprehensus. 39.

Monomachia inter Lateranenses & Cassinenses. 151.

Monasteria aliquot jam ordinis Benedictini, olim à 1. fundatione Canoniorum Reg. pag. 419.

Matthei Bossi Canonici Reg. Lateran. epistolæ notatu dignæ. 195. 330. 332. quam is fuerit animo modesto, pacato & libero. 329.

Metamorphosis Caramuelia, præcedentiæ Cisterciensium non faver. 96.

N.

Navarrus defensus & laudatus. 149. 241. infideliter traductus à Cramuele. 246. Vindicatus. 306. ejus dictum Christianum & Religiosum circa materiam præcedentiæ. 11.

O.

Olim duæ tantum erant Regularium diversitates in occidente scilicet Canoniorum Reg. S. Aug. regulam, & Monachorum nigrorum S. Benedicti profitentium. pag. 423.

Opinio de diversitate ordinis inter Lateranenses & Aroasienses est contra mentem Pontificum. 135.

Opinio Doctorum sentientium contra præcedentiæ Canoniorum Reg. non est fulcita juribus nec rationibus. pag. 288.

Ordo S. Bened. quando incœperit. 90.

Ordinem inter Canonicum & Monasticum distinctio in bullis pontificum. 14.

Ordinem novum condere cujus potestatis. 94.

Ordinis Canonici notitia ex quibus eluceat. 3.

Ordo Canonicus non est novus. p. 74. est à Christi discipulis institutus. 16. 139. ejus antiquitas. 90. ejus amplitudo pag. 21. & seqq. Honoratus titulo Apostolici. 47. ejus S. Augustinus Reformatior. 46. & 116. Ordine Benedictino antiquior. pag. 156. & 147. In Angliâ plantatus jussu Gregorii Magni. pag. 99. Inde in Aroasiâ transplantatus ab Helderaro & Conone. 88. Fuit ibidē diu ante Gervasium. 93. Qui regulæ S. Augustini constitutiones superaddidit. 95. quæ quo sensu

I N D E X.

Ita sunt necessariae in Ordine Canonico
95. Sunt dispensabiles ibidem.

Ordo Canonicus observatus ab Apostolicis Clericis. 89. Ejus varii status ibid. Primo reformatus à S. Urbano I. Deinde à S. Augustino. Postea iterum relaxatus, & denuo reparatus, à viris sanctis per congregationes: tandem à Benedicto XII. generaliter reformatus per constitutiones ibidem. Eiusdem status modernus ibidem. Refloruit in Galliâ. pag. 160. Idem observatus à Gallis, Germanis, Hispanis, Italis, Belgis &c. Canonicis Reg. Cathedralibus & Conventualibus. pag. 75. Idem divisus in multas congregationes, sicut Benedictinus. 45. quæ non sunt distincti ordines. 47. Ordo medius ab adversario excogitatus, fictivus. 39.

Ordo Cisterciensis inchoatur. pag. 161.

Ordo Præmonstratensis oritur pag. 163. ut se habeat ad ordinem Canonico-
rum Reg. S. Aug. 209.

Ordo pro congregatione interdum sumitur & contra. 105. Item pro ordinatione seu constitutione. 107.

Origo vera congregationis S. Rufi aliâs Arnulphi. 74.

P.

Paradoxa Caramuelia. 10.

Penelope dedignabatur procos, qui à dominâ in ancillas amorem suum deflectebant. 231.

Philippus Bergomensis scripsit de ordine Canonico Reg. S. Aug. conformiter diplomatibus Pontificis. 138.

Pius IV. committit causam præcedentiae tribus Cardinalibus 153. Ejus sententia Iuridica. 335. Ejus breve executorium. 337. Ejus pium monitum de hu-

milicare Religiosorum. 7.

Pii V. diploma pro præcedentia Canonico-
rum Reg. S. Aug. 338.

Pondus Sanctuarii diplomata Pontificia. 1. 4. 8. Ejus rei ratio data in Epistola dedicatoria.

Pondus totius difficultatis controversiæ motæ in librâ quo vergat. 12.

Pontificiæ auctoritati, in decisionibus causarum magis standum quam cujusvis alterius Doctoris 158.

Pontificio testimonio nullum majus aut firmiter proferri potest. 213.

Pontifices quinam asserant Canonicos Reg. ab Apostolis institutos. 261. Distinguunt inter ordinem Canonicum & Monasticum. 14. 273.

Præcedentiæ Canonico-
rum Reg. respectu Benedictinorum processus relatusexstat apud Tumburinium. 6. Præcedentia competit Canonicis Reg. non ex privilegio, sed ex jure. 121. In eâ non attenditur arctior vita. 169. Abbatum attendenda juxta priorem promotionem. 173. sicut & Episcoporum. 180. & 188.

Præcedentiæ sententia extendenda ad omnes Canonicos Reg. S. Aug. p. 279. juxta Navarrum & Pennottum. 190.

Præcedentia præscripta millenaria prætensa Benedictinorum refutata. 278.

Præmonstratenses Canonici Reg. quidem, sed non de institutis ab Apostolis, nec ab S. Aug. repositis. 308.

Prioratus Lateranensis Ecclesiæ olim eminentissimus. pag. 353.

Prioratus S. Salvii elevatus recenter ab Urbano VIII. in Abbatiam. p. 355.

Prior S. Andreæ in Scotiâ olim præcedebat Abbates istius Regni. pag. 353.

Professio facta tempore primitivæ Ecclesiæ in substantia eadem cum modernâ. 162.

I N D E X.

Publica bona digniora privatis. 243.

R.

Rationes Caramueliæ cū Navarræis & Catullæis collatæ, inventæ minùs habere. 276. 310.

Rationes propter quas Canon. Reg. præferendi Monachis, major antiquitas & Clericatus. 177. 183.

Recapitulatio notabilis de ortu & progressu Ordinis Canonici, usque ad plantatiorem in Arcaliâ. 80.

Reformatio Augustiniana non in solis Ecclesiis Cathedralibus, sed etiam in Monasteriis viguit ex Possidio. 70.

Reformationis Frigidionariæ Auctores. 141.

Reformatio non tollit substantiâ Ordinis. 46.

Regula juris: ubi eadem est ratio idē jus servari debet. 121.

Regula S. Augustini Canonica, priùs scripta viris, quàm feminis. 90. Approbata à S. Gelasio. 168. Ante regulam S. Benedicti. 179. centum circiter annos. 90. Ejus differentia à Regulâ Benedictinâ. 33. Ordinariè observatur cum statutis. Ibidem. Olim observata à Cathedralibus Canoniciis 53. & seqq.

Regula Benedictina quando usitari coepta in Belgio. pag. 436.

Regula Caramueliæ generalis præcedentiæ examinatur. 265. & refutatur. Ibidem.

Relatio Joannis Bapt. Cicadæ Cardinalis pro Canoniciis Reg. integra. 157.

Relatio Joannis Michaëlis Saraceni & Bernardini Scotti Cardinalium integra pro Canoniciis Reg. 174.

Richerius Can. Reg. Prior Lischensis

fit Abbas Aroasiensis, hinc Aroasia Abbatia quæ priùs præpositura. 87. Rigerii obitus ibidem. & pag. 163.

Roderici sententiâ Canonici Reg. Cathedralis & conventuales sunt ejusdem Ordinis. 36. Non est sibi contrarius Rodericus. 37. Malè tamen secutus est Abbatem Joachimum & Hieronymum Romanum. Ibidem.

Rodolphus primus Abbas Cysoniensis an Canonicus Reg. pag. 425.

Rogerus Laicus Aroasiensis interficitur 84.

S.

S. Salvii Abbatiz præfatus titulus præcedendi refutatus. 242. Eam præcedit Abbatia S. Joannis Valencen. 344. Sancti qui officio proprio coluntur in Ordine Canonico-Augustiniano, fuerunt ejusdem ordinis sed non ejusdem Congregationis. 87. & seqq.

Scipio Lancellottus Advocatus Canonorum Reg. Lateran. postea Cardinalis. 155.

Sententia nostra de antiquitate ordinis Canonici vera, quia à Pontificibus tradita. 41.

Specimina præfatiæ fortis Urbanitatis Caramueliæ. 275.

Spiridion Episcopus vir simplex convicit acutum & astutum Dialecticum. 126.

Statuta Aroasiensia an indispensabilia fuerint. 83.

Syllogismus notabilis. 126.

T.

Terapentiæ fuerintne Canonici an Monachi. 316.

Textus

I N D E X.

Textus Codicis Originis Aroasiensis
expositus. 107.

S. Thomas docet Canonicis Regul.
competere, quod sint Clerici Religiosi;
non vero Monachis. 244.

Thomas Canipratanus vindicatus
287.

Tituli paragraphici constitutionum
Benedicti XII. pro reformatione Ordinis
Can. Reg. S. Aug. 18.

Tonsura prima necessaria Canonicis
Reg. professuris. 237.

Transitus Monachorum ad Canonicos
Reg. & contra exploratus. 253. &
seqq.

S. Trudo Fundator Cœnobii Beck-
houtani. pag. 160.

V.

Veritas quando dicenda ex Aug. 5. 6.

Vita Canonica in quo sita. 95.

Unitas specifica ordinis Canonico-

Augustiniani conclusa ex dictis primâ &
secundâ parte. 48.

Vincentius Parentius Iuriconsultus
scribit grave nefas esse imo sacrilegium
negare Canonicos Reg. ab Apostolis in-
stitutos. pag. 396.

Vocula *proprium* quandoque impro-
priè sumitur ab Auctoribus. pag. 426.

Windeffemense Ordo Canonicus
non novus, sed antiquus ab Apostolis
institutus, ab Augustino restitutus. 41.
44. 234.

Windeffemenses exempti à constitu-
tionibus Benedicti XII. 27. & 334.

Z.

Zacharias Lilius. 340. Ejus occasio-
ne data bulla determinatoria habitus
Prælatorum ex Ordine Canonico assum-
ptorum à Leone X. Ibidem.

211

C O R R I G E N D A.

IN præfatione ad Lectorem lin. 16. lege *confinxis*. Item sol. vers. l. 11. lege *tutele*.
p. 28. l. 5. lege *nisi*. p. 36 l. 8. lege *In quo pax Eccl.* p. 36. l. ult. lege *quot*. p. 66. l. 6. lege
Adversarius. p. 82. l. 22. lege *accidisse*. p. 84. l. 5. lege *Sarcasmos*. p. 93. lege *prior pars secundæ*.
Ibid. l. 14. lege *earum*. p. 94. l. 13. lege *quales*. pag. 97. l. 11. lege *obiter*. p. 103. l. 4. lege *sic*
pag. 35. l. 19. lege *effloruisse*. p. 150. l. 1. lege *hinc*. pag. 160. l. 17. lege *anno 880*. pag.
190. l. 5. lege *Gervasianam*. p. 208. l. 15. lege *valere*. p. 307. l. 3. lege *ut*. p. 310. l. 4. lege
ex vi. p. 360. l. 23. lege *antiquari*. p. 374. l. 23. lege *proinde non*. p. 411. l. 11. lege *instituto*.
pag. 423. lin. 1. lege *regulam*. Cætera Lector benevole facile corriget tua humanitas
& eruditio.

REVERENDO VIRO DOMINO
D. CORNELIO BARTHOLOMÆI
ABBATIÆ ECKHOVTANÆ

Canonico Reg. suum Sanctuarii Pondus publico donanti

Quod laude dignum cerno *Sanctuarii*
Prodire *Pondus*! arbitror facundiâ,
Antistitumque, Roma, quos pridem in tuâ
Cathedrâ aluisti, robore potens, & grave.
Væ Caramelia libra tibi *Cornelii*
Examinanda symbolo: citaberis,
Pœnamque falsi victa fortassis lues.
Sic nempe totum *ponderat* negotium
Canonicus ille, tollat ut mundo Fidem,
Quam *Monachus* amplo sibi præ-assumpsit libro.
Eeck-houta salve versibus meritò meis
Laudata nuper. Nempe præstantes stylo,
Ore & rotundos, & decoros moribus,
Et laude cunctâ præditos nutris viros.

Accinebat IOANNES DE LA SALLE
Pastor in Score.

IN LAUDEM LIBRI
CVI TITVLVS:
PONDVS SANCTVARIJ.

ORdine de nostro meritis quam sis bene, *prodit*
Corneli mundo, quod modo prodit, opus.
Non opus est multis: titulus cui *Pondus* ab extra
Constat, quod multum *ponderis intus* habet.

D. IOSEPHVS BEERBLOCK
Can. Reg. Eeckhoutanus.

CORNELIVS BARTHOLOMÆI

A N A G R A M M A.

CARAMVELIS HONOR OLEBIT.

Corneli quid agis, *Bullarum pondere*, lancis
Caramuelis onus, siccine in alta levas?
Caramuelis honor, procul hinc, & nomen *olebit*,
Inversi ut uestri nominis omen habet.

Sæpius, ut fama est, præbent sua nomina *pondus*
Rebus, & aptantur cælitus illa suis.

Caramuelis honor benè vel malè nunquid *olebit*?
Sibenè, collætor; si malè, compator.

D. PHILIPPVS IENNIN:
Can. Reg. Eeckhoutanus.

CORNELIVS BARTHOLOMÆI

ANAGRAMMA.

Ha! cio jura, bellè monstro.

Epigramma Leoninum.

Pontificum bullâ gravior res pondere nulla,
Vincit, teste Deo, pondere nixus eo.
Libra refutatur, tuus & tibi jure negatur
Caramuele scopus, libra fefellit opus.
Ha! sacrum bellè contra te *jus* sine felle
Monstrat, & inde pio corde, triumphat Io.
Ergo Deum laudo, congratulor & tibi plaudo
Nostrâ CORNELI versiculante cheli,
Tam sacrum *pondus* poterit cognoscere mundus;
Prælo *jure* satur dum liber iste datur.
Serta parante Deo, fLore Liber ALMetrophæo,
RoMæ honor apparet, ponDere Libra Caret.

D. ROBERTVS DE LA FONTAINE

Can. Reg. Ecckhousanus.

FACULTAS SUPERIORIS:

INfrascriptus Abbas Monasterii S. Bartholomæi de Eeck-hout
Ord. Can. Reg. S. Aug. Brugensis diocesis, potestatem fa-
cit ut tractatus Apologeticus, cui titulus *Pondus Sanctuarii*, com-
positus à D. Cornelio Bartholomæi, Monasterii nostri filio, &
Lectore à viris doctis examinatus & probatus in lucem edatur.
Actum hâc 31. Iulii, anno 1649.

NICOLAUS VAN TROOSTENBERGHE
Abbas Brugensis.

A P P R O B A T I O

Censoris Ordinarii.

TRactatus hic Apologeticus cui titulus *Pondus Sanctuarii*,
compositus à R. D. Cornelio Bartholomæi Canonico Reg.
Eeck-houtano, cum nil contineat contrarium Fidei Ortho-
doxæ, ac bonis moribus securè in lucem exire poterit.
Actum 1. Augusti 1651.


CHRISTIANUS VANDEN BERGHE
Archidiaconus Brugensis, L. C.

S V M M A P R I V I L E G I I.

PHILIPPVS Dei gratiâ, Hispaniarum, Indiarum &c. Rex Catholicus, Archidux Austriæ, Brabantiaë &c. Comes Flandriæ &c. Serenissimus Belgarum Princeps, diplomate suo sanxit, ne quis Tractatum Apologeticum, cui titulus *Pondus Sanctuarii* compositum à R. D. Cornelio Bartholomæi Canonico Reg. Eeckhoutano, ad annos sex proximos citra Lucæ Kerchovii voluntatem ullo modo imprimat, aut in inferioris Germaniæ ditiones importet, venalemve habeat, qui secus faxit, confiscatione librorum, & pro quolibet exemplari sex florenis mulctabitur, ut latius patet ex litteris datis Bruxellæ.

Signat.

GOTTIGNIES,



AMERICA CAPTIVE

THE STORY OF THE
CAPTIVITY OF THE AMERICAN
NAVY IN THE MEXICAN WAR

BY
JAMES M. COOPER

THE
STORY OF THE
CAPTIVITY OF THE AMERICAN
NAVY IN THE MEXICAN WAR

THE
STORY OF THE
CAPTIVITY OF THE AMERICAN
NAVY IN THE MEXICAN WAR

THE
STORY OF THE
CAPTIVITY OF THE AMERICAN
NAVY IN THE MEXICAN WAR

THE
STORY OF THE
CAPTIVITY OF THE AMERICAN
NAVY IN THE MEXICAN WAR

THE
STORY OF THE
CAPTIVITY OF THE AMERICAN
NAVY IN THE MEXICAN WAR

THE
STORY OF THE
CAPTIVITY OF THE AMERICAN
NAVY IN THE MEXICAN WAR



Est igitur magna inter nos necessitudo foret (quæ partibus litigantibus merito sus-
pecta esse poruerit) tamen ego ab amicis ut patrocinium causæ Abbatis S. Ioannis sus-
cipere vellem importunè fui interpellatus. Tantumque abest ut Dominus de Villers me
ab eodem patrocinio suscipiendo abstraxerit, ut potius quasi nutantem & renitentem im-
pulerit. Erimus inquit (juxta verus dictum) adversarii in lite, in mensa amici. Sole-
bat nihilominus sæpè dicere subridendo, quod ego capellam sterilem mulgendam sus-
cepissem, ipse vero vaccam pinguem & distento ubere foetam: quia nempe Abbates Be-
nedictini (qui plures ex communi bursa contribuere dicebantur ad litem hanc defenden-
dam) ditiores erant & opulenti, alii autem tenuiorum facultatum. Ideoque majus ho-
noriarium ipse à largiflua Benedictinorum manu etiam lite deperdita acciperet, quàm
ego sententia in favorem Abbatis S. Ioannis reportata sperare unquam possem.

Hæc autem & similia joci gratia dicebantur, non quod ipse aut ego causas vel lites
suscipere pro honorario assequendo profiteremur. Longè à bona mente & liberalibus ar-
tibus inter clericos similes intentiones eliminandæ sunt. Porro pro honore Dñi de Villers
hoc sine palpo & adulatione verè dixero, quod tanta vi & energia argumentorum non
solum ex promptuario Iuris, sed ex historiarum antiquarum monumentis scripta sua stilo
terso & polito efformarit & exornarit, ut nullis vigilis, nulli labori parceret ac sudori.
Ita quod mihi etiam ad hujusmodi argumentorum, ac rationum energiam enervandam,
summo opere fuit elaborandum: præsertim in illo Iuris motivo, quod ad faciliorem le-
cturam & distributionem inter iudices typis impressum fuit.

Fuit ergo lis illa operosè pro parte Abbatis S. Salvii & Benedictinorum instructa,
omnibusque numeris suis (ut dicunt) absoluta. Et nihilominus Iure sic exigente Abbas
Sancti Ioannis sententia definitiva, anno Domini 1632, 4. Idus Septembris lata in causa
triumphavit, Iudice referendario Amplissimo Nicolao du Fief Caponico Tornacensi, &
supremi Senatus Mechliniensis Consiliario Ecclesiastico dignissimo, qui in omnibus cau-
sis dirimendis semper fuit habitus bonæ mentis arbiter ac Iudex, sed & in iuribus par-
tium enucleandis, quàm maximè diligens & exactus: qualem superior ætas Consiliarios
inter Ecclesiasticos in isto Senatu vix parem vidit, & posterior forsitan dudum non vide-
bit magis diligentem & eruditum. Quod sine injuria aliorum eruditissimorum virorum
qui eandem spartam modo egregiè adornant, dictum sit: & equidem sine furo, sed verè
& sincerè, quod & omnibus notum est. Ab illo enim nihil expectandum, qui longiori
vita dignus nuper obiit Sanctioris sive Privati Consilii suæ Majestatis primus Senator ac
vice-Præses.

Itaque postquam sententia hæc à tali Referendario lata in rem judicatam transit,
nulla reclamazione seu revisione (ut dicunt Pragmatici) suspensa, sed ex consensu inter-
pretativo partis (contra quam lata fuit) acceptata, & ad effectum deducta. Nescio cur
in mentem venit Domino Ioanni Caramuelio S. T. Doctori edere librum (qui intitula-
tur *Libra*) ad hanc sententiam oppugnandum, quod est velut post prandium synapi ad-
ferre, aut *amisso claudere septa bove.*

Nisi forsitan hujus scripti finis non sit veritas, sed ostentatio orta à spiritu contradi-
ctionis, qualem solent induere pertinaces, qui nunquam superati aut victi videri volunt.
Ad quid enim aliud servire potest ille Caramuell libellus? cum nullum super sit reme-
dium sententiæ illam reformandi. Anne forsitan etiam ad criminandum vel injuriis la-
cessendum partis suæ adversæ Patronum? Quod de viro Religioso non præsumendum.

Conviciari.

Cavissari (inquit ille) *in equitate alienum est non à docta solum mente sed humana. An ergo ad persuadendam omnibus (nam & intelligimus per varias Provincias libellum istum fuisse dispersum) quod causa illa pro parte Abbatis S. Salvii non fuerit factis defensa & instructa? Certe toto cœlo erras Caramuëli, quia inter te & Dominum de Villers, quantum ad praxim & scientiam iuris attinet, tantum discriminis erat seu tantum ille eminebat*

Quantum lenta solent inter viburna cupressi.

Multum profecto ego subtilitati ingenii, & multifario labori in componendis & edendis diversarum artium opusculis Caramuëlio ante tribuendum esse duxi: mirabarque quasi ex semine Cadmæo tot & tantos libros & libellos tam subito in publicum ab uno viro prodire: licet eruditiores mecum satis adverterent ipsum ingenio suo nimium indulgere & fidere; quod de Ovidio exprobrando dixit Quintilianus. Sed modo visâ hâc Librâ, quæ non sine aliquâ insolentiæ (non ausum dicere dementiæ) mixtura positam sententiam de controversia disputat, quid de isto viro æstimare debeam ignoro. Iudicium esto pænes legum Iurisque Authores, non solum modernos, sed & antiquiores: Licurgum, Minocem, Draconem, Solonem, Trismegistum, sive Minam, Numam Pompiliûm, Zoroastrem, Charondam, Philolaum, Andromodorum, Protagoram, Zaleucum, Hortensium, Trebarium, Labeonem Sulpitium, Sabinium, Metacium, Priscum, Olpium, Marcellum, Iabolenum, Domitium, Volusum, Metianum, Scævola, Æmiliûm, Papinianum, Caium, Marcellum, Pomponium, Gordianum, Hermogenem, Africanum, Modestinum, Celsum, Iulium, Paulum, Triphonium, Venatum, Alphenum, Florentium, Calistratum, Venum, Severum, Severianum, Ulpianum, Theophilum, Doroteum, & alios quotquot à retro sæculis vixerunt, quos interrogare licet, an unquam à suis genijs vel præceptoribus audierint, vel ipsi ore docuerint & scripto reliquerint istam methodum de libris iudicandi, ut etiâ lata in Supremo Senatu sententia definitiva, integrum sit parti devictæ rursus in arenam & forum prodire? sive an iura partium sint ante iudicis sententiam discutienda. An verò tum demum quando sententia lata est & transit in rem iudicam? Nullus ut opinor ex tot Iurisconsultis hoc unquam docuit, scripsit vel audivit. Non Ipse Tribonianus cum sedecim aliis ejusdem studij & operæ Iurisconsultis qui Iustiniani Imperatoris mandato digesta compilarunt, & tamen hoc vult & intendit in hac nova sua Iurisprudentia Caramuëlius. Valere ergo modo Digesta, exultare Codices, & Pandectæ Iustiniani, sileant Decreta Gratiani, obmutescant Decretales Papæ Gregorii, taceant Constitutiones Clementis Papæ V. & extravagantes Ioannis Papæ, & Communes à diversis Pontificibus editæ. Opuscescant Canonistæ: Innocentius in primis, quamvis Canonice Censuræ Monarcha, Hostiensis æquitas supremus Doctor, Abbas Panormitanus Iuris Canonici Antistes verè dictus, Cardinalis Zarabella disertus Canonum explanator, Ioannes Andreæ Rabbi Doctorum Lux, censor normaque morum, Anthonius à Butrio, & Philippus Francus questionum Canonicarum magni defensores, Archidiaconus & Cardinalis de Turrecremata summi Decretorum Ecclesiasticorum observatores, Geminianus clarus & dilucidus Canonum Doctor, Felinus sui sæculi inter Iuris Canonici interpretes ornamentum & lumen, Didacus Couarruvias Iurisconsultorum Hispaniæ lux & decus, Martinus Navarrus Azpilcueta divinis conscien-

tiarum director. Obstupefcant inquam & cæteri Iuris Canonici Doctores, interpretes & lectores, titulosque illos honoris jure merito acquisitos exuant, ut unus & solus Caramuëlius iis in posterum exornetur. Similiter à lectionibus, repetitionibus & descriptionibus abstineant civiles Doctores sive Legistæ, Accursius Glossarum accuratus Magister, Bartholus Iuris Coryphæus merito appellatus, Baldus legum vertex omniscius qui nihil ignoravit, neque ullam Iuris quæstionem intactam reliquit, Ludovicus Romanus absolute Iurisconsultus cognominatus sicut Aristoteles Philosophus, aut Homerus Poëta. Angelus de Aretio & alter Perusinus, ambo verè Angelici legum interpretes, Andreas Barbatias Iuris Lucerna cognominatus, Iason Iuris Thesaurus, Durandus speculator à nomine suo verè civilis Doctrinæ speculum, Oldradus & Paulus à Castro Consultantium in Iure tuta oracula, Philippus Decius eloquens controversiarum Civilium explorator, Ancharamus doctrinæ legalis firmamentum, Alexander ab Imola vir impubes Themidis lauro dignus, Renerus Foroliviensis legalis apex, Iuris venerabile lumen, Aymo Cravetta litigantium certa Cynosura, Azo inter Summistas princeps, Ioannes Faber vas Iuris legumque jubar, Andreas Alciatus inter Iuris interpretes disertissimus; & inter disertissimos Iurisconsultissimus, Ioannes Calderinus magnæ scientiæ & majoris sanctitatis Doctor, Budæus, Boerius, Chassanæus, Tiracuellus, Argentæus, innumerique alii, tum juris scripti, tum consuetudinarii exacti observatores, Sorinus senior ac junior, Surdus, Præses Everardus, Bertozolius, Wamæsius, Menochius, & quotquot, sunt alii fideles & eruditi Consiliorum, Controversiarum, & Decisionum Iuris Doctores.

Ecce enim prodit novus Legislator & Doctor instar omnium Caramuëlius, qui novam litium instruendarum methodum adinvenit: qui & novo stilo ad syllogisticam Dialectices formam composito & accomodato scripta omnia Iuris, tum theoricæ, tum practicæ reduci debere contendit. Improbatur autem rationes Iuris proponi simplici illo modo, quo hætenus ut plurimum, tum Canonistæ tum Legistæ in foro, iudiciis, & Scholis confidenter & ingenuè usi sunt. Et ne videar fucum obtrudere, appello ipsius verba fol. 232. num. 271. Objectione prima, ubi hæc novella suæ Iuris scientiæ documenta proponit. Nempe non satis fuit illi novam Dialecticam (nescio an ab Aristotele an ab Academicis probandam) composuisse, nisi & novam traderet Iurisprudentiam, ipse professione Theologus, in Iure nescio an adeo excellens, an praxeos gnarus & expertus. De quibus semi-Iurisperitis disertè & verè dixit Præses Everardus Conf. 9. num. 25. sive finali: Periculosius est habere modicam peritiam Iuris, quam nullam: quia modica peritia ducit in errorem, sed prorsus inexpertus sapit alios consulendo. Ita quoque Angelus Aretinus ad constituta Iustiniani in proæmio notabiliter docet: *Nullum opus alicui committendum esse, nisi totius artis sit peritus, non parvis tantum: cumque agitur de hac quæstione, an vulnus sit mortale, non esse adhibendum medicum qui sit tantum Chirurgicus; sed qui sit totius Medicinæ expertus, tam practicæ quam speculativæ.*

Forfitan hic fallor, quia dicunt Caramuëlium prodigiosi ingenii virum omnes artes, omnesque scientias etiam majores & altiores quàm perfectissimè scire. Quod & de se satis expressè profitetur in sua Libra fol. 231. num. 226. nam & in omnibus artibus & disciplinis facillè est illi libros componere, & ea quæ sunt hujus vel illius artis tradere: sed utinam ex arte & non nimium præcipitanter. Non ita Bartholus noster qui ea quæ sunt artis etiam ex arte scribit & in unica lege explicanda (videlicet illa quæ

quæ incipit: De ætate 43. lib. 4. Digestorum tit. de minoribus) quinque annos contumpisse fertur. Expedit certe ut libri in publicum edendi serio revideantur

nonumq; premantur in annum.

Potius quam ita propere publicentur: cum & per rerum experientiam videamus ea citò perire quæ citò nascuntur, instar istorum animalium, quæ uno die nata, altero pereunt. Quod id ipsum egrègiè declaravit Euripides (referente Valerio cap. 8. lib. 3.) Philosophus & Tragicus, qui cum irrideretur ab Alcestide Poëta, quod toto triduo non ultra tres versus improbo labore contexere potuisset, & ipse Alcestis centum scripsisse gloriaretur; respondit inter utriusque versus hoc interesse, quòd centum Alcestidis, triduo nati, triduo peribunt; At sua Carmina longo tempore elaborata longè etiam ævo perduratura. Optima est circa hæc ratio quàm Plinius se usitatum esse refert lib. 7. Nullum, inquit, emendandi genus omitte. Ac primùm quæ scripsi mecum ipse pertracto: deinde duobus aut tribus lego: mox trado alii annoranda; notasque horum si dubito, cum uno rursus, aut altero pensito; novissimè pluribus recito. Macete Plini hi gradus ad limam sunt, hi ad librorum tuorum immortalitatem. Utinam scriptores hujus sæculi imitentur. Nihilominus fateri oportet opera Caramuëli quæ sunt professionis, non adeò usque cruda & impolita esse ex quibus etiam potest cognosci ipsum esse multifariæ lectionis & laboris indefessi. Duo quidem sunt opera extra limites suæ professionis ab ipso edita in materiâ Iurisprudentiæ vel politico-juridicæ, quæ ego vidi. Unum sub titulo Philippi Prudentis, in quo laudanda est ejus opera, vel exinde quòd Regis Catholici causam contra notorium Regni usurpatorem non sine optimo zelo tuetur: Sed qui poterit tueri propositiones seu politico-juridicas, seu absolute Iuris in isto tractatu, hinc inde sparsas: ò video. Inter quas sunt illæ: REGNUM EST DVPLEX, NEMPE TEMPORALE ET ECCLESIASTICVM: HOC DIVIDITVR IN PONTIFICIUM ET MONACHALE. Cujusmodi nova documenta cum protheorematibus aliquot sequentibus tradita lib. 1. art. 3. fol. 103. si Regnum in proprio suo significato capiatur, quis à civilis doctrinæ perito prodire iudicabit? Alia propositio subiicitur lib. 2. art. 3. fol. 131. quæ est talis: IN IURE NATURÆ CONTRA NEMINEM PRÆSCRIBITVR. Vbi notandum est Caramuëlium non agere de jure illo naturali simplicis notitiæ quod in cordibus nostris scriptum est, ut inquit D. Paulus Romanor. 2. de quo etiam differit eleganter Cicerio lib. 2. de inventione cap. 5. rursusque lib. 1. de legibus, & lib. 3. officiorum ibique doceretur istud naturæ esse immutabile. Sed agit de Iure naturali, quod ex notitiâ composita nempe ratiocinatione cõmodorum & societatis humanæ defluit seu introductum est. Quale jus vicissitini diu est obnoxium, & pro diversis personarum, rerum, temporumq; considerationibus aliter atque aliter habetur accommodaturque. Quòd & jus gentium largo modo potest appellari. Quòd autem mutationi est subiectum experientia docet in libertate hominis, quæ per servitutem mutatur: & in Iure sanguinis, cuius effectum lex & Princeps tollere potest: licet jura sanguinis à jure naturali profuere compertum sit. Quòd notat Tullius, verbo IUS NATURALE. Conclusionem 529. Videmus item in successione (qualis est casus Caramuëli) jus naturale per constitutiones civiles immutari & alterari. Nam feminæ secundum naturam æqualiter ad successiones cum Masculis admittuntur: sed aliter civili jure cautum est, ut à

plerisque successionebus bonorum præsertim feudallium excludantur. Idem evenit in
portione legitimâ filiis jure naturæ debitâ, ut quandoque major, quandoque minor,
juxta jus cujusque Regionis aut civitatis municipale constituatur. Ita disertè Lopus
allegatione 102. quæ incipit: **IN CIVITATE FLORENTIÆ** num 11. & sequen-
tibus, ubi & tradit jus naturale semel mutatum semper manere mutationi obnoxium,
unde consequenter inferre licet **IN IVRE NATVRÆ PRÆSCRIBI POSSE.**

Alia propositio reperitur disputatione 1. conclusione 2. artic. 7. lib. 3. fol. 205.
Alphonfus & reliqui Lusitanorum Reges qua creantur, eliguntur & confirmantur à
summo Pontifice non sunt Reges temporaliter sed spiritualiter, & tamen alibi lib. 2.
artic. 3. fol. 190. sibi ipsi omnino contrarius asserit: **REGIAM DIGNITATEM NON
ESSE ECCLESIASTICAM SED CIVILEM ET MERE TEMPORALEM.**

Item alia propositio præcedenti non multum absimilis traditur eadem disputa.
1. artic. 7. conclus. 31. fol. 207. **LVSITANIA EST FEVDVM SPIRITVALE:**
IDEO FEVDATarii TENENTUR SANCTÆ SEDI APOSTOLICÆ
PRÆSTARE OBSEQVIA SPIRITVALIA. Cujusmodi illatio non est Dia-
lectica vel saltem legalis sed verè ridicula. Quasi verò hoc esset speciale Lusitanis,
& non æquè omnes Catholici sint ad obsequia spiritualia erga sanctam Sedem præ-
standa obligati. Quod si Lusitania non esset feudum à sancta Sede dependens, an in-
ferre liceret ipsos ad ejusmodi obsequia præstanda non obligari? Deinde neque scri-
ptura prophana neque sacra docuit unquam titulum Regis esse spiritualem. Etenim
Deus Opt. Max. duas instituit Dignitates sicut duo luminaria magna in firmamento
cœli: Sacerdotium nempe & Regnum: quorum & nomina & officia voluit esse di-
stincta: ita ut in Sacerdotio nihil non sit propriè spirituale: in Regno totum munus est
temporale juxta textû in c. sollicitæ benignitatis tit. de majorit. & obedient. qualis
distinctio etiam à Christo Dño notatur Matt. cap. 22. ibi: **Reddite quæ sunt Cæsaris**
Cæsari, & quæ sunt Dei Deo. Intellego tamen hanc doctrinam, salvâ semper superio-
ritate in habitu, quæ Papæ competere dignoscitur. Præterea non omne quod à Papa
conceditur vel confirmatur est purè spirituale, sed dependenter potest esse temporale
& profanum. Non ignoro inter Doctores & Canonistas controversari, an persona Re-
gia sit Ecclesiastica, aliis affirmantibus, aliis negantibus, aliis mediam viam tenentibus,
nempe partim esse sæculare ob munus sæculare, partim Ecclesiasticum quia Reges
sacrantur, & unctione spirituali perfunduntur. Sed hæc ratio & quæstio ad Regnum
cujus officium est mere civile & politicum non potest applicari.

Alia item propositio superiori quasi ex diametro repugnans continetur disputat.
3. art. 5. lib. 5. fol. 267. Quod hujus causæ (scilicet de contentiosa Regni Portugal-
liæ successione) cognitio sive sententia summo Pontifici non competebar. Nihilomi-
nus si Regnum Portugalliæ est feudum sanctæ Sedis Apostolicæ, & tunc erat quæstio
de feudi successione, quid nî juxta indubitas & vulgatas juris feudalis regulas ad
Pontificem tanquam feudi Dominum supremum & directum hæc cognitio pertineret,
stante præsertim hac Caramuell opinione? **QVOD LVSITANIA SIT FEVDVM SPI-
RITVALE.**

Denique alia propositio traditur eadem disput. 3. object. 5. lib. 5. fol. 248 nempe
Portugaleses ibi novum Regem eligere posse sub quibuscumque conditionibus. Quod
& si ibi intelligatur deficientibus filiis vel affinibus qui possint jure sanguinis vel hære-
ditatis

dicatis Regno succedere nihilominus talis doctrina concedi non debuit: quia Regnum Portugallie est pars Regni Castellæ seu à Regno Castellæ dependet ab anno 1094. ut ex ipsiusmet Caramuellii documentis, & historicis enarrationibus lib. 2. hujus tractatus elicitur. Quare deficientibus filiis, consanguineis, & affinis Regnum revertitur ad jus suum primævum seu secundum leges Regni Castellæ regulatur. Sicuti si quidpiam legibus Regni Lusitanie decusum non reperitur, ad leges Hispaniæ recurrendum est. Ergo Portugaleses tale jus electionis quale hic proponitur non habent, & si qui fuerint aliquando sic à populo electi, censendi sunt illegitimi & intrusi, quia jus eligendi competit Regnis liberis dumtaxat, quæ ab alio non dependent: qualia sunt Regna Aragoniæ & Navarra. De cuiusmodi Regnis liberis, seu de populo superiorem non recognoscente loquuntur Baldus & alii Doctores hic per Caramuellium citati, sic nominatum Tiraquellos de primogen. questione 17. opinione 9. & rursus opinione 2. & 3. Nam si Regnum non est liberum & ab alio dependet, tunc electio Regis spectat ad Superiorem qui gratificari potest. Baldus in proemio decretalium: verhic, Rex potest determinare, textus expressus in §. sed & quod principi placuerit institution. lib. 2. tit. de iure naturali. Si verò Regnum est liberum, tunc demum deficientibus cognatis, agnatis, & affinis Magnates & populus in ius electionis succedunt loco superioris sive locum Principis obtinent, ut patet ex lege 2. lib. 1. Digesto. tit. de origine juris & c. 2. Codicis lib. 8. tit. de adoptionibus. Has omnes ferè notas mihi suggestit D. Anthonius Desuetes Iuris Doctor, & in ea facultate excellens, qui etiam in eadem sententiâ mecum est, quod in hunc scopulum ferè semper impingit Caramuellius ut sectetur regulas juris communis & ad fallentias seu exceptiones à regula non attendat. Quastamen qui ignorat Iuriconsulti titulum non meretur.

Plures alia reperiuntur in isto tractatu propositiones Iuris & quidem sibi adversantes, quas si Caramuellius in scholis tueri, ac profiteri veller, profecto à legum studio sis exhiberetur & exploderetur. Nempe sicut periculosa plenum opus alex & saltastori inimico in expertum velle agere gladiatorem in campo Martio seu in aliena palestra: ita Doctori Theologo vix unquam bene succedit velle agere iuriconsultum iuxta vetus adagium: NE SUTOR ULTRA CREPIDAM. Alterum in iure opus est hæc Libra, quæ risum potius meretur quàm plausum, ubi non nisi verborum tumor, & vanissimus Echthesium & protheorematum Dialecticorum strepitus & clangor, sparsis hinc inde venenatis contumeliarum & irrisorum globulis in eos qui opinioni sue adversantur ubi nequidem Navarro tantæ auctoritatis & eruditionis viro parcat, sed eum taxat quod Lactanentium antiquitatem propagarit, perinde ac si arte rustica leonem malo aut pyrum leoni intereret. Ecce quomodo Caramuellius nimium presumptuose loqui audeat de eo qui fuit in superiori sæculo juris Canonici vertex, cuius obitum Curia Romana maxime deploravit: cum & Pio V. Gregorio XIII. & Sixto V. Pontificibus maximis ob doctrinæ excellentiam, vitæ sanctitatem, motum suavitatem caris omnibusque nationibus gratus esset: à Ioanne III. Lusitanie Rege, & Carolo V. Imperatore etiam in magno honore & pretio habitus. Nihil itaque mirum si & in Patronum causæ Abbatis S. Ioannis insurgere audeat, quando videlicet argumenta in Iuris responso comprehensa (quod suscepit oppugnandum) enervare nequit. De quotamen sic ipse loquitur in Libra sua pagina 6. num. 4. Anno MDCXXXI. Andreas Carullus gmita S. Sals in ordinis S. Bernardi Abbatem, pro Abbate S. Ioannis ordinis Canoniorum Regulas

riam S. Augustini motum juris edidit tanta eruditione plenum ut mireris virum secularem tot a
hanc Regularem materiam rationum momenta congerere potuisse. Nescio quomodo hæc cohæ-
reant cum iis quæ postea in sua Libra effudit ipsum passim ignorantie inculpando: ali-
bi nempe quoad methodum argumentandi nequidè pueris in scholis æquiparando: ali-
bi affirmando non esse magnum Dialecticum: alibi prorsus ignarum Dialectices: sunt
ejus verba fol. 285. num. 330. Nihilominus vulgaris opinio est eos qui in cursu Phi-
losophico Academiæ Lovaniensis, & in prima ut dicunt linea inter centum & amplius
artium magistros seu promotos, eos inquam logices & Physices prorsus ignaros ha-
bendos non esse: qualis ego fui, qui & novo ab Academiâ istâ condita exemplo pri-
mus Dialecticam, Physicam, Metaphysicam & Philosophiam universam thesibus im-
prellis publicè propugnavi. Fateor equidem me postea ab ancillaribus istis artibus in
Iuris-prudentiam Dominam, studium & affectum meum transtulisse, sed tamen Phi-
losophiam ac liberales artes non adeo usque despexi quin aliquando bonas, horas ad-
huc in earum studio recolendo consumpserim.

Existimo igitur me in Dialecticis etiamnum aliquid scire, & à memoria nostra
nondum excidisse: quid sint voces categorematicæ, quid sint categorematicæ, quid
mixtæ, quid sit arbor Porphyriana, quid sit species subjicibilis, quid prædicabilis: quid
sit essendi consequentia, quid sit modus prioris, vel posterioris, quid sit modus simul:
quid sit ascensus & descensus Logicus: quæ sint principia materialia: quæ formalia syl-
logismi, quorum illa in terminis & enuntiationibus, hæc in modo & figura consistunt;
quæ & quot sint figuræ syllogisticæ: quot & quæ sint species argumentationis non
syllogisticæ, nempe Inductio & Enthymema, ac qualiter Enthymema ad Syllogis-
mum reducere oporteat: Quid sit Reductio ostensiva, quid Reductio per impossibile,
quid reductio per expositionem: quid sit Syllogismus demonstrativus, quid Dia-
lecticus sive probabilis: quid sint argumentationes Topicæ & in quo bonitas
consequentiarum Topicarum fundetur: qui & quales sint loci Dialectici Syllogisti-
ci, ex quibus probationes quæstionum depromuntur: Quid è converso sint loci (sive
ut cum Aristotele loquar) modi Sophistici quibus impostores sub veritatis larva adul-
terinum sætum pro genuino obtrudunt: qui & quot sint fines vel metæ Sophistarum:
seu quid redargutio, falsum, inopinabile, sollæcismus, nugatio: quid fallaciæ propter di-
ctionem cujusmodi sunt fallaciæ figuræ dictionis, accentus, compositionis, divisionis,
Amphibologiæ, & æquivocationis: quid item fallaciæ extra dictionem, nempe acci-
dentis, consequentis, ignorantie, elenchi, petitionis principii, &c. Inter quos modos ar-
gumentandi Sophisticos meo judicio vix absurdior & ineptior est, quàm petitio prin-
cipii & circulus vitiosus: Ideoque Caramuelius nostrum Iuris responsum sæpius re-
darguit, quasi in hisce cespiter pueriliter argumentando & principium petendo quòd
illi facile est dicere, sed non probat concludenter: Atque ita in hac redargutione se-
quitur morem Sophistarum, qui contentiosissime vanitati amicior est quàm pacatissi-
mæ veritati non aliud intendunt, quàm ut apparenter persuadeant sese alios in sinuosis
Dialecticæ gyris atque mæandris tanquam ad Siræneos scopulos detinere compre-
hensos, & quemadmodum observat Aulus Gellius noctium Atticarum lib. 6. c. 9. eo
nempe sine ut ipsi apud populum rudem & imperitum omnibus sapientiores videan-
tur & in pretio habeantur. Si tamen ex adverso Etheses & argumentationes Cara-
mueli (quas ipse nobis pro demonstrativis obtrudit) adamussim examinare Quis volue-
rit,

rit, profecto plures reperiet Sophisticas in quibus continentur passim fallaciæ propter dictionem & extra dictionem præsertim nugationes, petitiones principii & circuli vitiosi. Cujusmodi aliquot tales annotavit hic Dominus Bartholomæi, & vicissim nostras argumentationes à Caramuelio taxatas & damnatas à simili vitio vindicavit. Ecce quomodo malè Dialecticæ leges sequitur magnus ille Dialecticus: quomodo etiam scientiâ illâ abutitur. Non ideo tamen damnandam esse Dialecticam aut fugiendam ego censeo, quod plerique eâ ad captiones seu strophos sophisticos abutantur, cum nihil ita sit bonum, quin pravi in fines & sensus perversos etiam Sacram Scripturam detorquere conantur, ut notat S. Augustinus contra Cresconium Grammaticum lib. 1. de hac certè Dialectica eleganter disserendo: cujus efficaciam, stimulos, & nervos etiam valere ait ad confundendos hæreticos, qui in suis erroribus stabiliendis plurimum Dialecticâ subtilitate utuntur, & argumentationum rivos de Aristotelis fontibus mutantur, potius *Catenulas Dialecticas quam rete Apostolicū querentes*. Quod & comprobatur D. Hieronymus in Dialogo contra Luciferianos. Non rectè itaque Dialecticent tanquam transversum agentē Epicurus damnavit, ac contempsit, ideoq; in fœdos errores lapsus est teste Lactantio lib. 1. divinarum institutio. ubi hosce errores enumerat ab insitiâ disciplinarum liberalium promanantes. Mihi quidem insanire videntur Epicurei, quos imperitiæ liberalium artium non solum non pudebat, verum etiam ea delectabatur, hæc rationis umbrâ, quod artes illæ atque adeo illarum dux & directrix Dialectica necesse habent aperire insidias & ostendere quàm variè quis vitiis aut laqueis deceptionum possit irritari: ipsa enim ars seu facultas in eo non est culpanda sed perversitas & improbitas eorum qui tali facultate malè utuntur, condemnanda est ut notant D. Augustinus lib. 2. de doctrina Christiana c. 36. & Rodolphus Agricola lib. 2. de inversione: *Aperienda quippe sunt ut caveantur mala, & nemo artifex tantum remedia novit*. Quare nolim ut Caramuelius vel alius quispiam me existimet esse de schola Epicuri, quasi scientiam Dialecticæ ego damnare velim, imo agnosco, cum antiquis Philosophis, Anaxagora, Socrate, Platone, Zenone, Chrysippo, Aristotele, Scævola, Cicerone, Boëtio, aliisque, Dialecticam cæteris artibus perficiendis & formandis esse admodum utilem in distinguendo, dividendo, eliciendo, implicando, separando & resolvendo.

Amplius est quod Dialecticæ peritia Iureconsultis lucem quoque magnam adferat ad hæc nempe, ut apud eos non sint omnia actorum similia, teste Crasso apud Ciceronem: quin etiam ad sacras scripturas exactius intelligendas maxime conducit, ita docente D. Augustino lib. 2. de doctrina Christiana cap. 11 & 37. *Disputationis, inquit, Disciplina ad omnia genera questionum quæ in litteris sacris sunt penetranda & dissolvenda plurimum valet*. Sed nota bene Caramueli quod postea D. Augustinus subjungit: **TANTVM IBI CAVENDA EST LIBIDO RIXANDI ET PVERILIS QUÆDAM OSTENSIO ADVERSARIVM DECIPIENDI.** Quod & monet Rupertus abbas Tuitiensis eruditissimus lib. 7. de operibus Spiritus Sancti cap. 13. circa finem. Hujus artis, inquit, utilitas & virtus sola ostenditur in Syllogismis, quorum conclusio plurimum lectorem adjuvat ad veritatem investigandam; Tantum ut absit illi error decipiendi adversarium per sophismata falsarum conclusionum. Non possum hic omittere per modum digressionis quod idem Abbas cap. 10. de ceteris quoque artibus liberalibus disertè tradit, nempe earum usum in sacra scripturâ non infructuosum esse. *Ingressæ sunt, inquit, septem artes liberales tanquam famulæ in sacrum, & reverendum*

reverendum Dominae suae Sapientiae triclinium, & quasi de triviis licentiosis ad districtum & severum verbi Dei Magisterium dispositae & assidere iussae sunt. Vagabantur enim prius per circuitum, lascivae, garrulae, & verbosae puellulae, nihil operantes sed curiosè agentes solummodo: ubi negotiosae magis esse videbantur circa creaturam discutiendam cursitantes, ipsum autem Creatorem negligentes, missae sunt ergo in opus, ut non jam quòd superfluum erat de creatura mundi fabularentur, sed serio fideliterque quod expediret de Creatore loquerentur, bonumque ad honorem ejus sermonem opere splendido tenentes operarentur, id est ut jam non res verbis, sed verba rebus ornarentur. Quid quaeso sublimius, quid eximius de effectu & fine ad quem Dialectica & septem artes liberales institutae sunt, dici aut excogitari potest? Utinam Philosophi & quotquot sunt earum sectatores, ad hunc finem & scopum colliment, intercedatque hoc modo pulchrum & amicum commercium ut artes illae, & earum facultates ex Philosophicis pureis depromptae serviant ad veritatem non destruendam sed propugnandam, atque ita fiant instar aquae vivae salientis in vitam aeternam, quam Christus Dominus mulieri Samaritanae propinavit. Sed redeo undè tantillum digressus sum. Quae ego superius dixi de Dialecticae peritia, à multis annis in Academia Lovaniensi acquisita, nolim sic accipi quasi ad ostentationem vel commendationem propriam, ea alias satis nota hic evulgaverim: quamquam commendatio sui siue laus in ore proprio non semper foetida est. Cum quaedam sit necessaria, quaedam utilis, quaedam voluntaria. Necessaria permittitur utpotè ad sui defensionem juxta lib. 7. Codicis lib. 12. tit. de proximis sacrorum scriniorum. Vtilis similiter est licita c. tenere debet distinct. 31. & ibi Glossa lib. 7, si in aliam Digestorum lib. 1. tit. 16. de officio Proconsulis. Imo neque voluntaria à Iure reprobata est quando est notoria, exemplo Iustiniani Imperatoris, qui in proemio institutionum & Digestorum gloria- tur se felicitè ex immensis veteris prudentiae voluminibus (quae referunt fuisse viginti millia cum millibus versusum trecentis) totum corpus juris collegisse, & in novam pulchritudinem rede- gisse providentià nempe Sacrosanctae & Individuae Trinitatis, undè (inquit Iustinianus) & mundi totius elementa processerunt & eorum dispositio in orbem terrarum producta est. Scio tamen commendationem sui voluntariam debere esse discretam & moderatam, non ex alto supercilio orram ad instar Trajanis Plautiniani vel per modum vanitatis & gloriae inanis, juxta illud Catonis.

Nec te collaudes, nec te culpa veris ipsum, &c.

Neque hinc me taliter commendatum cupio, sed tantum defensionis jure naturali repono, me non adeò Dialectices ignarum esse, qualem facit Caramuelius: cui non satis fuit istas contumelias leviter effutire, sed alibi aliis injuriis adhuc onerat: non sum equidem Alexandro sublimior, qui nefas putem oppugnari: sed illud fiat rationis momento non convitio. Quemadmodum Caramuelius se facturum protestatur in initio Libræ num. 4. fol. 7. Quod nempe servatà debità reverentià causam hanc examinabit: sed nihil minus. Non etiam intelligo cur miretur virum saecularem (ut ipse loquitur) in hac regulari materià ita scribere & rationum momenta congerere potuisse. Non enim ego sum vir secularis nec tunc eram cum scripsi, sed Dei gratia Clericus, Presbiter Ecclesiae Cathedralis Canonicus, Curiae spiritualis Tornacensis Officialis seu Index ordinarius, ad quem spectat de omnibus Iuris Ecclesiastici quaestionibus praeter-

tim super Iure præcedentiæ, inter Ecclesiasticos seu seculares, seu regulares cognoscere & dijudicare; etiam ex dispositione concilii Tridentini sess. 25. c. 13. de Regularibus. Non enim quia personæ Regulares, ideò solæ sapiunt in materiâ Regulari: nominatim illa quæ forum judiciale concernit. Sed potiùs Episcopi & eorum Officiales de rebus & negotiis Regularium dijudicant & cognoscunt: ideoque non mirum si notitiam omnium quæ ad Regulares spectant habere præsumantur. Obmitte ergo Caramueli vir religiose atque etiamnum ob litteras mihi suspiciende, obmitte hæc talia quæ tuum honorem radunt, aliorum lambunt. Quamquam ego similia scommata contemnere soleo neque ideò dignatus fuisset calamum adhibere, nisi & à Domino Bartholomæi aliisque viris gravioribus per litteras non unas ad id fuisset importunè vehementerque sollicitatus ac quasi coactus. Ad quòd etiam me accendit monitum aureum D. Ambrosii ad Constant. scribentis: Duo, inquit, sunt tibi necessaria, **CONSCIENTIA ET FAMA**: Conscientia propter Deum, Fama propter Proximum. Quippe quamdiu in hoc rerum humanarum curriculo agimus, non totam orbitam dirigit animus recti conscius, sed & altero Auriga opus est qui famæ tuæ interserviat. Curandum nempe ne quis adversarius te alium publicè faciat sicque conviciis ferociat: ut famam tuam labefactare possit.

Quare si quid non ad gustum Caramueli hîc dictum est aut repositum hoc sibi imputet, qui primus nullâ datâ occasione dentem in scripta nostra acuit, & contumeliosis sagittis impetivit, protestor tamen non ex convicio sed pro tuitione Iustitiæ, ac veritatis me hîc cum Caramuelio disceptare, *Nam error cui non resistitur (ait Felix-Papa scribens ad Achatium Constantiensem Episcopum) approbatur, & veritas quæ minime defensatur opprimitur.*

Quamquam mei instituti hîc non est sigillatim denudare & enodare argumenta quæ Caramuelius in suâ Librà contra sententiam suprâ jure præcedentiæ latam proponit: multoque minus asserere quòd omnes omnino generaliter Abbates Ordinis Canoniorum Regularium S. Augustini habeant prærogativam præcedendi omnes omnino Abbates S. Benedicti præsertim in hisce provinciis, quæ vocantur Iconsuetudinariæ, ubi multum possessioni & consuetudini tribuitur. Quæ in uno atque altero ordine varia est & diversa: non autem favet generaliter ordini Benedictinorum vel Cisterciensium ut contendit Caramuelius; quandoquidem adhuc nuper Abbas monasterii Cysoniensis Ordinis Canoniorum Regularium S. Augustini Sedi Metropolitanae B. Mariæ Cameracen. immediatè subjecti, in Tornacensi Diocesi constituti, Ius præcedentiæ, provisionaliter obtinuerit contra Abbatem Monasterii de Laude Ordinis Cisterciensis juxta oppidum Insulense. An verò Ius præcedentiæ ex vi ordinis & instituti his vel illis competat etiam hîc non inquirò. Relinquo hanc Spartam adornandam Domino Bartholomæi, qui in suo Pondere Sanctuarii solidè & exactè illud expendit. Aliundè etiam mihi negotiis ac curis gravioribus & publicis occupato tempus nimis carum est ut similibus privatis me involvam.

Ergo paucis & generaliter hîc quasi digito demonstrare solum intendo omnia ista Caramueli protheoremata, etheses, parallelas atque subtiles positiones non nisi in argutiis & sophismatibus consistere; neque ad justitiæ & æquitatis pondus Libram istam esse dispositam; sed (ut ipsemet loquitur & agnoscit parte 3. fol. 105. ac alibi passim) juxta Dialecticæ leges nescio an velit dicere suæ novæ an verò Aristotelicæ,

ita ut Dialecticem quasi Dominam Iurisprudentię constituat, cum sit tantum ejus ancilla seu pedissequa. Atqui si Iurisconsultus foret scire debuerat Iurisprudentiam non secundum logicalia præcepta tractandam esse sed per quæstiones in iustitia & æquitate fundandas, ut egregie deducit, Ancharamus consul. 39. ad quam rem faciunt quoque ea quæ tradit Baldus Cons. 434. in cap. pactum inter locatorem circa finem libr. 1. **IN CONTRACTIBVS, AIT, BONÆ FIDEI PLVS VALET ÆQUITAS QVAM NIMIA SVBTILITAS, VEL DIALECTICA ARGVMENTATIO.** Viden' Caramueli quomodo Baldus quem sequuntur alii Iurisconsulti, à doctrinâ Canonica & legali nimias subtilitates & argumentationes Dialecticas excludant? nec mirum cum subtilitas & juris æquitas tanquam diversa & opposita censcantur, ex Gloss. In. c. ut constitueretur 50. distinct. ubi subtilitas confunditur cum rigore Iuris per textum in. l. in litteris § de restitutione spoliatorum. Vbi & Panormitanus in ultimo notabili, cuiusmodi Ius subtilè Marcus Tullius Cicero versutum quoque & callidum appellat, hæc enim sunt verba illius in oratione pro Cæcinnâ **TVM VOCIFERANTVR EX ÆQVO ET BONO, NON EX CAL-LIDO VERSVTOQVE IVRE.** Et alibi in eadem Oratione **CALLIDE VERBIS CONTROVERSIAS DIIVDICAS NON ÆQVITATE.** Vndè emanavit Axioma vulgare Iurisconsultorum quod etiam usurpavit Tullius l. Officiorum 1. **SVMMVM IVS SVMMA INIVRIA EST.** Sive ut Terentius loquitur in Heauton. summum jus sæpè summa malitia, Columella lib. 1. de re rusticâ cap. 7. **SVMMVM IVS, INQUIT, ANTIQVI SVMMAM PVTABANT CRVCEM.** Hincque summo Iure agere sæpè in Cicerone legimus, pro eo quod est non ex æquo & bono, sive ex æquitate, sed iniquiori quodam jure ac præfracto agere, quod & Budæus notat multisque auctoritatibus probat in adnotationibus prioribus ad libros digestorum. Alii jus istud subtile & summum vocant rigidum aut durum. Plinius lib. Epistolarum 4. ad Vrsam, **QUIBVS, INQUIT, SENTENTIA CÆPIONIS PLACVIT, SENTENTIAM MARCI, VTRIGIDAM DVRAMQVE REPREHENDVNT.** Et Terentius in Adelphis. **NIMIVM IPSE DVRS EST PRÆTER ÆQVVM ET BONVM.** Ex quo loco videre licet durtiem bono & æquo adversari. Alii jus istud subtile vocant asperū præfractum & abscissum. Valerius Maximus lib. 6. tit. de Iustitia, cuius hæc sunt verba: **SED ALIQVANDO CHARMIDÆ TYRII PRÆFRACTOR ET ABSCISSIOR IVSTITIA AD VIM ET CRVOREM VSQVE SEDITIOSAS CON-CIONES CIVIVM PARAVERAT.** Alii Ius istud subtile etiam scrupulosum vocant, ut in L. posthumus. 12. circa principium lib. 28, Digestorum tit. 3. de injusto testamēto, cuius textus sic habet: **LICET ENIM SCRVPVLOSITATE, NIMIAQVE SVBTILITATE TESTAMENIVM RVPTVM ESSE VIDEATVR, &c.** Vbi Glossa in verbo *relicta sunt*, cum textum de rigore Iuris explicandum esse docet. Alii vocant apices Iuris, quia nempe scrupulositatem & subtilitatem in apicibus

bus Iuris consistentem dicimus esse quidquid bonam fidem non tangit, lib. 61 fide iustor §. quædam lib. 17. Digestorum tit. mandati Baldus in c. 1. vers. Apices & de Constitutionibus.

Quia verò tale Ius sive summum sive subtile, sive rigidum & durum, sive versutum & callidum, sive quocumque alio nomine nuncupetur, Iuris-prudentiæ nostræ omnino adversum est & oppositum: Ideo ista nova Iuris-scientia, quam Caramuelius ex argumentatione Syllogistica & Dialectica subtilitate efformandam proponit, non potest evadere notam iniquitatis, quandoquidem certum sit eam neque cum Canonica, neque legali Iuris doctrina convenire, quæ hætenus tam in scholis quam foro & iudiciis usurpata est. Hos Iuris innovatores & transgressores detestatur sacra scriptura Isaïæ cap. 24. ibi terra infecta est ab habitatoribus suis quia transgressi sunt leges, mutaverunt Ius, dissipaverunt fœdus sempiternum. Attamen rursus hic fateri cogar, dialecticam Iuris civilis studiosis non infructuosam esse. Quod & indicat Quintilianus lib. 12. Oratoriarum institutionum. Nonne quæstio, inquit, Iuris omnis aut verborum proprietate, aut æqui disputatione, aut voluntatis conjectura continetur? quorum pars ad rationalem (id est Dialecticam) pars ad moralem tractatum redundat &c. Agnoscit tamen ibidem Quintilianus quod non tam subtiliter concisè, atque minutè in actionibus Iuris utendum est, quam in disputationibus Logicis, quasi dicat Ius nostrum planè magis, ac rotunde tractandum esse: utpotè in quo prævaleat subtilitati simplicitas, & æquitas. Quod Iuri divino etiam est conforme juxta illud Isaïæ Prophetæ cap. 11. **IVDICABIT IN IVSITIA PAUPERES ET ARGVET IN ÆQUITATE PRO MANSUETIS TERRÆ.** Nempe sicut aurum adhuc in materia sua rudi existens. v. g. ad pateram conficiendam per manum artificis dolatur, perficitur & eliminatur, ita legum rigor, & austeritas judiciorum à beneficio æquitatis per politur & exornatur. Non enim ad hoc tendunt Iuris quæstiones ut per subtilitatem argumentorum aliquis capteatur seu involuatur, sed ut æquum ab iniquo, & licitum ab illicito dignoscatur seu ut vera Philosophia à simulata discernatur. Iuxta textum in l. 1. lib. 1. Digestorum tit. de Iustitia & Iure, ita ut æquitas sit temperamentum, quod ex perfecta & naturali ratione omnia moderatur quemadmodum loquitur Iuris Consultus in l. Divus lib. 4. Digestorum tit. de in integrum restitutione. Quem sequitur Covarruvias in c. possessor 2. parte. §. 6. tit. de regulis Iuris. Nec minùs disertè Baldus Conf. 486. lib. 2. Æquitas, inquit, est quasi columna in medio posita non autem angulus vel fautor partialis. Non ergo æquitatem sequitur in sua Libra Caramuelius, qui totus est in argutiis Dialecticis, cujus & stilus acer prodit ipsum esse omnino partialem. Quamquam ipse fol. 7. num. 4. *Protestetur sese deposita partium discretionis collimatorum in sanctam & puram veritatem nec moraturum Cistercienses nec Aroasienses.* Sunt ipsius verba, sed verba tantum, quandoquidem nihil minùs præster quam quod ibi protestatur. Personam quippe Cisterciensium omnino induit, & Aroasienses tanquam hostes suos & capitales infectatur, & tamen satis absorbum est quempiam in sua aut suorum causa iudicem agere velle cum omnibus adeò insita sit philautia seu amor sui, ut neminem tam religiosum, tam modestum, tam attentum, tam oculatum invenias quin in sua causa existimanda atque introspectienda corruptus quadam animi propensione cæcutiat, caliget, lippiat, fluctuet, hebetescat, deliret.

Quare etsi Caramuelius non foret professione & ordine Cisterciensis (in qua qua-

itate merito suspectus & partialis haberi debet) tamen ob animosos nimium & indiscretos loquendi modos, contra Aroasienſes eorumque Patronos, & defenſores apparet ipſum non inſtar columnæ æquitatis in medio conſiſtere, ſed ad latera & angulos iniquitatis deſlectere

*quis enim celaverit ignem
Lumine qui ſemper proditur ipſe ſuo*

Niſi tamen Caramuëlius aliam & ſpecialem æquitatem ſibi efformet, quæ (ut inquit ille) habeat naſum cæreum, vel quæ deſumitur ex inordinata affectione, & in cerebro cujuſlibet efformatur. Qualem ſibi nonnulli judices fingunt & ſectantur, quando præoccupati paſſione vel affectu Reo vel Actori ſavere intendunt. Talis autem æquitas abuſiva vocatur, neque in iure attenditur, ſed illa quæ in arte recti & boni ſine ulla partium diſcretionem conſiſtit. Quod & docet Baldus Conf. 99. incip. ſuper primo in fine lib. 4. *Debere videlicet nos ſequi æquitatem rationi conjunctam, non imaginariam & noſtri capitis.* Quorſum enim attinet leges condere ſi ludicibus liceat ſuo arbitrio æquitatem fingere. Æquitas ergo non habet in ſe pondus ab homine excogitata niſi legibus vel conſuetudine ſit roborata, & ſic æquitas conſicta, ut dicit idem Baldus Conf. 4. lib. 1. duplex eſt æquitas.

Demum inter Dialecticæ ſubtilitates & Iuriſprudentiæ æquitates tantum diſcriminiſ eſt, ut Dialectica à legibus ſuis nunquam recedat, ſed Iuriſprudentia ubi eſt æquitas, legem quodammodo fallit, quod tanquam multum notabile docet Gloſſ. in authent. ut ſine prohibitione. Atque ita Iuriſprudentia habet æquitatem præ oculis inſtar lapidis Lydii vel angularis, potiùſque à lege ipſa recedit quàm ab æquitate. Aliundè etiam Dialectica & Iuriſprudentia differunt non ſolum in ipſa cauſa materiali, formali, & finali, ſed etiam in verborum uſurpatione & ſignificatione. Quod enim Dialectici ſpeciem dicunt, hoc Iuris Conſulti vocant genus: & ruruſ quod illi individuum nominant, hoc à I. C. ſpecies appellatur, teſte Præſide Everardo in ſuis Topicis loco legali à genere ad ſpeciem. Ruruſ quod apud I. C. in ſe eſt forma, hoc plerumque apud Phyſicos ut materia conſideratur, teſte Angelo Aretino ad inſtitutiones tit. de ſultiſia & Iure num. 1. ſic quoque aliter naturam ac naturæ appellationem conſiderant Philoſophi: aliter Iuris conditores ut tradit Horomannuſ ad inſtituta § Actio-num. Non ſemel enim naturale Iuſ pro Iure gentium à I. C. & Imperatoribus uſurpatur, propterea quod ratione naturali ab ipſis gentibus inductum & receptum eſt I. cum ampliùs 85. §. 1. Digefforum lib. 5. tit. de Regulis Iuris. Eleganter Cicero 1. Tuſculan. Quæſtion. Nec Philoſophi vere ad rem adduci poſſunt cum naturale iuſ à iure gentium haud ſecreverint: omni in re conſenſio hominum lex naturæ putanda eſt. Deinde Dialectici ſeu Philoſophi ſemper à definitionibus rerum argumentantur, quemadmodum in ſua Libra paſſim facit Caramuëlius: Iuriſconſulti raro ad definitiones deſcendunt, tum quia ob innumeras fallentias à regula communi vix ulla perfecta eſſe poteſt in iure definitio: tum præſertim quia Iuriſprudentia à definito recedit, ut æquitatem individuum ſibi comitem amplectatur. Quo ſenſu communiter intelligitur Ulpianuſ in l. 203. lib. 5. Digefforum tit. de Regulis Iuris, qui tradit omnem definitionem in iure periculoſam eſſe: ex hac nempe ratione quod raruſ evenit, ut ſubverti non

ti non possit: cum & modica facti circumstantia efficiat ut in tali vel tali casu non
 conveniat neque adaptetur, quemadmodum notat Arius Pinellus I. C. Lusitanus non
 ignobilis eruditionis in suo tractatu de rescindenda venditione parte 2. lib. 3. cap. 3.
 Quinimo ne à subtilissimis quidem Dialecticis definitio illa constitui potest, quæ non
 aliqua ex parte cespitet ac claudicet., ideoque sæpius etiam ad descriptiones per ac-
 cidentia recurrere coguntur quando scilicet non reperiuntur differentia ad definitio-
 nem essentialem necessariae ac convenientes, tunc ad genus definiti tot accidentia con-
 jungere solent, quoad usque definito congruant adæquatè, seu cum illo convertan-
 tur. Adeo nempe multa in perfecta definitione à Logicis desiderantur. Quemadmo-
 dum notat Tiraquellus tom. 1. de Iure primogeniorum quæstione 1. num. 1. mo-
 nendo ne circa definitionem ingenium suum quispiam excruciet, in quâ nimirum la-
 borandum foret, ut Dialecticorum subtilibus & acutis scrupulis satis fiat. Idem monet
 Galenus lib. 4. de differentiis pulsum, nequis se conijciat in definitiones de quibus nec
 inter Dialecticos satis convenit. Aulus quoque Gellius Noctium Atticarum lib. 1. cap.
 25. tradit Varroni illi Togarum doctissimo nihil negotii aut curæ fuisse, ut supersti-
 tiosè definiret, & legibus rationibusque omnibus definitionum inserviret. Atqui Ca-
 ramuelius totus est in hujusmodi definitionum superstitionibus, quas tamen à Iustitia
 & æquitate quàm longissimè exulare debere jam ostendimus. Quod & disertè docet
 Alciatus Parergorum lib. 1. cap. 31. Cui ad stipulatur Covarruvias in c. peccatum tit.
 de Regulis Iuris Decretal. lib. 6. part. 2. § 1. tradens in definitionibus Iurisconsulto-
 rum non tam attendi substantiâ definiti, quàm id quod ad faciliorem & æquorem legu
 interpretationem conducit: ideoque veteres consultos pæssim non definitionibus sed
 descriptionibus uti. Ratio annotatur à Baldo in l. maximum vitium Cod. de liberis
 præteritis: quia definitio, inquit, essentiam, descriptio verò rei intelligentiam claudit.
 Hoc enim intendunt I. C. ut rerum qualitates intelligant ad unicuique jus suum tri-
 buendum quid autem ipsa res sit, & in quo consistat ejus essentia non multum solliciti
 sunt indagare, sed istam indaginem Physicis relinquunt: quod notat luculenter Gloss.
 in l. 1. circa finem lib. 1. Digestorum tit. 2. de legibus: cui consonant tradita à Præ-
 fide Everardo in Topicis, loco legali 3. à definitione I. C. inquit, *Non essentia rerum
 rimantur quod est Physicorum, sed de Iustitia & Iure, & sic de rerum qualitatibus tractant.* Qua
 in sententia est etiam Socinus Iunior (quem velut Præceptorem suum & magnæ eru-
 ditionis virum nunquam satis laudavit Alciatus) in Rubrica de legatis primo num. 54.
 & sequentibus, ubi egregiè defendit ac tuetur definitiones legati à veteribus I. C. tra-
 ditas per modum descriptionis & qualis qualis notionis, Mascardus quoque in tractatu
 de probationibus vol. 1. quæst. 2. num. 5. & quæst. 16. num. 14. multum extollit I. C.
 qui abstinent à definitionibus quæ essentiam rerum demonstrant ac utuntur descriptio-
 nibus quæ qualitates magis sapiunt & ostentant. Eleganter & eruditè Angelus Areti-
 nus d. tit. de Iustitiâ & Iure num. 2. Ius nostrum (inquit) fundatur super accidentibus
 id est casibus emergentibus, ex quibus oritur bonum & æquum, & ex illo jus scriptum:
 nam Iura ex factis nata sunt, undè & promanarunt decisiones legum quæ sunt pro-
 pria & proxima materia artis sive scientiæ civilis & legalis tam practicæ quàm specu-
 lativæ. Frustra esset ulterius inquirere quid desuper sentiant alii Doctores, quandoqui-
 dem universa scho'a Iurisprudentium in ea opinione constanter sit & quiescat. So-
 lus est Caramuelius professione Theologus (hunc utulum honoris causâ illi dono-

ne conqueratur de me, sicut & de aliis, qui ipsum æmulationis invidia magnum Dialecticum appellant, sunt ejus verba in sua Librà fol. 281. num. 226.) Solus, inquam, est Caramuelius qui explosa tum veterum, tum modernorum Iurisprudentum doctrina novam methodū cognoscendi de Iustitia & Iure per Eccheses, parallelas, protheoremata, positiones & rerum definitiones, per demonstrationes syllogisticas si non etiam Mathematicas introducere intendit. Profecto non illud temeritatis solum sed & magnæ ambitionis & audaciæ est, quod ipse solus contra tot præstantissimos in legali doctrina viros ausus sit tam apertò Marte manum conserere & calamum, quoniā nemo solus satis sapit juxta Aristotelē lib. Physicorum 3. cap. 12. **NON FACILE**, inquit, **UNUS SOLVS DISCERNIT** Euripides quoq; quæ decreta Canonica non dedignantur citare in c. honorantur, causa 22. quæst. 2. ita sentit in Phœnicis. **VIX UNVS NE- MO CVNCTA DESPICIT**. Scilicet illud integrum tantummodo censetur esse judicium, quod multorum sententiis comprobatur c. extra conscientiam 64. dist. & c. Prudentiam de officio delegati & Clement. 1. de sententia excommunicationis. Non ignoro hanc fuisse Ciceronis opinionem, de Oratore lib. 1. *Perfectam artem Iuris civilis haberi posse magis magnam atque uberem, quā difficilem & obscuram si in genera digeratur, deinde earum genera quasi quadam membra dispartiantur, tum propria cuiusque vis definitione declaretur.* Hactenus Cicero. Verū optimè animadvertit Benuenatus Starcha in tractatibus variis de mercatura tit. de Adjecto summa 1. quæstionis parte 4. Quod si id per occupationes Ciceronis facere licuisset, non ideo jus nostrum facilius cognosci, illustrius reddi, seu in breve compendium redigi rectè potuisse videbatur. Ex hac nempe ratione superius allegatā, quia omnis definitio in jure periculosa est. Item quia plura sunt negotia quā vocabula: quā de causā veteres I. C. non abs re ut plurimum ad quæstiones confugisse videmus: tum denique quia selecti ab Imperatore Iustiniano prudentes viri methodum ac ordinem Iuris tractandi quem cernimus, constituerunt, & tamen eos Ciceronis sententiam non ignorasse credendum est. Sic enim eloquitur Iustinianus lib. 1. Digestorum l. 2. tit. de origine Iuris. **HIS LEGIBVS SATIS** (nempe 12. tabularum) **CÆPIT (UT NATURALITER EVENIRE SOLET) UT INTERPRETATIO DESIDERARET PRUDENTIAM AVI HORITATE NECESSARIAM ESSE DISPUTATIONEM FORI.** Quæ communi nomine appellatur Ius civile, deinde subjungit ex isto Iure civili natas & compositas fuisse legis actionis, quarum interpretatio & definitio apud Collegium Pontificum erat. Litigatoribus autem aderant I. C. ad jura partium proponenda & enucleanda ut notat Cicero in Oratore & Topicis. Iurisconsulti autem sive Advocati non aliter talem hanc judicariam ordiebantur, quā per quæstiones Iuris teste Cuiario ad leges 12. tabularum, meminitque Macrobius lib. 1. Saturnalium c. 16. & Varro lib. 4. de lingua ubi docent *Quid sit Lege solemniter agere.* Nonne & ad nostram ætatem hæc forma judiciorum perdurat? Nullus itaque fuit in tota retro antiquitate inter Oratores & Iurisconsultos, qui quod Cicero est opinatus, facere attentarit vel cogitarit, tanquam aliquid impossibile inutile & infructuosum. Unde videmus clarissimorum virorum Azonis, Hostiensis, & aliorū Summas operosè & eruditè confectas prout & postea methodum Vigelii accuratè elaboratam fuisse: nec tamen huic tantæ rei esse consultum.

Quid multis opus? ipsemet Caramuelius in suo tractatu seu libro qui nuncupatur



The first part of the paper discusses the importance of understanding the cultural context of the research. It highlights the need for researchers to be sensitive to the values and beliefs of the communities they are studying. This is particularly important in the field of education, where cultural differences can significantly impact learning outcomes. The paper then moves on to discuss the challenges of conducting research in diverse cultural settings. It notes that researchers often face difficulties in establishing rapport with participants and in interpreting their responses. To address these challenges, the paper suggests several strategies, including the use of local researchers and the development of culturally appropriate research instruments. The final part of the paper discusses the importance of ethical considerations in cross-cultural research. It emphasizes the need for researchers to obtain informed consent from participants and to ensure that their research does not cause harm to the communities they are studying.



que manebit sententia, semper intacta, quæ & sese ipsam tuebitur dissipando proprio splendore: nubes quibus pars adversa conatur eam involuere & obscurare. Iustitia & veritas non indigent externis auxiliis apud viros bonæ mentis: sed error, iniquitas, & mendacium quæ carent fundamento, absque subtilitatibus & argutiis, ut plurimum cum violentia & calumnia admixtis subsistere non possunt. Imo nec isto modo diu subsistent. *Tam machæra* (ut inquit ille) *quam stilo opus est, ne dicam mammona iniquitatis sive pecunia & auro* (tu Caramueli nosti si & quantum ex hac tua Libra tibi attraxisti) *ad manum veritatis ac iustitiæ, exerte inferendum.* Quam notam Terrullianus Marcioni ritè & rectè inurit lib. de præscriptionibus adversus hæreticos cap. 38. istæ nempe sunt machinæ eorum, quibus rationes desunt, ut convicti de errore vel doctrinæ falsitate ad argutias & calumnias sese conferant, si non ad subsannationes & maledicta. Nam is qui veritatem & iustitiam tuetur, non multum laborat, sed ex adverbo & contra veritatem, cum magno labore & languore trahuntur argumenta. Qui scribit contra veritatem, inquit Baldus cons. 44. lib. 2. volat sine plumis sicut noctua dum hesperus noctem reducit. Qui pigmentis, ait alter, fucat veritatem & adulterat iustitiam, quæ præsertim per sententiam clara est & perspicua, quid aliud facit quàm de calcæria ad carbonariam transire? inaniter nempe laborat, neque fluctus dissertationum Decumani labelactare vel movere possunt sententiam quæ constanter stat ut Marpesia cautes. Imo etiamsi ad dissertationes post sententiam deveniri adhuc posset propugnandæ veritatis gratia, tamen eo casu maximè servanda foret modestia ob rei judicatæ, ipsiusque judicis præsertim Regii & supremi auctoritatem & honorem. Quod nullo modo hic facit Caramuelius, sed usque adeo frontem in suis argutiis obduravit, ut sophismata sua Dialectices ponat spem imo fiduciam suam, & quidquid subtiliter arguendo fingit sibi cedendum & credendum existimet. Apage apage argutias & subtilitates Caramueli velle ista larva fucum obtendere Viris à sacra Themide dilectis & electis, ac circa Axiomata seu Philosophica seu Iuridica nimium perspicacibus profecto si non furor dementia est. Non tenetur equidem quispiam post reportatam in lite lauream seu sententiam amplius sua Iura in controversiam reducere & refricare. Nec enim instaurari finita rerum judicatarum patitur autoritas, inquit Iustinianus Cod. lib. 7. tit. 52. l. 5. Quia res judicata pro vera habetur ut resolvit Ulpianus in l. 207. tit. de diversis Regulis Iuris antiqui lib. ultimo Digestorum. Eruditè more suo Præses Argentæus. Si, inquit, PRIOR CONTROVERSIA RECRUDESCERE POSSET POST REM IUDICATAM ET COMPLETAM, PE SSVM IMUS OMNES, ET NOSTRORUM COMMERCIORUM SECVRITATES ET MAGISTRATVS AC PARLAMENTORUM AVCTORITATES LABELACTANTUR. Nam Iure sive dominio semel quæsito, nec vendicatio, nec actio, nec ullum aliud remedium superest, quia sententia non ut simplex iudicatum accipitur, sed ut titulus qui nulli exceptioni aut oppositioni amplius subijcitur propter consensum interpretativum partis contra quàm lata est.

Ecce nihilominus Dominus Bartholomæi non quidem disputationis Iudicialis, sed quasi scholasticæ concertationis gratia tecum Caramueli in arenam descendit, seu ad *Pondus Sanctuarii* omnia tua protheoremata Ectheses, & logicas subtilitates expendit. Quisquis defecato & non præoccupato ex affectione aliqua iudicio, utriusque scripta & argumenta ritè & justè trutinare voluerit, profecto dicer mecum CARMVELIVS SVSPENSVS EST IN STATERA, ET INVENTUS EST MINVS HABENS.

PONDVS SANCTVARI

PONDVS SANCTVARII.

PARS PRIMA.

In quâ adstruitur & defenditur
Canonici ordinis Sancti Au-
gustini specifica unitas.

CAPVT I.

*Occasio & intencio scriptionis, nec-non ratio
inscriptionis.*

I.

Ræcellsum illud ecclesiæ firmamen-
tum, & eximium Canonici ordinis
columen S. Augustinus, non mi-
nus verè, quam eleganter, libro de
Natura & Gratia, cap 28: *Quædam*, inquit, *nimis*
acuta videntur quia acutulè sonant, ac discussa
inveniuntur obtusa: Quod ipsum quidem, non
A inconcinnè

2 PONDERIS SANCTUARI

inconcinne accomodari posset, nupero cuidam tractatui, cui titulus non liber in masculino; sed in feminino libra; forte propter infirmas quidem, sed acutule sonantes, ratiunculas; quibus probare conatur D. Libripens ejus Auctor, Canonicos Regulares Sancti Augustini, præsertim Congregationis quondam Aroasiensis, ut juniores (sic putat) Cisterciensibus Monachis esse postponendos. Quæ si scrupulose fuerint discussæ & libratae ad PONDUS SANCTUARI; ad momenta, inquam, sacrosancta & monumenta Pontificiorum diplomatum, in quibus fit mentio ordinis Canonici S. Augustini, non tantum invenientur obtusæ, verum etiam evanescent confusæ. Explorabimus igitur humili hoc & rudi opusculo, num Potifices Maximi, de hoc ordine Canonico ita sentiant, sicuti recentiores quidam scriptores, quorum Coriphæus Libripens Adversarius noster. Forte peracto examine de eo pronuntiari poterit illud Danielis 5: *Appensus es in statera & inventus es minus habens.*

2. Porro omissis prolixioribus ambagibus, ut sciatur quid nuperus tractatus ille contineat, conclusa est tota ejus substantia, in hac, quæ eundem claudit, conclusione, quæ talis est:

Stat

Stat igitur omnes Benedictinos (nempe Cluniacenses, Cistercienses, Bursfeldenses &c.) Regularibus Canonicis Antiquiores. Adeoque debere in omni confesso, & loco, publicè aut privatim, capitulariter aut particulariter precedere; Stat adversarios ut contrarium suadeant, adnici improbabilia, nomine primorum principiorum, & sophismata nomine demonstrationum protrudere. Stat talia ipsos assumpta in suis argumentis præmittere, ut negata aut concessa non urgeant. Stat denique vel extra arenam, illos volitando discurrere, vel in arena semper demonstranda supponere, nunquam negata nequidem verisimiliter probare. Unde necessario convincitur sententia, quæ Dominus Aroasiensis faveat, non falsa modo sed omnino improbabilis.

3. Quam conclusionem bene illatam esse ex traditis in illo tractatu forsan poterunt æstimare, qui in hac materiâ regulari minus versati ignorant, quantum tradita illa distent, à verâ & genuinâ notitiâ ordinis Canonici S. Aug. prout ea elucet ex Pontificiis constitutionibus, diplomatibus, & privilegiis, jure Canonico, Provinciali Romano, libro taxarum Camerae Apostolicæ, praxi Apostolicæ Cancellariæ, antiquarum foundationum manuscriptorum Codicibus, sinistra

4 P O N D E R I S S A N C T V A R I I

interpretatione non depravatis, nec-non melioribus Historicis scriptoribusque antiquioribus.

4. Quare operæpretium fuerit ne tales falsitate capiantur in examinandâ veritate, cujus amore hæc scribimus, uti P O N D E R E S A N C T V A R I I sacrarum scilicet auctoritatum potius, quam levibus momentis subtilium, & ideo tenuium rationum intellectus humani per lapsum primi parentis obtenebrati, & in propria causa communiter cæcutientis.

Iob c. 29.
v. 18.

5. Proposueram quidem *in nidulo meo mori*, cum Propheta Iob, quia sæpiusculè canente poëta: *Bene qui latuit, bene vixit*, non qui publicè dixit; nam & ut modernus quidam scribit: vix Deum ipsum publicè loquentem videas, quin plurimum aspectum rabidum, & ferales voces ac sibilos sustineat; cum vix hodie sit lector, quin censor & idem sit: ac nemo sit censor, quin se Catonem putet, ut verè dici possit: non est liber nisi labor, non est penna nisi poena, non est calamus nisi calamitas. Optimè etiam consulente venerabili Thoma nostro Kempensi: *Anna nesciri & pro nihilo reputari*. Verum admonuit me S. P. Augustinus cujus ordinem profiteor, & tueor scribens lib. de bono perseverantia

rantia cap. 16. in hæc verba : *Dicatur verum, maxime ubi aliqua quæstio ut dicatur impellit, & capiant qui possunt : ne forte cum tacetur, propter eos qui capere non possunt, non solum veritate fraudentur, verum etiam falsitate capiantur, qui verum capere, quo caveatur falsitas, possunt.* Ita Aug.

6. Impellit quæstio typis edita & in vulgus sparsa, cujus non interest, quid enim popularibus, cum controversiis Regularium, maxime de præcedentia? Interea de ætate ordinis Canonico-Augustiniani multa scribuntur, sed nõ ex vero, tametsi, ut fit, sub veritatis pallio, sic putamus. Periclitantur qui legunt, fortè falsitate capiuntur & nesciunt. Dicendum est verũ cum dilectione hominis & odio falsitatis. Siquidem, *sic diligendi sunt homines ut eorum non diligantur errores, quia aliud est amare quod facti sunt, aliud odisse quod faciunt.* ait. S. Prosper in sentent. Propulsanda est invidia de arrogatâ præcedentiâ, de qua quæstio sub titulo libræ in lucem edita, quamvis melius *sub modio* latuisset; nam vereor ne forte pertineat ad classem earum quæstionum quas dignas esse quæ puniantur asserit Clemens Alexandrinus lib. 5. Stromatum non longè ab initio: *Cujusmodi est que-*

rere, inquit, probationes an sit providentia, cum sit manifesta Divina providentia, ex aspectu omnium quæ videntur effectorum quæ arte & sapientiâ constant. &c. Ita ille de providentia. Sed nunquid idem sentiendum de præcedentia? Ita videtur. Maxime cum integer tractatus existeret hac eadem de re ab Ascanio Tumburinio relatus (olim etiam typis evulgatus anno Dñi 1567) cum allegationibus pro utrâque parte, sententiâ, & brevi Apostolico executorio in forma processus.

7. Quare facile potuisset Libræ Auctor prodigi notam nō incurrere, cum *tempus sibi*, ut ait, *pretiosum forte somno & salutis debitum in eâ disputandâ consumpsit*; nam actum agit, & eandem crambem recoquit, atque ita oleum & operam perdit. Eo vel maxime quod res controversa transierit in judicatam, primo à Ioanne XXIII. confirmante Synodo Constantiensi, & Innocentio VIII. corroborante, & postea à Pio IV. confirmantibus Pio V. & Clemente VIII. qui quidem Pius IV. in Bulla quæ incipit: *Sedis Apostolicæ providentia* &c. piè admodum monet controversias huiusmodi in Ecclesia præsertim inter Religiosas & reformatas personas, quæ relictis

relictis mundi vanitatibus, votum suum in humilitatis spiritu Domino Deo nostro, qui se pro nobis usque adeo humiliavit, ut formam servi acciperet, persolvere profitentur, non modicum illi præclare, Deoque præcipue dilectæ virtuti quæ est humilitas, labem infundere, populoque scandalum generare ac propterea illas omni ratione submovendas esse. Unde illi parum ædificare populum Christianum videntur, qui rursus tractatus edere incipiunt, in quibus ea, quæ est de præcedentiâ, controversia ventilatur.

8. Quare protestor me directè de eâ, vel pro eâ scribere non intendere, sed potissimum ea, quæ in illorum opinione versantur, ad examen PONDERIS SANCTUarii, id est Pontificii iudicii revocare, & explorare an Ordo Canonicus S. Augustini, tam levis momenti sit, quam adversarius noster in trutinâ libræ suæ se deprehendisse concludit; eo etiam fine ut prostratâ vanitate, veritas triumphet, & confusione sublata, idem ordo in eo ordinis gradu in quo à summis Ecclesiæ, *quæ terribilis est ut ca-* Cant. 6.
strorum acies ordinata, Pastoribus collocatus est conservetur, sed hoc ultimum tantum ut dixi indirectè, in quo puncto non sumus adversarii,
 cum

8 PONDERIS SANCTVARI

cum triumphum veritatis, & ordinum ordinem intendamus ambo, licet in modo intendendi nonnihil discrepemus, nam quod ad me attinet, de præcedentiâ me non velle directè agere, jam sum protestatus.

C A P V T II.

9. **P**orro in hac veritatis trutinâ rationum momenta libravit Antagonista, & factâ exploratione, asserit *se tam dibiles invenisse nostræ opinionis rationes, ut probabiles* (ejus verba sunt in procæmio) *dici non possint*. Sic ille confidenter. Verum ut & ego dicam quod sentio, quando auctoritatum Pontificiarum momenta pondero, in favorem Ordinis Canonico-Augustiniani pronuntiantium, quæ maximè in hac causâ trutinandæ fuerant, tale judicium non parum obstupesco. Quamvis nonnihil obstupescere desinam, cum earum, ut ita loquar, nescientiam vel inadvertentiam facilè in eo advertam. Adeo ut in eundem quadrare videatur, illud Nazianzeni : *Τὶ γὰρ εἰ σπεριόδαί σοι τὸ πᾶν δοκῇ ναυλιῶντι τυχὸν ἢ μεθύσει, καὶ τὴν σὴν ἀφροίαν ἐτέρων ὑπολαμβάνεις. .j.* *Quid enim si tibi nauseanti fortè aut*
ebrio

In procæ-
mio libræ.

ebrio universum circumagi videatur, & tuam ignorantiam aliorum esse interpreteris.

10. Alias profecto si non portentum, saltem paradoxum est asseverare, sub genere ordinis Canonici non dari in Ecclesia, ordinem quendam Canoniorum Regularium S. Augustini simpliciter dictum, specie infimâ, distinctum ab ordine Canoniorum Regularium v. g. S. Norberti, vulgo Præmonstratensium, & si qui sunt, talium. Paradoxum est asserere hunc ordinem recentiorum esse, ac proinde multis & præsertim Cisterciensi postponendum. Paradoxum est hunc ordinem putare apud solos Lateranenses reperiri. Paradoxum est hos non ratione ordinis, sed eâ, qua Lateranenses, ut quondam Cathedrales, reliquis religiosi fuisse prælatos. Paradoxum est sub hoc ordine tot statuere ordines diversos, quot congregationes, imo quot monasteria diversa statuta observantia. Paradoxum est hujus ejusdem ordinis Canonicos Aroasienses, fingere dicendos esse vel Canonico-Cistercienses vel Cistercio-Canonicos. Paradoxum est procudere novum quendam, & hactenus inauditum ordinem Gervasianum, à quo qui defece-
runt, licet jam Canonici Regulares S. Augustini



verius cum eruditissimo simul ac piissimo Navarro nostro, tomo 1. Comm. 4. de Reg. in cap. Statuimus. de stabilizare & transire 19. quest. 3. in hæc verba scribente: *Quidquid tamen hi aut illi sentiant, illam ego partem mihi persuadeo quam sacro-sancta sedes Apostolica, vel ab ea in id delegati, veriore judicaverint, satis certus nonnulla origine noviora, præstare vetustioribus, & contra nonnulla vetustiora præcellere novioribus, in omni gente qui majorem faciunt justitiam magis placere Deo, qui non solum Regulares sed etiam Seculares omnes Christianos sue charitatis vinculo in suam gloriam vinciat. Amen. Ita ille Christianè & Religiosè.*

In citando
Navarro
usus sum
editione
Colonienfi
anno 1616.

CAPVT III.

PRÆNOTATIO.

12. **P**ondus totius difficultatis, quam Libripens Canonicis Reg. S. Augustini in sua Librà movet, eo vergere deprehenditur, ut probetur illos juniores esse Cisterciensibus monachis, ut hinc concludatur his illos esse postponendos. Quod ut ipse faceret, cum videret suos non posse præponderare

Canonicis Lateranensibus, ut qui bullati essent, sic loquitur, persuadere molitus est; ordinem Canonorum Regular: S. Augustini à solis Lateranensibus teneri; itaque Aroasienses, Windesemienses, & similes sub generali nomine Canonici Regularis, esse alterius ordinis specie distincti ab ordine Canonico S. Augustini à solis Lateranensibus observato, sicuti sunt Præmonstratenses. Quos omnes vult ordine juniores esse, non solum ipsis Lateranensibus (in quibus ponderat, quod tales sint ab Ecclesia scilicet Lateranensi Cathedrali, vel Collegiali denominati, ab Apostolis instituti, & à Sancto Augustino reformati, atque adeo hæc omnia illis esse propria) verum etiam suis Cisterciensibus.

13. Si itaque solummodo sustineri possit, quod ordo Canonicus ab Apostolis fundatus, & à Sancto Augustino viro Apostolico restitutus, sit in specie infimâ id est non divisus in plures ordines, sed tantum Congregationes, Lateranensem, Aroasiensem, Windesemiensem &c. distinctâ ab ordine Præmonstratensi, Salvatoriensi, & simili, nec tantum observetur à Lateranensibus, sed etiam ab Aroasiensibus olim, & nunc à Windesemiensibus, & aliis sine congregatione

gregatione in Monasteriis degentibus, sicut non ita à multis annis, in non paucis Ecclesiis Cathedralibus, idem ordo observatus fuit; parvimenti deprehenduntur omnia, quæ tanto apparatu ab adversario pro sua causa trutinantur in Libra. Quod ut fiat, statuenda, & salvanda est hæc

CAPVT IV.

CONCLUSIO.

14. **I**Nter cæteros Religiosos ordines, datur in Ecclesia ordo quidam Clericorum seu Canonorum Regularium S. Augustini in Conciliis antiquis, litteris Pontificiis, Jure Canonico, Breviario Romano, itemque provinciali Romano, libro taxarum Camerae Apostolicæ, nec non in praxi Cancellariæ Apostolicæ, simpliciter dictus (de quo in bullis Pontificiis ordinariè pronuntiatur hæc clausula; *in primis statuentes, ut ordo Canonicus qui ibidem secundum S. Augustini Regulam dignoscitur institutus, perpetuis temporibus ininviolabiliter observetur*; Quæ formula mutatur quando bullæ ad Monachos diriguntur, in quibus

bus sic scribitur; *Vt ordo Monasticus qui ibidem secundum S. Benedicti v. g. regulam dignoscitur institutus. &c.* Ubi manifesta ponitur distinctio inter ordinem Canonicum & monasticum de quo infra suo loco) quem observant Lateranenses Canonici Regulares in Italia, olim Aroasienses, & nunc Windefemenses in Belgio & alibi alii, qui ab Apostolis institutus, à S. Augustino restitutus, ac proinde ordine monastico antiquior, per Orientalem & Occidentalem Ecclesiam quondam diffusus, olim in Cathedralibus & Collegialibus Ecclesiis, & nunc in monasteriis florens, specie infimâ distinctus ab ordine Canonorum Regular: S. Norberti vulgo Præmonstratensium, & si qui sunt aliorum qui à primævâ suâ institutione nec sunt nec appellantur Canonici Regulares S. Augustini.

15. Ad hanc Conclusionem probandam produco primo Constitutiones Benedicti XII. quondam, nî fallor, Monachi Cisterciensis, per quas ordinem Canonorum Regular: S. Augustini reformare decrevit, circa annum recuperatæ salutis 1339. quæ constituunt justum volumen, sed prolixitatis vitandæ gratiâ, ferè tantum dabo titulos paragraphicos ex quibus multa
quæ

quæ in Conclusionē posuimus spontè profiliēt,
& sua claritate se prodent. Inspeciamus prius ti-
tulum, deinde prologum, postea singulos titulos
ac tandem quæ hinc sequentur & colligentur
manifesta Corollaria, quæ quid olim fuerit de
hoc ordine & nunc sit, absque hæsitatiōe de-
clarabunt, & omnem hallucinandi ansam dubio
procul amovebunt. Titulus autem sic habet:

CAPVT V.

16. **B**enedicti Papa duodecimi Constitutiones
pro generali reformatione, Canonicoꝝ
Regularium ordinis S. Augustini. Circa
quem titulum observo, in eo ordinem S. Augu-
stini, quem observant Clerici seu Canonici
eiusdem ordinis, supponi ut specie distinctum
ab aliis ordinibus, qui quamvis observent regu-
lam S. Augustini non tamen vocantur simplici-
ter Canonici Regular: S. Augustini, quos pro-
pterea hæ constitutiones non tangunt. Quare si-
cuti v. g. ordo S. Norberti seu Præmonstratensis
est unus specie infimâ morali, ita & hic; de quo
infra iterum redibit sermo in primo Corollario.

17. Prologus vero talis est. *Benedictus Epis-
copus*

copus servus servorum Dei, ad perpetuam rei memo-
 riam. Ad decorem Ecclesie sponse Dei & Sanctarum
 Religionum fundatarum in ea quæ licet diuersis di-
 stinctæ sint gradibus in vnius tamen veræ fidei pro-
 positum coeuntes, eandem Ecclesiam venustant variis
 floribus meritorum, pro injunctæ nobis Apostolicæ ser-
 uitutis officio summis vigiliis & indefessis studiis in-
 tendentes ad ea, quæ pro diuini nominis laude Religio-
 num ipsarum statum, puritatem, honestatem morum,
 regularis obseruantie disciplinam, & sacrarum peri-
 tiam Scripturarum, respiciunt, labores nostros libenter
 impendimus & opportunè sollicitudinis diligentiam
 adhibemus: ideoq; inter Religiones alias in agro ejus-
 dem plantatas Ecclesie, ad Religionem Canoniorum
 Regularium ordinis S. Augustini ab Christi gloriosis
 discipulis in primitiuâ Ecclesia sacris institutionibus
 stabilitam gerentes præcipuæ charitatis affectum, ac
 nolentes quæ in eadem Religione reformanda cognoui-
 mus, absq; reformationis remedio præterire, omnia
 quæ in religione prædicta tam à primâ ejus institutio-
 ne, quam à sacris Canonibus sunt salubriter instituta,
 omnino immota in sua firmitate manere censentes,
 nonnulla quæ experientia deesse probauit, & sup-
 plenda dictæ Religionis utilitas, quinimo necessitas
 perstatuendum suadet, prouidimus in eâ perpetuis
 futuris

futuris temporibus obseruanda. Huc vsque prolo-
gus. Circa quem obseruanda verba illa Pontifi-
cis: inter Religiones alias in agro plantatas eiusdem
Ecclesiæ ad Religionem Canonorum Regularium Or-
dinis S. Augustini ab Christi gloriosis Discipulis in
primitiua Ecclesiâ sacris institutionibus stabilitam
gerentes præcipue charitatis affectum. &c. Quæ
manifeste declarant: primo, Ordinem Canonico-
Augustinianum esse specie distinctum ab
aliis Ordinibus in Catholicâ Ecclesiâ planta-
tis. 2. Eiusdem illustrem antiquitatem præ cæ-
teris Religionibus monasticis, quia Religio hæc
peculiariter à Pontifice asseritur In primitiua Ec-
clesiâ à Christi gloriosis Discipulis sacris instituti-
bus stabilita. Quæ verba coram Cardinalibus,
olim fortiter fuerunt à nostris contra Aduersa-
rios allegata, & ab illis valde ponderata, vt patet
ex horum allegationibus per Scipionem Lance-
lottum apud Ascanium supra, & illorum rela-
tionibus, de quibus infra. Nec putandum Ponti-
ficem tantum loqui de Ordine quem obseruant
Lateranenses soli in Italia, quia ex §. 19. constat
quod loquatur de Ordine illo quem obseruant
Canonici Regulares S. Aug. per totum orbem
Christianū, lōgè latèque per oriētem & occidētem

tunc diffusi, de quo postea. Nunc autem ex Ordine ponemus singulorum paragraphorum prædictarum constitutionum titulos, additis nonnullis obseruationibus, nec in tam multis recensendis inutilis, aut superuacaneus labor erit habendus, quia in singulis ferè obseruare est aliquid ad rem nostram probandum, quod pertineat, & ex omnibus simul sumptis clarè elucescet, quis aut qualis sit status Canonicoꝝ Regularium Sancti Augustini.

C A P V T V I.

§. 1.

18. **C**anonicoꝝ recipiendorum forma. Sub hoc titulo habentur hæc verba notatu digna: *Statuimus igitur ut quando in Ecclesia Cathedrali, Monasterio seu loco alio Religionis eiusdem Canonicoꝝ Creatio fuerit facienda &c.* Ex quibus patet Canonicos Reg. Ordinis Sancti Augustini qui in monasterijs degunt, esse eiusdem specie infimâ Ordinis, cum ijs qui tunc residebant in Ecclesijs Cathedralibus.

§. 2. *Probationis modus & locus.* Sub hoc titulo decernitur vtrosque Canonicos tam Cathedrales quam Claustrales ante professionem debuisse obser-

obseruare tempus probationis.

§. 3. *Canonicorum creatio ad quem spectet.*

§. 4. *Professio ut facienda.* Vbi statuitur professionem debere esse expressam, insinuatur etiam in eodem ordine, tunc fuisse Superiores immediatos & mediatos.

§. 5. *Receptio Clerici vel Laici ut prohibetur.* Vbi notanda illa verba: *Prohibemus insuper ne in Ecclesia Cathedrali seu Monasterio vel loco alio Religionis eiusdem, quuius Clericus secularis vel Laicus recipiatur ad præbendam, seu etiam portionem, nisi eidem Ecclesie seu Monasterio vel loco dederit se & sua.*

§. 6. *Prioris claustra'is electio quando & quomodo facienda.* Vbi habentur hæc: *Vt autem dicta Religio salubriter in omnibus dirigatur, in Ecclesia seu Monasterio locove alio collegiato seu conuentuali Religionis eiusdem.*

§. 7. *Regulare Capitulum quoties & quomodo tenendum.* Vbi iterum hæc. *Pro Regulari disciplina attentius obseruanda in Ecclesia Cathedrali seu Monasterio. &c.*

§. 8. *Annuale Capitulum ubi conuocandum & qui eidem interesse debeant, & quæ in dicto capitulo agenda.* Vbi sic: *In singulis Ecclesiis Cathedralibus,*

Monasteriis, alijsq; locis Collegialibus seu Conuentualibus Religionis præfatæ principalibus, non ab aliis dependentibus (etiamsi in eis alias non fuerit consuetum) & in singulis aliis locis religionis eiusdem habentibus membra sibi subiecta, aut si inibi solitum est capitulum celebrari annis singulis capitulum celebretur die videlicet ad hoc constituto. &c. Postea subiungitur de Abbatibus, Præpositis, Prioribus, & Archidiaconis qui huic Capitulo iubentur interesse vel per se vel per procuratorem.

§. 9. Capitulum Prouinciale ubi & per quos fieri debeat. Hic notanda sequentia: nec-non præpositorum, Priorum, & aliorum maiorum in Ecclesiis Cathedralibus post Antistites existentium, ac post Antistites ipsos regularem curam Canonorum habentium &c.

§. 10. Prædicti Capituli ordinationes quos ligent.

§. 11. Ejusq; expensæ à quibus sustinendæ. Ubi notandum quod sequitur: Decernimus etiam quosque dictarum Ecclesiarum & Monasteriorum, vel aliorum locorum ejusdem Canonicos beneficia obtinentes, &c. Capaces igitur Canonici Reg. beneficiorum.

§. 12. Quid agendum quando Cathedrale Canonici carerent majoribus tempore celebrationis dicti capituli.

§. 13.

§. 13. *Quadriennium pro capitulo celebrando, quomodo intelligatur.*

§. 14. *Quouè in loco celebrandum sit.*

§. 15. *Quæ in eodem statuenda sint pro futuro capitulo. Hic observandum quod subjungitur : Qui & quot & quoties Ecclesias Cathedrales Religionis eiusdem debeant visitare.*

§. 16. *Quæ personæ ad Capitulum duci debeant.*

§. 17. *Impedientium celebrationem Capituli Prouincialis seu Annalis poena.*

§. 18. *Offendentiumq; personas & loca Religionis poena.*

§. 19. *Prouinciarum in quibus celebrentur Capitula distinctio. Hic articulus totus exscribendus, quia totus notandus. vt videatur quod hic Ordo Canonicus S. Augustini circa annum Domini cum 1339. per vniuersam Ecclesiam Catholicam Orientem versus & Occidentem fuerit diffusus, vnus quidem licet per varias Congregationes diuisus, pergit itaque Pontifex: Vt autem de Prouinciis in quibus dicta capitula Prouincialia fuerint celebranda, distincta limitatio habeatur, nec de ipsis in posterum hesitetur, quoad huiusmodi prouincialia tenenda & celebranda capitula pro vt sequitur limitamus. In primis Vrbs Romana cum Epi-*

Scopatibus nobis immediatè subiectis in nostra speciali Prouincia constitutis, cum toto regno Sicilia pro vna Prouincia computatur. Prouincia Thebana, Cretensis, Atheniensis, Patracensis, Corinthiensis, & Neopathensis cum toto Patriarchatu Constantinopolitano pro vna. Regnum Cypri pro vna. Regnum Corsicæ & Sardinia pro vna. Prouinciæ Pisana, Ianuensis, Mediolanensis & Ravennas cum Episcopatibus Placentensi, Ferrariensi, Ariminensi pro vna. Patriarchatus Aquilegensis & Gradenfis, cum Prouinciis Iadrensi, Spalatenfi, Ragusiensi, Antibarenfi pro vna. Prouinciæ Strigomensis, Colosensis, ac Gesnensis cum Episcopatu Camenenfi pro vna. Rigiensis pro vna. Salisburgensis, Magdenburgensis & Bremensis pro vna. Colonienfis, Moguntinenfis, Trevirensis cum Episcopatu Bambergensi pro vna. Ebredunensis, Viennensis, Aquensis, Arelatenfis pro vna. Lugdunensis, Tharantasiensis, & Bisuntina pro vna. Remensis, Senonensis pro vna. Rothomagensis & Turonensis pro vna. Burdegalensis & Bituricensis cum Episcopatu Aniciensi pro vna. Narbonensis & Tholosana & Auxiana pro vna. Taraconensis & Cæsaraugustana cum Episcopatu Majoricensi pro vna. Toletanensis, Hispalensis, Compostellanensis & Bracharenfis pro vna. Cantuariensis & Eboracensis pro vna.

Tota

Tota Hibernia pro una. Regnum Scotiæ pro una. Regna Dacia, Noruegiæ & Sueciæ pro una provincia deputantur.

Siqua vero Episcopatus vel Monasteria aut loca dictæ religionis existant, quæ in aliqua dictarum provinciarum minimè includantur, quo ad dicta capitula provincialia intelligantur esse de illa provincia cui viciniora existere dignoscuntur. Ubi clarè vides tempore Benedicti duodecimi ordinem Canonicum S. Aug. per totum Christianum orbem palmites suos extendisse, salvâ manente ejus unitate specificâ, quamvis in tam diversis provinciis varias ejusdem ordinis congregationes fuisse certissimum sit, quas dictæ constitutiones tangebant, sive interea in Cathedralibus, sive in Collegiatis Ecclesiis ejusdem ordinis professores, sive in monasteriis sub diversis congregationibus ceu capitulis residerent, ut vel ex hoc sufficienter pateat, eosdem omnes tam Cathedrales quam Conventuales Canonicos Augustinianos, unius & ejusdem specie ordinis fuisse, ut vanum sit existimare hunc ordinem in solâ congregatione Lateranensi viguisse, eo vel maxime quod tunc ea congregatio nondum inchoata fuerit; Canonicis;

nicis Augustinianis à tempore Bonifacii VIII. Patriarchali Ecclesia exactis, & tantum ad eam reductis ab Eugenio IV. inter quos notabili intervallo intercessit Benedictus XII. harum Auctor constitutionum. Cujus tempore qui postea Lateranenses dicti fuerunt Canonici Reg. S. Aug. vel in Cathedralibus vel Collegiatis Ecclesiis, vel in monasteriis, Abbatialibus, Præpositalibus, Prioralibus, vel aliis Claustralibus residebant. Imo ex monasteriis desumpti fuerunt, qui ab Eugenio IV. in Patriarchali Ecclesia repositi fuerunt, ut postea suo loco uberius declarabitur. Quod bene notandum, quia defectu hujus notitiæ & advertentiæ in pluribus adversarius est hallucinatus.

§. 20. *Visitorum munus præfinitur.*

§. 21. *Collectæ quæ & quando pro subventionibus imponuntur & quomodo.*

§. 22. *Magistri ad docendos Canonicos deputentur. Ubi inter cætera: Statuimus ut in Ecclesia Cathedrali, monasterio habeatur magister, qui Canonicos doceat inter septa locorum &c. Et honorarium assignatur 20. librarum Turonensium parvarum magistro non Canonico, Canonico vero decem similium librarum pro libris comparandis.*

§. 23.

§. 23. Canonici qui & quot ad studia mittantur. Ubi inter cætera : Vt Ecclesia Cathedralis, monasterium, Prioratus, locusve alius Religionis ejusdem unum Canonicum aptum hujusmodi scientiis [Theologiæ sc. vel Canonum ut constat ex initio paragraphi] acquirendis ad generalia seu solemnia studia mittere &c.

§. 24. Pensiones Doctoribus, Lectoribus, Scholaribus &c. assignantur.

§. 25. Et per quos illæ solvantur. Ubi sic: Contributiones quæ pro pensionibus studentium & instructorum fuerint faciendæ, solvantur per capitulū Ecclesiæ Cathedralis & Abbatis, Prioris, Prepositum ceu Conventum-----Religionis ejusdem: nec-non beneficiatos quorumlibet beneficiorū Canonicaliū &c.

§. 26. Distributio librorum inter Conventus. Volumus etiam quod si in Ecclesia, monasterio, & loco alio Religionis ejusdem, libri multiplicati fuerint-----librorū per Antistitem Abbatem, ceu alium-----fiat conveniens distributio inter studentes eosdem. Et infra: Si quis vero de studentibus per se vel per alium, librum-----contra hoc distraxerit vel obligaverit, eo ipso sit inhabilis per biennium ad quodcumq; beneficium obtinendum &c. Ubi & de promotione Canoniorum studentium ad gradus Academicos.

§. 27. *Regimen Canoniorum studentium quod esse debeat.*

§. 28. *Præfidentium munus quoad Canonicos studentes.*

§. 29. *Quæ per assumendos ad gradus servari debent.* Hic conceditur privilegium, quo possint Canonici Religionis ejusdem assumi ad magisterium in Theologia, & in Jure Canonico; easque facultates in Parisiensi vel alio quovis studio generali in Cappa suæ religionis competente profiteri.

§. 30. *Observanda à Canonicis beneficia obtinentibus.* Sic incipit: *Ut cultus divinus augeatur, & Religiosis vagandi materia præcludatur: Statuimus quod Canonici Religionis ejusdem extra Ecclesias, monasteria, sive loca alia principalia obtinentes prioratus, seu quævis alia beneficia quibus ad id superpetent facultates in ipsis beneficiis residere, & socium vel socios sui ordinis secum habere teneantur. Et infra. Dispositio de beneficiis simplicibus.*

§. 31. *Canonici quid circa officia celebranda servare debeant.* Disponitur quando missam & horas Canonicas debeant cantare, quomodo bini incedere in habitu decente, & tonsura Conveniente. Quomodo dies obitus notari. Et ad finem.

finem notandum Antistites, seu Episcopos etiam hujus Religionis tunc fuisse Superiores.

§. 32. *Beneficiati subsint Superioribus.*

§. 33. *Locus infirmariæ existat.*

§. 34. *Numerus Canoniorum.* Hic mentio fit regulæ, disciplinæ & observantiæ regularis, & professores hujus ordinis vocantur Canonici Regulares.

§. 35. *Vetantur animalia ac seculares præter hic exceptos.* Sic orditur: *Prohibemus ne Canonici Reg. in Ecclesiis Cathedralibus--religionis ejusdem teneant, aut nutriant equos--nec servitores habeant seculares nisi ratione dignitatum &c. aut in coquina &c.*

§. 36. *Vetantur lauta Convivia & immoderati sumptus Superioribus & aliis.*

§. 37. *Religiosi associati incedant.* Præcipitur id etiam Superioribus si sit competens Canoniorum numerus & facultates suppetant.

§. 38. *Superiores prædicta faciant observari.*

§. 39. *Ad ordines promovendi qui & quomodo.* Ubi notandum exordium. *Præsentium autoritate statuimus, quod Canonici beneficia simplicia obtinentes, & alii beneficiati Religionis ejusdem. &c. Et infra circa medium: Prioratus quoq; Conventuales,*

*les, dignitates, personatus, officia, seu administrati-
ones videlicet sacristia, Thesauraria, Eleemosynaria,
operaria, cameraria & similia quæ in Ecclesiis &
aliis locis conventualibus seu collegiatis dictæ Religi-
onis alicui nisi 25. annum attigerit conferri nequeat.*

§. 40. *Vestium præfinitio.* Hic notanda mul-
ta genera vestium, quarum usus tunc temporis
erat apud Canonicos Religionis ejusdem, quæ
vel probantur vel improbantur. Fit mentio Cap-
parum, mantellorum, Rodondellorum, Elochi-
arum, Tabardorum, Capparum Choralium à
festo omnium Sanctorum usque ad Pascha ge-
rendarum, almutiarum, caputiorum, forcatura-
rum, superpelliciorum, rochetorum, camisia-
rum Romanarum. Item mentio habetur colorum
quarundam vestium: sc. albi, flavi, nigri, sed
albus cæteris præfertur, brevitatis quoque quæ
prohibetur, longitudinis denique quæ commen-
datur. Porro Rodondellus vel Rotondella jux-
ta Tumburinium disp. 20. q. 2. n. 9. est man-
tellus longus parte anteriori apertus. Forcatura
verò est scapulare pellicium, quod alias varêta
dicitur juxta Pennottum lib. 2. Generalis hist. c.
69. n. j. & 2.

§. 41. *Exitus de monasterio quando permissus.*
Ubi

Ubi de licentia exeundi & de pœnis exeuntium illicite, vel ultra terminum extra morantium. Item de Regulari porta, parlatorio, clauſtro, capitulo, Magiſtro Noviciorum &c.

§. 42. *Alienatio prohibetur absque licentia ſedis Apoſtolice.* Ex quo paragrapho conſtat olim integras civitates, caſtra, villas cum ſuis juridiſtionibus ad loca ordinis pertinuiſſe.

§. 43. *Ficti contractus prohibentur.* Fit hic mentio Converſorum in ordine Canonico, ex quo ſequitur non repugnare ſtatui noſtro quod habeamus Converſos qui quamquam non ſint Canonici, ſi tamen profeſſi ſint, ſunt Religioſi in ordine Canonico, & ipsis illicitum eſt habere proprium.

§. 44. *Mutua quomodo recipienda.* Ex hoc §. iterum liquet Superiores in hoc ordine non ſolum Abbates & Priores, ſed etiam Episcopos fuiſſe.

§. 45. *Locationes quæ damnatæ ſint.*

§. 46. *Regiſtra & archiva conſiciantur.*

§. 47. *Alimentorum præſtationes non differantur.* Obſervandum initium hujus paragraphi: *Quum ſit rationi conſonum, illos non debere onera recusare qui rerum commoda complectuntur, Statui-*

mus quod Antistites, Abbates, Præpositi, Archidiaconi, Priores & Administratores ceteri Religionis præfata &c. Et infra. Institutionibus regularibus inherentes, statuimus ut Canonici in Ecclesiis Cathedralibus, monasteriis sive locis aliis Collegiatis seu Conventualibus dictæ Religionis constituti, consuetudine seu usu (quinimo abusu contrario non obstante) in refectorio comedant in communi—secundum regularia & Canonica instituta. Provisio quod illi quibus incumbit onus providendi de victu Canonicis eisdem provideant sufficienter & decenter non in pecunia sed in victualibus. Quod si qui redditus vel pensiones alicui ex Canonicis singulariter hætenus pro victualibus fuerint assignati nullatenus dimittantur eidem.

§. 48. Esus carniū quando prohibitus. Ut Salutis Auctori purius serviatur, Statuimus quod uniuersi Canonici Religionis præfata ab esu Carniū diebus sabbati, & per totum adventum Domini studeant abstinere, non obstantibus statutis, vel contrariis quibuscumq;. Super abstinentiā verò ab esu carniū in feria quarta & septuagesima, Prelati seu alii ad quos spectaverit consuetudines, & statuta antiqua & nova, honesta & rationabilia suorum locorum servant, & faciant observari: illis
tamen

tamen qui ad majorem abstinentiam sunt adstricti, per hoc esum carniū non intendimus indulgere. Ita paragraphus. Ex quo solerter notatum volumus ab Adversario, in ordine Canonico haberi diversa statuta localia, & rigores diversos; & signanter circa abstinentiam à carnibus, quæ tamen nil detrahant ejus specificæ unitati & identitati.

§. 49. *Accubitus sint in dormitoriis. Rursus præcipimus quod Canonici Religionis ejusdem residentes in Claustris, omnes simul vel si multitudo eorum non finit, saltem quanto plures ex ipsis commodè poterunt, in una domo dormiant, & juxta regularia instituta. Canonica-----celle jam factæ remaneant, sed à parte anteriori debeant aperiri.*

§. 50. *Privilegia & mobilia non transferenda. Religionis ejusdem consulere commodis, & præcavere dispendiis cupientes, Statuimus ut si quis Ecclesiæ Cathedrali, Monasterio, Prioratui, Præposituræ seu administrationi cuius dictæ Religionis præsidens, aut simplex Canonicus seu Conversus Religionis ejusdem privilegia-vasa aurea, seu argentea-libros, vel res alias notabiles, vel preciosas ipsorum, extra Ecclesiam monasterium-in damnum ipsorum-fraudulenter transportare, seu tenere præsumpserit, ex tunc simplex*

plex Canonici vel Conversus ad beneficia, seu officia quælibet Religionis ipsius obtinenda, sit eo ipso tam diu inhabilis, quo usq₃. cum eis fuerit misericorditer dispensatum.

§. 51. Missarum celebratio iniungitur. Vt Canonici residentes in Ecclesiis, monasteriis, & aliis locis conventualibus, saltem bis in septimanâ celebrent, qui in locis non Conventualibus semel, qui verò in studiis, semel in quindenâ.

§. 52. Et Eucharistiæ susceptio. Canonici non sacerdotes, ubilibet constituti, in quâlibet quindenâ saltem semel confiteantur, & quolibet mense suscipiant Eucharistiam.

§. 53. Diuinorum officiorum celebratio. Ubi inter cætera: Sane in Ecclesiis Cathedralibus, Monasteriis & locis Conventualibus Religionis ejusdem, missa major per Canonicum celebretur &c.

§. 54. Reliquiarum &c. Conservatio. Deniq₃. solliciti sint Antistites, Abbates, Præpositi, Priores, Sacristæ, Administratores alii Religionis præfate, quocumque nomine censeantur, quibus incumbit Ecclesias——— & alia vestimenta Ecclesiastica munda & nitida conservare &c.

§. 55. Fori usus damnatur. In favorem Religionis præfate prohibemus, ne Antistites & alii Ecclesiastici

clesiastici Indices, trahant professores Religionis ejusdem, in causis criminalibus ad eorū consistorium. &c.

§. 56. *Venationum.*

§. 57. *Armorum retentio prohibetur.*

§. 58. *Accusationes quæ recipiendæ.*

§. 59. *Reparatio locorum præcipitur. Si aliqua Ecclesia Cathedralis, monasterium seu locus religionis ejusdem in Religione, vel regulari observantiâ, adeo sint collapsa, quod per Antistitem, Abbatem seu Administratorem, vel Canonicum verisimiliter nequeant reparari, Statuimus auctoritate Apostolicâ quod --- de aliâ Ecclesiâ, Monasterio, seu loco in quâ ceu quo ejusdem Religionis noscitur observantia refluere, Canonici assumantur idonei, & eo mittantur, ut ibidem quam diu expediens fuerit morentur, per quos locus hujusmodi reparetur &c. Nil clarius proferri potest, pro unitate specificâ ejusdem ordinis inter Canonicos Cathedrales Regulares & Conventuales.*

§. 60. *Proprietarii damnantur. Licet contra Religiosos proprietarios, sit provisum per Canonicas sanctiones, tamen specialius providere volentes, contra illos Canonicos & Conversos dictæ Religionis, qui suæ salutis obliti, contra Regulares & Canonicas institutiones pecuniam congregant --- peculium oc-*

E

cultant

cultant & illicitè detinent &c.

§. 61. Conspirationesq. Statuimus quod conspi-
ratores & coniuratores si qui Religionis ejusdem, de
crimine hujusmodi legitime convicti fuerint vel con-
fessi-----eo ipso beneficium sint privati-----si ve-
rò beneficiati non fuerint eo ipso reddantur inhabi-
les ad quævis beneficia &c.

§. 62. Ejecti & fugitivi puniantur.

§. 63. Per prædicta jurisdictioni ordinariorum
non præjudicetur.

§. 64. Iussu illa publicandi in Capitulis, Ut
autem statuta hujusmodi quæ Religionis ejusdem sa-
lutem sapiant, & profectum, ad cunctorum professo-
rum hujusmodi ordinis notitiam deducantur, ac in-
violabiliter, ac fideliter observentur ab eis, auctorita-
te Apostolicâ præsentium tenore præcipimus-----
quod-----solemniter publicentur, eorumq. singula
copiæ singulis locis Religionis ejusdem, sigillata tra-
dantur, & bis in anno legantur &c. nulli ergo &c.

Datum Avenione idibus May Pontificatus
nostri Anno Quinto.

Hæc carptim delibare ex constitutio-
num pontificiarum libro, consultum visum fuit,
quia ea vel sola sufficere videntur, ad explican-
dum antiquitatem, dignitatem, status qualitatem,

&c

& unitatem specificam ordinis Canonorum Regularium S. Aug. & ad confutandum multa quæ contra eum, his inconsultis, vel etiam forte ignoratis, ab Adversario sunt producta, & in librâ posita; quæ alicuius mometi rerû imperitis videri possent, sed pensiculatè examinata ad hoc PONDVS SANCTVARIi facile *deprehenduntur minus habere*. Verum placet ex his pontificiis placitis, ad maiorem rei inculcationem, & ponderationem exactiorem, subnectere quæ sequuntur.

CAPVT VII.

*Corollaria ex Constitutionibus Benedicti XII.
præallegatis.*

20. Pri- **E**X titulo patet, dari in Ecclesiâ
mum. Catholicâ, inter ceteros ordines
Religiosos, ordinem quendam
qui dicitur vulgariter Canonorum Regulari-
um S. Aug. & hic ordo totus, præter summum
Pontificem, nullum alium agnoscit Generalem
supremum, cui subiecti sint omnes hi Religiosi
Canonici, per totâ Ecclesiâ diffusi, quibus solis
non aliis *v. g.* Norbertinis (quamquam etiam

Canonicis Regularibus) latæ sunt hæ constitu-
 tiones generales, a Benedicto XII. quondam
 monacho Cisterciensi. qui certè aliter sensit de
 ordine Canonorum Reg. S. Aug. quam qui-
 dam recentiores Cistercienses, qui ita scribunt
 de hoc ordine, ac si genus quoddam esset in
 varias distinctas species, ordinum Canonorum
 Regulariũ S. Aug. divisum. In (quo pace ipsorũ
 Cisterciensium dixerim) plurimum ipsi halluci-
 nantur. Quia hic ordo, ut faciliè ex præfato ti-
 tulo deprehenditur, sub genere ordinis Cano-
 nicorum Regularium, est in specie infimâ, di-
 stinctâ ab ordine Præmonstratensi & aliis. Quod
 confirmatur etiam ex libro taxæ sacri Collegii,
 & reverendissimæ Cameræ Apostolicæ, omnium
 Abbatiarum, & monasteriorũ orbis Christiani,
 in quo omnes Abbatiæ, & monasteria ejusdem
 ordinis, sive sint in Italia, sive in Gallia, sive in
 Hispania, sive in Belgio, sive alibi, vocantur
 ordinis S. Aug. sicuti alia ordinis S. Benedicti,
 Sancti Basilii, ordinis Cisterciensis, Præmon-
 stratensis; & hoc titulo solo ab his omnibus
 discernitur & discriminatur: ut frivolum sit, vel-
 le orbi obtrudere, sub eo ordine tot ferè diver-
 sos ordines, quod congregationes, in quo tamen
 falso:

falso fundamento, magnum præsidium ponitur ab Adversario, & refugium quæritur sed frustra.

Secundum. Ex prologo patet antiquitas hujus ordinis, quia dicitur à *Christi gloriosis Discipulis*. (quod alii Pontifices postea suo loco citandi ab Apostolis dicunt) *in primitivâ Ecclesiâ sacris institutionibus stabilitus*, Sic enim loquitur Benedictus duodecimus, & quidem asseveranter. Patet denique jus Canonicum loqui de Canonicis Regularibus hujus ordinis. Nam hic patenter dicitur, quod ea quæ sunt, à sacris Canonibus; pro his Canonicis, instituta, omnino immota, in sua firmitate manere debeant. Quod bene notandum est contra Abbatem Ioachimum, Hieronymum Romanum, & alios qui hos sequuntur (de quorum numero etiam esse vult Adversarius noster) contrarium scribentes.

Nota

Tertium. Hunc ordinem fuisse diffusum tempore Benedicti XII. circa annum 1339. per totam Ecclesiam Orientalem, & Occidentalem, divisum quidem, non in plures species; sed in plures ejusdem ordinis congregationes, ejusdem inquam, specie infimâ, congregationes, dico, vel capitula, quidquid reclamet Adversarius: sicut ordo Benedictinus, etiam in plures congregationes,

gationes, & ordines mendicantium, in plures provintias. Vide paragraphum 19. ubi de distinctione agitur provinciarum pro capitulis celebrandis.

Quartum. Loca in quibus hic ordo fuit observatus, fuisse Ecclesias Cathedrales, Collegiales, monasteria, & alia minora. Constat ex §. 1. 5. 7. 8. 12. 15. 22. 23. 25. 47. 50. 51. 53. 59. Hinc sequitur, omnes hos Canonicos Reg. (sic enim hic vocantur) sive in Cathedralibus Ecclesiis, sive in monasteriis resederint, à Pontifice habitos fuisse, unius & ejusdem ordinis, seu Religionis (hoc enim vocabulo sæpe utitur Pontifex) & Cathedrales etiam Canonicos, habuisse annum probationis, & professionem debuisse facere expressam liquet ex §. 2. 3. 4. 5. Locorum autem nomina hic sæpe posita, sunt Ecclesiæ Cathedrales, Collegiatæ, Abbatia, Præposituræ, Prioratus &c.

Quintum. Ordinis ejusdem Superiores, fuisse Antistites seu Episcopos, Abbates, Præpositos, Priores, Archidiaconos constat ex §. 8. 25. 26. 31. 47. 54. 59. Ibi enim istis nominibus exprimuntur. Mentio etiam fit Prioris Claustralis §. 6, & Magistri Noviciorum §. 41.

Sextum.

Sextum. Religiosos Canonicos Reg. eo tempore obtinuisse dignitates, personatus, beneficia tam curata, quam simplicia, liquet ex §. 11. 25. 26. 30. 32. 39. 50. 61. Fuisse item tunc in ordine hæc officia scilicet Sacristiam, Thesaurariam, Eleëmofynariam, Operariam, Camerariam, sic enim hæc vocantur §. 39. fit item & mentio variarum officinarum, Infirmariaë §. 33. refectorii §. 47. dormitorii & cellarum §. 49. portæ, parlatorii, Claustri, Capituli §. 41.

Septimum. Ingentes fuisse hujus ordinis possessiones, integras civitates, villas, castra, territoria cum eorum jurisdictionibus §. 42.

Octavum. Quantum ad subditorum conditiones & appellationes, inter eos: aliquos fuisse simplices Canonicos §. 50. alios beneficiatos §. 11. 30. &c. imo & Conversos §. 50. &c.

Nonum. Vestes Canonici Reg. esse Cappas Chorales ferendas à festo omnium Sanctorum, usque ad Pascha, Almutias, superpellicea, Camisias Romanas, ceu Rocchetta. patet. §. 40. Porro Rocchettum dicitur, vestis illa lineæ quam gestant Canonici Reg. S. Aug. cujuscumque tandem sit formæ, tamquam proprium sui ordinis habitum, de qua pulchra habet
Ioannes

Ioannes Buschius in Chronico Windefemiensi lib. 1. cap. 23. & hæc inter cætera. Hæc linea vestis sancta & sacerdotalis, quâ filii Aaron qui omnes erant sacerdotes in officiis divinis indui consueverant Ephod nuncupatur, quæ verus est jam habitus omnium Canonorum Regularium. Tempore quoq. gratiæ novi testamenti, hæc linea vestis præcellens est gloriæ & dignitatis Apostolicæ autoritate, in usum Ecclesiasticæ Prælationis summorum Pontificum, Cardinalium & Episcoporum gloriam & decorem ab antiquo assumpta. Dominus enim Apostolicus in divinis & missarum celebrationibus, Cardinaliumq. & Episcoporum conciliis vestem illam lineam quam Rochettum Romanum appellant, super omnia vestimenta sua rubea aurea seu serica per humum defluentia deferre consuevit; nisi ad papatum de regulis S. S. Benedicti, aut Francisci fuerit assumptus: tunc enim vestem ordini suo congruam solitus est deferre. Omnes etiam Cardinales & Apostolicæ sedis Legati, Patriarchæ, Prælati, Archiepiscopi & Pontifices in Domini Papæ præsentia cum huiusmodi Rochetto Romano, quod nos subtile vocamus, variis colorum vestibus de subtus induti solent apparere, atq. in suis Ecclesiis, propriis habitationibus,

bus, ac per orbem diœcesibus, præsertim in divinis officiis & rebus Ecclesiasticis de jure & consuetudine Ecclesiæ Romanæ hujusmodi Roketis induti incedere. plures etiam vidimus locorum ordinarios, Archiepiscopum, Primate[m] & ceteros diœcesanos in Ecclesiis, monasteriis, castris & domiciliis suæ diœcesis Roketum Romanum sive subtile quod idem est, supra cetera vestimenta sua cuncto populo inspectante publice deferre in eo celebrare, divinis interesse, & ad mensam manducare. Hucusque Buschius, qui dum dicit Roketum Romanum esse verum habitum omnium Canonico[rum] Regularium, intelligit Canonicos Reg. S. Aug. neque enim hoc Roketum est verus habitus Canonico[rum] S. Norberti Præmonstratensium, ut qui gestent Cucullā & scapulare. Agit de eodem habitu Ascanius, tom. 1. disp. 26. q. 2. n. 5. ubi & constitutionum Benedicti XII. mentionem facit, qui etiam eodē tomo disputatione 20. q. 3. refert conclusionem quandam de habitu Prælatorum ex Ordine Canonico[rum] Reg. assumptorum probatam ex multis juribus, auctoritatibus & rationibus quæ sic habet:

Stat ergo conclusio omnes septem suprapositas conclusiones connectens, quod nostri Canonici Reg. de

F

quibus

quibus agitur, tanquam *essentiales Clerici distincti à Monachis & aliis regularibus, uti possint Almutiis, pellibus, cappis, habitu, forma, & colore Clericis secularibus non prohibitis. Data tamen differentia signi in toga lineæ quæ est eorum essentialis habitus: qua à secularibus Clericis distinguantur, & quod Prælati ex Canonicis Regularibus, uti possint Roke-to, more Romanæ Curie, almutiis de panno super utrumq. humerum & Cappa violacea cum pellibus albis, & pileo viridi si sint Episcopi vel rubeo si Cardinales more aliorum Prælatorum. Et ita postmodum determinavit Leo X. in bulla quæ incipit Dudum cum ad Ecclesiam Sebastensem &c. Quæ extat apud eundem Ascanium sup. ex quo elucet Rochetum Romanum, qui est proprius & verus habitus Canonicoꝝ Reg. S. Aug. esse signum Clericalis dignitatis, essentialiter ipsis competentis, quod monachi gestare non possunt, nisi ex privilegio, qui etiam habitum suæ religionis retinere tenentur etiamsi ad Episcopatum assumantur.*

Decimum. Aliqua hujus ejusdem ordinis loca, seu capitula fuisse independentia, aliqua verò dependentia ab uno primario, ex paragra-
pho 8. hinc distincta capitula, & multæ con-
gregationes;

Nos eam
transcrip-
simus in fi-
ne hujus
operis-

gregationes; nec-non plura monasteria, sub uno capitulo, vel congregatione, in ordine Canonico salvâ manente ejus specificâ unitate.

Undecimum. Ecclesias, monasteria, & alia loca deformata, debuisse reformari, ex decreto Pontificio, per Canonicos aliorum locorum, ejusdem ordinis, bene formatorum; erant ergo omnes tam Cathedrales, quam monasteriales ejusdem Religionis & rationis ex §. 59.

Duodecimum. Hanc identitatē specificam, non destrui in eadem Religione, per hoc quod, in aliquibus capitulis, ceu congregationibus peculiaribus, observentur particulares constitutiones, vel consuetudines, aliquæ rigiditates, ut strictior v. g. abstinencia ab esu carnum, & similes quam in aliis pater, ex §. 48.

Decimum tertium. Eandem disciplinam Regularem observandam præcipi tam in Cathedralibus Ecclesiis, quam in monasteriis Religionis ejusdem §. 7. consistentem in capitulo quotidie tenendo, item in capitulo annuo & quadriennali §. 8. 9. &c. in observantiâ regulæ. §. 34. in habitu & tonsurâ decenti & convenienti, in incessu associato. §. 31. 37 in veniâ exeundi petendâ. §. 41: in communi refectorio,

& dormitorio tenendo. §. 47. 49. in officio divino & Missæ Sacrificio celebrando, in cantu Ecclesiastico. §. 31. 51. 53. in usu Sacramentorum frequentando. §. 52. in cavendo à prohibitis, servitio famulorum sæcularium & quorundam animalium. §. 35. à lautis conviviis §. 36. à venatione tumultuosâ. §. 56. armorum retentione. §. 57. accusatione invidiosâ. §. 58. conspiratione perniciofa. §. 61. proprietate damnosa §. 60. & in transgressores statui eandem poenam §. 50. 60. 61.

Decimum quartum. Quantum ad litterarum studia, Philosophiam, Theologiam, jus Canonicum, gradus Academicos sumendos in dictis facultatibus, pensiones studiosis, præsidentibus, docentibusque assignatas, privilegia docendi in Cappâ competenti in Academiâ Parisiensi, vel aliâ, indifferenter disponi, tam quoad Canonicos Cathedrales, quam Conventuales ex §. 22. 23. 24. 25. & sequent. Quæ certè omnia clarè arguunt, quantum ad Canonicum ordinem S. Aug. attinet nullam esse inter eos differentiam, quod etiam tanquã indubitatum supponit Pontifex.

Ad hæc Corollaria, tantâ tamque naturali
sequelâ

sequela resultantia, ex prædictis constitutionibus, forte aliqui non habentes, quod respondeant, eo confugient; ut eas in dubium revocent, qui mos est hujus sæculi inter subtile magis quam eruditos; quare non abs re erit, nonnulla in medium proferre, quæ ostendant eas esse per-quam authenticas, & fide dignas: quod sequentibus capitibus agendum.

C A P V T V I I I .

22. **B**enedictus XII. Religiosissimus Pontifex, de omnibus religionibus optimè meritis, dictas à se conceptas Constitutiones, pro generali reformatione ordinis Canonico-Augustiniani, quam ocysimè, datis litteris Apostolicis per singulas ferè provincias promulgari, & executioni mandari præcepit. Unde & quamprimum, nonnullis in provinciis eâ de causâ celebrata sunt Capitula; ut in provinciâ Romanâ, & quidem in Cathedrali Ecclesiâ Eugubina tunc Regulari, Anno salutis 1344. die 4. Maj. in quo provinciali capitulo, secundum formam prædictarum constitutionum, visitatores Ecclesiarum & monasteriorum, per provinciam illam deputati sunt,

qui sequuntur. Prior S. Frigidiani Luca visitare debeat & teneatur omnes Ecclesias, monasteria, & loca conventualia, existentia in Civitatibus & Episcopatibus Civitatis Castelli, Eugubij, urbis veteris, Viterbij & Romæ. Dominus Iacobus Prior Cathedralis Eugubina, S. S. Mariani & Iacobi, visitare debeat & teneatur omnes Ecclesias monasteria & conventualia loca civitatum & Episcopatum Perusij, Clusij, Florentiæ. Prior S. Mariæ novæ-Romæ visitare debeat omnes Ecclesias, monasteria & conventualia loca Civitatum Episcopatum Beneventi, Neapolis, ac etiam in Regno Siciliae & in Apulia. Prior S. Andreae de Mosciano Florentiæ visitare debeat & teneatur omnes Ecclesias, monasteria, & loca conventualia Civitatis & Diocesis Lucensis. Prior S. Ioannis de Vrbe veteri, visitare debeat & teneatur omnes Ecclesias, monasteria, & loca conventualia existentia in Civitatibus & Episcopatibus Firmano & Asculano: cujus Capituli acta exstant in Archivis Cathedralis Ecclesiæ Eugubinae. Hinc habes anno prænotato ordinem Canoniorum Reg. S. Aug. viguisse per Italiam non tantum in monasteriis aliisque locis conventualibus, verum etiam in Ecclesijs Cathedralibus quod sæpè inculcandum est.

CAPV T IX.

23. **S**ed & hoc Capitulo, antiquius est Capitulum Provinciale Papiense, eandem ob causam habitum anno partæ salutis 1340. in festo S. P. Aug. quod editum est typis magistri Stephani Guillereti de Luna-rivilla Diœcesis Tullensis impressoris circa annum 1500. hoc titulo prænotatum: *Constitutiones factæ in Capitulo provinciali Canonorum Reg. Ordinis S. Aug. in Pisan. Ravennat. Ianven. & Mediolanen. provincijs cum Episcopatibus Placentin. Ferrarien. & Ariminen. sub anno & indictione infrascriptis celebrato in Abbatia S. Petri in Cælo aureo Papiæ----* sic incipit: *In nomine Domini Amen. Venerabilis ac Religiosus vir Fr. Philippus Abbas monasterij S. Petri in Cælo aureo Papien. Ordinis Canonorum Reg. S. Aug. Commissarius à sede Apostolica deputatus in hac forma.*

Benedictus Episcopus servus servorum Dei dilectis filiis Abbati S. Petri in Cælo aureo Papien. & Priori S. Georgij de Ferreola prope Ferkariam per Priorem soliti gubernari monasterii salutem & Apostolicam benedictionem paternæ considerationis apicem

cem ad salubrem statum ordinis seu Religionis Canonorum Reg. ordinis S. Aug. attentius dirigentes pro salute & prosperitate ipsorum, præhabita deliberatione maturâ, nonnulla statuta edidimus, & ordinationes fecimus: quas volumus & mandamus in eodem ordine seu religione perpetuis futuris temporibus observari, & quia in eisdem statutis & ordinationibus inter alia diximus statuendum quod in ordine præfato in singulis provinciis per nos in ordinationibus noviter statutis, & etiam designatis fiat de quadriennio in quadriennium provinciale Capitulum Abbatum & Priorum monasteriorum Abbates proprios non habentium, & etiam Priorum Cathedralium Ecclesiarum ordinis seu Religionis ipsius seu aliorum majorum in ipsis Ecclesiis existentium post Antistitem eorundem &c.

24. Post recitationem bullæ pontificiæ, sequuntur acta capitularia, in quibus, inter cætera hæc leguntur circa medium: Die vero sequenti de mane præfatus Dominus Abbas Commissarius librum constitutionum ei ex parte prædicti SSmi. in Christo Patris & Domini Benedicti XII. & sub eius bulla missum prædictis Abbatibus, Prioribus, Præpositis alijsq; prædictis & absentium procuratoribus ibidem in dicto monasterio congregatis,

&

¶ qui totum Capitulum faciebant ¶ ipsi capitulo presentavit, &c. Qui liber sic incipit: Benedictus Episcopus servus. Et sic finit: datum Avenione idibus Maij Pontificatus nostri anno 5. ¶ ipse librum à principio usq; ad finem in Capitulo audientibus ¶ auscultantibus publicavit, ¶ legi fecit clarè eadem die, ¶ die altera immediatè sequenti citò ¶ distinctè &c. & infra circa finem. Et quoniam ex mandato Apostolico tenetur Capitulum memoratum providere de loco accommodo ¶ securo ubi liber bullatus bullâ papali Constitutionum ¶ ordinationum suarum debeat perpetuis futuris temporibus custodiri, mandato prædicto parere volentes, provide-
runt, statuerunt, ¶ ordinaverunt præsidentes, ¶ totum capitulum ante dictum, quod dictus liber bullatus Constitutionum ¶ ordinationum prædictarum in monasterio S. Petri in cælo aureo ubi corpus Egregij doctoris S. Augustini residere noscitur tumulatum, reponatur ¶ ibidem debeat perpetuis futuris temporibus custodiri, &c. Ita Ibi.

25. Hic solerter notandum, has constitutiones, observatas fuisse à Canonicis Reg. Ordinis S. Aug. per provincias Italicas, diu ante reformationem Lateranensem, ortam, circa annum Domini 1446. in quâ manentibus substantiali-

bus professionis canonicæ antiquæ, concepta tantum fuerunt statuta quædam, quæ in varijs Capitulis ex causa quibusdam additis vel demptis mutantur; cui Congregationi Lateranensi reformatæ plurima loca regularia, in prædictis actis capitularibus recensita, paulatim fuerunt incorporata & nominatim ipsummet venerabile monasterium S. Petri in Cælo aureo, circa annum Domini 1517. ut patet ex diplomate Leonis Decimi prædictâ unionem dato, quod incipit: *Leo Episcopus &c. Etsi de cunctis orbis Ecclesijs & monasterijs.---solliciti cogitare teneamur, ad Monasterium tamen S. Petri in Cælo aureo Papien. ordinis S. Aug. &c.*

26. Porro Constitutiones hæc Canonicos S. Frigidiani vulgo Frigidionarios, seu Frisionarios appellatos, Ordinis S. Aug. ut ex bullis liquet, per quos agente Eugenio IV. circa annum Domini 1446. Lateranensis Ecclesia reformatæ est, & congregatio, ex eâ reformatione nata, dicta Lateranensis, ut ceteros ejusdem ordinis tunc obligabant, quousque ab eis absoluti fuerunt speciali dispensatione à Martino V. *Eo quod mores observantias & consuetudines haberent illis & in rigiditatibus, ac disciplina ordinis strictiores*

strictiores & observantia regulari aptiores ad conservandum religionis debitæ statum, inquit in bulla dispensationis idem ipse Martinus Pontifex. Produxerunt tamen eas postea in causâ præcedentiæ, contra Monachos Cassinenses, ad probandum sui ordinis antiquitatem, & ab Apostolis seu gloriosis Christi discipulis descensum, ut liquet, ex allegationibus scipionis Lanceloti numero 43. & ex relatione Joannis Baptistæ Cicadæ S. R. E. Cardinalis, quæ infra ad longum, suo loco recitabitur; ut inde videre liceat, Lateranenses, in arduo illo negotio, supposuisse se fuisse ejusdem ordinis, cum alijs omnibus Canonicis Regularibus S. Aug. per orbem dispersis, pro quorum generali reformatione latæ sunt Pontificiæ illæ constitutiones, quod scriptores aliqui vel ignorantes vel non advertentes dum aliud scribunt, multum hallucinantur.

C A P V T X.

27. **D**Ebuissent iisdem constitutionibus teneri, cum essent ordinis ejusdem Windesemienses: verum idem Pontifex

fex Martinus V. exemit illos, eo quod acceperat, constitutiones illas non fuisse in partibus Belgicis promulgatas, nec moribus utentium approbatas. Ita lego in bulla quæ incipit: *Martinus Episcopus servus &c. S. Mariae in Winde-
sem-----ordinis S. Aug. monasteriorum Prioribus,
Rectoribus, & Conventibus salutem & Apostolicam
benedictionem. Sponsa Christi sancta Mater Ecclesia
nullam maculam vel rugam habens sub unitate fi-
dei religionum diversitate non mediocri venustate
decoratur, quæ licet una dici possit & debeat pro-
pter suorum civium unitatem suis tamen per orbem
domibus distributis supernæ retinet civitatis exem-
plar, quæ cum sit unica multas habet (testante Do-
mino) mansiones. Hæc est quidem veteris arca Noë
miro studio fabricata, mansunculas habens & ca-
meras; hæc Ioseph mystici tunica polymita, hæc ipsius
Domini vestis inconsutilis sed desuper contexta per
totum ut ex iis pateat & Ecclesiæ ipsius unitas, quæ
regularium distinctionē professionū non abjicit; & ea-
rum diversitas, quæ materni corporis nec tollit nec
lacerat unitatem. Ad hanc sanè mirabilem pulchri-
tudinem qua splendet & splenduit quasi varietate
circumdata ipsa mater retroactis temporibus adjecit
plurimum ordo vester: qui sicut à suis primordiis,
post*

post beatos Apostolos Christi per regularia S. P. Augustini instituta luculenter per orbem effloruisse dignoscitur: ita etiam nunc divina propitiante gratia, iis novissimis temporibus, eundem ordinem in Monasteriis vestris per disciplina regularis & fraternæ visitationis observantiam, felici pullulatione reflorescere, & uberrimam exinde animarum frugem Deo referri læti gratulamur-----Et infrâ:-----non obstantibus tamen felicitis recordationis Benedicti Pape XII. & prædecessoris nostri-----quæ quamvis de ordine vestro editæ sint, non tamen fuerunt in provincia vestra & in quibusdam aliis provinciis, ut asseritis, particulariter promulgatæ, seu moribus utentium approbatæ quam aliis quibuscumque constitutionibus Apostolicis &c. Hactenus Pontifex: qui signanter hîc, inter cætera testatur constitutiones Benedicti XII. editas esse de ordine Congregationis ceu Capituli Windesemensis, quia nimirum generales sunt editæ, pro omnibus Canonicis Reg. S. Aug. quales sunt Windesemiensis, Aroasienses, Lateranenses, &c, unum & eundem ordinem profitentes, ut nil vanius fingi possit, quam imaginari, diversas has congregationes esse ordines specie diversos, quod tamen non semel, persuadere imperitis

hujus materiæ, Adversarius noster molitur; sed ut suo loco clarius videbitur, *mole ruit suâ.*

28. Non tamen fuisse has Constitutiones in Belgicâ nostrâ priscis temporibus ignotas, satis apparet ex eo quod Arnoldus Gheiloven Roterdamus Juris Canonici Doctor, Canonicus Reg. S. Aug. monasterii Viridis-vallensis propè Bruxellas, qui obiit anno 1442. scripserit tractatum quendam inter cætera, cui titulus: *Lectura super constitutionibus Benedicti duodecimi*, teste Reverendo Domino Marco Mastelino ejusdem ordinis, & monasterii Canonico lib. 2. Necrologii. cap. 37.

C A P V T X I.

29. **C**æterum Ioannes Trullus, Canonicus Reg. Aragonensis lib. 1. de Canonicis cap. 2. luculenter testatur, has sæpè dictas constitutiones, in Hispaniâ quam primum anno scilicet 1340. promulgatas fuisse, dum sic scribit: *Iubente Benedicto XII. Prælati Regulares Ecclesiarum Cathedralium & monasteriorum provinciarum Taraconensis & Cesar-augustana anno Domini 1340. mense Augusto in Castro Re-*
gio

gio civitatis Illerdæ Capitulum provinciale coegerunt & aliquot diebus celebrarunt in quo promulgata fuerunt saluberrimæ illæ constitutiones omnium totius orbis Canonorum Reg. eodem Benedicto Autore & Evulgatore.

30. Denique Bonifacius Nonus anno 1401. mandavit Abbati S. Petri, in Cælo aureo, & Prioribus S. Frigidiani Lucensis, & S. Aug. Pisanæ, Capitulum provinciale cogere, juxta dictarum formam constitutionum; quâ de re exstant authenticæ litteræ, in prænominato S. Petri in Cælo aureo, Cœnobio, verum dirissimo schismate, quod tunc temporis Ecclesiam perturbabat, impediente, ut quidem videtur, negotium mansit infectum. Quod reliquum est prædictas constitutiones recitari tomo 1. Bullarii testatur Aubertus Mireus in auctario codicis regularium c. 5.

31. Quibus omnibus, debitè libratis, nullus superesse potest, de earum autoritate constitutionum, ambigendi locus, quæ profecto sufficere abundè deberent, pro certificandâ unitate specificâ, Canonici ordinis S. Aug. nisi incidissemus in exotica hæc tempora, in quibus reperiuntur homines, magis novis viis inveniendis
(quibus

quibus Dialecticam, Phÿsicā, Mathematicā, adde & Theologiam moralem, imo & ius Canonicū ad suum cerebellum reformare seu potius difformare nituntur) quam veteribus, tritis, & securis permeandis studentes, vel certè nodum in scirpo quærentes.

C A P V T X I I .

32. **H** Anc eandem unitatem specificam, ordinis Canonico-Augustiniani, spectavit Ioannes Buschius, Auctor Chronici Windesemēsis (nec bene allegatus, nec bellè explicatus ab Adversario) quando lib. 1. Chronici Wind. cap. 23. scripsit agens de habitu Canonorum Reg. *quamvis autem habitus iste* [scilicet vestis lineā ceu Rochetum] *in diversis mundi provinciis in ordine nostro* [haud dubiè Canonico S. Aug. disperso per totum mundum, cum interea congregatio Windesemensis vix Belgium, & aliqua loca vicina excedat] *diversimodè formetur, unus tamen est tantum ordo Canonorum Reg.* [intellige S. Aug.] *per totum mundum, cujus habitus est lineā vestis variè* [accidentaliter scilicet] *licet formetur. Quæ non possunt*

possunt intelligi, de unitate genericâ ordinis Canonorum Reg. sed de unitate specificâ, quia Auctor hic loquitur de ordine Canonorum Reg. quorum proprius habitus est prædicta linea vestis, quam Rochetum dicimus, qui proprius est Canonorum Regularium S. Aug. ut alibi plenius declarabitur, & de quo supra quædam ex eodem Auctore produximus, distinctus ab habitu proprio & distinctivo Canonorum Reg. S. Norberti scapulare & cucullam gestantium, ut patet, consulatur Adamus præmonstratensis. Quando ergo supra dixerat Buschius hanc eandem lineam vestem, seu Rochetum, esse habitum omnium Canonorum Reg. nonnisi de Canonicis Reg. S. Aug. intelligi potest, nec ideo hic Auctor, sibi erit contrarius, eo quod capite præcedente nimirum 22. scripserat in hæc verba: *Cum plurimi Religiosi ordinum diversorum solemnem faciant professionem, secundum Regulam B. Aug. sola tamen statutorum diversitas differentiam facit ordinum singulorum, statum, habitum, mores, ritus, & ceremonialia hujusmodi ordinum singulorum specialiter exprimentium &c.* Non enim hoc dicit quasi velit insinuare diversitatem statutorum inducere dif-

H

ferentiam

ferentiam specificam in ordine Canonorum Reg. S. Aug. (qui unus quidem ordo per se est à multis aliis distinctus) ut prætendit Adversarius: sed inter ordines ab eodem specie distantes, quamvis sub eadem Regula Augustiniana merentes, etiam sub communi nomine Canonorum Reg. sub quo etiam comprehenduntur Præmonstratenses. Quæ Auctoris hujus mens, clarè colligitur, ex iis quæ statim subjungit: *duodecim, inquit, autem ordinum diversorum Religiosos in diversis mundi partibus vidimus secundum Regulam B. Aug. expressè professos, habitum tamen, moribus, ceremonialibus & statutis apertè distinctos Canonicos videlicet Regulares, Præmonstratenses, Augustinienses, Ioannitas, Dominos Teutonicos, Predicatores, Cruciferos, Servos Mariæ sive spectantes, B. Mariæ Magdalene de penitentia, Ambrosianos, Hieronymitas, & Fratres Sororesq. ordinis S. Brigittæ.* Ubi vides ipsum ponere differentiam specificam inter Canonicos Regulares. haud dubiè S. Aug. & Præmonstratenses (quamvis & hi Canonici Regulares etiam nuncupentur aliàs) habentes cum Regulâ S. Aug. statuta, statum & habitum distinctum exprimentia (sicut & habent cæteri Religiosi, consequenter ibi enumerati:

enumerati) distinctum inquam à statu & habitu Canonorum Reg. S. Aug. qui primum membrum constituunt, istius numeri duodenarii; sicut & Præmonstratenses, secundum. Aliàs enim si Auctor hic, verbis hisce, indicare voluisset, per diversa statuta inveni in ordinem Canonorum Reg. S. Aug. differentiam specificam, non jam debuisset dicere, tantum duodecim esse ordines Regulam B. Aug. Professos; sed multo plures, præter recensitos duodecim, hos scilicet, Lateranenses, Aroasienses, Windesemenses &c. Verum hi omnes ab Auctore comprehensi sunt, sub primo membro, nimirum Canonicis Reg. à Præmonstratensibus & reliquis, distinctis. Quæ omnia clara sunt, prædictum eundem Auctorem, sincerè & defæcato oculo legenti. Qui etiàm loquens de Cappâ nigrâ cap. 23. ejusdem libri primi sic scribit: *Cappa autem Canonorum Reg. nigra quam super subtile induimus habitus noster non est propriè loquendo, sed tantum toga pluvialis, quæ etiam per diversas provincias in forma variatur juxta morem patriæ & varias ordinis constitutiones, in divinis & foris certis temporibus deferenda. Ita ille. Ubi vides eum dicere, varias ejusdem ordinis Cano-*

nico-Augustiniani scilicet, esse constitutiones, quæ haud dubiè, juxta ejus mentem ipsum ordinem intrinsecè non variant.

33. Denique quandoquidem cum Joanne Buschio occupemur, ut & eâdem operâ hoc absolvamus, diligenter advertendum est, ad ea quæ ipse, ibidem notat, circa Regulam B. Aug. dicens: *nullam Religionem nullamq̃. cujuscumq̃. ordinis & competentis personam regulam B. Aug. ad plenum posse observare sine certis constitutionibus, loca, & tempora orandi vigilandi, dormiendi, reficiendi, tacendi, loquendi, actus & officia, cunctorum officialium singillatim exprimentibus.* Sic ille. Cujus ratio ea est quod magna differentia sit, inter Regulam S. Augustini, & Regulam S. Benedicti. Hæc enim abundè satis ad hæc particularia descendit: illa vero non item. Magis enim, in generalibus principiis vitæ Religiosæ tradendis, suspensa hæret. Vnde varias determinationes, per diversa statuta, non respuit, & defacto juxta morem Canonici ordinis S. Aug. admittit; unde si modernum statum ejusdem ordinis consideremus, saltè quo ad monasteria, nullis jam congregationibus unita, ut sunt multa. v.g. in Belgio, tot sunt statuta diversa, quot loca Canonica,

Canonica, imo in eâdem civitate, exempli causa, nostra Brugensi ubi quatuor sunt monasteria ejusdem ordinis Canonici, nulla tamen habent eadem statuta, sed diversa, quæ nihilominus quia nec statum nec habitum, qui solet esse status indicium, immutant, nullam specificam differentiam inducunt, alias enim sequeretur tot esse ordines diversos in ordine Canonico-Augustiniano quod diversa cœnobia, quæ sequela à nostris, risibus & sibilis fuit excepta, illud hîc pro coronide notandum eundem Joannem Buschium lib. 1. Chronici Windesemensis c. 13. habere hæc expressa verba. *B. Augustinum Ordinis nostri constat esse institutorem.*

C A P V T X I I I.

34. **H**ic mos igitur cum non lateat Ecclesiam, hanc professionis formulâ: *Pro-mitto obedientiam, castimoniâ, proprii carentiam & vitam Canonicam juxta Regulam S. Aug. & statuta hujus monasterii*, non admittit eadem sancta mater Ecclesia, nisi iuxta generalem ordinis ejus intentionem & morem, qua quove profitens, tres substantiales virtutes tan-

H 3

tum,

tum, solet ipse promittere observandas juxta ordinis consuetudinem id est juxta Regulam S. Aug. & statuta congregationis, vel Monasterii, quatenus pro more obligant. Neque enim omnia quæ habentur in Regulâ Augustinianâ obligant, neque omnia quæ obligant ad mortale obligant; & statuta ex more tantum obligant ad pœnam, non vero ad culpam; neque enim hîc magis consuetum est facere quantum votum solemne quam in ordine S. Benedicti. Nam quantum ad votum stabilitatis vel hoc non distinguitur à voto obedientiæ (exprimitur enim quod præsertim, etiam velit quis obligari obedire in hac materia stabilitatis) ut Laurentius Landtmeterere vult in Commentario Regulæ Augustinianæ, vel tantum est pactum inter Conventum, & profitentem, ut advesario placet commentanti in Regulam S. Benedicti. Sicut & quod additur & *Canonicam vitam* non est quid distinctum à tribus votis, juxta Regulam S. Augustini, & statuta congregationis vel monasterii scripto tradita, vel solis moribus usitata, statui Canonico consentanea, servandis quia in eorū observantiâ sita est vita Canonica. Vnde particulæ illæ, *juxta Regulam S. Aug. & statuta Monasterii,*

nafterii, non ponunt materiam voti maximè quoad statuta, sed tantum exponunt modum, quo ex more ordinis, tria vota substantialia veniant observanda. Id vel ex eo patet, quod illis in statutis non tantum summus Pontifex dispensare possit, sed etiam inferiores Prælati, qui eadem & mutant addendo; detrahendo, vetera abolendo, nova intrudendo juxta circumstantiarum exigentiam, ut nos vidimus. Porro omnia statuta, in quibus summus Pontifex dispensat, aut Superiores ordinis, accidentalia sunt, & dogmata ordinem specificantia, vel mutantia dici non possunt, juxta Adversarium 1. parte Libræ titulo de distinctione Religionum numero 18. quod etiam inde confirmari potest; nam aliqui Canonici Reg. S. Aug. eodem ordine, salvo manente, quoad statum & habitum essentialem, & invariato, nunc statuta Aroasiana, nunc Victorina, & tandem Windefemensia assumpserint, ut Adversarius alibi notat de Dominis Cysoniensibus, quos toties fractæ professionis reos proclamare non parva injuria esset, vel asserere ordinem variasse, temeritas.

35. Adde non absimilem esse formulam professionis, Noviciorum ordinis S. Benedicti, congre-

congregationis Vallis-vmbrôsæ, apud Ascanium in formulario Abbatum formula 1. hanc scilicet: *Ego Frater N. promitto stabilitatem meam, & conversionem morum & obedientiam, & castitatem perpetuam secundum Regulam S. Benedicti Abbatis & institutum Sanctissimi Patris nostri Ioannis Gualberti coram Deo & Sanctis ejus &c. sub obedientia Vallis-vmbrôsæ Abbatis Generalis.* Ecce promittunt illi virtutes substantiales Religionis, non tantum juxta Regulam S. Benedicti; sed etiam secundum institutū S. Joannis Gualberti, nec tamen propterea desinunt esse Benedictini, etiā ex mente Adversarii: quamvis hi communiter tantum soleant profiteri easdem virtutes secundum Regulam S. Benedicti nullā factā mentione particularis statuti vel instituti: quare mentio statuti additi supra Regulam in formula professionis non necessario variabit ordinem. Atque ita vacillant ea quæ adversarius tradit suā in librâ numero 20.

C A P V T X I I I I.

36. **P** Ræterea specificam hanc unitatem, duobus in locis, probat Emmanuel Rodericus, non bene explicatus ab Adversario supra numero 22. probat inquam tomo 1. q. 1. art. 3. & tom. 3. q. 49. art. 3. sequens duos Scriptores Canonici Ordinis S. Aug. Joannem Trullum Aragonensem & Augustinum Ticinenlem, ex quibus sic concludit; *Omnes Canonici Reg. ejusdem Ordinis, & Religionis sunt, hanc subjungens rationem: ubi idem est habitus & professionis ratio, ibi est eadem juris dispositio, sed universi Canonici Regulares eandem professionem emittunt, eundem habitum gerunt, nempe togam lineam, igitur omnes Canonici Regulares etiam Cathedrales sunt cum reliquis ejusdem Ordinis & Religionis.* Quo ferè modo etiam discurrit Andreas Cattulle in suo motivo Juris, immerito propter hoc, ab Adversario alibi reprehensus. Tum demum addit Rodericus (quod bene notatum volumus ab Adversario) *nemo enim profecto vir cordatus non leviculam rationem existimaturus est, quod hac sola exigui momenti consideratione, quia*

Nota.

I

scilicet

scilicet Ecclesia alioquin Regularis, Cathedralis est, monasterium esse desinat, ipsiusq; Canonici à verorum Canonorum Regularium prædicamento & consortio excludantur; ad hoc sanè ferendum iudicium Ecclesie Cathedralis ratio impertinens est. Ita Rodericus, quem Adversarios in Regularibus controversiis versatissimum se recolere dicit & suspicere. At Rodericus existimat, Cathedralitatem (sic loquamur) parvi momenti esse, ad inducendam differentiam specificam, inter Canonicos Reg. Cathedrales, & Conventuales, contra vero Adversarius numero 172. Et alibi, eandem formalitatem ad idem negotium, magni momenti esse, sentire videtur; & omnem præminentiam ad eam trahere, sed hoc obiter. Interea Rodericum adstruere, citatis locis, unitatem specificam Ordinis Canonico-Augustiniani, liquet ex eo quod agat de iis Canonicis, quorum proprium habitum, esse dicit togam ceu vestem lineam, quam constat esse essentialem habitum Canonorum Regularium S. Aug. Nam Canonici Reg. S. Norberti & S. Salvatoris Bononienses, gestant scapulare cum cuculla in signum ordinis distincti. Habitus enim idem vel diversus, est signum ejusdem vel diversæ

versæ professionis, juxta Doctores *in Clement. 1. de elect.*

Denique in modo suo procedendi, & probandi sequitur, ut dixi, rationes & auctoritates duorum Canonorum Regularium S. Aug. qui de Canonicis sui Ordinis loquuntur, Quando ergo Rodericus docet, omnes Canonicos Regulares esse ejusdem ordinis & Religionis de Canonicis Reg. S. Aug. dubio procul, loquitur ut sit suppositio universalis commoda, nam illi & eandem professionem faciunt & eundem habitum, togam scilicet lineam vulgò Rochetum gestant, quæ ratio Roderici est, pro unitate & identitate ordinis horum Canonorum Cathedralium scilicet & Conventualium probanda.

37. Nec propterea Auctor hic sibi erit contrarius, innuens tomo 1. q. 3. art. 1. hanc identitatem ceu unitatem, non esse inter Canonicos Reg. Lateranenses Ordinis S. Aug. & prædictos Canonicos Salvatorienenses & similes, qui nec eandem professionem faciunt, nec eundem habitum gestant, ut de his & Præmonstratensibus dictum est, quam faciunt Canonici Augustiniani, ut proinde, inter hos & illos, non sit unitas specifica ordinis; sed Generica tantum:

hinc tamen non sequitur, non esse unitatē specificam inter ipsos Canonicos Reg. S. Aug. Cathedrales & Conventuales, eandem professionem facientes & habitum eundem gestantes, ut clarum est. Neque tamen eadem est ratio, de Canonicis Regularibus S. Arnulphi, quorum ibidem etiam mentionem facit Rodericus, quia illi, ut solidè probat Gabriel Pennottus sunt verè Canonici Reg. S. Aug. refutans Abbatem Joachimum, & Hieronymum Romanum, quos secutus est Rodericus, qui etsi versatissimus sit in jure regulari, tamen quando de ordinum Regularium originibus scribit, id tradit, quod de eis apud nonnullos Historicos & Chronographos, absque exactiore examine inuenit. Videatur Pennottus lib. 2. generalis historiæ cap. 2. Item eodem lib. cap. 56. item cap. 51. quibus in locis, solidè refutata sunt multa, quæ Adversarius habet parte 3. Ectheſi 11. n. 280. Vbi etiam Chronologia Bellarmini citatur, quasi faveat Adversario contra nos; sed in eâ hæc reperio: *Circa hæc tempora scilicet annum Domini 398. Sanctus Augustinus instituit ordinem Clericorum Regularium; qui simul cum ipso vitam Communem ducebant. Et infra circa annum 524. Ordo Monachorum*

*rum S. Benedicti hoc tempore incipit. Item ad annum 1106. Ordo Cisterciensis, Auctore S. Roberto. Qui ordo, juxta Adversarium, non tam est ordo distinctus ab ordine S. Benedicti, quam quædam ejus sicut Cluniacensis, congregatio. Denique ad annum 1118. sola hæc verba: Ordo Canonico-
 rum Reg. absque ullo addito verbo institutionis vel restitutionis, nullâ etiam additâ mentione Auctoris seu Fundatoris. Itaque tantum insinuat Bellarminus, Ordinem Canonico-
 rum Regularium, quem supra posuerat institutum à S. Augustino diu ante ordinem Benedictinum in variis Congregationibus, Aroasiensi Victorina &c. circa hæc tempora, visum fuisse valde refluuisse, quod annotarunt alii Chronologi vetustiores Sigibertus in Chronico, Vincentius Belluacensis in speculo historiali. S. Antoninus in summa historiali; titulo 15. c. 16. Vbi sic legitur: Circa annum Domini 1080. ut refert Vincentius Hist. in speculo lib. 26. c. 51. Post Sigibertum tempore Gregorii VII. Papæ & Henrici Imperatoris cœpit restorere in Ecclesia S. Quintini Beluacensi Ordo Canonico-
 rum Reg. primum ab Apostolis, postea à S. Augustino Episcopo & Doctore eximio regulariter institutus, sub Magistro Ivone Vene-*

rabili ejusdem Ecclesiæ preposito, postea Carnotensi Episcopo, qui post Isidorum fecit compilationem antiquam decretorum. Hæc Antoninus. Quem sequuntur Wernerus Carnusianus Auctor fasciculi temporum, Lucidus Historicus lib. 10. de Rebus post Christi adventum gestis c. 7. & alii infra suo loco citandi. Atque ita Bellarminus bene excussus, pro nobis militat contra Adversarium: quod hic obiter indagare & annotare placuit, ut non terreatur Lector multitudine Auctorum ab Adversario pro se suisque adductorum, qui si singuli excutiantur & probè examinentur, multi deprehendentur tales, qualis Bellarminus, adversantes potius Adversario, quam pro eo militantes. Veritas una est, sibi què semper constans & eadem: quam traditam novimus à summis Ecclesiæ, quæ Columna est & Firmamentum veritatis, Præsulibus, qui quando de origine Ordinis Canonorum Reg. S. Aug. loquuntur, eum ab Apostolis, seu Christi gloriosis Discipulis, per restitutorem Augustinum fluxisse tradunt, à quibus dissentire voluisse, credendum non est, Bellarminum magnum Romanorum Pontificum cultorem, & propugnatorem: duos audivimus scilicet Benedictum

XII. & Martinum V. plures infra Deo favente suo loco audituri. Hæc pro nostrâ unitate specificâ, etiam ex Roderico collecta, quem priusquam deferamus, non abs re erit quædam ex eodem annotare, quæ concernunt controversiam de Monachatu Canonorum Regularium.

CAP V T XV.

38. **Q**Uærit itaque Rodericus tom. 1. q. 1. art. 3. utrum Canonici Regulares sint verè Monachi, & respondet dicendo: *Panormitanus ait quod in pœnalibus & exorbitantibus, appellatione Monachi non venit Canonicus Reg. quod confirmat divus Thomas dicens Canonicos Reg. quatenus tales Clericos esse dicendos, & probat eo quod Regula quam videntur appellatur Regula Clericorum ut videre est apud D. Augustinum & ita appellat eam Gratianus, & hoc confirmatur ex quadam sententia litis Canonorum Reg. ordinis S. Aug. Congregationis Lateranensis adversus Monachos S. Benedicti congregationis Cassinensis alias S. Iustine de Padua, pro præcedentia, data à Pio IV. anno Domini 1564. in bulla quæ incipit: Sedis Apostolicæ circumspecta, ubi Pius IV. facit sepe*

Sepe saepius distinctionem inter Canonicos Reg. & ipsos Monachos dicens ipsos Canonicos Reg. esse de illis Clericis à Sancto Augustino reformatis, imo à Sanctis Apostolis institutis, prout à parte ipsorum fuit allegatum. Vnde Navarrus hac ratione & aliis juribus à se allegatis, distinctionem facit inter Monachos & Canonicos Reg. sicut facit distinctionem Rubrica de statu Monachorum & Canonicorum Reg. & cum lex pœnalis non debeat excedere proprium casum prout habetur in jure, videtur dicendum, quod saltem lex pœnalis loquens de Monachis non debeat extendi ad Canonicos Reg. Verum est tamen quod quando est eadem ratio de Canonico & Monacho, cum in hoc secundum jus antiquum reperiuntur exequati, sit extensio etiam exorbitantium & pœnalia ut resolvit Dominicus. Et sic jus vetans Monachis postulare comprehendit etiam Canonicos Regulares, prout in alio jure decernitur. Et ratio est quia causa qua vetatur Monachus postulare, fundatur in abrenuntiatione temporalium, quæ ratio æquè militat in Canonico Reg. eo quod perinde renuntiat temporalibus per tria vota sollemnia, ac Monachus, & quoad hanc renuntiationem jure antiquo reperiuntur æquales ut colligitur ex Regula Divi Augustini & Divi Benedicti, ex quo infertur
veros

veros esse Religiosos regulam determinatam, & à sede Apostolica confirmatam profitentes. Ita Rodericus, qui nullum hic ponit medium Ordinem Canonorum Reg. inter Cathedrales Canonicos & Monachos, nec ullam ponere potuit, si consequenter scribere voluerit, ut qui supra prout vidimus, dixerit omnes Canonicos Reg. esse unius & ejusdem ordinis sive sint Cathedrales sive Monasteriales, modò sint Canonici Reg. S. Augustini. Quod etiàm clarè convicimus ex constitutionibus Benedicti XII. latis tam pro his, quam pro illis.

39. Vt planè pro fictitio habendus sit, ordo ille medius, quem Adversarius obtrudere conatur 3. parte conclusione 13. numero 188. Rodericum autem sequitur Andreas Catulle suprâ, quem in multis errasse, ibidem contendit Adversarius; sed videndum est, an qui. alium errasse contendit, ipsemet non erraverit, ad litteras Apostolicas Alexandri IV. per Eugenium IV. & Nicolaum V. confirmatas & illas subsecutam constitutionem Pii IV. de jure præcedendi, Canonicis Regularibus adjudicato, quas idem Catulle allegavit, sic respondens: *Et ego has litteras admitto & tamen favere*
K
nostris

nostris *Canonicis Reg. nego*, non enim ipsorum sed
Lateranensium meminere Pontifices; tam enim ipsi
 & *Lateranenses Canonici* nomine comprehen-
 duntur, quam *Monachorum Benedictini & Fran-*
ciscani. Maneat igitur 1. *Ordinem Canonici*
Reg. qui in Gallia, Germania, Hispania & aliis si-
milibus Provinciis reperiuntur magis à Lateranen-
sibus quam Cisteriensibus distinguere. Maneat 2. esse
 novum ordinem inter *Canonicale & Monachale me-*
dium &c. Hucusque *Aduersarius sup. num. 194.*
 qui facile errare, in hoc convincitur, vel ex ip-
 sis monumentis Pontificiis, ut jam videbimus.
 Illenē novus in Ecclesia ordo, qui ex *Benedi-*
cti XII. ex Ordine Cisteriensi ad Pontifica-
tum assumpti constitutionibus, & aliorum Pon-
tificum diplomatibus, quorum postea suo loco
(favente numine) verba recitabimus, à glorio-
sis Christi Discipulis sacris institutionibus dignos-
citur stabilitus? Ita habent verba *Benedicti Pa-*
pæ XII. directa non tantum ad Canonicos
Reg. Ordinis S. Aug. congregationis Latera-
nenfis per Italiam; sed ad omnes ejusdem Or-
dinis Canonicos per totam Ecclesiam Orien-
talem & Occidentalem diffusos. Ad Ebredun-
enses, Aquenses, Arelatenses, Lugdunenses,
 Tha-

Tharantasienses, Bisuntinos, Remenses, Senonenses, Rothomagenses, Turonenses, Burdegalenses, Bituricenses, Tholosanos per Galliam; Salisburgenses, Magdenburgenses, Bremenses, Colonienſes, Moguntinenſes &c. per Germaniam. Majoricenses, Toletanenses, Hispalenses, Compostellanenses & Bracharenſes per Hispaniam. Conſtat ex paragrapho 19. ſupra recitato conſtitutionum prænominati Pontificis, ſupponentis tamquam indubitatum, hos omnes Canonicos ſive Cathedrales ſive Conventuales per Germaniam, Galliam, Hispaniã, & vicinas provincias repertos, eſſe ejuſdem Ordinis, prout & in libro taxarum, non alio titulo quam Ordinis S. Auguſtini, ab aliis diſcernuntur, *Et quidem à glorioſis Chriſti Diſcipulis in primitivâ Eccleſiâ ſtabiliti.* Contra quem, hic recentior ſcriptor, novâ audaciâ commentari ne dicam comminſci incipit, horum Canonicorum ordinem novum, magis à Lateranenſibus, quam à Cisterienſibus diſtingui: quod dum ſcriberet *miror vel ipſum ejus atramentum præ rubore non verſum fuiſſe in minium,* Vt S. Auguſtini phraſi utar, ſic ſcribentis contra Julianum.

CAPVT XVI.

40. **I**Nterea ipsimet Lateranenses non tantum fatentur, sed etiam hanc controversiam ex professo tractantes, scriptis suis propugnant, hos omnes Canonicos, & quidem expressè etiam Aroasienses (fremat licet invidia) esse secum ejusdem Ordinis, quamvis diversæ congregationis; non secus ac Adversarius sustinet Benedictinos v. g. Cassinenses & Cistercienses, esse ejusdem Ordinis, quamquam diversæ congregationis. Legatur Gabriel Pennotus Canonicus Regularis Lateranensis congregationis, ejusque non semel Rector Generalis, de suo ordine Canonico-Augustiniano, si quis alius, optimè meritus. lib. 2. Generalis Historiæ cap. 43. & eodem lib. c. 58. cujus hic est titulus: *Quod Canonici dictarum congregationum essentialiter sint unius, & ejusdem Ordinis inter se & cum antiquis Canonicis à B. Augustino & Sanctis Apostolis institutis.* Item eodem libro cap. 74. idem habet hæc formalia verba: *Hic Ordo (nimirum Canonorum Reg. S. Aug.) juxta varias reformationes, quas progressibus temporum accepit,*

in multos Canonicorum catus fuit divisus, & congregationibus decoratus, quarum 1. est congregatio Lateranensis, & hæc in Italia, 7. S. Nicolai de Aroasia Provincia Atrebatensis in Gallo-belgica (quæ in distinctione provinciarum facta à Benedicto XII. sub Remensi tunc comprehensa fuit) 18. Windesemensis in Belgio. Ita ille.

41. Et quidem de Windesemensibus (ut & hoc obiter hic notemus, quia de Aroasiensibus infrà de industriâ peculiari) liquidum est ex verbis Martini V. suprà allegatis, quæ hic iterum refricare non erit otiosum. Ait ergo Pontifex: *Ad hanc sanè mirabilem pulchritudinem, quâ splendet & splenduit quasi varietate circumdata ipsa mater [Ecclesia scilicet] retroactis temporibus adjecit plurimum ordo vester qui sicut à suis primordiis post Beatos Apostolos Christi per regularia S. P. Aug. instituta luculenter per orbem effloruisse dignoscitur: ita etiam nunc, divina propitiante gratia, iis novissimis temporibus eundem Ordinem, in monasteriis vestris per disciplinæ Regularis & fraternæ visitationis observantiam, sælicet pullulatione resflorere & uberrimam exinde animarum frugem Deo referri læti gratulamur. Hucusque verba Pontificia, quæ priusquam diligen-*

tiori trutinâ ponderemus; juvabit hic per transfennam quiddam annotare, ex iis quæ scripsit Adversarius Commentario in Regulam S. Benedicti disp. 34. titulo de variis generibus Cœnobitarum numero 345. Vbi de Carmelitano Ordine agens sic habet: *De eorum origine & antiquitate placet doctissimi Suarii resolutio. Est valde recepta & satis antiqua traditio ait tomo. 1. de Religione l. 2. cap. 10. Religionem hanc à temporibus Prophetarum & signanter ab Elia institutionem suam ducere originem, & quasi hereditariam successionem in monte Carmelo à quo nomen etiam accepit: quam traditionem ut veram suscipimus, præcipuè quia septem summi Pontifices ----- in bullis huic Ordini concessis, de professoribus hujus sacri instituti, ita loquuntur. Hic Adversarius asserit, placere sibi resolutionem doctissimi Suarii de origine & antiquitate Ordinis Carmelitani, quæ præcipuè fundata est in bullis Pontificum: pari ergo ratione si consequenter loqui velit asseritionem hanc nostram admittere cogitur, quâ sustinemus contra illum, Canonicum Ordinem non esse novum, nequidem respectu Windesemensium, Aroasiensium & similium, sed eundem esse cum Ordine Lateranensium, & quidem*

dem adeo antiquum, ut antiqua sit traditio, cum ab Apostolis originem ducere, præcipue (ut urget Suarez quem ille sequitur) quia summi Pontifices, & inter cæteros, quos postea proferemus, Benedictus XII. de omnibus tam Lateranensibus, quam Arosiensibus & similibus supra, Martinus V. hinc de Windesemensibus, in bullis suis huic Ordini concessis de professoribus hujus sacri instituti ita loquuntur. Quo prænotato.

42. Reflecto ad illa verba, ejusdem Pontificis Martini V. quibus testatur, Ordinem Canonorum Sancti Augustini quem Windesemenses, eo tempore, in sua congregatione, ceu capitulo reformandum suscipiebant: *Ad pulchritudinem sanctæ matris Ecclesiæ Sponsæ Christi retroactis temporibus* [in aliis scilicet, Monasteriis & Ecclesiis, ante hanc congregationem, quæ tunc jam nata à Pontifice confirmabatur] *plurimum adjecisse & quidem à temporibus Apostolorum.* Ita Pontifex. Contra quem Scriptor hic modernus, de eo Ordine, quasi de recente, scribit; imo novum probare contendit. Quem idem Pontifex à suis primordiis post Beatos Apostolos Christi per regularia S. P. Aug.

Aug. instituta, luculenter per orbem effloruisse dignoscit, recentior hic commentator non sine injuriâ, obscurans ejus luculentissimos, & florentissimos progressus, post tempora Apostolorum, per Galliam, Hispaniam, Germaniam, Belgium &c. 3. parte conclusione 18. n. 236. persuadere conatur, tunc novum Ordinem natum fuisse, cum fundatum est Monasterium Canonorum Reg. in Windesem anno 1387. ex compendio privilegiorum Windesemensium; cum Pontifex signanter dicat, non tunc incepisse eundem Ordinem, sed fœlici pullulatione reffloruisse, eundem inquam, Ordinem, quem statim ante dixerat, luculenter per orbem (quo etiam insinuatur ejus unitas specifica, respectu omnium Canonorum Reg. S. Aug. per orbem diffusorum) effloruisse, quod planè ipsum reffloruisse supponit; neque enim aliquid rectè refflorere diceretur, quod ante non florisset.

43. Itaque hîc peto & jnsto: ubi floruit hic Ordo post tempora Apostolorum & S. Aug. nunquid in solâ Italiâ, in congregatione Lateranensi? non profecto. Quamobrem? quia non obscurè sed luculenter retroactis temporibus per orbem ait Martinus Pontifex, cujus Provincias,

vincias, Benedictus XII. specificaverat, in quibus per varias reformationes & congregationes quarum 1. est Lateranensis. 7. est Aroasiensis (de quâ postea) jam dudum effloruerat, & iis novissimis temporibus in monasteriis congregationis Windesemensis, quæ 18. est eundem ordinem, felici pullulatione reflorescere Martinus Pontifex lætus gratulatur.

CAPUT XVII.

44. **H**Inc elucet quantâ facilitate, dejecta à nobis sint, quæ tanto molimine, constructa fuerant ab Adversario, pro adstruendâ conclusione sua 18. hâc nimirum: *Etiam ordine Windesemensi, Cisterciensis est antiquior.* Quæ ferè in imaginario illo principio, fundamentum habent, quod ibi positus putetur novus Ordo, ubi tantum veteris ordinis, per reformationem; ut fieri solet, nova posita est congregatio, adeo ut unius antiquissimi ordinis Canonico-Augustiniani; duæ sint inter cæteras, congregationes Lateranensis & Windesemensis, ut ipsimet Lateranenses quemadmodum suprà vidimus, probant & propugnant. Quæ
L confide-

consideratio movit primitivos Dominos Windesemenses, ut solliciti essent, pro impetrandis ab Innocentio V-I I I. privilegiis, quibus fru-
tur Congregatio Lateranensis, (fit enim ple-
rumque ut in eodem ordine, in quo plures sunt
congregationes, una fruatur privilegiis, quibus
non fruatur altera, quare instantia de Jesuitis
Belgis ab Adversario opposita petentibus pri-
vilegia Jesuitis in genere concessis non est ad
rem) quia congruum ipsis videbatur, ut qui
erant ejusdem ordinis, & diversæ tantum, sub
eodem ordine, congregationis, etiam iisdem
privilegiis, in primis gauderent; quod etiam
impetrarunt, ex eodem privilegiorum compen-
dio pag. 58. apud Adversarium supra. Vbi sic
ad verbum: *Ex quo Innocentius V I I I. concessit*
Capitulo nostro Windesemensi uti & gaudere posse omni-
bus & singulis privilegiis congregationi Ecclesiæ La-
teranensis, & congregationi S. Iustine Ordinis S. Be-
nediti-----concessis & concedendis, &c. Quæ
verba bonus vir allegat pro se cum tamen (quod
Carrulle in simili occasione accedisse putat) po-
tius militent contra ipsum; neque enim dicitur
privilegia esse concessa Ordini Windesemen-
si, quasi distincto ab ordine Lateranensi, sed Ca-
pitulo

pitulo Windesemensi: nec legitur ordini Lateranensi sed Congregationi: per quod insinuatur hanc congregationem & illud capitulum fuisse & esse ejusdem ordinis Canonorum Reg. S. Augustini, distincti ab eo qui statim subjicitur: *Et congregationi S. Justine ordinis S. Benedicti:* quâ occasione

45. Adverto, hîc ex Adversario Comment. in Reg. S. Bened. disp. 34. sup. cit. titulo de congregationibus, atque reformationibus Benedictinorum numero 351. Ordinem S. Benedicti dividi in plures congregationes, quæ ex mente Adversarii, non sunt ordines diversi, quamvis sæpius ab Auctoribus etiam antiquis, ordines vocentur, & sint, à diversis viris sanctissimis, diversis temporibus, institutæ, sed solummodo diversæ provinciæ & reformationes unius & ejusdem Ordinis Benedictini: quod de Cisterciensi se demonstraturum potius, quam probaturum Adversarius ibidem pollicetur. Vbi utitur verbo *Demonstrabo*. Verum si ejus demonstratio ad leges dialecticas examinetur, facile comperietur, quod si Andreæ Cattulle demonstratio, sit tertia species demonstrationis, dictatis Philosophicis interferenda, ut per Sar-

camum monet Adversarius numero 331. Libræ hæc futura sit quarta Caramuelis superferenda, & eo loco habenda, quo solet quarta figura Galeni. sed nugas nugonibus relinquamus, & Sarcamos histrionibus. Ad seria. 1. est Cluniacensis, ait, 2. Camaldulensis. 3. Vallis-umbrosæ. 4. Cisterciensis. 5. Grandi-montensis. 6. Humiliatorum. 7. Sylvestrinorum. 8. Cælestinorum. 9. Olevitanorum. 10. S. Justinæ de Padua, alias Casinensis. 11. Burisveldensis. 12. Vallis-olevitana &c. Quas omnes non credit Adversarius esse Religiones diversas à Benedictinâ, sed ejus tantum multiples congregationes. At idem de Canonico suo ordine sustinent Canonici Reg. S. Augustini, & scriptis etiam propugnant Scriptores Lateranenses, supra citati, & probant ex bullis Pontificum, maxime ex generalibus Constitutionibus Benedicti XII. sæpius repetitis, (quæ ad minimum moralem faciunt certitudinem, quâvis humanâ majorem, etiam ex mente Adversarii:) eum scilicet non esse divisum in varios Ordines, sed in varias unius ordinis congregationes quarum 1. est Lateranensis. 2. S. Frigidiani Lucensis. 3. S. Rufi. 4. S. Laurentii de plebe Martyrum. 5. S.

5. S. Crucis Mortariensis. 6. S. Mariæ in portu Adriatico apud Ravennam. 7. S. Nicolai de Aroasia. 8. Marbacensis. 9. S. Sepulchri Hierosolymitana. 10. S. Crucis Colimbricensis. 11. S. Mariæ ad Rhenum. 12. S. Victoris Parisiensis. 13. S. Jacobi de Cella-velana. 14. S. Mariæ de Crecentiaco. 15. Viridis-vallis. 16. Missiensis. 17. S. Marci. 18. Windelemensis; quæ partim adhuc florent, partim jam defierunt, apud Pennottum supra.

C A P V T X V I I I.

46. **Q**Uæ omnia confirmari possunt ex Bullâ Pii V. motu proprio, non ad instantiam Canonorum Reg. S. Aug. seu alicujus eorum super hoc oblata petitionis, datâ Romæ apud S. Petrum sub annulo piscatoris die 18. Decemb. Anni 1570. Pontificatus ejus s. præfixâ officiis propriis Sanctorum ejusdem ordinis, quorum festa per eam speciali privilegio, illis conceduntur celebrari. *Licet Ecclesia Dei sponsa tunc verè jubilationis sue fructum reportet &c.* Ubi circa initium clarè leguntur hæc ejus Pontificis verba: *Attendentes*

tamen dilectos filios Canonicos Reg. Congregationis Lateranensis ordinis S. Aug. eorum patrem ac primum Apostolici illius ordinis reformatorem S. Augustinum prædictum, ac præterea insigniores ejusdem ordinis Sanctos Martyres ac Confessores----- debita ut par est veneratione, cupere in eorum præsertim diebus, quibus in Domino obdormire ejusdem obigit, celebrare. Nos propterea pium desiderium plurimum in Domino commendantes---concedimus.

47. Hic vides aperte Pontificem appellare, cætum Canonorum Lateranensium, congregationem ordinis S. Aug. eodem plane modo, quo cætus Cassinensium Monachorum v. g. vocatur, congregatio ordinis S. Benedicti; supponendo in ordine S. Aug. dari plures congregationes quarum illa primaria est in Italia, jam præ cæteris illustris & famosa; ut nequidem ulla umbra sit appatentiæ (confidenter dico) Lateranensem, Arosiensem, Windesemensem &c. Esse ordines distinctos. Apagè tale monstrum nonnisi ex monstroso cerebro natum. Vides 2. hunc ordinem S. Aug. hic honorari titulo Apostolici, à Domino Apostolico, non aliâ de causa quam quia is suis prædecessoribus consonare voluit, in suis diplomatibus hunc ordinem
ab A-

ab Apostolis institutum tradentibus: quod ipsum planè insinuare voluit, cum vocat S. Augustinum., non ejusdem ordinis fundatorem (quamquam & hoc aliquo sensu, ab aliquibus non malè dicatur) sed concepto verbo *Reformatorem*. Cujus quæso ordinis? Canonici Apostolici sanè. Cujus congregatio Lateranensis, nobile quoddam membrum est, non integrum corpus ut ipsamet congregatio Lateranensis Pontifici subscribens ingenuè fatetur, non arrogans sibi totalitatem ut ita loquar, Canonici corporis, sed gaudens se esse vel unum tanti corporis membrum, non sine ægritudine latura, ubi intellexerit, novissimis his temporibus, quæ novatoribus abundant, non deesse qui libris editis audent in ipso corpore scissuram facere, illudque debitis suis membris mutilare, qua scientiâ vel conscientiâ, judicent omnes probi & eruditi. Vides 3. eundem Pontificem dare facultatem officio publico celebrandi, præcipuos & illustriores Sanctos Canonicis Lateranensibus, Sanctos, inquam, non illius solius congregationis, sed Canonici ordinis, per orbem diffusi; Anianum qui primò fuit Clericus, & postea Episcopus Ecclesiæ Alexandrinæ, S. Marci

Disci-

Discipulus & Successor, in quam Ecclesiam Alexandrinam, hic ordo ab eodem S. Marco fuit invecus, ut tradit Euginius IV. in bulla infra suo loco allegandâ. Sanctum Gelasium Papam I. quondam B. Aug. Discipulum & Clericum illius Regulam professum, doctrinâ & sanctitate conspicuum, qui sub Leone I. Pont. Max. Romam venit, à quo perbenignè acceptus, & in Ecclesia Lateranensi collocatus, in ea Canonicum ordinem, ad præscriptum ejusdem Regulæ Augustinianæ, tandem reformavit: qui ordo in eâdem Ecclesiâ Patriarchali, & omnium primariâ per annos octingentos, usque ad Bonifacii VIII. tempora, perduravit. Sanctum Prosperum, etiam sub eodem Leone I. Canonicis Lateranensibus associatum, S. Augustini sectatorem ejusque doctrinæ propugnatorem acerrimum. S. Frigidianum à Pelagio primo honorifice susceptum, Clericum ordinatum, & etiam inter Canonicos Lateranensis Ecclesiæ constitutum. S. Patritium à Romano Pontifice Cælestino benevolè etiam susceptum, itemque Clericis Canonicis ejusdem Ecclesiæ Lateranensis annumeratum, tandemque in Hiberniam missum, ubi eundem ordinem ut constans habet

bet illius gentis traditio, mirificè propagavit. S. Ubaldum Episcopum Eugubinum; qui ut legitur in Breviario Romano die 16. Maii *Sacerdos effectus, patrimonium suum pauperibus & Ecclesiis distribuit: & Canonorum ordinis S. Aug. institutum suscipiens illud in patriam transtulit, atque in eo aliquandiu Sanctissimè vixit.* Ita ibi ad verbum. S. Guarinum Cardinalem, Episcopum Prænestinum, qui ordinem Apostolico-Canonicum per Italiam, suâ sanctitate condecorarunt. S. Thomam Cantuariensem Episcopum & Martyrem, quem priusquam inauguraretur habitum & institutum Canonorum Regularium in monasterio S. Mariæ de Maritonia ejusdem ordinis sumpsisse, & ibidem professionem fecisse apertè testatur Eduardus ejusdem S. Thomæ Clericus, qui ejus vitam scripsit, qui-que is fuit, qui pro ipso S. Martyre defendendo, contra invalores impios, in brachio vulnus accepit. Nobilitavit hic illustris Martyr Canonicum ordinem in Angliâ, in qua ante schismaticam defectionem à Religione Catholico-Romanâ innumera ejusdem ordinis fuere cœnobîa: S. Ioannem de Brigdlintona, qui eâdem in Angliâ sanctitate, doctrinâ, scriptis & miraculis

M

culis innumeris, eundem ordinem illustravit. S. Theotonium qui Congregationem S. Crucis Colimbricensis in Lusitaniâ inchoavit. S. Juonem Carnotensem Episcopum qui Canonicum eundem ordinem collapsum, in Gallicanâ Ecclesiâ restauravit. Quos omnes præ cæteris nominatim expressit Pontifex & ordini adjudicavit in diplomate numero 5. quorum postremi licet non fuerint Congregationis Lateranensis; fuerunt tamen Canonici ordinis, & eo titulo dictæ congregationi, utpote ejusdem ordinis, eorum celebratio festorum conceditur. Quæ eadem congregatio eodem titulo, publicè plures alios Sanctos colit officio duplici, ut S. Guillelmum Abbatem Roschildensem, congregationis victorinæ. Item S. Laurentium Dublinensem Archiepiscopum, congregationis Aroasiensis de quo Miræus in fastis Belgicis: *merito, inquit, Hic nobis laudandus videtur, utpote qui cœnobiticam vitæ Regulam ab Aroasia Canoniorum Reg. apud Arthesios Abbatia, mutuatus S. Patricii monasterium* (fuit id ejusdem congregationis ut patet ex tabula Abbatiarum) *apud Dutlinenses condidit, & Canonicos seculares in regulares juxta reformationem Aroasiensem transmavit.* Hæc Miræus.

Miræus. Ex quo habes etiam Aroasiensem fuisse antiqui ordinis reformationem non novum ordinem, quod notet Adversarius qui aliàs hunc Auctorem libenter in suas partes traheret, ut & multos alios. Plurimos denique alios sanctos, quos videre licet in libro officiorum propriorum, Sanctorum à Canonicis Lateranensibus recitandorum : ex quo hæc petita sunt, quia in eodem diplomate numero 6. ita decernit Pontifex : *Omniū quoq; aliorum dictæ congregationis & ordinis Sanctorum festa, etiam sub duplici officio celebrare : supple : conceditur.* Ex quibus omnibus ad oculum patet, tum ex mente & auctoritate Pontificis, tum ex sensu & usu Congregationis Lateranensis, unum & eundem ordinem Canonicum S. Aug. in dictis congregationibus observari; quod nullus nisi contentiosus fortè & pervicax negare posse videtur.

48. Maneat ergo in ordine Canonicorum Reg. S. Aug. plures esse congregationes, tamquam plura membra unius & ejusdem corporis : non aliter quam in ordine S. Bened. imo fortè veriùs & certiùs, cum id planè doceant diplomata pontificia, qualia pro unitate ordinum Cluniacensis, & Cisterciensis sub ordine generali

S. Bened. nondum producta vidimus, vel proferrantur ut facilius credamus. Maneat denique tandem salva unitas specifica ordinis Canonico-Augustiniani hac 1. parte ex Pondere Sanctuarii id est ex momentis & monumentis Pontificiis exactè libratis deprehensa & defensa. Maneat postremo levitas rationum, quibus diversas congregationes Canonico-Augustinianas, diversos ordines esse, Adversarius Cavillabatur in altera lance libræ positarum, digito orbi monstrata & reprobata.

49. Verumenimverò quia hæc generalius dicta sunt, operæ pretium erit paulò copiosius, in particulari ostendere, identitatem ordinis intercedere, inter Congregationes Lateranensem & Aroasiensem, nec hujus ordinem ab illius diversum esse, quod sequenti parte agendum erit & satagendum.

P A R S S E-

PARS SECVNDA.


IN DUAS DIVISA

Ostenditur ejusdem Ordinis Canonico-Augustiniani identitas inter Lateranenses & Aroasienses Canonicos Regulares, & præ aliis Ordinibus Antiquitas & Clericalis dignitas per se ipsi competens.

Prior secunda pars partis.

C A P V T I.

50.



Uia Adversarius speciales difficultates, quamquam apparentes tantum, ut ex eorum levitate patebit, invenisse se putat cōtra Canonicos Reg. S. Aug. Cōgregationis Aroasiensis, videndū nunc, quid statuendum sit de cætu horum Canonorum

nonicorum & instituto: non pro moderno tempore, quo solo illi Aroasienses sunt, qui ad ipsam specialem & Abbatialem familiam S. Nicolai de Aroasia pertinent. Neque enim alibi modo residentes Canonici Reg. S. Aug. ut Heniaci, Cysonii, Brugis, Valencenis, Tornaci, Phanopii & alibi Aroasienses dicendi sunt, cum Capitulum Aroasiense jam desierit circiter à ducentis annis, si vera sint quæ scribit Gazetius Histor. Eccle. pag. mihi 184. Ultimum Capitulum generale celebratum fuisse Anno Domini 1470. Sed omnes sunt & vulgò habentur Canonici Reg. S. Aug. qualis sunt Loënses, Vormiselenenses, Evershamenses in Flandria, & similes alibi, quorum majores numquam dicto Capitulo subfuerunt, at Episcopo loci cujusque subjecti degunt nobiscum, quod magis competere instituto Canonico arbitramur; sed pro tempore illo antiquo quo tot Abbatiæ unum Capitularem cætum constituerunt, utrum fuerit diversus & distinctus Ordo ab ordine Canonicorum Reg. S. Aug. quod novo oraculo vulgo persuadere molitur Adversarius, an vero ejusdem Ordinis particularis quædam, quod nos & Lateranenses pro comperto habemus, Congregatio.

gregatio. Pro quo ut rem ab ovo exordiamur

C A P V T I I.

51. **I**N primis producenda & ponderanda est
 bulla Eugenii I V. quæ incipit *Cum ad
 sacratissimum*. Ubi hic Pontifex inter cæ-
 tera tradit hæc circa medium: *Divinam in terris
 familiam Clericorum, qui Religiosam vitam duce-
 rent & ad exemplum nascentis Ecclesiæ sanctam in-
 stitutionem servarent quos Canonicos Reg. appellamus*
 [tunc enim Canonici Reg. Italici nondum sci-
 licet ante hanc Bullam, Lateranenses nomina-
 bantur] & *sacrum inter Clericos & Ministros
 Christi vivendi modum in sacrata Basilica* [nimi-
 rum Lateranensi] *firmarunt, erexerunt, & per-
 petuo deputarunt* [Pontifices Romani scilicet
 prædecessores Eugenii] *Ut hi primæ in terris
 Ecclesiæ Matris Sanctorum, Apostolica providentia
 curam gererent qui primorum Christianæ Religionis
 Clericorum normam, traditiones & instituta sectan-
 tur. Hujus profecto sacri Ordinis, & sancti Proposi-
 ti post Sanctos Apostolos primum in Alexandrina Ec-
 clesia Marcus Petri Discipulus fuit institutor &
 conditor, ac gloriosus Doctor Augustinus Episcopus*
regulis

Exstat a-
 pud Pen-
 notrū lib.
 3. cap. 21.
 & in alle-
 gationi-
 bus Sci-
 pionis
 Lancello-
 ti.

regulis & doctrina decoravit, & Sanctæ memoriæ
 Urbanus insignis Martyr & sanctissimus Pontifex
 generalis decreti ordine reformavit: & Beatissimus
 Gregorius Augustino Anglorum Episcopo veluti plan-
 tationem sacram in commissio sibi populo præcepit
 institui, & in occidentis finibus ampliavit. Hi sunt
 profectò qui Sanctorum Patrum vitam probabilem
 imitantur, & Apostolorum instituta instinctu Spiri-
 tus Sancti renovant, qui ad exemplum eorum Cre-
 dentium convenerunt in unum quibus erat cor unum
 & anima una; qui Pastoribus suis juxta Ecclesia-
 sticas tradiones obediunt, sicq̃. hæc sancta & placens
 Deo institutio antiquitus, & ab ipsis fere primordiis
 observata extitit, & Sacram Basilicam per prædicti
 Ordinis Clericos, per longa tempora sancte ac salu-
 briter gubernatam fuisse certissima scientia & ve-
 ritate comperimus, & hoc evidentissime attestantur
 innumerabilia documenta &c. Datum Romæ Anno
 Dominicæ Incarnationis 1446. decimo octavo Calend.
 Januarii, Pontificatus nostri anno 16.

C A P V T I I I.

32. **C**irca quæ pontificia oracula, plurima sunt ponderanda. Primum. quod Pontifex Ordinem Canoniorum Reg. vocet familiam Clericorum, & ejus ſectatores non Monachos ſed Clericos, etiam antequam in Italiâ appellarentur Lateranenſes, nam hæc nomenclatura ab hoc tempore illis tantummodò cœpit adhærere, qua muſ eos dicat ducere religioſam vitam; neque enim (ut & hoc hîc ubiter inſinuemus) omnis qui profeſſus eſt vitam religioſam, ſtatim dicendus eſt Monachus, aliàs enim & Clerici Societatis Jeſu & Clerici Regulares Paulini, & ſi qui ſunt tales dicendi eſſent Monachi quod vix aut raro quod ſciam auditur, nec ipsis placeret audire. 2. quod tradat eos ſectari normam, traditiones, & inſtituta primorum Chriſtianæ religionis Clericorum. Igitur ex ſententiâ Pontificis primitivi Clerici profeſſi fuerunt vitam religioſam, quæ ſine tribus votis ſubſtantialibus teneri nequit, ſicut Canonici Reg. Quomodo ergo Recentiores quidam ſcribere audent ſæculares

culares Clericos seu Canonicos, Religiosis seu Regularibus Canonicis fuisse priores? Esto hi Clerici Religiosi à primâ institutione statim non fuerint dicti Canonici Regulares, quo nomine appellati sunt, quando Canonici Sæculares seu proprietarii, per relaxationem & Ecclesiæ convenientiam oriri cœperunt, & pro distinctione huic nomini occasionem dederunt; parum enim est de nomine, cum constet de re. Sic nec Monachi S. Benedicti, statim ac orti sunt, dicti sunt Benedictini, sed hæ appellationes suborientibus aliis, distinctionis causâ, à vulgo plerumque primò tribuuntur. 3. Quod Pontifex hoc institutum eorundem Canonicorum Reg. non congregationem sed Ordinem appellet & quidem à Sanctis Apostolis dirivatum, à S. Marco in Ecclesiâ Alexandrinâ plantatum. Primi igitur Clerici Ecclesiæ Alexandrinæ non sæculares fuerunt, sed Religiosi, qui nunc dicuntur Regulares, à Regulâ quam illis præscripsit S. Augustinus, prout statim subtexit Pontifex: *Et gloriosus Doctor Augustinus Episcopus regulis & doctrinâ decoravit.* Et ita cum Præposito in c. i. 44. distinct. nu. 4. tenet Egregius Jurisconsultus Andreas Catulle in suo motivo juris cir-

ea Controversiam inter Abbates S. Joannis Valencenensem & S. Salvii, nu. 91. & alii cum Penotto contra Molanum. 4. Testatur Pontifex hunc eundem Ordinem, ab Urbano Papâ Martyre, generali decreto reformatum fuisse. Quod decretum in jus Canonicum est relatum, ac proinde jus Canonicum loquitur, de hujus ordinis Canonicis Reg. prout etiam suprà observavimus circa prologum Constitutionum Benedicti XII. 5. quod maximè facit ad rem, quam jam aggredimur, docet idem Pontifex Eugenius, Beatissimum Gregorium Papam, Augustino Anglorum Episcopo, præcepisse plantationem, ejusdem Ordinis Cannonici, in Ecclesiis Anglicanis, & eundem S. Gregorium in Occidentis finibus ordinem eundem, qui modò servatur in Congregatione Lateranensi, ampliassse. Ergo Ordo hic, non in solâ mansit Italiâ; sed etiam ad alias Occidentis partes Angliam, Galliam, Germaniam, Hispaniam, Belgicam &c. palmites suos extendit juxta diversas provincias etiam à Benedicto XIII. in Constitutionibus nominatim designatas, ut in eo ipso impletum videatur quod prædictum est à Prophetâ Regio psa. 79. **saltem** per figuram accommodationis quæ S. Bernardo

Bernardo frequens est. *Vineam de Ægypto* [de Ecclesiâ Alexandrinâ sub S. Marco & Successoribus ejus Aniano &c. ut in initio innuit Pontifex] *transtulisti: ejecisti gentes & plantasti eam. Dux itineris fuisti in conspectu ejus: plantasti radices ejus & implevit terram. (peruit montes umbra ejus, & arbusta ejus cedros Dei. Extendit palmites suos usq. ad mare: & usq. ad flumen propagines ejus.* At quibus in locis fuit observatus? respondet sæpe citatus Benedictus XII. in Cathedralibus, Collegialibus, Conventualibus & aliis, nominibus aliis intitulatis, utputa Abbatiis, Præposituris, Prioratibus &c. ex quibus fuit teste inter cæteros, Roderico tom. 1. qq. Reg. q. 1. a. 3. Ecclesia Cathedralis Oxoniensis, in Regno Castellæ sub Didaco Episcopo unde prodiit S. Patriarcha Dominicus, quondam Canonicus ejusdem Ecclesiæ, & Supprior, professus secundum Regulam S. Augustini, quam postea suis fratribus Prædicatoribus, tradidit observandam. Ex quibus fuit Vigoriensis Cathedralis in Angliâ. Cujus meminit Innocentius III. de qua in Jure Canonico, Capitulo Innocentius. De electione. Ex quibus fuit Ecclesia Cathedralis Vin-toniensis item in Angliâ. De quâ item in Jure Canonico

Canonico eodem titulo cap. Cum Viton. Ex quibus Tholosana Cathedralis de qua cap. de præbendis in 6. & aliæ.

CAPVT IV.

53. **Q**Uibus Apostolicis oraculis potius credendum reor, quam recentioribus quibusdam scriptoribus Miræo, Beyerlinco, & aliis aliter sentientibus, ab Adversario allegatis. Contra quos quasi ex abundanti, placet adhuc unum veterem Scriptorem, atque alterum in medium proferre, conformia his Pontificiis traditionibus commentantem. Quorum primus sit Jacobus de Vitriaco, qui cum in Historiâ suâ Occidentali, titulo de duobus generibus Cœnobitarum cap. 13. prænotasset, priscis temporibus, in partibus Occidentis, duas tantum fuisse Regularium diversitates, Monachorum scilicet nigrorum S. Benedicti Regulam profitentium, & Canonorum Alborum secundum Regulam S. Aug. viventium; & de his cap. 21. in genere quædam prælocutus fuisset, & interea aliquos ex illis, upote Canonicos Reg. S. Joannis in Vineis, & S. Auberti

berti Cameracensis, & S. Mariæ Blesensis, nec non S. Nicolai Oegniaensis (caput Ecclesiæ ipse Vitriacus Canonicus Reg. fuit) à virtute Religionis, fervore Charitatis & decore honestatis, plurimum commendasset, & tandem per varias Regularium congregationes, ad Canonicos seculares devenisset: de his sequentia scripsit cap. 30. *Non solum autem, inquit, supradictæ Regularium Congregationes multiformes, supra S. Aug. regulare fundamentum sub diversis Artificibus varia construxerunt edificia, sed & Cathedralium Ecclesiarum ministri, quos nunc Canonicos seculares appellamus, sub eadem Regula communiter à prima eorum institutione Domino servierunt in humilitate, & paupertate, Divinis officiis, lectionibus & orationibus vacando. In castris Domini milites simul in refectorio sobrium cibum sumentes, in eodem etiam dormitorio casti cubilibus nocte quiescentes. Sede autem Pontificali vacante, præmissis orationibus & jejuniis, & invocato cum lachrymis de superno spiritus Sancti consilio & auxilio, unum quem digniorem credebant caput sibi præficiebant &c.* Hæc Vitriacus qui Anno Domini 1120. juxta Tretemium & Henricum de Gandavo, floruit.

54. Alter sit Albertus Crantius etiam mu-
tor

etor antiquus, qui obiit Anno Dominicæ incarnationis 1517. ut patet ex ejus Epitaphio apud Molanum lib. 1. de Canonicis. Hic in Metropoli l. 3. cap. 15. sic habet: *Excepit illum ordine nonus in Ecclesia Hildeholdus, cujus memorabile nomen inde est, quod fratribus suis multa providens benefecerit. Admoneor hoc nomine quod in Annalibus ubiq; lego per Ecclesias vixisse fratres Ordine utiq; Canonico sub Regula S. Augustini.* Ita Cranzius. Notet hoc attentè Adversarius qui 3. parte concl. 19. num. 245. nullibi se reperisse scribit Cathedralis Canonicos alicujus Ecclesiæ vocari talis Sancti, aut talis Religionis fratres, cum interea Cranzius asseveranter testetur, se in Annalibus ubique legere, per Ecclesias vixisse fratres Ordine utique, ut ait Canonico, & quidem sub Regulâ S. Augustini. Malus ictus: Theologia moralis sine Chronologiâ nil valet.

55. His adjungi potest Guilielmus Heda Auctor etiam haud recens, qui expresse scribit Canonicos Cœnobitales Trajectenses olim, nunc Ultrajectenses Monachos non fuisse, sed Canonicos secundum Regulam S. Augustini viventes. Fuerunt & hi Cathedralis. Quibus consentanea scribit Joannes Langheerucius lib. 1.

Speculi Canonikorū à cap. 17. usque ad finem libri, & signanter cap. 24. hæc, quod antiqua Canonikorū tam Cathedralium quam Collegiatarum Ecclesiarum Provinciæ Belgicæ omnia Collegia fundata & instituta sunt secundum alterutram prædictarum Regularum Divi scilicet Augustini vel Consilii Aquisgranensis 1. liquidem est & manifestum ex primis eorum foundationibus: tum ex locis & ædificiis prope Ecclesias eorum sitis & extructis ab ipsis fundatoribus. Quæ etiamnum hodie (nisi post foundationem penitus eversa & destructa sint) claustra Canonikorū vocantur, & nonnullæ eorum Ecclesiæ adhuc habent dormitoria &c. Hæc apud Langhecrucium.

56. Cæterum cum hic Auctor mentionem faciat Regulæ Concilii Aquisgranensis; Advertendum est eam non ibi vocari Regulam, sed formam institutionis Canonikorū, ut patet ex Auberto Miræo, qui nuper eam publicavit hoc titulo, quia ut ego probo in meo Hagiologio Chronico-Canonico cum aliis bonis Auctoribus, superaddita est hæc institutio, à Patribus, Regulæ Augustinianæ (quæ per antonomasiam Regula Canonica nuncupatur) pro perfectiore hujus observantiâ, quod solitum fieri circa eandem

dem Regulam Augustinianam, suprà meminisse me nunc recolo. Imo eam institutionis formam, nil aliud esse, quàm paraphasim quandam Regulæ Canonicae S. Aug. loco citato ex singulis ferè ejus capitulis ostendi. Quæ causa fuisse putatur, quod hæc forma, eò quod in se quasi complectatur ferè fundamenta substantialia Regulæ Apostolicæ Canonico-Augustinianæ, per hanc eandem institutionis formam, quasi per exegetim quandam explicatæ, & ad particularia magis extensæ; etiam sola antiquitus in aliquibus Ecclesiis Regularibus Ordinis S. Aug. præsertim in Germaniâ loco ejusdem Regulæ Augustinianæ, juxta quam tamen Canonici Germani vivere profitebantur, fuerit observata.

C A P V T V.

57. **L**iquet hoc ex vitâ Gerhoi apud Raderum de Bavariâ Sanctâ: ubi lego quod in Ecclesiis Raitenbucensi, Pölingana, & Reichenbergensi & aliis vicinis, Ordinis S. Aug. hi Canonici Regulares profitebantur, vivere secundum Regulam S. Aug. quæ tamen eo tempore, adeò in dissuetudinem

O

non

non quidem morum (siquidem usu observabatur, ut olim ante Regulas scriptas, factum est etiam à Monachis, secundum solas traditiones viventibus) sed notitiæ & lectionis seu prælectionis venerat, ut quænam esset ea S. Aug. Regula secundum quam expressè in sua professione, illi Canonici se victuros pollicebantur, vix à quoquam istius Provinciæ, tunc temporis, sciretur. Quod non ferens B. Gerhous cum esset doctissimus, Romam profectus cum fratribus aliquot, eam diligenter requisivit, & inventam in patriam, postliminiò retulit, ac deinceps denuò, ex scripto observandam, aliquandiu solo usu observatam, ibidem restituit. Creatus est autem Gerhous, Sacræ Theologiæ Doctor insignis, Præpositus Reichenspergensis Ecclesiæ Anno Domini 1132. ex Radero suprà, quem in citato nostro Hagiologio Chronico-Canonico virgâ censoriâ castigavimus, circa ea quæ in B. Gerhoi vitâ scripsit de Regulâ S. Aug.

58. Ex quibus videas, Aquilgranensem Canonorum institutionis formam, à Canonicis Reg. Ordinis S. Aug. loco Regulæ Augustinianæ, quæ solo usu observabatur, lectam fuisse, non solum in Ecclesiis prædictis, sed etiam in Ecclesia

Ecclesiâ S. Nicolai extra pomerium Batavorum
Bavariæ, in Chimenfi & Neoburgensi, imò &
in Metropolitanâ Salisburgensi Ordinis S. Aug.
ut habes in vitâ Sancti Hartmanni, apud eun-
dem Raderum. Nam ad Salisburgensem Eccle-
siam quod attinet, extat Epistola Ludovici Pii
Imperatoris, ad Arnonem Salisburgensem Ar-
chiepiscopum hac Epigraphe: *Mittit formulas
Canonice institutionis à Concilio Aquisgranensi in u-
num congestas.* Ex quo verisimile fit, eandem lo-
co Regulæ S. Aug. eodem modo jam explica-
to, in eâ Ecclesiâ observatam fuisse, donec ibi-
dem à B. Conrardo Archiepiscopo, eadem S.
Aug. Regula, denuò est reposita: ut colligere
licet ex ejus vitâ apud Raderum prædictum.

59. Porro dictæ formulæ institutionis A-
quisgranensis, planè similes sunt Constitutioni-
bus Benedicti XII sæpè mentionatis, latis pro
Generali Réformatione Canonicorum Reg. S.
Aug. ubique locorum residentium, sive in Ca-
thedralibus, sive in Conventualibus, & omni-
bus bene consideratis, Aroasianis, rigore non
inferiores.

CAPVT VI.

60. **I**llis, quæ jam allata sunt, de Regulâ Canonicâ S. Aug. observatâ, ab antiquis Canonicis Religiosis, seu Regularibus in locis, quæ apud priscos scriptores, sæpissimè Monasteria vocantur (quæ nunc sunt Ecclesiæ Cathedrales vel Collegiatæ) vitam communem ex voto degentibus, lucem dare poterunt verba S. Ivonis Episcopi Carnotensis, & Canonici Ordinis egregii Restauratoris, quæ habentur, Epistolâ ad Galterum Stirpensis Ecclesiæ Episcopum in fine: *Ideo Canonici appellati estis, quod Canonicas Regulas vos velle observare cæteris arctius devovistis. Quibus verbis hanc notam adhibet alibi Miræus. ex his verbis, inquit, colligi posse videtur Ivonem Carnotensem non Regulam S. Aug. sed Regulas Canonicas; hoc est sacros Canones de communi & Regulari Clericorum vita tractantes præscripsisse: & si fortasse nonnulli ex iis postea invalescente apud Gallos Augustinianâ vivendi formulâ, eandem sint amplexi. Hactenus nota; cui delendæ serviet hæc sponsia: per Canonicas Regulas intelligenda*

genda est hic Regula S. Aug. quæ antonomastice Regula Canonica dicitur, posito numero plurali pro singulari, quo modo etiam Pontifices infra producendi in Diplommatibus suis loquuntur, dum dicunt S. Augustinum *vite Regularis propositum in primitiva Ecclesia ab Apostolis institutum, tam gratanter amplexatum esse, ut eam suis Regulis informaret.* Quod confirmatur, per scriptum antiquum ejusdem S. Ivonis, quod Joannes Picardus notatione in 82. Epistolam S. Bernardi publici juris fecit: sic habet: *Sæpe & multum cogitavimus, & cogitantes investigavimus, qualiter in hac urbe, vel in suburbio aliquam haberemus Ecclesiam, in qua devota fidelium concio, devotam & Deo dignam Canonicam ageret vitam.* Nunc igitur tandem Salvatoris nostri Iesu benignitas, quæ bene clamantibus respondere digne pulsantibus novit aperire, desideriorum nostrorum efficaciam non differens S. Ioannis Baptiste Valensis Ecclesiam, locum scilicet opportunum & à populari strepitu aliququaliter sepositum nobis obtulit. Ego igitur Ivo S. Dei Matris Ecclesiæ Carnotensis Episcopus communi Consilio & assensu totius Capituli, Prælatumq; nostrorum in prætexata S. Ioannis Ecclesia, tales Canonicos esse decrevi, qui proprietate posthabita

bita Canoniam habeant. Vitam juxta B. Aug. institutionem. Ita Ivo. Cujus tempore, Canonicos Reg. ab eo reformatos, etiam vocasse, denotant illa verba, ex superiore epistola prolata: Ideo Canonici appellati estis, quod Canonicas regulas vobis velle observare ceteris arctius devovistis. Unde etiam habes ex mente hujus Sanctissimi, & in jure Canonico veratissimi viri, Canonicos dictos esse à Canone seu Regulâ quam profitebantur, ad imitationem Græcorum, nam & illi tales Clericos habuerunt quos Canonicos vocitarunt, sicut ex Basilio constat, ait Langhecrucius sup. cap. 21. qui scripsit animadversiones contra Canonicos delinquentes, qui etiam titulus diu ante Caroli Magni tempora in usu fuit etiam in Belgio. Ut planè quæstio de solo esse nomine videatur, an & quo tempore, post Consilium Aquense, Canonici Regulares esse cœperint? Siquidem à tempore primitivæ Ecclesiæ, hucusque quoad rem semper fuerunt, quamquam neque semper Canonici, neque semper Canonici Reg. neque item semper Canonici Reg. S. Aug. vulgò indigitati fuerint, quod haud obscure supra innuit Eugenius IV. dum dixit: *Divinam in terris familiam Clericorum qui religiosam*

religiosam vitam ducerent, & ad exemplum nascentis Ecclesie sanctam institutionem [ab Apostolis per S. Augustinum derivatam, ut postea subdit] servarent, quos Canonicos Reg. appellamus &c. Sed tunc primum quando Canonici proprietarii, postmodum saculares dicti, exorti sunt per relaxationem, ad quorum distinctionem, illi in antiquo contemptus seculi proposito perseverantes, Regulares à nescio quibus audire cœperunt.

CAPVT VII.

61. **N**am ut patet ex Epistolâ ejusdem S. I. vonis, ad Joannem Episcopum Aurelianensem, exarata, antiqui illi Canonici, perfecte etiam sæculo, ut veri Religiosi, renuntiare consueverunt. Ecce verba: *In primitiva Ecclesia nullus constitutus est Rector quinarum nisi de communi vita assumptus, quia nemo rectius oſtos præponitur vitæ alienæ, quam qui prius custos factus est suæ. Quod nullo loco melius probatur, quam inter eos in quibus Regularis vita regere videtur: quibus tantum displicet aliena malitia, quantum displicuit suæ. Quod vero communis vita in omnibus Ecclesiis pene defecit tam civilibus quam diœcesanis,*

non auctoritati sed dissuetudini & defectui adscribendum est, refrigescente charitate quæ omnia vult habere communia, & regnante cupiditate, quæ non querit ea quæ Dei sunt & proximi, sed tantum quæ sunt propria. His rationibus & auctoritatibus freti constanter asserimus non esse audiendos qui Clericos regulariter viventes à regimine animarum judicant repellendos, quia sæculo renuntiarunt; sed ideo potius ad hoc assumendos, quia voluptates & pompas sæculi contemserunt. Hucusque S. Ivo subtilissimus sui temporis, sacrorum Canonum interpret, qui Patrum decreta, in unum volumen, redegit, quod decretum Ivonis olim appellabatur. Ubi solerter

62. Advertendum est, Ivonem hîc agere de illâ communi, & regulari vitâ quam Clerici seu Canonici Cœnobitales seu Regulares colebant, qui erant veri Religiosi, ut inter recentiores probat Carolus à Mansvelt li. 1. de Origine Canoniorum cap. 5. super quibus consulebatur an essent admittendi ad regimen animarum; de quibus ratio dubitandi esse videbatur, quod illi sæculo perfectè renuntiassent, ac proinde non viderentur, sæcularium præficiendi regimini animarum, quo contrà opposuit Sanctissimus ille

ille ac Doctissimus Vir, morem primitive Ecclesiæ, juxta quem nullus constituebatur Rector animarum, nisi de communi vitâ assumptus, quæ communis vita infra ab eodem vita Regularis vocatur qualem colebant veteres illi & primitivi Clerici Religiosi, ceu Canonici Reg. sic enim postea dicti fuerunt, à Consiliis OEcumenicis, & Pontificibus Maximis, ut ex multis locis juris Canonici probat Augustinus Barbosa lib. de Canonicis cap. 1. num 5. Non verò qualem colebant Clerici communis vitæ non Religiosi, quos in aliquibus locis ut Athenis, resedisse non diffitemur.

CAPVT VIII.

63. **C**lerici siquidem Cœnobitales in primitivâ Ecclesiâ benè instituti, sæpius relaxati, sæpènumerò fuere restituti. Sed omnium famosissimè à S. Augustino, quem Pius V. Pontifex Maximus, in Bullâ quæ incipit, *Licet Ecclesia Dei*: præfixâ officiis propriis, Sanctorum Ordinis Canonicorum Reg. S. Aug. Canonici vel ut ipse appellat *Apostolici Ordinis Reformatorem* vocati. Porro reformator

P est

est qui reducit ad primævam vivendi formam; juxta quam tales sunt reformati, quales fuerunt initio bene formati, & consequenter tales formati, quales reformati; similia enim sunt similibus similia; verum reformati, ex mente Pontificis, sunt Canonici Reg. Ordinis S. Aug. veri absque dubio Religiosi professi, igitur & primitivi tales fuerunt, non ergo sæculares fuerunt ab initio, sed Regulares, sumpto eo vocabulo, eo modo quo jam accipitur, pro Religioso tacite, vel expresse professio. Atque adeo Clerici Regulares, quos jam Canonicos Reg. vocamus, Canonicis Sæcularibus fuere priores, quidquid reclamet Adversarius parte 3. concl. 7. ut integro libro probat Doctissimus Carolus Mansvelt, cui subscribit Laurentius Lantmeter, li. 3. de vetere Clericorum & Monachorum habitu cap. 4. quem tamen Adversarius alibi pro se citat, sed quamverè, monstrant ea citati Auctoris verba loco jam allegato: *Si cæteris paribus à vetustate jus prælationis aut præferentiæ acquiratur, revera Canonici Regulares, Canonicis sæcularibus vetustiores sunt.* Consentit etiam Doctissimus Jurisconsultus Augustinus Barbosa lib. de Canonicis cap. 1. nu. 45. qui tres Auctores recentiores

omnes

omnes Canonici fuerunt, & ex professo de Canonorum origine, statu & vita scripserunt, quos oppono Auctoribus per Adversarium pro sua opinione allegatis part. 3. concl. 3. & 7.

CAPVT IX.

64. **Q**Uibus omnibus probè ponderatis res ita se habere videtur. Clerici primitivi ex voto, i. cœperunt communem vitam cum cæteris ad religiosam vitam requisitis servare: hinc sæpius relaxati sunt, refrigescente charitate, fervescente cupiditate, & non repenti (nemo enim repenti fit summus, siue in perfectione siue imperfectione, nam ad extrema non peruenitur nisi per medium) sed pedetentim ad sæcularitatem defecerunt, idque per statum quendam communis vitæ (qualis apud Alnenses & alios) absque votis, ut videtur, retentæ, quasi particulæ cuiusdam, vitæ adhuc quòdammodo palpitantis primitivæ, intermedium, tandem ad omnimodam proprietariam vitam, quæ pridem in usu est, ex benignitate Ecclesiæ, devenerunt.

65. Operæpretium erit, hîc proferre aliquot

quot exempla hujus sæcularisationis, quam vocant, quarundam primariarum seu Cathedralium Ecclesiarum, factæ recentiori memoriâ, ut vetustiores omittam, in quibus Regula Augustiniana verisimiliter, ut Vitriacus, Crantsius & Langhecrucius suprâ adducti tradunt, diu fuerat usitata & observata.

66. Cathedralis Ecclesia Vercellenfis cujus Episcopus olim fuit, egregius ille Martyr Eusebius, de quo S. Ambrosius testatur epistolâ 32. quod in occiduâ partibus, hæc duo instituta Clericalis scilicet, & Regularis vitæ, simul conjunxerit, retinuit mixtæ hujus vitæ formam usque ad partæ salutis annum 1440. quo ad sæculares devoluta est, ut patet ex statutis Canonorum ejusdem Ecclesiæ editis Anno 1518.

Anno 1480. Sixtus IV. Metropolitanos Canonicos Reg. Avenionensis Ecclesiæ, Regulam S. Aug. professos fieri indulgit sæculares. Ex Miræo de collegiis Canonorum sæcularium.

De Lateranensi Ecclesiâ Patriarchali, & omnium primariâ notissimum est, ibidem Canonicos Reg. S. Aug. ejusque Regulam Canon-

cam

cam professos per octingentos circiter annos, à Gelasio I. usque ad Bonifacium VII. resedisse, à quo Pontifice eorum loco, malitiâ temporis non eorum culpâ id agente, substituti sunt sæculares. Quibus ex causâ etiam amotis, iterum Canonici Reg. eodem restituti sunt ab Eugenio IV. & ibidem perseverarunt, usque ad Calixtum III. qui circa annum Dñi 1458. vitâ functus est, à quò denuò sæculares reducti manserunt, usque ad Paulum I. sub quo, eodem, iterum reducti iterumque exacti Canonici Reg. & sæculares ultimo repositi, à quo tempore usque in hodiernum hi residentes ibidem manent. Sic habet vera historia vicissitudinis Canonorum Ecclesiæ Lateranensis, quæ ad longum, & clarè habetur in magno Diplomate Sixti IV. quod incipit: *Dum ad universos* regulares Ordines &c. quam non satis accurate novisse videtur Adversarius. Nam passim, & signanter 3. par. concl. 5. n. 155. ita scribere videtur, de Canonicis Reg. Congregationis Lateranensis, ac si adhuc de facto in Patriarchali Basilicâ Lateranensi residerent, & eâ ratione titulove, quo Cathedrales essent, præ ceteris Religiosis præminentiam & præcedentiam, sibi

Apud
Pen. l. 3.
cap 31.

à sede Apostolicâ adjudicatam obtinerent, quod ita non est. Nam à tempore Pauli II. hucusque sæculares in prædictâ Basilicâ residentiam habent, & controversia diu versata inter Cassinenses & Lateranenses, non in Basilicâ Lateranensi, sed in monasteriis residentes fuit, hisque, nimirum Conventualibus, præcedentia adjudicata fuit non titulo Cathedralitatis, sed Clericalis dignitatis, & majoris antiquitatis, ut suo loco infra uberius declarabitur. Ceterum Sixtus IV. Canonicis Reg. S. Aug. jam ultimò Ecclesiâ Lateranensi exactis contulit Ecclesiam S. Mariæ Pacis in urbe, cum amplissimis privilegiis, quæ habentur, in prænominato Diplomate dato Anno 1477. cui Ecclesiæ Monasterium adjecit Oliverius Caraffa S. Rom. Eccle. Cardinalis eminentissimus.

Anno 1512. Ecclesiam Cathedralem Perusinam, in quâ à tempore antiquissimo, Canonici Augustinianam Regulam professi resederant, Sæcularem fecit Julius II. datis litteris illius quam dicunt sæcularisationis 9. Kal. Maii incipientibus : *In eminenti Ecclesiæ specula*, &c.

Idem Julius II. rescriptum confirmavit, quò inter Sæculares retulerat, Metropolitanæ Ecclesiæ

elefiæ Tholofanæ S. Stephani Canonicos, hactenus Reg. Ordinis S. Aug.

Anno 1513. Capitulum Cathedrale Lemo- vicensis Ecclesiæ S. Stephani, antea semper Regulare, sæculare pronuntiavit Leo X.

67. Salisburgēsis Metropolitana Ecclesia, insti- tutum Augustinianorū Canonorum, usque ad Annum 1500. & quod excurrit, retinuit, ut constat ex Provinciali Romano, edito sub Alex- andro VI. in quo illa Ecclesia refertur, inter Ecclesias quæ tunc temporis, erant Ordinis Canonorum Reg. S. Aug.

Metropolitana Ecclesia S. Andreæ in Sco- tia, retinuit, idem Ordinis institutum S. Aug. usque ad tempora ejusdem Alexandri VI. ex eodem Provinciali Romano. Cujus Episcopus fuit Reverendissimus Dominus Jacobus de Binst apud nos Eechoutanos sepultus, ejus tumba etiamnum extat cum hac inscriptione: *Hic jacet bona memoria Iacobus dictus de Binst Episcopus S. Andrea in Scotia nostræ Religionis qui obiit anno Domini 1332. 22. die Septemb. orate pro eo. Me- minit hujus Meyerus in annalibus Flandriæ. Legatione fungens venerat Brugas ad Comitem Ludovicum Nivernensem, cumque ibidem diem clausisset*

claufisset extremum, occasione inter illum & nos communis Ordinis & Religionis, apud nos locum quietis delegit, qui olim habuimus notitiam & coluimus amicitiam, cum Religiosis Canonicis Cathedralibus, postea Metropolitanis S. Andree. Unde & dies obitus venerab. Patris D. Guillielmi Bonar Prioris magnifici ejusdem Ecclesiæ notatus est in nostro Nicrologio ad diem 19. Octobris. Porro olim ante defectionem à Religione Catholicâ, magna erat dignitas illa Prioralis, istius Ecclesiæ, nam eâ præfulgens in solemnibus Comitiiis, omnes totius Regni Scotici præcedebat Abbates. Ex Pennot. lib. 2. cap. 36.

Ecclesia Metropolitana Arelatensis, sub eodem Alexandro VI. ut ex eodem Provinciali habetur, adhuc in seffa fuit, à Canonicis Augustinianam Regulâ professis, ut & Oxoniensis.

Anno 1536. Sub Paulo III. Ecclesia Magalonensis & Costiensis utraque priscis temporibus Regularis, facta est Sæcularis.

Anno 1542. Sub eodem Paulo III. Cathedrales Canonici hætenus Augustiniani, Ecclesiæ Sagienfis, Sanctorum Gervasii & Protasii, declarati sunt sæculares.

Eccle-

Ecclesiam Tiphernensem, à primævâ institutione, usque ad annum 1578. semper Regularem fuisse, ostendunt litteræ sæcularisationis ejusdem datæ à Gregorio XIII. incipientes: *Infirmâ hominis conditio. &c.*

Anno 1559. Destructâ Tarvanâ antiquâ Morinorum sede, cum Episcopalis Cathedra, Bononiam ad mare Oceanum esset translata, Abbatia Canonorum Reg. facta est Cathedralis Ecclesia, & Regulares effecti Sæculares

Circa idem tempus Iprensis S. Martini Ecclesia Præpositalis, in quâ à tempore B. Joannis Morinensis Episcopi, qui ad Dominum migravit anno 1130. Canonici Augustiniani, ab eodem ibidem constituti resederant. Sæculares renuntiati sunt à Paulo IV. qui eandem Ecclesiam elevavit in Cathedralem. Fuit autem B. Joannes Morinensis Episcopus cujus mentionem fecimus, non solum Ordinis Canonico-Augustiniani professor, verum etiam magnus ejusdem per Flandriam nostram propagator. Descripsimus vitam ejus in nostro Chronico-Canonico Hagiologio.

68. Anno 1604. Sub Philippo III. Hispaniarum Rege, Metropolitana Ecclesia Cæsar-Augustana,

Q

Augustana, in quâ à priscis temporibus floruerant Canonici Augustiniani, ad sæcularem statum redacta est. De quâ doctissimus Augustinus Barbosa lib. de Canonicis cap. 1. n. 49. sic scribit: *Illud demum adnotare oportet quod licet antiquis temporibus plures Cathedrales & Collegiatae extiterint Regulares, tamen hodie major eorum pars abrogata Regularitate in statum transit sæcularem, & inter omnes notissima est Metropolitana Civitatis Cæsar-Augustæ, ut videre licet in Bulla reductionis ejusdem in sæcularem Feli. record. Clementis VIII. sub dat: Romæ ad Sanctum Marcum, Anno Incarnationis Dominicæ 1604. idib. Julii. Quam ad me transmisit Dominus Ioannes Fwer-tes, illius Ecclesiæ Canonicus, vir quidem omnigenâ virtute præditus Romæ degens pro causis præeminentiarum inter suam Ecclesiam ex unâ, & Ecclesiam Sanctæ Mariæ de Pilari ex alterâ ex pluribus annis vertentibus. Sic Barbosa.*

Ubi nota dictam Ecclesiam Sanctæ Mariæ de Pilari, seu de Columnâ, quæ totius Hispaniæ antiquissima est, ut habet vetustissima Traditio à Pontificibus confirmata. adhuc Regularem esse & Ordinis Canoniorum Reg. S. Aug. qui ibidem præcedunt, omnes Capitulares

res, eorumque Syndicos, & Procuratores Ecclesiarum Cathedralium, etiam Sæcularium, Regni Aragonum, exceptis dumtaxat Capitularibus Sedis Metropolitanae in Comitibus & quibilibet Congregationibus Aragonum, ex sententiâ data anno Domini 1605. typis editâ cum suis motivis, Madriti apud Ludovicum Sanchez anno 1606. Hinc obiter adverto, per accidens esse quod Sæculares præcedant Canonicos Reg. scilicet propter Cathedralitatem, quia olim quando Regulares Cathedrales erant, Sæculares non-Cathedrales præcedebant. Interim in Aragoniâ Canonici Reg. non-Cathedrales S. Mariæ de Pilari in totâ Aragoniâ ut dictum est, etiam Sæculares Cathedrales non-Metropolitanos præcedunt.

Metropolitana quoque Ecclesia Beneventana, antiquitus Regularis recenti Patrum memoriâ, ad Sæcularitatem defecit. Hæc bonâ fide collecta ferè ex Auberto Miræo de Collegiis Sæcularium Canonicorum, & aliis.

Fere præterieram primariam illam Ecclesiam Toletanam; quam ejusdem professionis Canonico-Augustinianæ quondam fuisse, clamant illius Ecclesiæ antiquæ tabulæ, litteris animatæ

his verbis: *Æra 622. id est anno Domini 582. Floret Artuagus cognomento Gothus ex Ordine S. Aug. Prior Abbas.*

Confirmant ea, quæ narrat Abrahamus Bzovius in Annalibus Ecclesiasticis tom. 18. ad annum 1496. n. 18. de Francisco Ximenio, ejusdem Ecclesiæ Archiepiscopo meritissimo, qui quam primum inauguratus fuit, nil antiquius habuit, quam suos Toletanos Canonicos reformare conari, & ad primævam S. Aug. Regulam, lapsu temporis ibi collapsam, cujus tamen antiquæ observantiæ, ibidem non pauca extarent vestigia, pia quâdam violentiâ revocare, quamquam irritò conatu. Ex Gomecio l. 1.

Certè notavit Garzias Loaisa apud Carolum Mansfelt lib. 1. c. 15. formam Canonico-
rum quam non possis non fateri esse S. Aug. ex Concilio Tolet. 4. cap. 22. & Tolet. 2. c. 1. juncto cap. 23. Toletani 4. quorum utrumque proximum fuit temporibus S. Aug. unum quidem anno 531. alterum 643. Cæterum eam Ecclesiam tandem etiam sæcularem factam evidens est, sed quo tempore nundum inveni.

CAPVT X.

69. **Q**Uæ omnia præcedentia confirman-
tur ex allegationibus Scipionis Lan-
cellotti num. 178. & 179. ubi sic
ad verbum: *In o non solum habent Canonici Reg.
Abbatias, sed etiam Patriarchales, Metropolitanas,
& Cathedrales Ecclesias tamquam veri Clerici, li-
cet nonnulla earum bodie frigescente charitatis fer-
vore in Collegiatas seculares sint redactæ, ut sancta
ac toto orbe primaria Lateranensis Ecclesia Papa-
lis, Alexandrina, Hierosolimitana quæ sunt Patri-
archales. In Aragonia Caesar-Augustana & Terra-
conen. In Gallia Arelaten. & Avenionen. In Ger-
mania Zanzaronen. & Salisburg. Brandenburg.
In Scotia S. Andree. In Gallia Nasaratenfis. In
Vasconia Tolosana. In Burgundia Tarrantasiensis.
In Regno Navarre Pampilonensis, quæ omnes sunt
Metropolitane. Habent etiam Cathedrales veluti
Magalonen. in Gallia. Gratianopolitanensis in Del-
phinatu, Eugubina in Ducatu Spoletanensi, Perusi-
na in Tuscia, Gerundensis in Cathalonia, Civitatis
Castelli in Tuscia. Dignensis in Provincia Provin-
cia, Severenenfis in eadem, Tarmensis in Vasconia*

Dertuensis in Cathalonia, Vraniensis in Comitatu Venusino, Siracosanen. Eefalunensis in Sicilia, Oxoniensis in Regno Castella, Hipponensis, Barinensis, Sebastianensis, Tagastensis, Adrumetinensis in Africa. Sic ille allegabat tempore Concilii Trident. In Hibernia autem omnes Cathedralis fuisse Canonicos Reg. S. Aug. Congregationis Aroasiensis suo loco dicemus infra.

70. Quorum eminentiorum Ecclesiarum, Canonicos Reg. ejusdem Ordinis fuisse, cum reliquis Canonicis Reg. inferiorum Ecclesiarum, præter Authores primâ parte hujus Tractatus nostri Apologetici, docet etiam Augustinus Barbofa l. i. de Canonicis & dignitatibus cap. i. n. 40. cum multis aliis, quos ibi citat. Neque enim in solas Cathedralis Ecclesias reformationem Augustinianam admissam fuisse, verum etiam in Conventuales ceu Monasteria, fatis insinuat Possidius lib. de vita S. Aug. cap. 11. ubi sic lego: *Proficiente Doctrina divina sub Sancto & cum S. Aug. in Monasterio Deo servientes, Ecclesie Hipponensis Clerici ordinari cœpere, ac innotescere de die in diem Ecclesie Catholice prædicationis veri ac Sanctorum servorumq; Dei proposito, continentia & paupertate profunda, ex Monasterio*

nafterio quod per illum memorabilem virum & esse
& crescere coeperat, magno desiderio pascere & ac-
cipere Episcopos & Clericos, pax Ecclesiæ atque uni-
tas & capit. 1. & postea consecuta est. Nam ferè
decem quos ipse novi sanctos & venerabiles viros con-
tinentes & doctissimos B. Aug. adversus Ecclesiis,
nonnullis etiam eminentibus rogatus dedit, similiter-
que & ipsi ex illo sanctorum proposito venientes,
Domini Ecclesiis propagatis Monasteria instituerunt,
& studio crescente edificationis verbi Dei, ceteris
Ecclesiis promotos fratres ad suscipiendum sacerdo-
tium præstiterunt. Hæc Possidius S. Aug. con-
victor familiaris quadragenarius. Vide Mansfelt
cap. 13. lib. 1.

CAPVT XI.

71. **N**on igitur in solis Cathedralibus Ec-
clesiis, ut putat Adversarius, sese
continuit Ordo Canonicus, jam à
S. Præsule Hipponensi reformatus, sed ad varia
Monasteria per orbem se extendit, in quibus
sanctæ hujus reformationis institutum, quod ab
eo tempore in Ecclesiâ nunquam defecit om-
nino, licet sæpius remissum, sæpius intentum
diu

diu viguit, & in modernis etiamnum viget, quod absque pervicaciâ, ne dicam Canonico-Augustiniani Ordinis injuriâ negari nequit. Tam enim celebris illustrisque fuit hæc Augustiniana reformatio, ut ipse non tam Reformatior, quam fundator ejusdem Ordinis, Augustinus subinde dicatur. Quod vel inde etiam confirmari potest, quod vel ipso fatente Adversario, ostendi non possit certo, quo primum loco, quo tempore, & à quo (ut de reliquis Ordinibus certò constar) institutus fuerit Ordo Canonicus quem tenent Clerici Religiosi, d'cti vulgò Canonici Reg. S. Aug. si non sit ille ab Apostolis fundatus, & ab Augustino reformatus ut Pontifices loquuntur.

72. Habeo etiam Auctores qui observant, Cathedralæ Canonicos volentes Canonicum hoc institutum, in suo rigore vigoreque conservare, præsertim quando notarunt, illud in Cathedralibus, & majoribus Ecclesiis periclitari, & ut ita dicam, paulatim naufragari ut fere semper contigit circa observantiam carentiæ proprii ut loquuntur, monasteria nova condidisse, & in ea aliis sæcularisantibus relictis se recepisse & Regulares mansisse, nec non nomen

men Canonorum Reg. retinuisse, fundamentumque vitæ Canonice conservasse, ac super illud pias constitutiones superædificasse, ut eo perfectius & securius redderent Deo vota sua, quæ distinxerunt labia sua, ut in primis de Lateranensibus certum est, qui relictis Sæcularibus in Ecclesiâ Papali, in Monasterium novum S. Mariæ Pacis in urbe se receperunt, ut in pace in idipsum, ibidem dormirent & requiescerent. *Psal. 4.*

73. Sic olim Colonienses Canonici, Monasterium Nussienſe, quod priscis temporibus, caput fuit Congregationis Nussienſis, postea Congregationi Windesemenſi incorporatæ, fundarunt, ut in eo Canonicam professionem desertis aliis con-Canonicis sæcularia potius meditantibus, perfectius adimplerent.

74. Sic antiquitus Canonicos Avenionenses, ut supra audivimus, Ordinis S. Aug. fecisse legimus, qui Monasterium S. Rufi ini-
tiarunt, unde Congregatio celebris S. Rufi, alias S. Arnulphi, de quâ rei ignari tantopere hallucinantur, originem duxit. Cujus Congregationis verum initium & progressum dedit
Reverendissimus Dominus Guilielmus Emma-

Apud
Pernot.
Lib. 2.
cap. 56.
n. 2.

nuel de la Fey Abbas Generalis ejusdem, ex antiquis tabulariis hoc ferè tenore: Cum circa annum nostræ salutis 1000. Cathedrales S. Mariæ Avenionensis Canonici, vitæ communis ac regularis vinculum solvere & abjicere meditentur, quatuor ex illis pietate ac Religione præstantiores graviter admodum ferentes disciplinam Regularem in eorum Conventu relaxari, à convocato Capitulo Ecclesiam quandam perexiguam S. Rufi, cujus Reliquiæ ibi condebantur & colebantur Civitati propinquam sibi concedi postularunt, & cum terra eidem adjacente eam impetrarunt, juxta quam illi sese in unum propositum colligentes, reformationis & Congregationis Canoniorum Reg. Ordinis S. Aug. primum lapidem posuerunt, dictæ S. Rufi. ad distinctionem Canoniorum Cathedralium Avenionensium. Stetit autem hujus Congregationis caput penes Civitatem Avenionensem usque ad annum circiter 1210. quo tempore pestis hæreticorum Albigensum partes illas Galliarum invadens, & Monasterium S. Rufi everrens, Valentiam Canonicos migrare coegit, ubi novo templo sub titulo S. Rufi constructo cum Monasterio, ibidem caput totius Congregationis creverunt, cujus Abbas ejusdem Congregationis usque in hodiernum diem caput & Abbas generalis vocatur.

Hinc

Hinc habes unde corrigas, multos Scriptores, qui multipliciter circa hujus Congregationis originem, locum, tempus, & institutorem hallucinati sunt, qui omnes ferè secuti sunt Abbatem Joachimum errantem, inter quos censendi Hieronymus Romanus, & Rodericus, quibus dum nimium confusus est Adversarius, & ipse deceptus est 3. part. conc. 11. sed de hoc eodem infra redibit sermo, quando Adversarii Conclusiones ex professo examinabimus. Id tamen hic notandum est extare privilegium Urbani II. Abbati S. Rufi anno 1092. collatum, cujus etiam Innocentius VIII. meminit in alio privilegio eidem Congregationi dato, & typis edito Parisiis anno 1621. quod tale est: *Statuimus ne Professionis Canonice quispiam, postquam Dei vice supra caput sibi hominem imposuerit, alicujus levitatis instinctu, vel districtioris Religionis obtentu ex eodem claustro sine Patris & totius Congregationis permissione discedere, discedentem verò nullus Abbatum vel Episcoporum, nullus Monachorum sine communi litterarum cautione suscipiat. Haftenus statutum Pontificium, quod in ius Canonicum relatum habetur 19. q. 3. cap. Statuimus. Prodiit ex hac Congregatione, S.*

Vir Arnulphus Prædicator verbi Dei ferventissimus, & vitiorum objurgator constantissimus, de quo Trithemius in historiâ Hirsaugicâ sub anno 1128. Naclerus volumine 2. generat. 38. Platina in Honorio II. Author supplementi Chronicorum lib. 12. sub anno 1107. qui hujus Congregationis alumnus fuit, non institutor ut multi perperam opinati sunt. Descripsimus ejus vitam in nostro Hagiologio Chronico-Canonico.

75. Quæ profecto omnia abundè indicant, non ideo diversum Ordinem Canonorum Reg. S. Aug. æstimari debere, propter solam frivolam illam rationem ut Rodericus etiam observat sup. quia hic vel nunc in Ecclesiâ Cathedrali, ibi vel tunc in Monasterio excolitur. Idem omnino quod sæpius & fortiter inculcandum in hac controversiâ, idem per omnia est Ordo, quantum ad substantialia, ut Pontifices supponunt, ratio docet, experientia clamat, Scriptores, & præsertim ipsi Lateranenses propugnant.

76. Eat nunc Adversarius cum solâ suâ Cathedralitate, quam tantopere in Lateranensibus urget; non hanc formalitatem urserunt in
suis

suis Diplomatribus Pontifices in materiâ præferentia; sed majorem Ordinis Canonici Antiquitatem, sed Clericatus illi per se competentis dignitatem, quantumvis reclamet: stat Sententia inappellabilis, stat irrevocabilis, nullus ratiunculis prævalentibus, quas facile invenire possunt illi, quos etiam media & instrumenta somniasse audivimus & legimus ignem infernalem extinguendi & Dæmones submergendi. Quid velim norunt, qui anno 1641. tractatulum ediderunt hoc programme, Circuli quadratura, five modus oppugnandi omnes dæmones & infernum.

CAPUT XII.

77. **H**is ita pro explanatione quasi paraphrasticâ Bullæ Eugenianæ, quæ summâ cum veneratione in Ecclesiâ Lateranensi custoditur, confirmata à Nicolao V. & Sixto IV. quæque egregiè exposita & defensa extat in allegationibus sæpè citatis Scipionis Lancellotti à num. 44. usque ad 69. enarratis, consonant alii plures Pontifices Maximi, & in primis

Paschalis II. in litteris Priori S. Frigidiani Ordinis Canonorum Reg. S. Aug. directis, ubi sic Pontifex: *Vitæ Regularis propositum in primitivâ Ecclesiâ cognoscitur ab Apostolis institutum, quam S. Aug. tam gratanter amplexatus est ut eam suis Regulis informaret. Ita Paschalis. Quod idem repetunt Honorius & Calixtus uterque hujus nominis II. in Epistolis ad eundem teste Lancellotto sup. num. 43.*

Benedictus XII. sæpe recitatus: *Inter Religiones alias in Agro plantatas Ecclesiæ ad Religionem Canonorum Reg. S. Aug. ab Christi gloriosis Discipulis in primitivâ Ecclesiâ sacris institutionibus stabilitam gerentes præcipue charitatis affectum.*

Sixtus IV. in Bullâ quæ incipit: *Dudum ad universos Regulares Ordines, &c. ad illam præcipue Canonorum Reg. Ordinis S. Aug. Congregationis Lateranensis eo libentius nostræ mentis oculos convertimus, quo Ordo ipse in nascentis Ecclesiæ sancta institutione ac primorum Christiane Religionis norma traditionibusque fundatus, & sacris institutis ac divinis Regulis eloquiisque præmunitus existit, ab ejusque primæva foundatione variis virtutum meritis semper resplenduit. &c.*

Idem in Diplomate dato Canonicis Reg.
ejusdem

eiusdem Ordinis residentibus in Ecclesiâ B. Mariæ Pacis in urbe anno verbi incarnati 1483.

Considerantes, inquit, inter alios Religiosos Institutionem Canonorum Reg. S. Aug. fore primariam, & ab ipso sanctissimo Ecclesiæ Doctore Augustino fundatam, & per longa tempora viris probis, & litterarum scientia, omni virtute pollentibus stabilitam, ad eam potissimum direximus intuitum.

Martinus V. in Bullâ confirmationis Capituli windesemensis datâ Florentiæ 15. Kalend. April. Pontif. Anno 3. quæ incipit: *Sponsa Christi. &c.*

Ad hanc, inquit, sanè mirabilem pulchritudinem, quâ splendet & splenduit quasi varietate circumdata ipsa Mater [Ecclesiâ] retroactis temporibus adjecit plurimum Ordo vester, qui sicut à suis primordiis post Beatos Apostolos Christi per Regularia S. P. Augustini instituta luculenter per orbem, oruisse dignoscitur, ita etiam nunc resflorere leti gratulamur.

Pius I V. in motu proprio inter ejus Constitutiones Ordine 95. ita pronuntiat: *Comperto satis ex compluribus litteris Apostolicis, diversisque aliis documentis, rationibus & probationibus, quod ipsi Canonici fuerunt & sunt de illis Clericis à S. Aug.*

S. Aug. imo à sanctis Apostolis institutis. &c.

Pius V. Etiam in motu proprio hæc quæ sequuntur habet formalia verba: *cum itaque sicut accepimus dilecti Filii universi Canonici Reg. Congregat. Lateranensis, qui ab Apostolis traxerunt originem, quique ab Augustino eorum Reformatore iterum per reformationis viam mundo geniti. &c.*

Idem in Bullâ quæ incipit: *Licet Ecclesia Dei, præfixa officiis propriis Ordinis Canonici: Attendentes, inquit, tamen Canonicos Reg. cong. Lat. Ordinis S. Aug. eorum Patrem, primum Apostolici illius Ordinis Reformatorem S. Augustinum. &c.*

78. Quibus decem Pontificibus nempe Paschali II. Calixto II. Honorio II. Benedicto XII. Martino V. Eugenio IV. Nicolao V. Sixto IV. Pio IV. & Pio V. quam plures subscribunt Historici, Chronologi & Scriptores graves. Inter quos Sigibertus in Chronico sub anno 1078. Vincentius Belluacensis in speculo Histor. lib. 26. cap. 51. Antoninus in summa Historiali titulo 15. cap. 16. Wernerus Carthusianus fol. 54. Lucidus Historicus lib. 10. c. 7. Author theatri mundi. Raphael Volaterranus Antropologiæ lib. 21. Jacobus Philippus Bergomensis in supplemento Chronici ultimæ editionis

tionis lib. 14. Onuphrius de 7. urbis Ecclesiis. Joannes Gerson. Alphabeto 22. lit. n. & alibi. Hieronymus Platus de bono status Religiosi lib. 2. cap. 32. quibus addendi Aubertus Miræus in originibus, & Prosper Stellartius in Fundaminibus, Andreas Hoius popularis noster, Græcanicæ litteraturæ, & rei Historicæ in Vniuersitate Duacena Professor, in Notationibus ad Historiam Occidentalem Jacobi de Vitriaco. Albertus Crantius. Hi omnes eodem ore quo Pontifices pronuntiant Ordinem quem observant Canonici Reg. S. Aug. ab Apostolis fuisse institutum, ab Aug. verò fuisse restitutum, quo fundamento forti autoritate probato & coroborato ante omnia præjacto videamus jam propiùs:

79. Utrum Canonici Aroasienses observaverint eundem Ordinem Canonicum S. Aug. quem observant Canonici Religiosi Lateranenses jam extra Ecclesiam Lateranensem in Monasteriis degentes, qui eam Congregationem in Italiâ constituent, de quibus non dubitat Adversarius; quod ut præstemus; consideremus exactè narrationem foundationis Aroasiensis conscriptam ab Anonymo, quam authenticam
S supponit,

supponit, & orbi proponit Antagonista.

CAPO V T X I I I

So. **S**ed operæpretium erit priusquam eam exhibeamus, pro pleniore ejus intelligentiâ, recapitulationem quandam præmittere eorum quæ hac 2. parte produximus ex diplomatibus Eugenii IV. & aliorum Pontificum tam prædecessorum quam successorum ejus. Itaque Ordo Canonicus quem observant Canonici Reg. S. Aug. Congregationis Lateranensis in Italiâ; juxta Pontifices allegatos, & alios Auctores jam citatos ab Apostolis fundatus, Hierosolymis sub Jacobo minore dicto primo illius Sedis Episcopo continuatus, à S. Marco plantatus in Ecclesiâ Alexandrinâ; ab Urbano II. reformatus, à S. Aug. restauratus in Africâ; & inde jam reformatus per Regulam à S. Aug. dictatam, agente S. Gelasio Papa ejus nominis I. ejusdem Præsulis Discipulo in Papali Ecclesia Lateran. (quam utpote omnium Ecclesiarum Matrem & exemplar, alias inferiores Ecclesias mox imitatas & Regulares factas fuisse dubitandum non est) per annos circiter octingen-

octingentos usque ad Bonifacii VIII. tempora observatus, & per varias orbis Catholici Provincias dilatatus ut ex constitutionibus Benedicti XII. liquet, tandem Gregorio Magno precipiente ut Eugenius IV. tradit in Ecclesiis Anglicanis etiam plantatus, ibidem tam in Ecclesiis Cathedralibus, quam Conventualibus ut ita dicam innumeris, posterioribus temporibus usque ad illius regni ab unione Catholica defectionem mirabiliter floruit. Quæ omnia etiam ex recentioribus Scriptoribus enarrat & veterum monumentis Laurentius Lant-meter l. 3. de vetere Clerico &c. cap. 5. Porro ex Angliâ tandem aliquando translatus est idem Ordo in Artesiam provinciam Gallo-Belgicam in locum quandam Aroasiam nunc dictam, olim Aridagamantiam ab Anonymo descriptum sub titulo Originis Aroasiæ Hisce ipsissimis verbis:

81. *Locus super stratam publicam constitutus in sylva quæ dicitur Aridagamantia situs: quæ quidem sylva à castro quod Encra dicitur usque ad fluvium Sambræ tunc temporis continuâ protendebatur. Olim spelunca latronum fuerat: verum etiam habent quidam Truncum Berengarii ab ejusdem nominis latronum Principe vulgo denominatum, pro eò*
S 2 quod

quod post mortem ejus solitos esse ferunt satellites illius trunco, quem cadaverant, captos à se quoslibet presentare. Intra quem quidam ex ipsis quasi idem Berengarius loquens summam redemptionis imponebat, quem nulli minuire vel mutare liceret. Sed in Historia Sanctorum Luglii & Lugliani Hi-bernensium, quorum corpora apud Castrum quod Mons dicitur, in Ecclesiâ venerantur perspicuè scriptum legitur, quod iidem Sancti per has Regiones transeuntes per manus impiorum, prædicti videlicet Berengarii & fratrum suorum Bavonis & Heselini, & eorum complices fuerunt Martyrio coronati. Sed quia hoc scelus in pago Ferruanensi fuisse assertum, perpetratum, luce clarius apparet, eosdem impios non in hoc solo loco, sed & in finitimis circumquaque locis, maxime per stratas publicas longè lateque discurrentes quamdiu licuit suam exercuisse & protelasse malitiam. Post multos itaque decursu temporis annos in hoc adhuc loco, latrociniis & incendiis plures, in Episcopatu Cameracensi, & in Confinio Flandrensis Comitatus circa annum Dominice Incarnationis 1090. ut certius comperire possumus in Trinitatis nomine congregati Heremite tres, ut ubi abundavit delictum, ibi superabundaret & gratia, cellam ad serviendam Domino statuerunt, oratorium-
que

que in honorem S. Trinitatis & S. Nicolai Pontificis, cujus ex recenti translatione crebra tunc per orbem divulgabantur miracula construunt, tectumque ejus & parietes miricis & foliis sive ramusculis claudunt & contegunt. Ita ibi.

Haftenus de loco & fundatoribus à primo fundamento Aroasiæ Cœnobii in genere. Iam verò de fundatoribus studiosius satagendum: pergit antiquus hic Auctor: *Horum, inquit, primus Hildemarus nomine, Terruanensis genere.* Ita Auctor hic: verum Arnoldus Rayssius in Hierogazophilacio, titulo *Aroasiæ Ordinis Canoniorum Reg. S. Aug. inter Bapalmam Arthesiæ & Veronam Franciæ civitates*, pag. mihi 72. recitat hujus viri S. Epitaphium, & in auctario, ex monumentis manuscriptis dicti cœnobii, quæ illi ibidem existenti exhibuit Adrianus de Roy ejusdem Monasterii alumnus hæc de eodem tradit: *Aroasiæ obitus B. Hildemari primi ibidem Præpositi. Hic Tornaco oriundus erat, &c.* Sed parum refert ad præsens institutum Tornacone an Teruanâ sit oriundus. Egimus de eo in nostro Hagiologio Chronico-Canonico sæculo undecimo.

82. Verumenimvero qualis professione hic

Hildemarus? certè Canonicus Reg. ubi factus? profectò in Angliâ. Quis scis? quia lego apud eundem Auctorem Anonymum antiquum, Hildemarum cum Collegâ suo Conone in Angliâ professionis Canonice habitum suscepisse. Ecce verba clarissima: *Hos duos Hildemarum videlicet & Cononem in Anglia ad quam eos studendi cura traxerat, ferunt Canonice professionis habitum suscepisse.* Ita Auctoris expressa verba, qui conformiter paulò superius de ambobus dixerat: *Professione Canonici.* Sed fortè sæculares. Minime gentium: tum quia habitum professionis Canonice susceperunt, tum quia professione tales erant, & quod magis est unus eorum Hildemarus scilicet paulò infra scribitur Prioratum Canonorum Viromandensis Ecclesiæ sibi oblatum constanter recusasse. Sanè Reg. Canonicus non esse non potuit, cui Prioratus Canonorum Reg. oblatus fuit. Et hæc omnia expressè Auctor Anonymus & inter cætera de Hildemaro: *Quomodo, inquit, Prioratum Canonorum Ecclesiæ Viromandensis sibi oblatum refutavit, malui tacere.* Ita ille. Sed supra vocantur Eremitæ. Hoc ideò quia ut ibidem legitur: *Cum ambo essent Sanctitate præstantes* (verba sunt ejusdem

dem Anonymi) officio Presbyteri, professione Canonici, & ut postea scribitur Regii Sacellani, Aulæ pertæsi, & gratæ solitudinis, ad quam diu anhælaverant amore capti, cum suffragia Sanctorum, ut hic dicitur, vel varia loca sancta, ut apud Rayssium legitur, devotionis ergo vellent invilere, Deo providente Rogerium laicum hoc loco Eremitam agentem invenerunt, eique adhæserunt soli, donec extructo Oratorio Sodalibus tandem adaucti, *Religionis hic Canonice*, (& hæc etiam verba sunt ejusdem Auctoris) *Fundamenta jecerunt*. Religionis, inquam, Canonice, quam in Angliâ, suscepto ejus professionis habitu, assumpserant, & in Aroasiâ tam fixè fundarunt, ut ea ibi loci ab illo tempore hucusque, sine ullâ, quod sciam, interruptione perstiterit, adeò ut ipsâ Aroasia non alio titulo modo cognoscatur, nec hætenus cognita sit, tum in Aulâ, cum in plebe, quàm Abbatis Canonico-Augustinianus sub ejus S. Doctoris Regulâ à primis ejus incunabulis usque ad hanc modernam ejus senilem ætatem semper vixit & perennavit.

83. Quod etiam Vitriacus confirmat dum
de

de Aroasiensibus agens l. 2. Historiæ Occidentalis cap. 23. sic scribit: *Hi siquidem fundamentum Regulæ B. Aug. retinentes quasdam etiam institutiones necessarias & honestas supra prædictum fundamentum prudenter edificantes contra imminetia pericula sibi præcaventes, addiderunt. Quod intelligendum de Statutis Arosianis, à Gervasio Abbate II. de quo infra, Regulæ Augustinianæ superadditis; quæ ne Adversarius putet, esse indispensabilia Ordinem distinguunt, notet quæ idem Vitriacus post pauca subjungit de Abbatibus quotannis ad Generale Capitulum convenientibus, ut secundum quod Religioni viderint expedire (quod & apud Cistercienses & alios promiscuè fit) corrigant corrigenda, rescent superflua, instituant & addant quæ fuerint superaddenda, vel secundum temporum aut rerum mutationem, quæ fuerint commutanda commutent. Ita Vitriacus satis insinuans Arosiana statuta non fuisse immutabilia, nec destructiva unitatis specificæ in Ordine Canonico-Augustiniano, ut imperitis persuadere, Adversarius magno molimine laborat.*

84. Itaque hi duo viri Sanctitate præstantes, officio Presbyteri, professione Canonici, non novam
hic

hic Religionem, sed antiquam quam in Angliâ, in quâ ea à tempore Gregorii Magni, usque ad ea tempora & ultra floruerat, professi fuerant; Canonicam, inquam, Religionem seu Ordinem in Aroasiâ propagantes, pro instituti sui Canonici zelo, ut fieri solet à veris sui Ordinis amatoribus cultoribusque, foeliciter plantarunt, subserviente, pio huic proposito, Fratre Rogerio laico, ab illis ibi prius invento. Ad quæ præstanda non opus fuit Pontificis maximi licentiâ, sed suffecit vel tacitus consensus Atrebatensis Episcopi Lamberti Gifnensis, in cuius Diœcesi hæc gerebantur, vel manifestus favor, qui postea abundè accessit. Sic enim etiam nostris temporibus fieri videmus, Ordines, vel Carmelitarum v. g. vel Minorum olim institutos, in urbibus locisque aliis, in quibus antè Monasteria non habuerant, accedente Ordinarii veniâ & annuente Senatu populoque, nova Monasteria inibi fundari, in quibus non novus Ordo sed vetus deinceps servetur, adeò ut Alumni novi Monasterii, nullâ ratione sint Ordine diversi ab Alumni Monasterii antiquioris, cum idem institutum sit amborum; nec hoc sit Ordines fundare vel diversificare, sed

T

pro-

propagare ut notum est ex textu *in c. Relatum*, & *ibi observant communiter dd. tit. ne Clerici vel Monachi*, & *l. oponebatur de judiciis*. Et expresse docet *Romanus con. 108. &c.*

85. Pergit post pauca priscus ille Auctor Aroasianus: *Episcopante igitur Atrebatu Lamberto* [qui ordinatus fuerat Episcopus anno Domini 1093.] *Sanctæ memoriæ Heldemarus à quodam nominetenus Clerico, qui se cum eis Deo servituum simulaverat (interfecto prius ab ipso innocente Rogerio) læthaliter vulneratur: ipsi tamen homicida plenè indulgens, & pro eo Dominum rogans, imò & osculum si præsens esset offerre cupidus, non postea curatus ad plenum, intra annum tamquam emeritus idibus Ianuarii hominem exuens ad meliora transfertur.* Hucusque ibi Anonymus, qui suprà dixerat eum signis Miraculorum in vitâ & post mortem claruisse. Itaque expletis septem in Præpositurâ annis ad Dominum migravit anno Salutis 1097. Beatus Heldemarus communiter primus Aroasiæ Præpositus intitulatus, contemptor rerum temporalium, amator cælestium. Verisimile autem est ex eò quod Heldemarus Præpositus fuerit, plures quam duos Cononem scilicet ac Rogerium habuisse subditos

ditos. Verisimiliter Clerici in Sodalitatem (fuit ea semper Clericorum) plusculi admissi, è quorum numero fuisse videtur fictus ille Clericus paricida sacrilegus, non absimilis illis, qui olim S. Benedicto venenatum poculum propinare, non formidaverunt.

86. Mortuo cum famâ Sanctitatis Helde-
maro succedit Cono ejusdem Ordinis & pro-
fessionis, secundus Præpositus communiter di-
ctus, defuncti Prædecessoris & meriti, & loci
Successor, & hæres, ait Anonymus, qui & no-
titiam habuit amicitiamque cum S. Ivone,
magno illis temporibus Reformatore ejusdem
Canonici Ordinis per Galliam, ut Chronogra-
phi & Ecclesia in Officiis propriis itidem ejus-
dem Ordinis à Pio V. approbatis testantur. Ita-
que Cono, pergit Anonymus, in brevi Socios ag-
gregat, & dum Religione [scilicet Canonica] &
probitate præeminet universis, illustrium & probor-
um hominum amorem mentesque conciliat. Vnde &
prædicto Lamberto Atrebatensi Episcopo totam illam
Parochiam de Rochemis [in quâ sita Aroasia, ut
in superioribus hic Auctor insinuaverat] possi-
dendam in perpetuum cum libertatis privilegio an-
ono Dmini 1097. condonavit, & multa alia: & jux-

ta hunc locum à Castellano & liberis Peronenſibus, prædia conferuntur. Locus etiam qui Margellas dicitur, cum aqua & adjacentibus pascuis, ab Odone Hamenſi confertur, & Oratorium ibidem construere ab Alderico Noviomenſi Epifcopo petenti conceditur. Ita ibi. Jam videmus Canonicam Aroaſianam, ſub Conone ſecundo Præpoſito, & Canonicorum numero auctam, & bonis temporalibus dotatam. Fortè etiam officia Paſtoralia à Conone, ejuſque ſubditis obita, in Parochiâ recenter acquiſitâ, ut olim noſtris moris fuit, & modo etiam eſt in Cœnobiis, extra Civitates maximè ſitis. His ita proſperè ſuccedentibus, & ſucceſſibus creſcentibus, Everſo priore ligneo (habet textus) Oratorio pro Venerabilis Cononis induſtria, Eccleſia in hoc loco lapidea conſtituitur, & à Godefrido Ambianenſi Epifcopo, & Joanne Terruanenſi Epifcopo dedicatur (1106. 9. Kal. Octobris.) Hæc in textu. Fuit autem hic Joannes, quondam Canonicus Reg. S. Aug. in Canonicâ Montis S. Eligii, ſanctitate & doctrinâ clarus, nec non ejuſdem Ordinis Propagator magnificus, cujuſ operâ Canonici Reg. poſiti ſunt olim, in Eccleſiâ primariâ Iprenſi S. Martino ſacrâ, nunc Cathedrali

drali post sæcularisationem (cujus nuper Episcopus fuit incomparabilis vir Cornelius Janse-
nius S. Aug. cultor & sectator eximiùs, qui dice-
re solitus erat lætari se vel ob hoc unum, quod
ad illam Ecclesiam Cathedralem Episcopus
assumptus esset, in quâ tot sæculis quondam
Canonici Reg. S. Aug. resedissent.) Itemque
in aliis circumvicinis, ut in Phanopiensi Cœ-
nobio, ubi adhuc idem Canonicus Ordo de
facto viget, & aliis. Vide Bolandum tom. 1.
13. Januarii. Descripsimus ejus vitam in nostro
Hagiologio Chronico-Canonico. Vt suprâ in-
sinuabamus.

C A P V T . XIV.

87. **C**ogitur interea Cono, ob certa Præ-
posituræ suæ negotia, & necessitates
ad Pontificem maximum, tunc Pa-
schalem hujus nominis, ut videtur secundum
quem Trechis invenit, se conferre; *quare expo-
rat ad se familiarem suum Richerium* (ut prose-
quitur idem Auctor Anonymus) *genere Terrua-
nensem, Priorẽ Lischensem* (Lisichen tunc fuit ordi-
nis Canonici ut notat Bolandus loco infra citãdo)

T 3

eiusdem

ejusdem utique Ordinis Canonici, ut vel huic etiam satis eluceat, in nuper fundato Aroasiano Cœnobio, sub his initiis Ordinem Canonicum plantatum fuisse, & jam aliquamdiu usitatum. Ad quid enim aliud opus fuisset vocare Priorem Regularem Lischensem, substituendum Cononi, nisi ut illius loco Regularibus præesset? qui etiam jussu pontificio Lischensibus valedicere, & Aroasiensibus præsidere tandem coactus est, id à Paschali Papa Conone obtinente. Quo iterum ad Pontificem reverso, & ab eodem Cardinale Prænestino creato, multis legationibus claro (de quibus Baronius in Annalibus) nunquam tamen familiæ suæ Aroasianæ, sub se adultæ oblito (nam & ipsi prætiosas Sanctorum Reliquias, aliasque divitias temporales procuravit, & Oratorium supra sepulchrum Prædecessoris sui Heldemari, cum ornamentis debitis construi fecit, & in honorem S. Mariæ Magdalænæ consecravit) Riche-rius Abbatis solo titulo & nomine tenus tantum, humilitatis ergò, non etiam Episcopali benedictione fulgens, strenuè officium Abbatiale gerit, & multos Religiosos fratres prioribus aggregat. Quæ profectò omnia indicant

Cano-

Canonicum Ordinem (cujus fundamenta à duobus piissimis illis Canonicis Helderaro & Conone jacta fuerant, ut expressè textus tradit) ibidem florere cœpisse, id enim consideratis præsentibus & præcedentibus, haud obscure etiam insinuat titulus Abbatialis in his circumstantiis; quæ omnia facile etiam fieri potuisse existimo, etiam cum scientiâ & licentiâ summi Pontificis Paschalis, interveniente Conone jam Cardinale Prænestino, qui propter vitæ meritum & doctrinæ (ut idem textus descriptæ originis Aroasianæ habet) summa apud eum auctoritate pollebat; quâ ratione facile ab eodem & sacra Lipsana, & alia privilegia Aroasiensibus impetravit, quidni & titulum Abbatialem Richerio? quem certè is tantopere ab humilitate commendatus privatâ auctoritate, cum Prior hactenus fuisset, sibi nullatenus arrogasset, vel à privatis sibi attribui passus fuisset, nisi illi collatus fuisset à majore manu: à cujus tempore, mutato titulo Præpositali, in Abbatialem, & ipse locus Abbatia, & Superiores ejusdem Abbatæ ad hæc usque tempora indigitantur, & quidem sub nomine Ordinis Canonorum Reg. S. Aug. non privatim tantum, sed publicè, quamquam

quam Aroasiensium à loco Aroasia dicto.

In qua cum jam Religio Canonica, cujus jacta fundamenta fuerant (quod fortiter & sæpe inculcandum est) à præclaris illis duobus *Viris, sanctitate præditis officio Presbyteris, professione Canonicis* in Angliâ, quo studiorum causâ diverterant, professionis Canonicae habitu donatis & Regiis Sacellanis Hildemaro & Conone, quorum prior Martyrio coronatus, posterior Cardinalitiâ eminentiâ adauctus fuit, nec longè à papatu abfuit quem recusavit: jacta, inquam, fundamenta fuerant circa annum Domini 1090. atque ita Religio eadem Canonica per 30. & amplius annos firmiter plantata adolevisset viguissetque re optimè administratâ, aucto possessionum cumulo, Canonicorum numero, & ædificii Monastici Ecclesiasticique fastigio pro viribus promotum, ut par est credere, viam universæ carnis ingressus est Richerius primus Abbas sed titulo tenus anno salutis 1121. 8. idus Maii, & vacat præfectura annis duobus.

88. Hæc omnia ex ipso textu Aroasianæ foundationis, ab ipsomet Adversario nobis publicè exhibito, desumpta & probata, facile confundunt & confutant quæ ipse Adversarius orbi

orbi obtrudit, in variis temporum periodis, Aroasianæ originis & accretionis, quasi ante Gervasium quartum hujus loci Superiorem, nullus inibi Ordo seu Religio approbata, observata fuerit. Vbi certè ostendit se non satis ponderasse, vel otiosè transvolasse, & quasi neglexisse vel oscitanter legisse, quod tamen vigilantibus maximè notandum erat, id quod tantà claritate habetur in textu, utrumque fundatorem Heldemarum scilicet & Cononem in Angliâ *Canonice professionis habitum suscepisse*, itemque *officio Presbyteros & professione Canonicos fuisse*, atque adeò signanter in Aroasiâ *Canonice Religionis*, quæ ab eo tempore nunquam ibi loci defecit, *Fundamenta jecisse*. Quæ Religio cum non fuerit nova; sed antiqua, non tunc nata; sed propagata, & ex Angliâ eo translata, ibique transplantata, & ut aliquid amplius, ascendendo ad ejus originis antiquitatem, dicamus vel repetamus (nam video hoc fortiter memoriæ imprimendum) à S. Gregorio Magno commendata Anglorum Episcopo Augustino, prius ab alio Augustino Ecclesiæ Doctore præcipuo reformata, à Gloriosis Christi Apostolis fundata ut habent Pontificum diplomata, po-

V

ruit

tuit sine novâ approbatione vel confirmatione Pontificis Maximi, consentiente & favente Atrebatensi Episcopo Lamberto, ibi institui, prout reverà instituta est. Vel dicat Adversarius quo primum tempore ibi instituta fuerit vel usitari cœperit, si non illo, quam semper ibidem excultam fuisse prout & moderno tempore ibidem tenetur, pro explorato est, quod nunquam, confidenter dico, præstabit. Nam quod dicit eam institutam fuisse ibidem, à præ-nominato Gervasio paucis noto, ut omittam id tamquam paradoxum passim exhibitari, eadem facilitate qua confictum est potest refutari. Quod mox agendum.

C A P V T X V.

89. **P**Ro clariori tamen intelligentiâ, tam eorum quæ prædicta sunt; quam quæ adhuc dicentur, quantum colligere potui ex scriptis Pontificum & bonorum Auctorum observo Ordinem Clericorum Religiosorum, quos nunc Canonicos Reg. S. Aug. dicimus diversos habuisse status & quasi varios ætatis gradus.

I. Fuit

I. Fuit tempore Apostolorum, & Apostolicorum Clericorum primitivæ Ecclesiæ, quo observari cœpit Hierosolymis sub Jacobo Minore I. ejus urbis Episcopo, in Ecclesiâ Alexandrinâ, sub S. Marco etiam I. ejusdem Ecclesiæ Episcopo, & aliis hujusmodi, quantum permittebant Paganorum persecutiones, Apostolos autem qui fuerunt primitivi Clerici vovisse tenet S. Aug. & cum eo D. Thomas, & Religiosos fuisse docet Bellarminus cum aliis.

II. Status fuit aliqualis relaxationis, ad vitam quodammodo proprietariam; primo circa tempora Urbani I. qui necesse habuit, hanc exorientem remissionem comprimere, generali decreto quod in ius Canonicum est relatum. 2. tempore S. Cypriani sub quo fratres sportulantes, qui certum ex Ecclesiasticis bonis stipendium ab Episcopo accipiebant sportis inclusum ut notat Pamelius nostras in 66. illius S. Martyris Epistolam.

III. Fuit Reformationis, ad antiquam & Apostolicam communem vitam, in castitate & obedientiâ, voto firmatam, juxta primitivam formam, cujus Auctor fuit S. Aug. in Africâ, in quâ jam à tempore Cypriani relaxatio facta fuerat,

fuerat, sed sub S. Aug. Religiosus Clericatus, ceu ordo Clericalis, denuò refflorere cœpit, & quidem adeò fœliciter & abundanter, ut non tam hujus ordinis Reformator, quam Fundator subinde dicatur Augustinus.

I V. Fuit iteratæ Relaxationis, ut videtur, ad communem vitam aliquibus permissam, sine voto, in Concilio Aquisgranensi, quæ vita nec omnino sæcularis fuit ut est moderna Canoniorum sæcularium, nec omnino Regularis ut est hodierna Canoniorum Reg. S. Aug. in quo fuerunt Alnenses.

V. Fuit defectionis ad sæcularitatem, quo manentibus sæcularisatis in paucis Ecclesiis, alii sui propositi tenaciores in Monasteria se receperunt.

VI. Fuit reparationis, per SS. Viros, qualis in primis fuit S. Ivo Carnotensis Episcopus, Gervasius Aroasianus, & alios similes, sub quibus ortæ sunt variæ Congregationes.

VII. Fuit generalis Reformationis per universam Ecclesiam, latis constitutionibus per Benedictum XII. quæ si debitè observatæ fuissent, multum Ordinis Canonici conservationi & promotioni profuissent.

VIII.

VIII. Fuit universalis ferè Cathedralium & Collegiatarum Sæcularisationis Ecclesiarum.

IX. Est modernus in solis ferè Monasteriis, vel certæ Congregationi, vel solis Episcopis loci subiectis, in quibus servatur Regula S. Aug. juxtà antiquum morem Ordinis Canonici, fitque Canonica professio in habitu Canonico sub constitutionibus accidentaliter quidem, sed non substantialiter diversis, atque ita statum antiqui Ordinis non mutantibus.

Hactenus de variis Statibus Ordinis Canonici, quibus subjicio ocularem quandam sed compendiosam Chronologiam, quæ dicta & dicenda amplius adhuc elucidabit.

C A P V T XVI.

20. **P**Rimitivâ Ecclesiâ Sponsâ Christi jam paucis annis natâ, nascitur foeliciter sub Apostolis & gloriosis Salvatoris nostri Discipulis Ordo Clericalis postea dictus Canoniorum Reg. S. Aug. *Eugenius IV. in bullâ & alii Pontifices.*

Anno 223. Juxtà Onuphrium in Fastis creatur Pontifex Urbanus I. qui Ordinem nonni-

hil deformatum generali decreto reformavit.
Idem Eugenius supra.

Anno 391. S. Aug. fit Presbyter & Monasterium Clericorum mox instituit, & incipit vivere secundum Regulam sub SS. Apostolis constitutam. *Ecclesia in officio dirino à Pio V. approbato recitando in ejus S. festo; Cum Possid. in vitâ ejus, & S. Thoma Aquinate ejusdem officii Auctore, ut testatur idem Pius V. in Bulla: Licet Ecclesiâ Dei, &c.*

Anno 394. S. Aug. fit Episcopus, & statuit in domo sua Episcopali Monasterium Clericorum communem Regularemque vitam cum eo ducentium & profitentium: *Aug. serm. 49. de diversis.* Idem conscripsit Regulam quæ adhuc in usu est, & vocatur Regula Canonica S. Aug. estque sermo tertius de communi vita Clericorum, prius Clericis scripta & postmodum feminis tradita mutato masculino genere in femininum, ut cum Penotto, recenter probat Matthias Hauzeur in Epitome, ex quâ multa relata sunt in ius Canonicum, quæ notavit Lancellottus in allegationibus num. 152 cujus etiam Regulæ mentionem facit idem præfatus Eugenius in Bulla sup.

Anno

Anno 440. Leo Magnus creatur Pontifex, sub quo Gelasius S. Aug. discipulus & Clericus professus Romam venit, qui benignè ab eodem Pontifice susceptus & in Ecclesia Lateranensi collocatus, ibidem Ordinem Canonicum ad præscriptum Regulæ S. Aug. quadravit. *Ecclesia in officio divino 20. Novemb. ex concessione Canonicis Reg. factâ à Pio V.*

Anno 492. Gelasius fit Pontifex Romanus, qui inter cætera præclare gesta sacræ Scripturæ & SS. Patrum libros authenticos ab Apocryphis separavit, & S. Aug. scripta approbavit, inter quæ non infimo loco habenda est Regula S. Aug. sub titulo sermonis 3. de comuni vita Clericorum inter diversos comprehensa, quo argumento inter alia Canonici Reg. coram Cardinalibus deputatis, probarunt approbationem Regulæ, à sede Apostolicâ, ferè centum annis, factam fuisse ante approbationem Regulæ S. Benedicti. Quemadmodum patet ex *allegationibus Lancellotti num. 151. & sequentibus. Qui totum approbat singula membra comprehendit l. si quod earum & l. si is qui ff. de rebus dub.*

Anno 524. Ordo S. Benedicti inchoatus po-
nitur

nitur à *Bellarmino in Chronologiâ mihi pag. 242.*

Anno 590. Gregorius Magnus Pontifex renuntiatus est. Ejus operâ Canonicus Ordo valde dilatatus est in occidentis finibus, & commendatus est Augustino Anglorum Episcopo, ut in Ecclesiis Anglicanis plantaretur, quemadmodum habetur in sæpe citatâ Bullâ Eugeniâ. Hunc Pontificem narrat Adversarius Benedictinam Regulam approbasse, quod tamen nullibi probat, etsi ita esset, nihil obesset, cum Augustiniana centum circiter annis antè, à Gelasio fuerit approbata, ut dictum est.

Anno 650. A S. Trudone Confessore Presbytero Hasbanix Principe fundatur Brugense Cœnobium Eeck-houttanum seu Quercetanum quod floruit multis annis viris Religiosis sanctitate & doctrinâ præditis usque ad annum 880. quo destructum est à Nortmannis, Danis, & Hunnis, de quo infra latius.

Anno 1050. Restauratur Monasterium Canonorum Reg. S. Aug. Eeck-houttanum sub titulo S. Bartholomei Apostoli. *Meyerus in analibus Flandriæ.*

Anno 1080. Ordo Canonicus reflorescere cœpit per Galliam in Belluacensi S. Quintini Ecclesiâ

clesiâ sub S. Ivone prius illius Ecclesiæ Præposito, postea Episcopo Carnotensi. *Antoninus in spec. hist. tit. 15. cap. 16. & alii.*

Anno 1090. fundatur Aroasiense cœnobium à duobus viris Sanctitate præditis officio presbyteris, professione Canonicis, qui professionis Canonice habitum susceperant in Angliâ Heldemaro & Conone, à quibus ibidem Religionis Canonice prima jacta sunt fundamenta.. *Origo Aroasiensis apud Adversarium sup.*

Anno 1093. Lambertus Gifnensis fit Episcopus Atrebatensis, in cujus Diœcesi, cujusque favore promotum est prædictum Aroasiense cœnobium; *eadem origo.*

Anno 1097. Martyrio afficitur, B. Heldemarus primus Præpositus Aroasiensis, cui mox succedit Cono, qui statim Religiosos sodales congregat, & à viris bonis, subsidia temporaria in sustentationem, & privilegia impetrat. *Origo Aroasiensis.*

Anno 1098. Inchoatur Ordo Cisterciensis à Roberto. *Teste Adversario 3. par. conclus. 15. num. 193.*

Anno 1106. Dedicatur Ecclesia Lapidea, à Conone ædificata, in Aroasiâ, à Godefrido
 XI Ambia-

Ambianensi, & Joanne Terruanensi Episcopis. *Origo Aroasiens.* Quibus peractis, urgentibus rei Domesticæ negotiis, Cono ad Paschalem Papam proficiscitur, substituto sibi Richerio viro discreto, ac strenuo, Priori Lischeni: qui tandem, ex præcepto ejusdem Pontificis Paschalis, Lischeni Prioratui renuntiare, & Aroasiensi Cœnobio præesse cogitur, id procurante cum aliis privilegiis, & beneficiis Conone. Porro Lisques sive Licques in Bononiensi olim Teruanensi Dicecesi. Istic 1. Canonici Sæculares constituti feruntur, tum Regulares, ac tandem à Milone Episcopo Teruanensi introducti Præmonstratenses circa annum 1131. *Bollandus tom. 1. 13. Ianuarii pag. 833. nota f.*

Anno 1112. Cono ad Pontificem, prout iussus fuerat, denuo reversus, jam Cardinalis Prænестinus, & Legatus per Galliam creatus, misit Aroasiensibus pretiosas Sanctorum Reliquias. Post hæc ad Aroasienses regressus, super Sepulchrum Domini Heldemari, Magistri sui, Oratorium construi fecit, & donatis vestimentis Sacerdotalibus & aliis, illud in honorem S. Mariæ Magdalænæ, consecravit. *Eadem origo Aroasiensis.*

Anno

Anno 1113. Oritur Congregatio Victorina, sic dicta à Monasterio celeberrimo S. Victoris, in suburbio Parisiensi Ordinis Canonorum Reg. S. Aug.

Anno 1115. Cono convocatis Remensi, & Senonensi, Bituricensi Metropolitanis eorumque suffraganeis Episcopis, in Civitate Beluacensi celebrat Concilium. *Aroasiensis origo, & alii.*

Anno 1117. Cono migrat ad Dominum. *Tabula Aroasiana.*

Anno 1121. Richerius primus Abbas Aroasiensis, strenuè administrato officio, & possessionibus Sodalibusque Canonicis multiplicatis, viam universæ carnis ingreditur, & vacat Abbatialis præfectura, duobus annis. *Origo Aroasiensis.*

Anno eodem confirmatur Ordo Præmonstratensis à Calixto Papa juxta Adversarium sup.

Anno 1123. Gervasius Boloniensis genere, vir benignitate præcipuus, charitate & misericordia summus, electione fratrum, Rocherio Abbati defuncto subrogatur & Episcopali benedictione primus inauguratur. *Origo Aroasi.*

Anno 1138. Dunenses primum suscipiunt Ordinem Cisterciensem. *Miræus in Chron. Belgico pag. mihi 310.*

Circa hæc tempora, multa Monasteria Ordinis Canonorum Reg. S. Aug. sponte & devotè suscipiunt Statuta Aroasiensia, & constituunt Capitulum ceu Congregationem Aroasiensem, in quâ nova reformatio, non verò novus Ordo florere, per multas provincias, cœpit. Ad eum ferè modum quo Adversarius sustinet in Congregatione Cisterciensi, non novum Ordinem; sed veteris Ordinis Benedictini reformationem, à Roberto conceptam, tandem natam fuisse.

Anno 1148. Gervasius Abbas Aroasiensis, pertæsus vitæ activæ quam cum Marthâ hætenus, annis 25. laboriosè quidem sed fœliciter, & Monasterio suo Aroasiano utiliter duxerat, amore vitæ contemplativæ, pedum resignat, in manus Alvisii Episcopi Atrebatensis, successoris Roberti. *Origo Aroasiensis.*

Anno 1198. Innocentius III. Romanus Pontifex consecratur. Sedit annos 18. mens. 6. dies 9. hic Congregationem Aroasiensem, approbasse putatur, in Epistolâ ad Episcopum Lebusensem lib. 2. pag. 305. de quo suo loco. Certè Ordo in Aroasiâ, ab Heldemaro, & Conone à tot annis plantatus, approbatione hac recentiore
non

non indiguit, cum ejus Regula à Gelasio I. approbata fuerit, & ipse Ordo ab Apostolis institutus fuerit, ut pronuntiant Pontifices, qui sæpe remissus, sæpe etiam intensus, in Ecclesiâ Dei nunquam integrè defecit; quia certum est, eum saltem in Ecclesiâ Lateranensi, primariâ omnium in urbe-orbe, per annos octingentos, sine interruptione, à tempore Gelasii I. usque ad Bonifacium VIII. (quod sæpe refricandum est) in conspectu tot Pontificum, in oculis tot nationum ibi communiter degentium, semper perseverasse, ante & post tempora Concilii Aquisgranensis, ut vanum sit, putare eum isto Concilio juniorem esse, & nescio quem ejus inventorem recentiore orbi obtrudere, ne dicam imponere: & ne dicatur Ordinem in Basilicâ Lateranensi observatum peculiarem vel singularem fuisse, & nullibi nisi in eâ unâ, vel in Cathedralibus aliis Ecclesiis, quod video esse Asylum quo ferè semper confugit Adversarius, locum habuisse, ecce

Anno 1339. Sub Benedicto XII. idem Ordo per Orientalem, & Occidentalem Ecclesiam diffusus, in Ecclesiis Cathedralibus, Collegialibus, Abbatialibus, Præpositalibus, Conventualibus,

tualibus, ab antiquis temporibus reservatus, reformatur generalibus, & communibus universis ejus cultoribus, constitutionibus: de quibus multa in superioribus dicta sunt, & aliqua fortè ex occasione utiliter dicenda, quia vel illæ solæ sufficiunt ad ostendendum, quam inutiles & futes sint evasiones, per quas currit & recurrit Adversarius, vel ad Ordinem quasi particularem Lateranensem, vel ad Cathedralitatem.

91. Ex hac Chronologiâ, ad oculum patet, Ordinem Canonorum Reg. S. Aug. Ordine S. Benedicti Monachorum, antiquiorem esse, & quantum ad institutionem & quantum ad approbationem, & eundem Canonicum Ordinem, prius in Aroasiensi Cœnobio, plantatum fuisse, quam in Cisterciensi reformatus Ordo Monasticus S. Benedicti. Sed quia Adversarius, totam difficultatem movet, circa Reformationem, à Gervasio Abbate Aroasiensi, inductam, quam novum Ordinem esse, persuadere nititur, tandem aliquando ut exactius hoc examinemus, ad eundem Gervasium veniamus.

CAPVT XVII.

92. **C**Odex manuscriptus originis Arosianæ foundationis, ex quo hæc omnia deprompsit Adversarius, sic habet de Gervasio: *post quem [Richerium scilicet] Gervasius Boloniensis, vir benignitate præcipuus, caritate & misericordia summus electione fratrum & Episcopali benedictione primus apud nos Abbatizavit &c.* Jam Religio Canonica in Arosiâ, à Religiosis fratribus Canonicis, quibus duo Præpositi Heldemarus nimirum & Cono, & Abbas unus Richerius, præcepto Paschalis Papæ Cononi substitutus, Abbas, inquam, nomine non Episcopali benedictione, præfuerant, exulta fuerat annis circiter triginta tribus. Jam exstructum erat Monasterium, jam Ecclesia lapidea erecta eminebat, non deerant possessiones, non privilegia, sed defuncto Richerio Abbate, deerat qui cæteris præesset & prodesset, & ob virtutum merita, eligitur Abbas Gervasius à fratribus, jam nunc ut vidimus supra, competentis numero à Richerio adscitis & relictis qui postea in eodem M. S. Codice fundationis

dationis Aroasiensis, Religiosi vocantur, eligitur, inquam, Abbas, & Episcopali benedictione primus inauguratur illius loci.

93. Profectò omnes hæ circumstantiæ, si defæcato oculo inspiciantur, titulus Abbatis, Episcopalis benedictio, ejusdem electio à fratribus & quidem Religiosis, in locum defuncti Abbatis Richerii, jubente Paschali Papâ Aroasiæ præfecti, supponunt jam ab aliquot annis, ibidem in usu fuisse Religionem aliquam, ad quam regendam Gervasius à virtutibus commendatus, assumptus est: at quæ Religio? Canonica certè. Cujus *Fundamenta* jam diu *jacta illic fuerant à duobus viris Sanctitate præditis, officio Presbyteris, professione Canonicis, qui Canonica professionis habitum susceperant in Angliâ Helde-marco & Conone*. Quod sæpe repetendum, ut tandem Adversarius à somno excitetur, quia dormitabundis oculis hæc neglexisse, vel non legisse videtur; & quandam congregationem, cætui Oratoristarum nostri temporis non absimilem, illic ante Gervasium fuisse, somniasse, sed *procul recedant somnia*; Religio ea Canonica fuit, ab initio illic propagata, & in posterum huc usque conservata & observata; de quâ, sine
ullo

nullo incommodo, intelligi potest Codex foundationis Aroasiensis, ex quo recentiores haurire debuerunt, qui aliquid hac de re secundum rei veritatem posteris tradere voluerunt; secundum quam verè asseritur Gervasium hunc non hic novam Religionem fundasse, sed antiquam Canonicam, à duobus illis Religiosissimis viris propagatam, aliquot annis eodem in loco jam observari coeptam colendam administrandamq; suscepisse. Nam quæ in eo Codice, de Gervasio sunt scripta, ad nil aliud cogunt, saltem hætenus allegata.

94. At sequentia, dicet Adversarius, in eodem codice planè ostendunt, eum novum Ordinem inchoasse. At peto quâ auctoritate? privatane an publicâ? si privatâ nil fecit. Novum Ordinē condere siquidem non est privatæ auctoritatis. Si publicâ, ergo Pontificiâ: & si hac, proferatur Diploma Confirmationis. Certè hac tempestate, novus Ordo Præmonstratensis, à S. Norberto fundatus est, sed confirmante Calixto II. ut jam moris est. Si ad Innocentium III. recurratur ille ante annum 1198. Pontificatum non adiit. Nec facile crediderim eum hunc novum Ordinem, quem volunt Gervasianum
Y confirmasse.

confirmasse. Legitur quidem Innocentius, approbasse Congregationem Aroasiensem, in quadam Epistolâ ad Episcopum Lebuffensem, sed patet eam approbationem laudatoriam fuisse non Canonicam, quæ Diplomate ferri tunc cœpit, non familiari Epistolâ, & quidem, alterius Diœcesis Episcopo scriptâ, ut non malè etiam advertit Adversarius. Vel si quid approbatum est, Congregatio ceu Reformatio esse potuit, antiqui Ordinis, non novus Ordo. Neque enim in Aroasiâ novus Ordo plantatus est, sed antiquus primo illic propagatus, à sæpe dictis duobus Religiosis viris, & usque ad Gervasium continuatus, qui si quid fecit (nam eum quid præclari fecisse quis neget?) Constitutiones quasdam, ex more Ordinis Canonici, Regulæ Augustinianæ (quæ in Aroasiâ ab initio semper observata fuit) pro ejus securiore observantiâ superordinavit. Quod supra animadversum vidimus à Vitriaco præclaro ejusdem Ordinis Canonico-Augustiniani professore, & ornamento, rerum sui Ordinis haud dubie non ignaro, dum de Aroasiensibus scribens dicit eos retento fundamento Regulæ S. Aug. superædificasse necessarias quasdam & honestas institutiones, quæ priorem

priorem & antiquum Ordinem non mutant, nec ad alium statum transferunt, sed eum in antiquo statu stabiliunt.

95. Nam etsi daremus ad specificandum Ordinem Canonicum S. Aug. & ab aliis eandem Regulam Augustinianam observantibus, distinguendum, necessarias esse quasdam constitutiones, quasi essentialiter requisitas, profecto ex usu Ordinis Canonici illæ solæ indeterminatæ sunt, hæ scilicet vel illæ, eo sensu quo dicimus: alter oculorum necessarius est ad videndum, cum neque dexter determinatè ad id necessarius sit neque sinister, sed hic vel ille indeterminatè. Sic nullæ constitutiones in Ordine Canonico determinatè necessariae sunt, ut in quibus sæpe fiat dispensatio & mutatio: quare quamquam Lateranenses v. g. & Aroasienses habeant diversa statuta, modò Statui Ordinis non sint repugnantia, sed fini ejus conducentia, nil hoc obest, ejus utriusque Communis Ordinis identitati. Et secundum hæc dicta, veniunt intelligenda verba illa in formâ professionis Aroasiensis posita: *Promitto obedientiam vitamq; Canonicam secundum Regulam S. Aug. & ejusdem loci statuta.* Hæc scilicet vel illa, prout

nunc hæc, nunc illa pro mutatione temporis; proponuntur secundum modum obligandi ad culpam vel ad pœnam tantum & secundum communem Ordinis intentionem.

Ex quâ etiam formâ patet, dum profitentes illi, faciunt mentionem vitæ Canonicae, quæ consistit in observantione trium votorum substantialium, juxta Regulam Canonico-Augustinianam, & Canonici Ordinis S. Aug. consuetudinem; se professione Canonicos quales fuerunt Heldemarus & Cono & similes, esse velle ostendere. Nil igitur hic novi, sed omnia MORIBVS ANTIQVIS.

CAPVT XVIII.

96. **V**Erumenimvero Aroasienses Canonicos Augustinianos, aggreditur. Adversarius pugionibus petitis, ex eodem contextu codicis foundationis Aroasiensis, & ut videtur, non contentus eorum jugulum petere; novâ & inauditâ Metamorphosi, cui similis nequidem Nasoni quantumvis nasuto in mentem venit, conatur eos hætenus, Orbe teste, Canonico-Augustinianos in Canonico-Cistercienses,

stertientes, vel Cistercio-Canonicos novis confictis terminis, hucusque non auditis, arte caco-
heticâ potius quam poëticâ transformare. 3. par.
conclus. 12. num. 185. Aggreditur, inquam, pugio-
nibus sed plumbeis, ut mox patebit. Et quidem
magno molimine (*liquidam tantæ molis erat hanc
mixtam condere gentem*) hæc omnia aguntur, ut
hos Canonicos Reg. credamus obtinere statum
medium, inter Canonicos Reg. Cathedrales,
quos præferendos Monachis concedere cogi-
tur, & Monachos, & de utrisque participare.
Sed quis finis hujus tam subtilis inventionis?
præcedentia Monachorum Cisterciensium, re-
spectu Dominorum Aroasiensium, & reliquo-
rum Canonicoꝝ Reg. is enim est titulus Li-
bræ Joannis Caramuelis Lobkowitzii S. T.
Doctoris. Qui nequidem titulus verus esse vide-
tur si vera est doctrina Auctoris, coacti conce-
dere Cistercienses, & cæteros Benedictinos non
habere præcedentiam respectu Canonicoꝝ
Reg. Lateran. Certe *error quantumvis parvus in
principio* teste philosopho, *magnus in fine*. Interea
non advertit vir bonus, qui sæpius in hoc tracta-
tu, & aliis suis, in materiâ morali hoc principio
vivitur: sicut in physicis physise, sic in morali-
bus

bus moraliter philosophandum esse ; ex hoc eodem principio colligi potius præcedentiam Canoniorum Reg. præ Monachis : si enim illi obtinent statum, & gradum medium, inter Canonicos præcedentes, & Monachos subsequentes, ergo sicut illos sequi, sic hos locali ordine præcedere debent ; eo ferè modo quo homo medius inter Angelum & Brutum, & de utroque participans, naturali ordine digniorem illum sequi, ignobilius & inferius hoc præcedere habet. Atque ita imaginatio hæc, plusquam Chimerica Adversarii, causæ ejus obesse videtur non prodesse. Sed hæc per transfennam, & quasi aliud agendo interpolata sunt.

97. Relictis itaque Chimericis istis ad solidiora properemus, & videamus amodò, quam plumbei sint pugiones, & quam ficulnea argumenta, quæ expedit ut probet Gervasium Abbatem, hætenus quidem paucis notum, novum Ordinem eumque illustrem instituisse. Canoniorum Reg. Aroasiensium, per Belgicam, Hiberniam, Poloniam diffusum, quorum tota vis consistit non tam in re, quam in nomine, ut favente numine, ex his quæ profert Adversarius declarabo, consistit, inquam, in voclâ

Ordo quæ sæpiusculè in citato codice manuscrip-
to originis foundationis Aroasiensis legitur. Al-
tius si placet ex eo rem repetamus.

CAPVT XIX.

98. **A**bbas enim Gervasius (sic ibi legitur)
de die in diem magis proficiens & ferè
omnes utriusq; sexus, qui ad Deum con-
verti volebant admittens cum Religiosos fratres
quos invenerat [erant ergo Religiosi, in Aroasiâ
in Societate fraternâ sub Abbate, & quidem
jussu Pontificis Paschalis præfecto, Religiosi,
inquam, non aliunde sic denominati, quam à
Religione Canonicâ, cujus jam à tot annis ja-
cta fuerant fundamenta, Monasterio aliquous-
que adyto, possessionibus & Religiosis personis
ceu Canonicis Reg. adaucto, etiam ante ima-
ginarium illum novum Ordinem Gervasianum
ut ex eodem foundationis Codice liquet] vel
quos ipse creaverat secum haberet, unusquisque se
in anteriora extendens ad majora semper aspirare
contenderet, de Concilio Sanctæ memoriæ Bernardi
Clare-vallensis Abbatis, & multarum honestarum
personarum, quæ tunc temporis haud pauca erant
esum

esum carniū & sanguinis suis fratribus interdixit, usum quoq; laneorum ad carnem, Laborem manuum, & perpetuum silentium & multa alia quæ Ordo exigit constanter inducit; unde accidit ut à multis usquequaq; requisitus per diversa loca cœnobîa construeret, & Religiosos quosq; de suis fratribus ad plantandam ibi Religionem nostram transmitteret. Nonnulli etiam Canonîcorum de aliis Ordinibus Ordini suo valefacientes, nostrum tanquam districtiorem suscipere & profiteri contenderent. Itaq; infra breve tempus exceptâ Flandriâ ipsa quoq; Anglia & Scotia Burgundia, & apud exterâs gentes Polonia de fratribus nostris novellas plantationes sponte suscipiunt, & prælati eorum ob unitatem quandam ac corrigendum si quid in Ordine excesserunt, ad generale Capitulum semel in anno apud Aroasiensem Ecclesiam Matrem suam venire consentiunt. Ita ibi. Ubi notâ spontaneæ devotionis submissionem, Prælatorum aliorum Monasteriorum, Ordinis Canonîcorum Reg. S. Aug. subycientium se, huic novellæ Reformationi, & constituere incipientium novum Capitulum, in quo illi qui prius incorporati fuerunt priorem sessionis locum, obtinuerunt in posterum; non quidem Ordinem per hoc in alium transformare intendentium,

intendentium, sed ad summum reformare, quod sæpe factum per varias ejusdem antiqui Ordinis Congregationes, Lateranensem, Windefensem & similes, per quas, dixerunt Pontifices in Bullis Confirmatoriis, antiquum Canonicum S. Aug. Ordinem visum denique foelici repullulatione refluere cœpisse. Ut ex Bullâ Martini V. Windefemensibus datâ supra notavimus.

99. Præter hæc, proferuntur quædam, ex constitutionibus Reformationis Aroasiensis, ubi hæc inter cætera: *Nullus Canonicus alterius Ordinis ad demorandum in conventibus nostris suscipiatur nisi omnino voluerit remanere. Item. Sane hoc sibi præcipuum Ecclesia S. A. Mater Ecclesiarum specialiter retinuit ut semel in anno sese visitandi, Ordinis reparandi, confirmandæ pacis, conservandæ gratia charitatis Abbates pariter ad eam conveniant, videlicet 9. kal. Octobris. Item. quamcumq; personam de quovis Cœnobiorum S. A. elegerint sine contradictione suscipiant. Nam de cæteris Monasteriis Abbatem sibi sumere aut suos alios ad hoc ipsum Canonicos Ecclesiis nisi Ordinis dare non licet. Item. Abbas infamis vel sui Ordinis prævaricator sive sue Ecclesiæ inutilis sive perniciosus*
Z
extiterit,

extiterit, nisi à Patre Abbate secundo tertiove com-
 monitus suum curaverit emendare delictum, idem
 adiunctis sibi aliis discretioribus & gravioribus ejus-
 dem Ordinis Abbatibus vel personis de ipsorum con-
 silio & assensu cum Canonica correctione castiget.
 Quod si ipse eorum correctioni fuerit rebellis, per
 Abbatem Aroasiensem, qui caput aliorum esse dig-
 noscitur & quatuor Abbates qui arbitri cum eo ad
 corrigendos omnes excessus Ordinis in generali Ca-
 pitulo statui solent, si sponte Abbatia renuntiare no-
 luerit, districtione Canonica deponatur. Item. An-
 no 1260. nos Abbates Aroasie A. de Hinniaco, B.
 M. de Polonia & A. S. Nicolai de Tornaco divi-
 na permissione Abbates definitores Ordinis Aroasie.
 Et Anno 1265. nos N. de Aroasia, de Hinniaco, de
 Polonia, de Mareolo, de Valencenis Definitores di-
 cti Ordinis Aroasie auctoritate Ordinis consueta Do-
 mini Papæ Ordini nuper indulta definiendo statui-
 mus &c. Hæc paucula, ex constitutionibus &
 Codice originis Aroasiensis, collegit Adversa-
 rius, quibus subscribunt Franciscus Pietinus &
 Locrius. Et quidem ex illo exordio quo nar-
 ratur Abbas Gervasius ex consilio S. Bernardi
 non tamen solius, verum etiam aliarum hone-
 starum personarum ex quibus unum vult Ad-
 versarius

versarius fuisse Petrum Cluniacensem. Sed quid opus? sane florebat tunc temporis in Belgio, B. Joannes ex Canonico Reg. S. Aug. creatus Episcopus Morinensis, qui Ecclesiam Aroasensem consecraverat, Discipulus S. Ivonis Carnotensis Episcopi, magni reformatoris ejusdem Ordinis Canonici, per Galliam, ut passim historici tradunt: vicinus quoque huic tempori B. Hugo de S. Victore S. Bernardo familiaris existit, itemque & ipse ejusdem Ordinis zelator eximius, qui inter cætera ascetica, egregia commentaria in Regulam S. Aug. scripsit quorum consilio in hac reformatione facile uti potuit Gervasius Abbas, qui, inquam, ex eo quod hic dicatur ex horum vel similium virorum consilio, suis indixisse abstinentiam à carnibus, usumque laneorum ad carnem, laborem manuum ac perpetuum silentium, exsculpere conatur Adversarius, eum instituisse novum Ordinem. Sed non video quâ consequentiâ sequi legitime possit: Gervasius Abbas in Monasterium suum, antiquæ Religionis Canonica, introduxit perfectiora quædam exercitia, pro securiore conservatione ejusdem Religionis, & promotione in pietate & sanctitate: ergo instituit novum

Z 2 Ordinem.

Ordinem. Profectò potest quilibet Superior æmulari charismata meliora, & ad ea subditos suos exhortari, aliosque ut eadem imitentur, bono exemplo suo excitare, sine Ordinis antiqui mutatione & novi institutione. Neque enim ea mens fuit, non, inquam; intentio Gervasii fuit, novum Ordinem introducere; sed S. Patrem suum Aug. imitari, ejusque Regulam exactius sectari.

100. Sanè de S. Aug. narrat possidius in ejus vitâ. Cap. 22. quod mensâ usus est frugali & parcâ, quæ quidem inter olera, & legumina etiam carnes aliquando; sed propter hospites tantum, & infirmos continebat. Nam ut ait Pietienus, vesci carnibus suis permisit Gervasius, in infirmitate constitutis. Voluit Gervasius severè servare quod in Augustinianâ Regulâ præscriptum habetur hoc tenore: *Carnem Vestram domate jejunis & abstinentia esca & potus quantum valetudo permittit.* Cæterum non esse contra morem Ordinis Canonico - Augustiniani, multo minus contra ejus essentiam, strictiorem ab esu carnium abstinentiam, evidens est ex constitutionibus generalibus Benedicti XII. sæpius incultatis. Nam in earum §. 45. expressè leguntur

leguntur hæc verba: *Illis tamen qui ad maiorem abstinentiam sunt adstricti, per hoc esum carniū non intendimus indulgere.* Voluit item Gervasius Abbas exactè servare, aliud ejusdem Regulæ punctum, quod est de omnibus operibus nostris, in communi faciendis majori salacritate, quam si nobis faceremus propria. In quæ verba circa hæc tempora egregie commentatus est Magister Hugo de S. Victore, dictus alter sui temporis Augustinus, S. Bernardo notus, ejusdemque Canonici Ordinis splendor non exiguus. *Hæc tria inquit, commendat Regula Orationem, lectionem, operationem. Oratione mundamur, lectione instruimur, operatione beatificamur.* Itemque monet ut si quando cessatur ab Oratione, incumbatur lectioni; ita ut & huic, si quando ab hac cessetur, debeat manuum succedere operatio. Quamobrem convenienter Regulæ Augustinianæ, Gervasius suis laborem manuum indixit.

101. Porro Religiosum silentiū, adeo omni Religioni congruum est & necessarium ut hinc S. Jacobus confidenter scripserit: *Si quis putet se Religiosum esse non refrænans linguam suam, hujus vana est Religio.* Quare consultum
Iac. 1
Z 3.
visum.

Matt. II.

visum fuit eidem Gervasio, suis Religiosum imponere silentium. Denique quia Monasterium non est Palatium, & de iis qui in hoc versantur scriptum est: *Qui mollibus vestiuntur in domibus Regum sunt*, ideo opportunè idem pius Abbas mollia indumenta, quæ ideo mollia dicuntur, commentatore Hugone, quod mollem animum efficiant, suis subtraxit, & multa similia supra stabile fundamentum Regulæ Canonico - Augustinianæ superstruxit, teste Vitriaco, item & ipso ejusdem Ordinis Canonico, suprâ. Ep fere modo quo retento instituto Benedictino Robertus, Albericus, Stephanus, Bernardus primi Auctores Reformationis, Congregationis vel Ordinis Cisterciensis novas constitutiones superaddiderunt.

102. Sed nunquid hi viri SS. novum Ordinem Cisterciensem, à Benedictino distinctum, propterea condiderunt? profectò si quis contendat, adversabitur illi Adversarius noster, scribens in Regulam S. Benedicti *disp. 35. art. 4. num. 370. per constitutiones Religiones non mutantur quia hæ solummodo extrinseca & accidentalia moderantur remanente essentia: vel dicant obsecro quæ congregatio S. Benedicti reperitur in mundo*
que

que non habeat constitutiones differentes? omnes ergo valedixerunt S. Benedicto? quis crederet in eadem Congregatione esse diversas Religiones & Ordines? essent sane si constitutiones Religionem distinguereut à Religione, quia vix sunt duo in eadem Congregatione Monasteria que jisdem gubernentur Statutis, quia pro diversitate loci, temporis, personarum illa debent esse diversa. Ita ibi Adversarius.

103. Audivimus supra, quod hic iterum repetendum, in Aroasiâ à primis ejus Præpositis Heldemaro & Conone, Canonicis Reg. in Angliâ professis, jacta fuisse, prima Religionis Canonice fundamenta, quorum primum est Regula Augustiniana, quæ ibidem ab exordio foundationis, sicut modo, semper servata est & cum habitu Canonico, & sub nomine Canonicorum Reg. S. Aug. & cum expressâ professione vitæ Canonice; vel si ab illo foundationis exordio, hæc ibi non fuerit observata, cum ibidem ea omnia non fuerint ab æterno usitata, ut in simili eadem disp. num. 354. argumentatur Adversarius, habuerunt aliquod initium. Quod certe aliud non fuisse audeo licitari cum eodem Adversario, quam dictum illud exordium, quod in manuscripto Codice foundationis Aroasiensis,

is, narratum est, à præfatis viris illis sanctis; primisque duobus Præpositis Heldemaro, & Conone Canonice Religionis (quæ hæc omnia requirit) jacta fuisse fundamenta, per modum propagationis antiqui Ordinis, quam pius Abbas Gervasius, suis asceticis constitutionibus superadditis, non abolevit, ut novam statueret, sed polivit, ornavit, munivit, ut veterem, sicut primi Cistercienses circa suam fecerunt, stabiliret; & adeo feliciter, ut multi alii Canonici, tam vicini, quam remoti, Flandri, Angli, Scoti, Burgundi, quinimo Poloni, bono odore Aroasiani exempli, longè latèque diffuso attracti, spontaneâ devotione easdem constitutiones assumpserint, pereosque se reformaverint, & in unum novo spiritu fervidi cœuntes novam in antiquo Ordine Canonico S. Aug. Congregationem, dictam Aroasiensem inchoaverint, non Religionem. Non absimili modo quo ex mente Adversarii primores Cistercienses non novam Religionem in Ordine S. Benedicti initiarunt, sed novam tantum inter cæteras Congregationem.

104. Maneat ergo ex hoc capite, nil esse quod cogat credere, Abbatem Gervasium novum

vum condidisse Ordinem Canonorum Reg. Gervasii, quod hætenus inauditum est, qui & in Ordine vix notus hucusque, nec apud antiquiores scriptores, qui Congregationis Aroasiensis meminere. Nam si unum aut alterum recentiorum excipias, illi omnes ejus fundatores Hillemarum, & Cononem dixerunt: Maneat porro & argumentum ex eodem petitum ficulneum esse, & pugionem plumbeum.

C A P V T X X.

105. **S**ed urget Adversarius nomen ceu voculam *Ordinis*. Fateor, nec negare possum, nomen illud in locis allegatis, facile septies habetur. Sed quid inde? equidem Pontifices vocant, Adversarii Religionem Ordinem Cisterciensem, idque conservant gravissimi Auctores, quod ut satis notum, non latet ipsum Adversarium, ex quo tamen sequi non vult eum esse distinctum ab Ordine Benedictino, *eadem disp. art. 7. num. 381*. Legatur totus articulus & comperietur sub nomine *Ordinis* Cisterciensem tantum esse Congregationem Benedictini Ordinis, ab Adversario ibidem esse

A a defensum,

defensum, & probatum tum ratione tum exemplis, quorum primum est Congregationis Cluniacensis 2. Congregat. Cassinensis, quarum utraque est Ordinis S. Benedicti, non distincta Religio, sed Congregatio. Petrus Cluniacensis Abbas epist. 44. *non solum ait Monastica professione sed etiam Cluniacensis Ordinis observatione.* & Petrus Galestinus in annotationibus sui Martyrologii 3. Idus Martii. *Ab eo Monasterio (agit de Cluniaco) Ordo Cluniacensis nomen accepit.* & S. Antoninus de Florentia in summa sua historiali tit 15. cap. 14. *Inde etiam Ordo S. Iustine* (is est Cassinensis) *sumpsit exordium.* Eodemque modo Garibay in suo Compendio. Ergo etiam ex mente Adversarii sub nomine Ordinis subinde intelligenda venit, non repugnante usu & stylo, Congregatio. Si id fieri admittatur in Ordine Monastico S. Benedicti; quare idem fieri non posset in Ordine Canonico S. Aug.? in quo quamvis, Lateranensis v. g. & Aroasiensis tantum sit Congregatio, tamen utraque à scriptoribus interdum vocetur Ordo, ut Ordo Lateranensis; Ordo Aroasiensis. Pro quo---

106. Observandum: hæc duo nomina, Ordo & Congregatio, quandoq; sumi pro diversis, ut
quando

quando simul ponuntur, etiam in Bullis Pontificiis, unum in recto, aliud in obliquo casu. Exempli causâ quando dicitur Congregatio Lateranensis Ordinis Canonici: Congregatio Cisterciensis Ordinis Monastici, juxta regulam grammaticalem, per quam duo nomina substantiva ad diversas res pertinentia ponuntur in diversis casibus v. g. membrum corporis: Quandoque pro jisdem Ordo pro Congregatione, & Congregatio pro Ordine. Prioris exemplum est in auctoritatibus adductis. Ab eo Monasterio (Cluniaco) Ordo Cluniacensis nomen accepit, ubi Ordo ponitur pro Congregatione. Item in brevi executorio Pii IV. sententiæ latæ pro præcedentiâ Canonorum Reg. Lateranensium, respectu Monachorum Cassinensium, qui ibi prius vocantur Monachi S. Benedicti *Ordinis Cassinensis*, ubi nomine *Ordinis* intelligitur *Congregatio*, quia in eodem brevi jidem vocantur Monachi S. Benedicti Congregationis Cassinensis. Posterioris exemplum est in Bullâ Pii V. officiis propriis Ordinis Canonici præfixâ, ubi sic patenter legitur: *Attendentes tamen Canonicos Reg. Congregationis Lateranensis Ordinis S. Aug. eorum Patrem ac primum Apostolici illius Or-*

dinis Reformatorem S. Augustinum prædictum, ac præterea insigniores ejusdem Ordinis SS. Martyres ac Confessores, quorum meritis eadem Congregatio per orbem propagata & illustrata exstitit----- debita ut par est veneratione cupere-----celebrare. & infra num. 5. numerantur inter illos SS.^{os} S. Ivo Carnotensis qui in Galliâ, S. Theotonius, qui in Hispaniâ, & S. Ioannes Bridltonensis qui in Angliâ floruerunt, per quos non potest dici, quod propagata sit ipsa Congregatio Lateranensis, quæ eorum tempore nondum erecta fuit, & ferè in solâ Italiâ hætenus contenta floruit. Restat ergo quod nomine Congregationis intelligatur Ordo Canonicus S. Aug. qui ab his SS.^{is} & propagatus & reformatus fuit & illustratus.

107. Tandem *Ordo* nonnumquam accipitur pro ordinatione, seu constitutione aliquâ. Sic in sæpè citatâ Bullâ Eugénianâ legitur quod Ordinē Canonicum S. Urbanus *Ordine generalis decreti reformavit*; ubi nomine Ordinis intelligitur ordinatio, ceu constitutio vel quid simile.

108. Juxta præmissa itaque intelligi potest textus Codicis Foundationis, & Constitutionum Arausiensium, in quo legitur Abbates Defin-
tores

tores *Ordinis* id est *Congregationis Aroasie*. Item *excessus Ordinis*. Id est *Ordinationis & Constitutionis*. Item *in Ecclesiis Ordinis &c.* Ut nomine *Ordinis* sine ullo incommodo intelligatur *Congregatio*. Item quando legitur: *Nullus Canonicus alterius Ordinis ad demorandum in Conventibus nostris suscipiatur, nisi omnino voluerit remanere*: eâ phrasi intelligi potest, quâ dici posset nullus Monachus *Ordinis* scil. *Cluniacensis*, ad demorandum in *Conventibus Cisterciensium* suscipiatur; nisi omnino voluerit remanere. Ubi nomine *Ordinis* juxta *Adversarium* iterum intelligeretur *Congregatio*. Adde etiam unum & eundem *Ordinem* hic reformatum illic non reformatum vulgò haberi pro diversis, licet à parte rei non sint diversi, sed jidem; ut patet de *Benedictinis* reformatis & non reformatis, de *Carmelitis* *Discalceatis* & *mitigatis*, de *Franciscanis* *Conventualibus* & *Recollectis*; maximè quando videmus, quod qui volunt transire ad *Reformationem*; debeant denuo incipere novum *Novitiatum*, & facere professionem, de quibus vulgus existimare potest, quod transierint de uno ad alium *Ordinem*. Loquendum enim ut multi sapiendum ut pauci: quid miri ergo si legatur in,

præallegatis locis, quod nonnulli Canonici de aliis ordinibus, Ordini suo valefacientes, nostrum tamquam strictiorem suscipere & profiteri contenderent? erant enim illi de non Reformatis, qui Gervasianum atque adeo Aroasiensem Reformationem subire certabant, qui Ordini suo non reformato valedicentes, eundem Ordinem apud Aroasienses reformatum, propter strictiorem observantiam arripiebant, sed Canonicum Ordinem non mutabant, in rigore loquendo.

109. Docet hoc, vel ipse Catalogus Cœnobiorum Abbatialium Congregationis (sic enim à Francisco Pietino, ex quo desumptus est, vocatur) Aroasiensis apud Adversarium *part. 3. num. 229.* quæ omnia fuerunt Ordinis Canonorum Reg. S. Aug. & quidem nostrum antiquissimum Echoutanum tot seculis, ante Gervasianam Reformationem Fundatum; Ordinis Canonorum Reg. S. Aug. antequam eandem Reformationem susciperet, fuit, & sub eâ, & post eam hucusque semper mansit, estque in præscriptâ possessione per tot secula, nominis & tituli istius Ordinis, nec unquam (quod sciamus) hac de re dubitatum fuit hætenus; donec in hæc tempora devenimus, quæ inter
cæteras

cæteras calamitates, quibus abundant, etiam nescio quibus Novatoribus scatent. Hinc est quod Abbas Cœnobii Henniæensis (sic enim scribendum non Synniæensis ut perperam apud Adversarium sup.) eo quod omnium primus Aroasiensi Reformationi ceu (ut Pietinus vocat) Congregationi sese adjunxisset, hujus ejusdem Congregationis Prior, sub Patre Abbate Aroasiensi, perpetuus constitutus sit, & primo loco lateris dexteri, in capitulari sessione donatus. Prout reliqui omnes secundum tempus, quo se eidem Congregationi subjecerunt, priorem vel posteriorem in latere dextero, vel sinistro locum acceperunt. Nunc autem omnia quotquot exstant cœnobîa post istius Aroasiensis Unionis dissolutionem, talis Ordinis sunt, qualis ante subjectionem erant, & in ipsa subjectione, nempe Canonîcorum Reg. 8. Aug. ut antiquissima possessio proclamat. Ut non sit vel umbra credendi Abbatem Gervasium novum instituisse Ordinem, ab hoc distinctum. Ab illo inquam Canonico Ordine, quem illius Prædecessores Heldemarus & Cono, per propagationis viam, in Aroasiâ, & alii in aliis cœnobîis plantaverant. Quare si quid fecit Gervasius,
non

non novus Ordo fuit sed Constitutiones novæ, per quas antiquus Ordo Canonico-Augustinianus, in primævo suo vigore securè fuit conservatus, quas qui admiserunt Congregationem Aroasiensem distinctam à Victorinà, quæ etiam sub illa tempora nata est, constituerunt. Ex quibus omnibus iteratò elucet, quam sint ficulnea argumenta, ex præallegatis locis ab Adversario petita; quamque plumbei pugiones quibus Aroasienses impetuntur ut de Canonicis Augustinianis fiant, nescio qui Gervasiani.

CAPV T XXI.

110. **C**Æterum ne omnino immemores esse videamur legum urbanitatis, quia cum eo agimus qui non solum vult urbanus videri sed & esse, prout charitas nos facit credere. quæ omnia, teste Apostolo, credit: 1. Cor. 13. est quod ipsi maximas habeamus gratias pro eo, quod nobis in memoriam revocarit ex eodem sæpè citato textu, Aroasienses, etiam olim ab exordio Congregationis seu Reformationis Gervasianæ, factos fuisse Cathedrales, in totâ ferè Hiberniâ. Sic enim habet textus apud Adversarium

sarium 3^a part. concl. 12. num. 184. Sanctæ memoriae Malachias Hibernensium Archiepiscopus per nos iter faciens inspectis consuetudinibus nostris & approbatis, libros nostros & usus Ecclesiæ transscriptos secum in Hiberniam detulit, & fere omnes Clericos in Episcopalibus sedibus, & in multis aliis locis per Hiberniam constitutis Ordinem nostrum & habitum & maximè divinum in Ecclesiâ officium suscipere & observare præcepit. Ita ibi. Quibus consentanea scribit Franciscus Pietinus (qui cum Prospero Stellartio, Auberto Miræo & aliis Aroasiensem non Ordinem sed Congregationem vocat) S. Malachias (inquiens) Aroasianis decretis omnes Clericos Regulares, qui eo ævo in Hibernia vivebant, sed eos potissimè qui Collegii D. Patritii erant [habetur & hoc Collegium inter cætera, in tabulâ Abbatialium Cœnobiorum Capituli Aroasiensis] addixisse memoratur. Quod etiam haud obscure insinuatur, ejusdem S. Epitaphio, quod exstat in Clara-valle, relato à Chrisostomo Henriquez lib. 2. fasciculi SS^{mi} distinct. 41. cap. 2. Sic habet: Hic requiescit corpus B. Malachie quondam Archiepiscopi & Primatis totius Hiberniæ, ac Sedis Apostolicæ Legati, viri Apostolicæ vitæ & miraculis gloriosi. Hic est qui

Canonicorum Reg. --- Conventus per terras illas diffusius propagavit &c.

111. Sancti Malachiae factum, postea etiam æmulatus est, S. Laurentius Archiepiscopus Dublinensis, in eadem Hiberniâ. Nam ut in ejus vitâ legitur, & Joannes Molanus alibi testatur, Clericos Cathedrales suos, vel potius Metropolitanos ex sæcularibus relaxatis Regulares Canonicos S. Aug. juxta strictiorem observantiam, Aroasiensium Constitutionum fieri decrevit, & factus ipsemet, suis insigne reformationis exemplar S. P. Augustinum in omnibus sequi eligens satagensque, ejusdem Ordinis habitu assumpto, & Canonico vivendi modo, cum illis communi domo, mensâque utens, ad horas diurnas & nocturnas in Ecclesiam pariter cum iisdem ingredi voluit, prout publicè legitur in ejus festo in 2. noct. lect 5. in Ordine Canonico. 14. Novembris.

112. Sed quare hi viri Sancti, & præsertim Malachias, Cathedrales Canonicos Hibernenses, effecerunt potius Aroasienses, quam Cistercienses, cum hic non tantum Canonicorum Reg. sed etiam Monachorum Cisterciensium propagator fuerit per Hiberniam, ut liquidum est,

est, ex commemorato ejus in Clare-valle Epitaphio? reverà consideraverunt, quod Atoasienses essent Canonici Reg. S. Aug. quibus per se competit, quod sint Clerici Religiosi, ut habet communis, & recepta S. Thomæ Doctoris Angelici sententia, in Bullis sententiisque Pontificiis canonisata. Consideraverunt statum eorum Clericalem primariò ipsis inexistentem. Consideraverunt professionem Canonicam, Canonicam Regulam, habitum Canonicum, togam scilicet albam quam Benedictus XII. maximè commendat in Constitutionibus, & cæteris alterius coloris præfert, tunicam lineam quam Rochetum dicimus, cujus mentionem facit S. Aug. in sermonibus de communi vitâ Clericorum, & Joannes Andrææ proprium eorum habitum esse definivit, superpelliceum in Choro & Almutium cum Bireto, quæ omnia sunt signa qualitatis Canonice, ceu Clericalis potius quam Monachalis, eaq; melius symbolizare, cum Clericis Cathedralibus, in eosq; quadrare, quam qualitates Cisterciensium, qui primariò puri Monachi sunt, ex accidenti vero tantum Clerici Considerarunt renovatam devotionem, & antiquam Canonicorum, observantiam stri-

et iorem reflorescentem in Aroasiensibus, ac proinde nil antiquius habuerunt; quam Canonicos suos Cathedrales restituere tales, quales jam effectos gaudebant Aroasienses. Quod etiam in votis habuisse memoratur S. Carolus Boromæus, præclarum nostræ ætatis ornamentum, quamvis propter horum posteriorum temporum infœlicitatem, non æquè felici successu: reducere, inquam, in sibi subjectas Ecclesias Canonicos Reg: quos sive in Monasteriis, sive in Ecclesiis residentes, non ignorabant viri illi Sancti, & docti ejusdem omnino esse Ordinis & Religionis: ac proinde facilius suspicabantur, Canonicos Cathedrales illos, si aliquam, potius suscepturos fuisse Reformationem Canoniciam quam quamvis aliam.

ut innotesceret illi, quod non erat in illis
 aliquo tempore C A P I T U L U M X X I I I

113. **I**Taque Aroasienses actu & re ipsa, in Hiberniâ fuerunt Cathedrales, cæteri vero alibi residentes, potentiâ & quidem satis propinquâ, etsi non actu fuerunt, & sunt Cathedrales vel Collegiales, adeò ut in aliquibus tantum opus sit bonâ voluntate, quâ ut plerique

plerique ex Regularibus juxta ea quæ supra adduximus exempla, sæculares facti sunt, sic denuo ex sæcularibus Regulares fieri velint. Sicuti in Galliâ denuo Canonicos saltem ad communem vitam nonnullos coire legimus apud Miræum in Codice Regularum. Neque enim opus esset magnâ mutatione, saltem in habitu; possent enim retentâ togâ nigrâ, si alba non placet, retentâ tunicâ lineâ quâ Cathedrales utuntur, superpelliceo ut nostris mos est cum almutio, retento nomine Canonico, assumptâ Regulâ Augustinianâ, quæ præ cæteris facilis est, & factâ professione Canonicâ cum communi vitâ in Claustris, quæ adhuc alibi supersunt, prope antiquas Ecclesias, cum Refectoriis, & Dormitoriis in viridi observantiâ ducenda, cum consensu eorum quorum interest, iterum fieri Regulares, quales adhuc multis in Ecclesiis Metropolitanis, Cathedralibus, Collegiatis fuerunt tempore Benedicti XII. ut liquidum est ex Constitutionibus generalibus illis ab eo præscriptis anno salutis 1339. de quibus supra plus quam semel & tempore Raphaëlis Volaterrani in Ecclesiis quadraginta.

114. Quæ quidem non ideo dicta sunt,
B b 3 quasi

quasi Canonici Reg. affectent primas Cathedras. Contenti enim suâ sorte cum sint, sufficit illis quod in Cœnobiis, tamquam milites emeriti longævo servitio, jam quasi præsidarii facti exortis in Ecclesiæ acie, tot tamque variis Ordinibus Mendicantibus, Laudes Canonicas Deo opt. Max. die noctuque graviter & devotè Deo offerant. Quod munus Angelicum, nunquam satis laudatum, imo cæteris aliis prælatum ab Anacleto Sicco tractatu de hymnodia Ecclesiasticâ doctissimè & devotissimè conscripto, etiam pro moderno Ecclesiæ statu præcipuum videmus esse Canonorum sæcularium, quavis Regulares, subinde aliis officiis ad curam animarum spectantibus & salutem, non ita ex toto remuntiaverint ut alibi ea non exercent, parati etiam plura præstare, ubi eos Ecclesiæ necessitas ad illa requisiverit. Interea Auctores habeo, qui scribunt Cathedrales Ecclesias subinde Reg. Canonicis reformandas fuisse oblatas & possidendas, sed ab eis recusatas.

Matthæus
Bossus factum narrat. epist.
50. & 62.

C A P V T X X I I I.

115. **H**Æc quidem de Aroasiensium, ut ita dicam, Cathedralitate, quam in Lateranensibus

teranensibus quasi solam ponderat Adversarius, in sua librâ, in causâ præcedentiæ præ Cassinensibus, à Sede Apostolicâ post diuturnum, exactumque scrutinium illis ipsis Lateranensibus adiudicatæ. Verumenimvero si rem examinemus ad **PONDUS SANCTUARIUM**, id est ad Bullas Pontificias, clarè & patenter videbimus, eam formalitatem, quamquam suâ præ eminentiâ non careat, in eâ controversiâ nullius habitam fuisse momenti, cum nequidem in illis mentionata fuerit, ut sic dicam, prout etiam novit Adversarius. Nam Bullam Pii IV. integram exscriptam exhibet, adhibitis suis notis, sed facili spongiâ ubi opus & opportunum fuerit delendis: at duo signanter fuisse ponderata in Lateranensibus, Ordinis scilicet Canonico-Angustiniani maiorem antiquitatem, & Clericalem dignitatem, per se ipsorum Statui Clerico-Canonico competentem, quæ duo communia sustinemus Lateranensibus & Aroasiensibus, ut qui non distinctos Ordines, sed unius & ejusdem Ordinis Canonico-Angustiniani distincta membra, id est Congregationes constituent, in essentialibus convenientes, & vix discrepantes nisi in paucis accidentalibus. Quod non solum

lum in hoc Ordine Canoniorum Reg. S. Aug. sed & in Ordine Benedictino, de cujus Congregationibus supra, & in Eremitano, de cujus Congregationibus Prosper Stellartius in suis fundaminibus, in Carmelitano & Franciscano his temporibus passim fieri videmus.

116. Et Quamvis Adversarius Cisterciensis velit, Aroasienses esse alterius Ordinis; quam sint Lateranenses quia videt quod eos aliter superare non possit, nihilominus (quod & hic non superflue repetendum est) ipsemet Generalis Rector & scriptor Congregationis Lateranensis R. mus Dominus Gabriel Pennotus *lib. 2. general. histor. cap. 68.* solide & docte probat hanc conclusionem: *Canonici dictarum Congregationum* [quas plures in superioribus capitibus recensuerat, & inter eas nominatim Aroasiensem posuerat, & cum Lateranensi composuerat] *sunt & fuerunt essentialiter unius & ejusdem Ordinis & instituti inter se inuicem, & etiam cum antiquis Regularibus Canonicis Cathedralium Ecclesiarum à Divo Aug. sive à Sanctissimis Apostolis institutis*: hanc inquam conclusionem doctissime solidissimeque probat auctoritatibus ex Theologia & Jure Canonico depromptis, & argumentis ex ratione deductis.

Et

Et inter cætera telum ab Adversario sæpius ingestum sic retundit: *licet* inquit *sup. num. 3. de tribus vel quatuor non constet illas ab antiquis Canonicis successiva continuatione derivatas, hoc nil refert; sufficit, inquit, illas eodem habitu, & eadem Regula cum emissionem eorundem votorum, & eisdem legibus esse institutas, alias Moniales quæ ab Ordinariis diversis in locis pro tempore instituuntur sub habitu & Regula S. Clare, vel D. Dominici &c. non essent essentialiter ejusdem Ordinis & instituti cum cæteris Monialibus S. Clare vel S. Dominici: & antiqui Canonici qui ab Episcopis in eorum Diocæsihus passim leguntur instituti non fuissent vere ejusdem Ordinis cum cæteris antiquis Canonicis quod asserere vanum esset, ac risu dignum potius quam ratione confutandum. Ita Pennottus vir in rebus sui Ordinis & Congregationis versatissimus, qui si quis alius, debuisset Aroasienses à suo Ordine, de quo ex professo scripsit, & cujus generale Regimen non semel in Congregatione Lateran. gessit, rejicere si rejiciendi fuissent, qui tantum abest ut eos rejecerit, ut contra potius, eos ejusdem cum suis Lateranensibus Ordinis esse defenderit, idque se pro comperto habere alibi dixerit, & ratione hujus ejusdem Ordinis hos*

cum suis Lateranensibus cæteris Religiosis præferendos eodem lib. cap. 71. probaverit.

CAPVT XXIV.

117. **S**iquidem nec solos Lateranenses, nec quia tales per Pontificia oracula & decreta, sed ratione antiquioris Ordinis Canonici, Benedictinis inter Monachos fere primariis fuisse Prælatos, doceri potest exemplo Crutzelingsium ejusdem Ordinis Canonorum Reg. S. Aug. ad quod valde frigide respondet Adversarius num. 297. part. 4. potius ex conjecturâ, quam ex veritate, quia res, ut videtur, eum latuit: operæpretium itaque erit eam paulo operosius explicare.

118. Olim tempore Joannis XXIII. & Innocentii VIII. fuit Abbatia Crutzelingensis dicta extra muros Constantiæ (unde suam appellationem sortitum est Concilium Constantiense) Canonorum Reg. S. Aug. cui multa per id temporis subjecta fuerunt, ejusdem Ordinis Canonici Monasteria, in quibus, eadem Religiosa Statuta, Regulæ Augustinianæ, ut fit, superaddita, per Sedem Apostolicam ex certâ scientiâ approbata

approbata observabantur; qualis olim ferè fuit Aroasiensis Abbatia, quæ etiam habuit sibi subdita plura Monasteria, in quibus Aroasiensia statuta in usu erant, in quibus jam ferè sunt antiquata & obsoleta, aliis eorum loco assumptis, & usurpatis, Ordine tamen Canonico-Augustiniano ibidem adhuc vigente, & florente, quæ sicuti non fuit Congregationis Lateranensis, sic nec illa unquam fuit. Nihilominus erat Ordinis Canonico Reg. S. Aug. non obstante, quod haberet peculiaria statuta, alia à Lateranensibus. De illo autem Ordine S. Aug. qui in Abbatia Crutzelingensi excolebatur, pronuntiavit generalis Synodus Constantiensis in Bullâ quæ incipit: *Rationi congruit & convenit honestari. &c. institutionem Ordinis Regularis, id est Canonici, ac ejus per Sedem Apostolicam subsequentem approbationem longe precedere institutionem & etiam per eandem sedem factam approbationem Ordinis S. Benedicti*, quod pronuntiatum, prius datum fuerat à Joanne XXIII. vivæ vocis oraculo, & postea confirmatum ab Innocentio VIII. per Bullam quæ incipit *provisionis nostræ*.
 119. Occasio fuit, quod tempore Concilii Constantiensis, Joannes Abbas & Conventus in Pe-

Lib. 1. constitutur, Concil. Constant. fol. 135.

Petri-domo ultra pontem Constantiæ, Ordinis S. Benedicti jactarent, ut verba Bullæ habent, ex aliquibus confictis & minus validis rationibus se & antiquiore Ordinis institutione, & per Sedem Apostolicam approbatione priore, esse præferendos Abbati Erardo & Conventui seu Canonicis Reg. S. Aug. Monasterii prædicti Crutzelingenfis, extra muros Constantiæ, re ad Joannem XXIII. antea Balthasarum dictum, delatâ, & coram eo probato contrario, quod scilicet Ordo Canonicus, prius esset institutus, & per Apostolicam sedem approbatus quam Benedictinus, aliæque essent qualitates, in Abbate Erardo & Canonicis Crutzelingensibus considerata & ponderata, propter quas hi Joanni Abbati, & Monachis in Petri-domo essent præferendi. Tandem præfatus Joannes XXIII. Pontifex Max. 5. kal. Decemb. Pontif. sui anno 5. statuit quod Abbas existens pro tempore in Crutselinghen, præfato Abbati etiam pro tempore existenti in Petri-domo, prædictorum Monasteriorum, nec-non Canonici in Crutzelinghen, etiam existentes pro tempore, Monachis similiter pro tempore existentibus in Petri-domo Monasteriorum præfatorum, tam in illis proces-

processionibus. hujusmodi dicti Concilii Constantiensis, & quamdiu illud duraret, quam etiam quibuscumque aliis processionibus, Congregationibus, nec-non actibus sollemnibus & publicis, in quibus eos pro tempore insimul convenire contingeret, præferri, ac in locis dignioribus hujusmodi perpetuis temporibus collocari deberent. Et hæc quidem vivæ vocis, ut dixi, oraculo. Verum de hac ordinatione Pontificiâ expeditæ sunt litteræ, à generali Constantiensi Synodo Anno à Nativit. Domini 1415. 16. kal. Septemb. Sede vacante. Cui Synodo interfuit admodum R.^{us} Dominus D. Lubertus Haudschilt vir generis Nobilitate, pietate, spiritu prophetico, doctrinâ, & rerum Mathematicarum peritiâ clarissimus, Abbas noster Eeckhoutano-Brugensis, qui in eâdem ob preclara merita, à patribus mitrâ donatus, eâque ornatus ibidem incessit in supplicationibus, habens socium sibi collateralem Abbatem Claræ-valensem conterraneum suum ut in nostris Archivis habetur. Descripsimus ejus vitam in Paraphrasticâ nostrâ elucidatione prophetiæ ejusdem parte primâ.

120. Porro harum litterarum decretoriarum,

in Registro ejusdem Synodi Constantiensis, repertarum tenorem de verbo ad verbum in præ-
tractâ Bullâ exscribi voluit Innocentius VIII. ad
instantiam Abbatis & Canonorum Reg. Crut-
zelingsium, pro tempore illo existentium sup-
plicantium, easque corroboravit & effectum for-
tiri mandavit, iteratâ vicē: per hoc nullum no-
vum jus acquiri cupiens, sed antiquum tantum-
modò conservari. Datum Romæ apud S. Petrum
Anno Incarnat. Dominicæ 1489. 5. kal. Maij
Pont. Anno 5. & hanc eandem determinatio-
nem, ut ad promotionem causæ suæ contra
Cassinenses valde conducentem, allegarunt olim
Lateranenses, supponentes quod quamvis Crut-
zelingses essent alterius Congregationis, essent
nihilominus ejusdem secum Ordinis Canonico-
rum Reg. S. Aug. & consequenter quod de-
termination, quæ habebat locum in Crutzelin-
gensibus, etiam haberet locum in Lateranensi-
bus: unde & bene pereruditus D. Andreas Ca-
tulle docuit, eandem determinationem etiam
habere locum in Aroasiensibus, propter ean-
dem Ordinis ejusdem communicationem. Quod
dixi hanc determinationem allegatam fuisse à
Lateranensibus, contra Cassinenses, constat ex
allega-

allegationibus Scipionis Lancelotti ubi sic lego num. 197. *Ultimo probatur præcedentia Canonico-
rum Reg. ex determinatione facta in Concilio Con-
stantiensi, quæ fuit postmodum confirmata ab Inno-
centio VIII. ubi post longam disputationem fuit re-
solutum Abbatem vel Priorem Cononicorum Reg.
cum suis Canonicis Reg. præcedere debere Abbates &
Monachos, quæ sententia cum transierit in rem ju-
dicatam habetur pro veritate juxta Regulam, Res
judicata de Reg. juris l. ingenium de stat. hom.
cum vulgaribus. Ita ibi. Quibus conformiter An-
dræas Catulle in suo motivo juris num. 16. Sicut
enim jure Civili quod Imperator statuit. hoc lex est,
ita jure Canonico, quod à Summis Pontificibus sta-
tutum & definitum reperitur, & quidem non semel
sed pluries, ratum, fixum & inviolabile esse debet,
& nemini aliter judicare licet. Sic ille. Ubi*

C A P V T X X V.

121. **N**otandum i. Lateranenses ex eo,
quod Crutzelingenses per sententias
Pontificias, Benedictinos præcede-
rent, inferre volebant quod & ipsi, ex vi ejus-
dem sententiæ Cassinenses præcedere deberent,
quod

quod quidem sequi volebant à paritate rationis, fundatâ in Ordinis communis antiquitate majore quoad institutionem & approbationem. Unde Lateranenses hoc argumentum non proferrebant ut privilegium præcedentiæ obtinerent, sed ut jus, quod sibi competere contendebant, quod illis tandem etiam sicut Crutzelingsibus per Pontificem adiudicatum est, ut patet ex sententiâ Pii IV. ab ipsomet Adversario relatâ: & interea ipse *part. 4. num. 294.* ut respondeat ad sextam objectionem, talem solutionem adhibet; quasi data sit Lateranensibus præcedentia, ex privilegio & gratiâ, in quâ gratuitâ materiâ argumentum à paritate rationis ductum, ut Jurisconsultis notum est, debile est. Atque ita parum velere hoc argumentum: *Lateranenses debent omnes Benedictinos præcedere, ergo & reliqui omnes Canonici, Regulares scilicet, & inter eos Aroasienses. Consequentia patet à paritate rationis.* Quod quidem ita esset si suppositum Adversarii verum esset, id est si præcedentia Lateranensibus competeret ex privilegio & gratiâ, quod ita non est. Nam præcedentia tam Lateranensibus quam Crutzelingsibus adjudicata est propter antiquiorem Canonico - Augustiniani Ordinis institutionem & ap-

& approbationem, ideoque ex jure competente, quod idem jus meritò prætere possunt Aroasienses, propter eandem communis Ordinis rationem. *Nam ubi est eadem ratio, idem jus servari debet. L. illud ff. ad leg. 8. quest. 1.* quare exempla de eo qui dat uni pauperi, quod propter eandem rationem non debeat dare alteri pauperi, & de jejunante uno die, quod non teneatur jejunare alterâ die æquè sollemni (propter paritatem rationis, & de eo qui dat mutuas pecunias Petro, quod ob parem rationem non teneatur dare Paulo quæ Adversarius profert sup. num. 295. cum gratuita sint, non faciunt hic ad rem.

122. Notandum 2. hos duos Pontifices Joannem XXIII. & Innocentium VIII. nec-non Synodum Constantiensem non habuisse respectum ad Cathedralitatem, nec ad Congregationem Lateranensem ut putat Adversarius (cum Crutzelingenses nec essent Cathedrales, nec Collegiales, sed Abbatiales, nec ad illam Congregationem Lateranensem peculiarem spectarent) in causâ hujusce præferentiæ: sed collationem factam fuisse Ordinis Canonico-Augustini cum Ordine Benedictino, Abbatis Cano-

nici, cum Abbate Monacho, Canonica cum Monasterio, & tandem Canonico Reg. cum Monachis, & ante omnia diu disputatum fuisse quifnam horum duorum Ordinum, prius fuisset institutus, & à sede Apostolicâ approbatus: & conclusum fuisse Ordinem Canonico-Augustinianum, & prius fuisse institutum, & approbatum; quàm Ordinem S. Bened. quem profitebantur Monachi Domo-petrenses, non obstante, quod hi etiam suas rationes, ut poterant, pro suâ prioritate allegarent, quas nihilominus & Pontifices & Constantiensis Synodus pronuntiant fuisse *invalidas* quinimò *fictitias*. Ut mirum sit contra tot antiquorum Pontificum, addo & hujus Constantiensis Synodi pronuntiata, recentiores quosdam Scriptores conari, vulgo persuadere Ordinem Canonico Reg. S. Aug. cujus membra sunt, Congregationes, Lateranensis, Crutzelingensis, Aroasiensis, Windefemensis recentiorem esse, vel certè omnem ejusdem Ordinis antiquitatem, & dignitatem reducere velle ad solos Lateranenses, ipsismet etiam Lateranensibus reclamantibus; qui tamen si ita reverà esset, potius resistere deberent, & Crutzelingenses, Aroasienses, Windefemenses
tamquam

tamquam spurios à nobili suo Ordine cæteris Ordinibus per sententias Pontificias inappellabiles prælato rejicere. Qui tantùm abest ut id faciant, ut contrarium omninò præstent. Nam eos Confratres, & ut loquuntur Concanonicos salutant, propugnant, & aliis secum præferendos scriptitant: quia rerum domesticarum non ignari eos secum in uno Ordine, habitu, Regulâ, Professione, nomine & cæteris ad unitatem identitatemque Ordinis Canonici essentialiter requisitis, convenire agnoscunt, & in solis quibusdam accidentariis, prout in Congregationibus variis Ordinum, Benedictini, Eremitani, Carmelitani, Franciscani fieri consuetum est, differre, quidquid reclamant Cistercienses, qui utpote extranei, & consequenter, ut satis apparet, rerum nostrarum minus periti, hâc in re non sunt audiendi.

123. Sanè ut eos res suas domesticas calere non diffido, nec diffiteor, sic eos nostras ignorare facilè deprehendo. Nam si Bullas Pontificias, Ordini Canonico datas sciuiſſent, quomodo in hoc puncto Ordinis Canonici S. Aug. sic hallucinati fuissent, ut scriberent; vel-recentiorem esse vel acephalum (nam & in insti-

tutore, & in tempore institutionis valde variant, & ut cæcus ad ovum, multos vanos ictus prodigunt) vel divisum esse in plura membra, non tantum Congregatione (quod accidentale quid est) sed etiam specie diversa?

124. Verum enim verò hi boni viri dum fallacem mittunt in messem alienam, falli permittuntur & fallere, facti cæci Duces cæcorum, quibus adhibito collyrio ex charitate succurrendum existimavi, nam coram cæco non ponendum offendiculum, sed adminiculum, ut misericordiam consequantur, quia ignorantes faciunt, quod faciunt, pro quibus cum Crucifixo Patrem rogo & dico: Pater ignosce illis quia nesciunt quid faciunt.

125. Cæterum lapis offensionis, & petra scandali videtur esse, quod advertant sub Ordine Canonico-Religioso genericè sumpto & concepto, esse plures species, quarum una est Ordo Præmonstratensis & si quis alius similis, quem ab Ordine Canonico-Augustiniano differentiâ specificâ differre facile concedo: videntur enim & habentur in Ecclesiâ Ordines, non Congregationes ejusdem Ordinis specificè considerati, distincti. Sed hinc non fit consequens
quod

quod Ordo Canonico-Augustinianus non sit altera species infima, non in plures species divisa, quod naturæ speciei infimæ repugnat, licet quidem in plures Congregationes, Lateranensem, Aroasiensem, Crutzelingensem, Windesemensem; sicuti species humana in Brugensem, Gandensem, Ipreensem. Adeò ut sæpiùs rerum peritis risum moveat, audire Congregationem Aroasiensem esse Ordinem quendam per se in Ecclesiâ specie distinctum ab Ordine quem observant Lateranenses, Crutzelingenses & similes, quos Ordinem Canonicum S. Aug. profiteri in propatulo est.

126. Ex jam dictis deduco 1. bonum & clarum esse hunc Syllogismum (res enim nobis est cum arguto magis Dialectico, quam Jurisperito; sed cōvincuntur subinde arguti Dialectici à minus acutis veritatis simplicitate instructis: Exemplum est apud Ruffinum lib. 1. histor. cap. 3. de quodam Dialectico qui à nullo Patrum quantumvis subtili in Concilio Niceno, nisi à quodam viro, qui putatur fuisse Spiridion Trimithuntis in Cypro Episcopus, simplicissimo construngi potuit) Quicumque sunt similes, pares & æquales uni tertio, sunt etiam
D d 3 similes,

similes, pares & æquales inter se, sed Lateranenses & Aroasienses sunt similes, pares & æquales uni tertio scilicet Crutzelingsibus, ergo etiam sunt similes, pares & æquales inter se. Major evidens est, consequentia optima, minor verò nuper non paucis probata. Et hoc præcipuum est intentum hujus partis secundæ.

Deduco 2. quod si quis vovisset, ingredi Ordinem Canoniorum Reg. S. Aug. huic opus non esse in Italiam proficisci ad Lateranenses, sed abundè sufficere, ut se voto solvat, si ingreditur Ordinem quem profitentur Aroasienses, Crutzelingses vel Windesemenses.


127. Poterant quidem quæ hætenus asserta sunt, sufficere probationi eminentiæ & identitatis Ordinis Canonico-Augustiniani, utrique Congregationi & Lateranensi & Aroasiensi specificè communis, sed non oberit eadem amplius ex Bullis Pontificiis confirmare, & hoc quasi addito P O N D E R E S A N C T U A R I I ut præponderent magis, aggravare quod sequenti parte præstandum.

PARS POSTERIOR

SECUNDÆ PARTIS.

CAPVT I.

128.



Erpendendum in primis assertum, Sixti IV. Pont. Max. in privilegio quodam per quod Ecclesiam S. Mariæ Pacis, in Urbe, Canonicis S. Aug. concedit, præmissâ Narratione, qualiter idem Pontifex, Italiâ pace donatâ, ex voto Ecclesiam, sub titulo B. Mariæ de Pace, propriis expensis extruendam curaverat, sic habet: *Considerantes inter alios Religiosos Institutionem Canonorum Reg. Ordinis S. Aug. fore primariam, & ab ipso Sanctissimo Ecclesiæ Doctore Augustino fundatam & per longa secula viris probis & litterarum scientia omniq; virtute polentes stabilitam, ad eos potissimum direximus intuitum, sperantes quod per Canonicos Congregationis Lateranensis dicti Ordinis sub Regulari observantia degentes, templum pacis memoratum in spiritualibus & temporalibus Deo propitio felicia continua suscipiat*

piet incrementa &c. In quo asserto Pōtificio aliqua, non parvi momenti sunt ponderanda. Primum. Pontificem asserere, *Institutionem Ordinis Canoniorum S. Aug. inter alios Religiosos esse primariam*, idq; considerando ipsum Ordinem in se & absolute, non cum respectu ad aliquam Congregationem, eamq; sic sumptam, esse primariam non ratione dignitatis Cathedralis, quondam Lateranensis, ut Adversarius communiter opinatur, sed secundum se. Alterum. Eam Ordinis institutionem à *S. Aug. esse fundatam*. Quod dictum est propter illustrem illam, Ordinis ab Apostolis, ut alii Pontifices loquuntur, initiati, ab Augustino factam reformationem, quæ adeò notabilis fuit, ut is non tam Ordinis Canonici Reformator, quam Fundator subinde dicatur, prout notat Joannes Molanus lib. de Canonicis. Tertium. Eundem Ordinem, *per longa secula viris probis & doctis fuisse stabilitum*. Per longa secula scilicet retrò ad Augustinum, imò ad Apostolos usq; , ergo ante Benedictinos, Cistercienses, & alios similes. Quartum. Cætum Lateranensem esse *hujus Ordinis Congregationem* supponendo præter eam, ut fieri solet, alias ejusdem Ordinis existere, in Ecclesiâ Congregationes,

gationes, qualem Aroasiensem olim fuisse propugnamus, atque adeò membrum unum inter reliqua fuisse Ordinis Canonico-Augustiniani, cujus *institutionem*, Pontifex pro explorato habet, *inter alios Religiosos esse primariam.*

129. Ut quid ergo Adversarius, contra sensum Pontificis, aliis Religiosis, Benedictinis Cisterciensibus, Præmonstratensibus Canonicos Reg. Ordinis illius cujus *institutio primaria est* postponit & præposterè ultimo loco ponit, omnemque, ut dici solet, movet lapidem ut hoc vulgo persuadeat, tam firmiter, ut sibi videtur, quod nil contrariæ sententiæ superfit probabilitatis? adeò *mutat quadrata rotundis.* Nunquid quia Mathematicus est etiam hâc viâ, ne ulla intentata relinquatur putat inveniendam quadraturam Circuli? ipse viderit. Certè nos abundè satis vidimus, & quod vidimus, ore rotundo declaramus, in Ecclesiâ Dei inter cæteros Religiosos Ordines existere quendam Ordinem Canonorum Reg. S. Aug. cujus si institutionem spectes *primarius est*, sic vocatur à Sixto IV. si approbationem itemque primarius, sic statuitur à Joanne XXIII. confirmante Synodo Constantiensi & corroborante Innocentio VIII. si fun-

E c dationem

dationem *Apostolicus*, sic multi Pontifices, si Re-
 formationem *Augustinianus*, sic Pius V. & alii,
 si observationem & usum, *Cathedralis*, *Collegia-*
lis, *Abbatialis*, *Conventualis*, sic Benedictus XII.
 si durationem hucusque ab origine *perpetuus*, li-
 cet per varios status de quibus supra, si plan-
 tationem, *quondam per orbem diffusus Christianum*
 (sic Eugenius IV.) qui non tam malè meritis
 est de Ecclesiâ, ut nullum mereatur contra cõ-
 culcantes eum defensorem. Vidimus, inquam,
 eum delineatum in Pontificiis Diplomatribus,
 tamquam in certioribus tabulis, quibus firmiùs
 credendum, quam nescio quibus Scriptoribus
 recentioribus, qui in rebus historicis & positi-
 vis, nunc hunc, nunc illum sequuntur, qui si
 vel deceptus fuerit vel memoriâ lapsus, cum il-
 lo vel decipi vel labi eos necesse est, & non ni-
 si ferò cum phrygibus sapere. Vidimus tandem
 hujus unius & ejusdem Ordinis ut Lateranen-
 sem, sic Aroasiensem non esse speciem sed
 Congregationem. Habeant Præmonstratenses
 suum Patrem S. Norbertum, habeant alii ali-
 um; Aroasienses solum suum agnoscunt Augu-
 stinum, à quo per Reformationis viam mundo geni-
 ti, ut Pius V. ait, Canonici Reg. S. Aug. de-
 nominantur.

nominantur. Quæ reformatio ut facta tecta maneret, & in viridi observantiâ magis floreret, opportunas quasdam Constitutiones Gervasius Aroasiensis Abbas, non novi Ordinis Auctor, sed antiqui Conservator concepit, adeò ut sint in possessione per multa sæcula præscriptâ, hujus Denominationis, quâ audiunt passim publicè & privatim Canonici Reg. S. Aug. in Bullis, in libris, in tabulis, in testimoniis, in instrumentis; sic enim & Prælati & subditi noti sunt illius Congregationis.

130. Nam excepto Abbate Cœnobii Aroasiensis, quod tamen passim à scriptoribus, etiam vocatur Abbatia Canonorum Reg. S. Aug. post dissolutam, à tempore quasi immemorabili, unionem Capituli Aroasiensis, reliqui ejusdem Ordinis Prælati & Canonici pro hoc tempore in Belgio existentes, non sub nomine Aroasiensium quod paucis, multo minus sub nomine Gervasianorum, quod paucioribus notum, imò inauditum, sed nomine Canonorum Reg. Ordinis S. Aug. indigitantur; idque ut dixi ex possessione antiquissimè præscriptâ, à quâ nunc tantùm unus nos incipit deicere Adversarius, calamo instructus, Dialecticâ armatus, & reli-

quâ panopliâ, ut apparet quidem, circumvallatus, sed solâ, sic putamus, veritate & auctoritate destitutus; contra quem debemus nos fortiter manu-tenere, si quid in nobis zeli est Ordinis nostri, quem & observavimus ante spontaneam subjectionem sub Capitulo Aroasiensi, & post defitionem ejus. Porro accidens est *quod adest atq; abest sine interitu subjecti*: Ordo autem Canonicus, integer mansit, & intrinsicè invariatus in Monasteriis, ante, & post, & sub Aroasiensi Congregatione, ex quo fit ut si quid ab eâ mutuò acceperit, id ad summum possit esse quid accidentale, ex quo apparet Antagonistam cum umbris digladiari dum Aroasienses qui jam à sæculis desierunt oppugnare conatur.

CAPVT II.

131. **P**Ræterea pro confirmatione assertionis specificæ unitatis identitatisque Ordinis Canonico-Augustiniani, æqualiter tam ab Aroasiensi; quam à Lateranensi Congregatione participati, facit antiquissimus stylus Pontificiorum Diplomatum, quæ sive data inveniantur Lateranensibus, sive Aro-

Aroasiensibus, five aliis similibus Canonicis Reg. Ordinis S. Aug. quantum ad rem præsentem attinet, semper habent eandem ferè clausulam, scilicet: *In primis statuentes ut Ordo Canonicus qui secundum Deum & B. Aug. Regulam ibi dignoscitur institutus perpetuis ibidem temporibus inviolabiliter observetur.* Quorum aliqua operæpretium erit assignare exempla.

Anastasius IV. in quodam privilegio Joanni Priori, sacrosanctæ Basilicæ Salvatoris, quæ Constantiniana vocatur, alias Lateranensis: ea propter, inquit, *vobis in Domino Filiis Ecclesiam ipsam in qua divino mancipati estis obsequio ad exemplar Prædecessoris nostri Beatæ memoriæ Alexandri Papæ II. Apostolicæ Sedis privilegio communimus, in primis siquidem statuentes, ut Ordo Canonicus, qui secundum Deum & B. Aug. Regulam ibi noscitur institutus, perpetuis ibi temporibus inviolabiliter observetur.*

Pennot. lib.
2. cap. 42.
in fine.

Urbanus III. in quodam privilegio, quo Monasterium S. Georgii de Brinate, à se in suo paterno alodio fundatum, Præposito & Canonicis Reg. S. Aug. dictis de Crescentiaco regendum tradidit: *Statuimus, inquit, ut de Collegio Ecclesiæ vestræ sit in ipsa Præpositus, & tantus*

Idem lib.
2. cap. 46.
num. 2.

Canonorum numerus, quantus de facultatibus ipsius Ecclesie possit commode sustentari, & ut in ipsa Ecclesia S. Georgii Ordo Canonicus secundum Dei timorem & B. Aug. Regulam atque institutionem vestram perpetuis temporibus inviolabiliter observetur.

Idem lib.
3. cap. 28.
num. 4.

Gregorius VIII. in quodam privilegio, dato Acrusio Archipresbytero, & fratribus Ecclesie B. Mariæ Montis belli, Canonicam vitam professis, scribi iussit superioribus similia: *In primis statuentes ut Ordo Canonicus qui secundum Deum & B. Aug. Regulam, atq; institutionem fratrum S. Frigidiani in eodem loco noscitur institutus &c. Ubi nota; qui hic dicuntur fratres S. Frigidiani, eosdem esse cum iis, qui postea dicti sunt Lateranenses, qui quamvis etiam olim peculiaria habuerint statuta, ea tamen eorum Statum Canonicum non mutarunt, nec ab aliis essentialiter distinxerunt eadem clausulâ teste.*

Idem lib.
3. cap. 45.

Cælestinus III. in privilegio dato Morsano Præposito, & Canonicis Reg. S. Aug. Ecclesie S. Georgii, quæ sita est in territorio Montis Clari, qui mons Medianus dicitur; his similia tradidit dum scribi iussit: *Ea propter dilecti in Domino Filii vestri justis postulationibus clementer*

*clementer annuimus; & prefatam Ecclesiam S. Georgii
----- in qua divino mancipati estis obsequio fel.
Record. Prædecessorum nostrorum Innocentii, Euge-
nii & Urbani Romanorum Pontificum vestigiis in-
barentes, sub S. Petri & nostra protectione susci-
pimus, & presentis scripti privilegio communimus.
In primis siquidem statuentes ut Ordo Canonicus qui
secundum Deum & B. Aug. Regulam in eodem lo-
co constitutus esse dignoscitur. &c.*

*Alexander IV. in quodam privilegio, dato
Priori S. Mariæ, in portu Ravennatensi, & Cano-
nicis ejus, Ordinis ejusdem sic etiam profatur:
Ea propter dilecti in Domino Filii vestris justis po-
stulationibus clementer annuimus, & Ecclesiam B.
Marie in portu Ravennatensi, in qua divino man-
cipati estis obsequio ad instar fel. m. Innocentii &
Adriani Prædecessorum nostrum Rom. Pont. sub B.
Petri & nostra protectione suscipimus &c. In pri-
mis siquidem statuentes ut Ordo Canonicus, qui se-
cundum Deum & B. Aug. Regulam in eadem Ec-
clesia constitutus esse dignoscitur, perpetuis ibidem
temp. &c.*

Idem lib.
3. cap. 16.
num. 6.

*Gregorius IX. in quodam privilegio, con-
cesso Thomæ Abbati Ecclesiæ S. Andreæ Ver-
cellensis, & fratribus ejus Regularem vitam pro-
fessis,*

Idem lib.
3. cap. 28.
num. 3.

fessis, eadem ferè habet: *Ea propter &c. In primis siquidem statuentes ut Ordo Canonicus, qui secundum Deum & B. Aug. Regulam in Ecclesia vestra institutus esse dignoscitur. &c.*

Idem lib.
3. cap. 4.
num. 5.

Idem Gregorius IX. in magno privilegio, Priori & Canonicis fratribus Patriarchii Basilicæ Lateran. collato: *Quapropter inquit dilecti in Domino Filii Ecclesiam vestram, in qua divino mancipati estis obsequio ad exemplar Prædecessorum nostrorum B. memoriæ Alexandri II. Anastasii IV. & Alexandri III. Innocentii & Honorii Rom. Pont. Apostolicæ Sedis privilegio communimus. In primis siquidem statuentes ut Ordo Canonicus, qui secundum Deum & B. Aug. Regulam ibi noscitur institutus perpetuis &c.*

Idem lib.
3. cap. 23.
num. 2.

Eugenius IV. in Bullâ per quam Canonicos Frigidionarios reformatos, Laterani restituit, hæc inter alia interserit: *Præfatam sacrosanctam Basilicam Lateran. ad primam institutionem & primum statum reducimus & reponimus, ut Ordo Canonicus qui secundum Deum & B. Aug. Regulam ibi noscitur institutus perpetuis futuris temporibus in dicta Ecclesia vigeat & inviolabiliter observetur.*

132. Similia plura si opus esset, possem adducere ex Pontificum Diplommatibus, in quibus
agitur

agitur de peculiari aliquo Ordine, qui Canonicus dicitur ex stylo Romanæ curiæ, institutus secundum S. Aug. Regulam, qui non solum in Lateranensi Ecclesiâ observatus fuit, verum etiam, ut visum est, in pluribus aliis Ecclesiis, & Monasteriis, de quibus quantum ad Ordinem Canonicum, eodem modo loquuntur Pontifices, ac de Ecclesiâ Lateranensi. Censent igitur nobiscum Ordinem S. Aug. qui in Lateranensi institutus viguit, in aliis etiam locis diu ante exortam Lateran. Congregationem floruisse, ut ex antiquissimis Bullis liquidum est. Nam Anastasius IV. cuius testimonium a loco posuimus Pont. Maximus ex Canonico Reg. creatus est Anno 1153. seditque annum unum menses 4. dies 24. juxta Onuphrium in fastis. Porro Anastasius allegat exemplum Prædecessoris sui Alexandri II. qui juxta eundem Onuphrium Pontificatum adiit Anno 1061. *Cujus Anno 1. Ordo Canonorum Reg. S. Aug. (verba sunt Onuphrii in fastis) Rome, luce apud S. Frigidianum, & in Italiâ ab eodem Alexandro II. Papa restitutus est.* Ergo diu ante Congregationem seu Ordinem Cisterciensem exortum qui Anno 1100. vel 1119. à Sede Apostolicâ solum modo est approbatus

probatus ut D.D. Dunenses in Concilio Provinciali Gandensi allegarunt.

CAPVT III.

133. **S**ed fortè non eodem stylo usi sunt Pontifices, circa Aroasienses, ac proinde Ordo Canonicus, qui in Lateranensi, & prædictis Monasteriis viguit locum non habuit, in Monasteriis Congregationis Aroasiensis, verum enim verò dubium auferet Alexander III. in privilegio concessio Arnulpho Abbati Monasterii S. Bartholomæi, vulgò de Eeckhout in civitate Brugensi, ejusdem Ordinis Canonico-Augustiniani, & quondam Congregationis Aroasiensis. Ubi postquam suscepit Ecclesiam nostram sub S. Petri, & sua protectione; sicuti Ecclesiam Lateranensem, & alias alii Pontifices prædicti, datis Diplommatibus fecerunt, eodem stylo scribi jussit de Ordine, in perantiquo Monasterio Eeckhoutano observato, ac de Lateranensi & aliis, his nimirum consuetis verbis: *In primis siquidem statuentes ut Ordo Canonicus qui ibi secundum B. Aug. Reg. dig-
nosceatur institutus perpetuis temporibus inviolabili-
ter*

et observetur. Dat. Anno 1179. quæ eadem confirmavit Cælestinus III. Anno 1195. plura addidit Innocentius IV. Anno 1248. corroboravit Nicolaus IV. Anno 1284. Adauxit Bonifacius VIII. Anno 1297. Canonicos Reg. Ordinis S. Aug. appellavit Urbanus VIII. Renovavit Innocentius X. nuncupans eandem Ecclesiam nostram Abbatialem insignem S. Bartholomæi Ordinis Canoniorum Reg. S. Aug. in civitate Brugenfi, in Diplomate concessionis Altaris privilegiati dato Anno 1650. Dec. 16. Pont. 7.

134. Cælestinus III. etiam in Diplomate Canonicis Reg. ejusdem Ordinis DD. Cysoniensibus misso, non absimili stylo exarari curavit; sic habet: Cælestinus Episcopus servus servorum Dei----- *In primis siquidem statuentes ut Ordo Canonicus qui in Ecclesia vestra per B. memoria Rainaldum quondam Remensem Archiepiscopum secundum Regulam B. Aug. ad institutionem fratrum Ecclesiæ B. Dionisii Remensis institutus esse dignoscitur, perpetuis ibidem temporibus inviolabiliter observetur.* Ubi notandum

Buzilinus
lib. 2. pag.
364.

Interdum etiam in Bullis Pontificiis, fieri mentionem statutorum, supra Regulam, ut in

hâc & in superiore Gregorii VIII. ubi post illa verba: *Secundum B. Aug. Regulam* additur: *Et institutionem fratrum S. Frigidiani*, per quos reformatâ est Ecclesia Lateranensis, ut supra tetigi, ut indicetur; hæc specialia statuta intrinsicè non variare communem Canonicum S. Aug. Ordinem. Et idem esto iudicium de eo, quod habetur in Diplomate dato ab Alexandro III. Canonicis Reg. Phanopinensibus Congregationis Aroasiensis, ubi inter hæc eadem sæpe repetita scilicet: *In primis statuentes ut Ordo Canonicus qui secundum Dei timorem & B. Aug. Regulam*, interseritur, & *fratrum Arouvasie institutionem. &c.*

Ibid. pag.
372.

135. Quæ omnia abundè satis ostendunt, Pontifices hâc phrasi velle significare, in tali vel tali Ecclesia, seu Monasterio institutum, & observandum esse Canonicum Ordinem S. Aug. sive sit Lateranensis, vel Aroasiensis sub eodem Ordine, Congregationis, vel extra omnem Congregationem existat, ut planè contra suppositionem, & mentem Pontificum sentire dicendi sint, qui opinantur, & persuadere conantur, has Congregationes esse distinctos specie Ordines, cum non sint nisi unius Ordinis Canonici

Canonici S. Aug membra, ut sæpè fuis inculcatum.

136. Quod etiam ex eo confirmatur, quod quando Pontifices significare volunt, Ordinem S. Benedicti, utantur hac phrasi in Bullis suis, ad istius Ordinis Monachos directis: *Vt Ordo Monasticus qui secundum Deum & B. Benedicti Regulam institutus esse dignoscitur.* &c. Ubi

137. Observandum Pontifices communiter Ordinem S. Aug. de quo agimus, vocare Canonicum; Ordinem vero S. Benedicti, Monasticum: quare iterum contra Pontificiam phrasim loqui censendi sunt, qui dicunt Aroasienses, & similes observare Ordinem medium, inter Canonicum & Monasticum. Nam Pontifices absolute, & ordinariè Ordinem etiam ab iis qui Aroasiensis Congregationis fuerunt, observatum vocant *Canonicum*; sicut Ordinem S. Benedicti *Monasticum*. Ad manum est exemplar Diplomatis dati ab Innocentio III. Abbati & fratribus de Los Ordinis Benedictino Cisterciensis, quod sic sonat: *Innocentius servus servorum Dei dilectis Filiis Stephano Abbati de los ejusq. fratribus* ----- *regularem vitam professis in perpetuum* ----- *In primis statuentes ut Ordo Mo-*

nafticus, qui fecundum Deum & B. Bened. Regulam, atq; institutionem Cifterciensium fratrum in eodem loco institutus effe dignoscitur. perpetuis ibidem temporibus inviolabiliter observetur. &c. Ubi etiam fupra Regulam, fit mentio Cifterciensium ftatutorum, quæ ex fententiâ Adverfarii non faciunt Ciftercienses non effe veros Monachos Ordinis Monaftici S. Benedicti. Quare etiam à fimili; quamquam fuprà Pontifices, in Bullis fuis, faciant mentionem, vel ftatutorum fratrum S. Frigidiani, vel fratrum S. Dionifii, vel fratrum Aroafiz, fupra Regulam Auguftinianam, non eft quod propterea putetur Aroafienfes, Cyfonienfes & fimiles non effe veros Canonicos Ordinis S. Auguftini.

CAPUT IV.

438. **C**Æterum his Pontificiis pronuntiatis, à fe diligenter lustratis, nullus extraneorum fcriptorum conformius fcripfit, de Origine & progreflu Ordinis Canonico-Auguftiniani, quam F. Jacobus Philippus Bergomensis Ordinis Eremitani, Canonico-Reg. S. Aug. aliàs non magnus amicus.

Verum

Verum amicus Plato, amicus Socrates, magis tamen amica Veritas, quæ ille convictus, postquam multa correxerat, quæ aliàs de hâc materiâ, commentatus fuerat minus ex vero, tandem in supplemento supplementi Chronicorum, ultimæ editionis impressæ Venetiis Anno 1506. hæc litterarum monumentis consignata reliquit: l. 14. sub Anno 1407. quæ operæpretium erit præcedentium declaratione, confirmatione, & recapitulatione de verbo ad verbum fideliter exscribere. Sic habet:

139. Origo & progressus Canonorum Reg. eorumq; ad nostra tempora Regularis observantie continuatio. Ordo Canonorum Reg. ab Apostolis primum institutus, idemq; à B. Aug. apud Hippo- nem Africæ urbem divinis institutionibus decoratus reflo-ruit | variis postmodum temporum successibus in Hispaniis, Galliis reliquisq; per orbem regionibus, & per Italiam mirum in modum est profusus dilata- tus, Sed apud Burgundiam in Belluacensi Ecclesia, sub Magistro Sanctoq; viro Ivone ejusdem Ecclesiæ Præposito ad pristinam ejusdem observantiam efflo- rere cœpit 22. Imperii Henrici IV. Anno. testis est Sigebertus in Chronicis & Vincentius historialis lib. histor: suæ 26. cap 51. hanc veritatem sequitur & . refert

refert fasciculi temporum Auctor, & Venerabilis Antoninus Archiepiscopus Florentinus 2. suæ Chronicæ parte tit. 15. & 16. quod incipit circa annum Domini 1080. sicut etiam id colligi potest ex ipsius B. Aug. sermonibus de moribus & communi Vita Clericorum quod & Romanorum Pontificum Canones & doctorum dicta certissima veritate testantur. 140. Ceterum quoniam successu in Italia, & apud cæteras quamplures nationes variis temporum emergentibus casibus idem Ordo multipliciter à Domino sit reformatus, optime testantur vetustissima & authentica librorum testimonia. Nam per S. virum Frigidianum Lucensem Episcopum de quo magnus meminit Gregorius in Dialogorum libro, per Tuscanam & universam pæne Italiam fuit sparsus & auctus. In anglia quoq; per Augustinum Anglorum Episcopum jussu & mandato Beatissimi Gregorii institutus est, quod habetur in decretis à Gratiano cap. quia tua fraternitas 12. quest. 1. In Gallis etiam ante & post tempora B. Hugonis & Richardi de S. Victore. Itemq; in Italia ad tempora B. Damiani ----- floruit idem Ordo, & mirabiliter auctus tempore Benedicti XII. qui circa ann. Domini 1342. ipsum Ordinem privilegiis & constitutionibus ab ipso approbatis decoravit. Verumenimverò Canonici

nonicus idem Ordo in Etruriæ regionis florentissimæ agro Lucensi apud Canonicam S. Mariæ in æde Frigidonaria fœlici Religionis successu à Domino est reparatus. De ipsa quidem Ordinis continuatione meminisse idem Archiepiscopus Florentinus eodem titulo & cap. 33. § etiam flores apparuerunt in terra nostra. Nam ut idem testatur & Canonici Reg. in loco prænominato olim ab illustri Mathilda Comitissa condito, duobus mediantibus viris ejusdem Ordinis professis, vita & doctrina præclaris circa hæc tempora à Domino sunt reformati, & usq; hodie Abbatiam fesulanam possident sub uno Capite & congregatione degentes. Sed verius dicuntur Canonici Reg. D. Aug. & congregationis Lateranensis S. Salvatoris de urbe.

141. At qui fuerint præfati duo viri authenticis scriptis & certâ veritate compertum habetur. Hi videlicet exstiterunt ejusdem sanctæ Regularis observantiæ Auctores Dominus Leo de Corate, & Dominus Thadæus de Bonasco, seu secundum quosdam de Bognasco Papien. Canonici ambo Reg. Cænobii S. Petri Papiæ in cælo aureo professi, & ipsi, venerabilis Patris Bartholomæi Sacerdotis, Dei præconis celeberrimi civis, Romani de columna consilio & hortatu ad præfatum locum se recipientes San-

*Etam Reformationem sub Regulari ejusdem Ordinis observantia & sub altissima paupertate Dei coope-
rante gratia fundarunt.*

142. Siquidem Leo, qui ante Leonardus dictus
dum prefati Cœnibii S. Petri in celo aurea Prior
existeret, & juris Canonici Doctor eximius, vir
sanctus & quasi alter Elias Dei spiritu fervens, per
omnia certe probatus, zelo arctioris vitæ ex præfa-
to Cœnolio ad eum locum reformandum, de consensu
tamen Abbatis & Conventus, gaudens se contulit.
Quod & publico super hoc instrumento rogato, ma-
nu Ioännini de Piscariis Notarii & civis Papiensis
apparet. Ejus exemplar usq; ad nostra tempora, pe-
nes quendam civem Papiensem de Vechiis repositum
esse dignoscitur. Hunc itaq; virum paulo ante præ-
cesserat venerabilis Sacerdos & Concanonicus ejus-
dem Cœnobii S. Petri prefatus Dominus Thadeus,
qui divino numine afflatus, & prefati Sacerdotis
Bartholomæi suasu Anno Domini 1402. prius præ-
fatam Frigidionariæ Canonicam Vicarius & subinde
Prior non multo post dicti Domini Bartholomæi &
præfidentis Coadiutor incredibili providentia guber-
navit. Cujus non longe post Priorali administrationi
prælibatus Dominus Leo successit Anno Domini 1408.
quo tempore idem Pater Leo Domini Vincentii Ia-

noti Prioris S. Frigidiani de Luca precatu, nonnullos ex suis Canonicis ad ejusdem Ecclesiæ Reformationem concessit ut habetur in Archivis S. Frigidiani ex instrumento rogato manu Ser. Raphaëlis quondam Nicolai Benedicti de Luca. Igitur prænominati duo viri, quasi duo candelabra rutilantia eam Congregationem vitæ postmodum & doctrinæ splendore mirabiliter illustrarunt. Erat etiā apud Carthusiense Cœnobium non longe ab eo Frigidariæ loco distans Prior venerabilis Pater Nicolaus de Albertis Bononiensis, postea Cardinalis tit. S. Crucis ab Eugenio IV. creatus. Hic cognito Sanctorum virorum proposito ad eum locum eos ipse perduxit: siquidem eo in loco ipse Canonicus Ordo per longa annorum tempora indefesse viguerat quod & testantur ejusdem loci antiqua Pontificum privilegia. Non longe vero post contigit ut una cum Pontifice Max. Gregorio XII. Dominus Gabriël Gandulmerius postea Eugenius hujus nominis IV. ejusdem Pontificis Gregorii ex sorore Nepos Cardinalis, dum ad Lucensem urbem pervenisset hujus Sancti propositi inclyto comperto successu, singulari admodum letitia gavisus est. Nam dum antea Venetiis & Patavii ad ejusdem sacras Patris Bartholomæi conciones innumerabilis fere populi concursus haberetur,

quamplures utriusq₃ sexus ex Patritio Veneto sanguine juvenes ad Christi suave jugum convertebantur, ex quorum numero idem Dominus Gabriël unus erat, qui simul cum paucis Patritiis Venetis Congregationi S. Georgii de Alega initium dederat.

143. Hic itaq₃ Dominus Gabriël eidem Patri Bartholomæo filiali charitate devinctus Sancta illa Societate mirifice delectatus, illius insuper & loci patrocínio sponte suscepto, satis egit ut locus ille sacer sub Sedis Apostolicæ protectione Pontificisq₃ auctoritate, & privilegiis amplissimis muniretur. Hac siquidem Sancta Religio ejusdemq₃ Ordinis Reformatio licet ab eo loco, unde Reformationis exordium sumpserat, quandoq₃ fuerit denominata: idem tamen Dominus Gabriël postea Eugenius IV. initio Pontificatus Lateranensem Ecclesiam, in qua per longa annorum tempora præfatum Ordinem Canonicum testantibus Pontificum privilegiis perviguisse constat, ad pristinum ejusdem Ordinis statum reducere volens, dictæ Congregationis Canonicis accersitis de consilio & consensu Domincrum Cardinalium, certâ scientiâ motu proprio & auctoritate Apostolica eidem Congregationi mox ipsum sacrum locum restituit: sicq₃ incorporavit ut deinceps præfata Congregatio ab ipsa Ecclesia Lateranensi perpetuis futuris temporibus

poribus denominaretur, & dictæ Congregationis Canonici de ejusdem Basilicæ Capitulari gremio censerentur & essent. Quod & idem fecit Nicolaus V. sed & Sixtus Pont. hujus nominis IV. speciali privilegio & decreto motu proprio voluit & declaravit ut ipsius Congregationis Canonici eodem quoque titulo perinde gaudeant & perfruantur ac si ut prius dictam Basilicam gubernarent. Cujus quidem Ordinis nomen cum celeberrimum ubique locorum per totam Italiam prædicaretur in eum clarissimi generis viri ingressi eumque Ordinem verbo & exemplo atque doctrina plurimum auxerunt & conservarunt, qui non minus probitate, moribus ceterisque virtutum ornamentis quam prosapia clarissimi extiterunt. Quorum etiam doctrinis ipsa Religio aucta & illustrata fuit. Hactenus Bergomensis. Pergit deinde nominatim recensere viros quosdam illustres Congregationis Lateranensis, atque his subjungit sequentia.

144. Verum quia de Canonico Ordine supra l. 9. cursum aliquid diximus. non abs re pauca hæc quæ sequuntur post dicti libri impressionem ad nostram notitiam nuper allata clariori comperta veritate, subnectimus. Canonico ergo Ordo Reg. D. Augustini à quibus directe ut diximus præfata Con-

gregatio continuatur, & ab ipso Patre Aug. regularem sumpsit institutionem. Nam ut in dictis sermonibus de communi vita Clericorum ad verbum habetur Clericos intra Episcopi domum habere curavit, & cum eis pariter secundum Apostolicam formam quodam vixit in communi degere voluit. Quibus omnibus placuit unum in Deo sentire, & omnia in communi possidere & ibi inquit Clericus duo professus est scilicet sanctitatem id est obedientiam, castitatem & vivere in communi. Et ut tunicam lineam, & byrrum, id est vestem desuper habitum in communi gestarent quia & ipse in communi acceperat. Vnde inquit nemo det byrrum aut tunicam lineam nisi in communi quia & ipse in communi accepi. Non decet hanc professionem non decet hos canos &c. Ideo in sacris Canonibus Regulares latinè, qui & Canonici à canone Grece appellantur ut habetur de consec. dist. 5. cap. in omnibus ut Clerici Canonici canonice vivant, Glossa inquit Clerici Canonici, id est Canonici Regulares. Et licet in habitu superiori varii diversis in locis reperiantur Canonici, tamen ut colligitur per DD. in cap. Deus qui. De vita & honestate Clericorum, diversitas ipsa non diversificat ipsum Ordinem in specie penes habitum superiorem sive in forma, sive in colore,

cum

cum habitus superior non sit de substantia professionis, sed habitus interior scilicet tunica lineæ quæ est proprius & legitimus Canoniorum Reg. habitus, & in eo propriè profitentur: ita enim pulchrè notatur ex Glossa Ioannis Andree in verbo habitus in Clement. Prima de electione, & addit quod varietas coloris in habitu superiori non causat diversitatem Ordinis seu Religionis Canoniorum.

145. Sunt ergo omnes isti Canonici de quibus superius diximus, unius Ordinis cum illis, qui habitu lineo Regulam Augustinianam profitentes primum ab Apostolis in primitivâ Ecclesiâ sunt instituti, & per Augustinum Regularibus constitutionibus ad communem Regularem vitam restituti, ut etiam colligitur ex præfatis sermonibus de communi vita Clericorum & constitutionibus & decretis Rom. Pontificum Benedicti XII. Eugenii IV. Nicolai V. & Sixti IV. & aliis authenticis scriptis & approbatis testimoniis existentibus apud præfatæ Congregationis Lateranensis Canonicos. Qui etiam Ravennæ Canonicam S. Mariæ in portu. Vercellis Canonicam S. Andree. Mortarii Canonicam S. Crucis. Venetiis Canonicam S. Mariæ de charitate. Montis-belli & Bononiæ Canonicam S. Mariæ & Ioannis in monte, aliis in pluribus locis ex longevi & immemorabilis

Nota

morabilis temporis usu præfatas Canonicas sub ejusdem Ordinis primariâ institutione fundatas, in pristinum ejusdem Ordinis & Regularis observantiæ statum Rom. Pontificum privilegiis faventibus restituerunt, ac sub ejusdem Ordinis continuatione reformatarunt.

CAPUT V.

146. **H**Æc Bergomensis, re maturè examinâtâ, adhibito rei peritorum consilio, & lustratis Pontificiis Diplommatibus, ac veteribus Archivis, correctis etiam quæ perperam aliàs eâdem de re tradiderat. Juxta quæ corrigendi sunt Auctores qui aliter de Canonorum S. Aug. Ordine scripserunt, quos citat & sequitur Adversarius *part. 3. Ethesi vel conclus. 3. & 7.* item maximè *conclus. 11.* qui magnum quid se ingenisse putat, non omnes Canonicos Reg. esse ejusdem Ordinis, cum Lateranensibus *conclus. 8.* quod ipsi non illibenter concedimus, siquidem Canonicos Reg. S. Norberti vulgò Præmonstratenses, Scopetinos, & si qui sint similes Canonicos quidem Reg. sed non Ordinis S. Aug. prout Ordo ille strictè sumitur,

mitur, in diplomatibus Pontificiis, libro taxarum Camera Apostolicæ &c. non esse ejusdem Ordinis in specie, cum Lateranensibus non est quod eamus inficias. Magnam nihilominus hallucinationem esse putamus, tenere Ordinem Canonorum Reg. S. Aug. de quo decreta Pontificia allegata, citatus liber taxarum, & Historici relati agunt; apud solos Lateranenses reperiri. Ad quid enim Cœtus eorum, vocatur Congregatio Ordinis S. Aug. si non dentur plures ejusdem Ordinis Congregationes? reverà ut statim audivimus ex Bergomensi, Congregatio Lateran. ferè exorta est cum Reformatione Frigidionariâ, quam adorsi sunt Canonici Reg. S. Aug. Lucenses & Papienses, utrique Conventuales, non Cathedrales, qui postliminiò ab Eugenio IV. in Ecclesiam Lateranensem sunt reducti, & licèt postea iterum hinc exacti, nomen tamen Canonorum Lateranensium retinuerunt: quare moderni Lateranenses à Lucensibus, Papiensibusque originem ducunt, qui ideò positi fuerant ibi ab Eugenio IV. eo quod essent Canonici Reg. S. Aug. (quamvis Conventuales tantum) tales, quales in eâ Ecclesiâ à tempore Gelasii I. usque ad Bonifacium VIII. per-

octingentos præter-propter annos, reſediſſe no-
 verat idem Eugenius, ex certâ ſcientiâ, & ab
 Apoſtoliſ inſtitutos, ac conſequenter approba-
 tum juxta Canonem *Dominus noſter* 93. *diſtinctio-*
ne. Si enim Domnus Apoſtolicus auctoritatem
 habet Ordines approbandi, quidni & Apoſtoli
 ipſi? porrò præcipuam præcedentiæ rationem,
 ponendam eſſe in antiquiore approbatione con-
 tendit Adverſarius noſter, nec immeritò. Sed
 unum hoc miror eundem id quod maximè ſibi
 probandum erat, ſine probatione præteriſſe,
 ſcilicet approbationem Ordinis S. Benedicti fa-
 ctam eſſe ann. DXCVI. ut habet *prima* ejus
Ectheſis 3. *partis* hæc ſcilicet: *Ordo Benedictinus*
inſtitutus ante annum DL. approbatur ann. DXCVI.
 cujus priorem partem ex hiſtoricis probavit,
 poſteriore verò quæ maximè probatione in-
 digebat ſine probatione jejune & quaſi ſine ſa-
 lutatione tranſivit. De quò infra opportuno-
 re loco.

147. Interea noſtra, id eſt, Ordinis Cano-
 nico-Auguſtiniani inſtitutio, & approbatio anti-
 quior Benedictinâ, probata eſt à Canonicis Reg.
 S. Aug. Crutzelingenſibus, contra Monachos
 Benedictinos Petri-domenſes, coram Joanne
 XXIII

XXIII. attestante Concilio Constantiensi, & confirmante Innocentio VIII. ut suprâ, & à Lateranensibus coram Pio IV. corroborante Pio V. de quibus infrâ. Nostram autem institutionem, & approbationem voco, & hîc iterum refrico, institutionem & approbationem Ordinis Canonorum Reg. non quorumcumque, sed S. Aug. qui non solum à Lateranensibus; sed & à Crutzelingsibus, Aroasiensibus, Windefemensibus &c. observatur. Nec enim Lateranenses & Crutzelingeses quatenus tales, per sententias Pontificias Benedictinis, non ex privilegio; sed ex jure adjudicato prælati sunt, sed quatenus sunt Ordinis Canonici S. Aug. & priùs instituti, & priùs approbati; quam Ordo S. Benedicti.

148. Nam Pontifices in utrisque non ponderarunt qualitatem loci, vel dignioris vel antiquioris sed qualitatem Ordinis, scilicet priorem ejus antiquitatem, & Clericalem dignitatem in Lateranensibus; non verò Cathedralitatem in quâ omne pondus præferentiæ Lateranensium, non semel ponere videtur Adversarius. Cum interea illi, ut ostensum est, ab Eugenio sumpti sint, ex Canonicis Reg. Ordinis

S. Aug. & quidem Conventualibus talibus, quales sunt modo Windesemenfes, & Iolim fuerunt qui erant sub Capitulo Aroasienfi, Eechoutani, Cysonienfes & fimiles, & pofiti in Ecclefia Lateranenfi. Vnde fumpta Congregationis modernæ denominatio, quæ hujus Ordinis Monasteria complectitur per Italiam. Hinc fit ut omnes Canonici Reg. S. Aug. in Italia paffim, Lateranenfes vocitentur, qui quia ob vicinitatem femper maxime noti Pontifici fuerunt, ideo horum ferè mentio fit in Diplomatibus, verum quæ Ordini communia, in eis contenta funt, merito ad omnes extenduntur. Quare ficut omnes Benedictini in Caffinenfibus victi funt, fic omnes Canonici Reg. S. Aug. in Lateranenfibus de illis in causâ præcedentiæ triumpharunt: quia & Clericalis dignitas, & Canonici Ordinis major antiquitas, quæ ex Pontificum decretis duæ causæ triumphi fuerunt, non folis Lateranenfibus, quamvis hi foli contra Benedictino-Caffinenfes certarint, peculiare fuerunt, fed & ipsis, & reliquis communes. Et ita omnino tenendum est fi conformiter Pontificiis proloquiis sentire velimus, à quibus qui diffentiunt audiendi non funt. *Quisq;* enim *in fuo fenfu abundat.*

Porro

Porro *ex abundantia cordis os loquitur*. At certiora sunt Pontificia oracula, privatis placitis quorum parens plerumque privatus amor, quem comitatur error juxta tritam S. Aug. doctrinam.

CAPVT VI.

149. **Q**Varè meritò non solum laudandus, & approbandus, sed etiam propugnandus est Martinus Alpiceua Doctor Navarrus, ob eminentem jurisprudentiæ doctrinam, Monarcha Juris communiter indigitatus: ejusdem Ordinis Canonico-Augustiniani professor eximius, & splendor non exiguus, qui & status sui qualitatem si quis alius optime calluit, & de eò conformiter Pontificiis decisionibus scripsit. operum romo commentario 4. de Regularibus, titulo *de stabilitate & transitu* eorum, in cap. *Statuimus* 12. q. 3. quem sequitur eruditus D. Andreas Catulle Canonicus tunc & officialis, nunc vero Archidiaconus Tornacensis, & uterque profert Bullas Pontificias, & rationes pro Canonicis Reg. S. Aug. in causa præcedentiæ re-

Vide ejus encomium apud Garciam in Ecclesia Pampilonensi

spectu aliorum Religiosorum, & quidem tales, ut in causa & lite quam propugnandam susceperant jure merito triumpharunt: unde nos iis armati pro defensione non immerito animosiores reddamur.

150. Verum Adversarius, de Bullis quamvis subdubitet (tamen sine causa, si ea quæ inquirenda fuerant, diligentius scrutatus fuisset) pro sua tamen nativâ urbanitate, sic enim loquitur, se credulum præbet; eas tamen privatis suis notis, ut putat, illustrat: rationes vero magno molimine assistrice Dialecticâ, variis retortionibus, cavillationibus, & sophismatibus solvere conatur. Sed potuisset superfedere laboribus, & sudoribus parcere. Nam ut in initio dixi, sic & jam repeto, actum agit, & eandem crambem recoquit, nolo dicere Camerinam movet quia hoc ejus displicet urbanitati.

151. Equidem apud Ascanium Tumburinum, Monachum Benedictinum Congregationis vallisumbrosæ *de jure Abbatum* tomo 1. disp. 22. totus Processus candidè, & sincerè relatus existat Controversiæ, per centum circiter annos agitæ inter Canonicos Reg. S. Aug. Congregationis Lateran. & Monachos S. Benedicti

Congre-

Congregationis Cassinensis, in quo videri possunt omnia fundamenta, & motiva partis utriusque cum suis probationibus, solutionibus, relationibus, sententiâ & brevi executorio: quæ omnia Navarrum non latuerunt, & ne res perfunctoriè, ab utràque parte acta fuisse putetur, consultæ fuerunt nobiliores Academiae Italicae, & datæ fuerunt solutiones ad jura & rationes Lateranensium, quæ videbantur (sed videbantur tantum) non solum æquales solutionibus quas Adversarius adhibet 4. parte libra, sed etiam in specie fortiores: producta fuit etiam Auctoritas S. Bernardi ejusque testimonium ex *Apologia ad Guillelmum*, de quo Adversarius 3. parte *Ecclesiæ* 4. num. 185. forte inquit hoc ipsum testimonium in Cassinensium Lateranensiumq; lite allegatum non fuit. Fuisse inquam hoc allegatum patet ex num. 134. apud Ascanium sup. quibus tamen, non prævalentibus auditis relationibus trium Cardinalium; quorum intererat & sententia lata est, & datum breve Pontificium executorium, pro Canonicis Reg. S. Aug. Congregationis Lateran. contra Monachos Benedictino-Cassinenses. In quibus duobus totus Ordo Canonicus, & totus Monasticus, quasi

re

re commissa Monomachia, fortiter certavit in
orbis Amphitheatro sub Agonoteta Pontifice,
arbitris Cardinalibus tribus. Et tandem hic
succubuit, ille ut dixi, triumphavit.

CAPUT VII

QUæ omnia videri possunt apud præ-
dictum Auctorem locis citatis, ex
audientibus quo in gratiam eorum, qui eum
non habent ad manum, hoc loco operæ preti-
um erit, quædam pro majori dilucidatione præ-
cedentium, subicere ad maiorem causæ notiti-
am, & ut clarius constet cuilibet, rem aliter
se habuisse, in illa lite quam putaverit Adver-
sarius. Itaque-----

153. *Sciendum est, inquit Tumbarinus, Pium
IV. per Bullam quæ incipit. Regiminis universalis
Ecclesie, commisisse causam præcedentis illustrissi-
mis & Reverendissimis Dominis Cardinalibus Io-
anni Michaeli Saraceno tituli S. Anastasie & Io-
anni Baptiste Cicada tit. S. Clementis, & Bernar-
dino Scotto tit. S. Marthæ: Virtute cujus Bullæ
prædicti Illustrissimi jurisdictionem adepti sunt par-
tes audiendi, citandi, & sub censuris & penis pro-
cedendi*

cedendi, in qua mandatur prædictis iudicibus, ut postquam causam cognoverint ad suam sanctitatem referant decidendam.

154. Produxerunt igitur tam Canonici Reg. quam Monachi Cassinenses unusquisque pro suorum iurium defensione, & ad probandum jus prælationis publica authentica instrumenta, Decreta aliqua, & nonnullas pontificias Bullas, aliaque ut in processu. Deventum, deinde est ad rationes & jura conducen-
tia definitioni causæ, & pro illa consulti fuerunt ab utraque parte gravissimi Italiae Iurisconsulti, & excellentes curiæ Romanæ Advocati.

155. Pro Reverendis Canonici Reg. Ordinis S. Aug. Congregationis Lateran. adversus monachos S. Benedicti, Congregationis Cassinensis, suas allegationes cum solutionibus objectionum, quæ opponi poterant, Adversarii nostri non absimilium, exhibuit Scipio Lancelottus tunc Rom. sacræ Aulæ Consistorialis Advocatus; postea S. R. E. Cardinalis quæ incipiunt: *In antiqua & vulgari proposita questione, &c.* satis solidas & prolixas prout videri possunt apud prædictum Tumburinum, quibus ad calcem subduntur Authores qui pro eadem parte Canonici Reg. scripserunt, & responsa ediderunt.

derunt, nempe Jacobus Pontius Torocor. Imola nuncupatus, Pyrrhus Tharrus, & Agapitus de Magistris Romani, necnon Vincentius Parentius Lucensis.

156. Pro Reverendis verò Monachis S. Benedicti, Congregationis Cassinensis, in eâdem præcedentiæ causâ contra Canonicos Reg. S. Aug. Congr. Lateran. etiam allegationes suas posuerunt, cum solutionibus argumentorum, Clarissimus J. C. Antonius Massa Gallefius, & Marcus Antonius Burghesius Senensis, sacre item Aulæ Consistorialis, & Pauperum Advocatus, qui fuit Pauli V. Pont. Max. fel. Record. Genitor, scripseruntque pro iisdem Monachis Onuphrius Camajanus Aretinus sacre Aulæ Consistorialis & Fisci Advocatus, & alii. Quibus visis & pluribus aliis pro utrâque parte adductis Illustr^{mi} Cardinales deputati relationes suas Pio Papæ IV. præsentarunt, in hunc qui sequitur modum.

C A P V T

C A P V T V I I I.

*Relatio Illustr.^{mi} ac R.^{mi} S. R. E.
Cardinalis Ioannis Baptista Cica-
da tit. S. Clementis coram S.^{mo}
Domino nostro Pio Papa IV.*

157. **S**anctissime Pater. In causa precedentia inter Canonicos Reg. & Monachos S. Benedicti in primis fuit dubitatum: an dicti Canonici censeantur esse de illis quos B. Aug. instituit, & conclusum fuit pro parte affirmativa, præsupponendo in primis quod tempore primitivæ Ecclesiæ Apostoli instituerunt Clericos & presbyteros, ut habetur in Can. 1. in fin. 12. dist. & tradit latè Augustinus de Ancona in tractatu de potest. Ecclesiastica q. 104. arg. 1. versu: Respondeo. Et post BB.^{os} Apostolos B. Marcus illos primos instituit in civitate Alexandrina ut refer. Cassianus in lib. de instit. Monachorum. Postea succedente tempore cum B. Aug. videret disciplinam Clericalem iam relaxari, ut retineretur Symbolum vite Apostolicæ & Clericorum antiquorum, instituit Collegium Cle-
ricorum

ricorum Reg. prout de hoc sunt multa jura in decreto 12. q. 1. & refert B. Thomas 22. q. 189. art. 8. ex istis Clericis Reg. propagatus est Ordo Canoniorum Reg. prout tenet S. Thomas in loco supra allegato, Vincentius in speculo doctrinali l. 18. c. 16. ubi inquit: Ordo Canoniorum Reg. primo ab Apostolis, postea à B. Aug. Regulariter fuit institutus; & in speculo historiali l. 16. cap. fin. inquit Augustinus factus Sacerdos Monasterium Clericorum instituit, & cœpit vivere secundum Regulam sub SS. Apostolis constitutam. B. Antoninus 2. parte sue Chronice tit. 15. c. 16. §. 7. volater. l. 21. Com. ibi: Ordo Canonicus, non tam ab Augustino institutus quam renovatus, ab Apostolis sumpsit exordium. Fasciculus temporum in 6. etate. Vbi, inquit, Ordo Canonicus cœpit florere in Ecclesia Beluacensi tempore Ivonis & Rusti.

158. Idem fatentur Pontifices Benedictus XII. in sua extravaganti, quæ refertur inter Constitutiones Canoniorum Reg. Idem Eugenius IV. in Bulla producta, quæ iudicio meo fidem optimam facit. Nam cum materia posset dici dubia standum est in dubiis determinationi Papæ cap. in litteris de rest. stol. Io. Andr. in cap. dilecto de præbendis. Et dicit S. Thomas 22. q. 21. a. 12. quod in decisionibus cau-
sarum

farum magis standum est auctoritati Papa, quam
cujusvis alterius etiam S. Doctoris. Nec obstat quod
verba Bullae videantur enuntiativa, quia iudicio
meo sunt dispositiva ac per modum causae. Nam Pa-
pa asserit velle restituere templum Lateranense istis
Canonicis à quibus olim regebatur, & quod fuerunt
amoti à Bonifacio; & ideo restituit iis, ut in eo
retineatur symbolum vitae Clericorum, quae vigeat
tempore Apostolorum, & quam Augustinus divinis
Regulis decoravit; affirmando quod ab illis Cano-
nici in Ecclesia Lateranensi, & per eum introducti
processerunt. Et sic propter illam causam disponit.
Quo casu assertio huiusmodi probat & fidem facit.
Bart. in l. emptor. §. ancilla de rei vindic. Alex.
conf. 46. col. 2. vol. 1. Iason in l. ex his n. i. c. de
nul. test. Dec. in l. si quis in conscribendo n. 4. l.
de pactis.

159. Secundo facit quod Bulla emanavit motu
proprio & ex certa scientia quo casu fidem facit
Alex. Conf. 112. vol. 7. Soccin. Conf. 87, vol. 3.
tertio quia in omnem eventum transfert onus pro-
bandi in Adversarios. Sed per Adversarios nil est
probatum saltem concludenter ergo. Et praesertim
quia declarationem Eugenii sequuntur Nicolaus
V., & Sixtus IV. Item quia sumus in antiquis an-

norum centum & ultra, quo casu narrativa Papa fidem facit, late per Rimin. de antiquitate temp. part. 1.

160. *Uterius; quod isti Canonici descendant ab illis probatur sufficienti partium enumeratione. Et 1. quia conveniunt in nomine. Nam sicut illi vocantur Clerici, ita & isti; & licet quandoq; vocentur Canonici, tamen idem sunt, & promiscue iura utrumq; nomen illis attribuunt ut habetur in Canone Certe, & in Can. Nolo 12. q. 1. & in Canone Observandum 15. q. 2. ubi prohibetur Clericos munera recipere. Et Gratianus declarat intelligi de Canonicis Reg. facit textus in cap. cum causam de elect. ubi simpliciter nominat Clericos, & tamen loquitur de viventibus sub Reg. S. Aug. & in cap. dilecto, de Iudic. ubi semel dicit: Prior & Clerici, & postea dicit: Prior & Canonici. Ad idem cap. quoniam de vit. & honestate Cleri iuncta Glossa in ver. Clericus. Et patet quia Regula ipsa Canoniorum Reg. inscribitur: de communi vita Clericorum, & quod illi antiqui Clerici vocarentur etiam Canonici est textus cum Glossa in Can. in omnibus de consec. dist. 5. cum simil.*

161. II. probatur identitas ex habitu ab ipso Deo instituto ut habetur Exodi cap. 28. & 39. & quod

quod Apostoli usi fuerint habitu lineo habetur in Historia S. Sylvestri de S. Euphrosyno, qui Romam venit indutus Colobio candido, quod fertur fuisse S. Iacobi Apostoli. Et in Apoc. legitur de sanctis qui ambulabant in albis lineis, & ibi notat Nicolaus de Lyra, & ita instituit Augustinus Clericos suos deferre debere, ut patet in sermone suo qui incipit: Charitati vestrae. Vbi dicit: Birrum & tunicam lineam nemo accipiat nisi in communi, prout etiam modo Clerici ac Presbyteri & Praelati utuntur vestibus lineis, & hic habitus proprius Canonorum Reg. ut in Glossa in Clementin. 1. in verbo habitus de electione. Nec obstat quod super habitu lineo deferant cappam, quia intenditur habitus interior, & non exterior ut per Glossam ibi, & per Imol. n. 29. & per Glossam in Clement. ne in agro §. statuimus.

162. III. Probaturs identitas etiam ex professione & 1. quia vivunt in communi, prout vivebant tempore Apostolorum & tempore ipsius Augustini ut habetur in Canone Nolo. Et in Can. non dicatis 12. q. 1. & tradit Urbanus Papa in Can. videntes eadem causa & questio & habetur in Can. praeter hoc 32. dist. Abb. in cap. Deus qui de vit. & honest. Cler. & in cap. Epis. de praeben. Praepos.

*Præpos. in Can. 1. 44. dist. Barbat. de præstantia
 Cardinalium quæst. 6. nec obstat textus in cap. Cer-
 te n. 1. ubi Augustinus videtur tolerare Clericos
 volentes tenere proprium quia verum est quod to-
 lerat Clericos viventes extra Collegium non autem
 in Societate sua ut dicit expresse in dicto Can. Na-
 lo, & clarius in Can. sequenti ubi dicit quod vi-
 ventes in sua Societate omnibus renuntiabant, &
 voluntatem abnegabant: ex qua abnegatione pro-
 batur etiam votum obedientiæ, quod nil aliud est
 quam negare propriam voluntatem & voluntati
 alterius parere, ut tradit Augustinus de Ancona in
 Tract. de potest. Eccles. q. 91. De voto etiam Ca-
 stitatis non est dubitandum ut per Aug. in serm. 2.
 de communi vita Clericorum; ubi inquit quod Cle-
 ricus professus est sanctitatem & Clericatum, per
 quod verbum Sanctitatem intelligitur de castitate
 ut per Augustinum de Ancona in dicta q. art. 3.
 & licet tempore Apostolorum non fieret forte pro-
 fessio formalis prout hodie fit; tamen satis est quod
 in substantia & quoad effectum idem faciebant ut
 dicit S. Thomas in 4. sent. dist. 98. art. 2. q. 3.
 ubi inquit quod antequam essent istæ Regule quæ
 modo sunt, erat similis modus vivendi qui hodie re-
 ductus est ad Regulam ut tradunt Ioannes de Tur-
 recremata*

recremata 17. q. 1. in summa & Præd. in Can. 43. dist.

163. *IV. Probatur ex nomine & qualitate Prælatorum dicti Ordinis, qui proprie sunt Presbyteri & Præpositi ut dicit Augustinus in speculo, & in dicto Can. non dicatis 12. q. 1. Nam licet hic Ordo Canonorum Reg. habeat aliquos Abbates, hoc fuit per accidens: nam regulariter non habent Abbates, sed Præpositos & Priores ut declarat Innocentius in cap. Cum titulorum per illum textum juncto cap. Monachi de sent. excomm.*

164. *Et licet multe fuerint factæ Reformationes istius Ordinis per diversa tempora, per hoc non tollitur substantia & identitas ipsius juxta l. opponebatur de Iudic. Conf. Rom. 198.*

165. *Nec obstat etiam quod in Bulla Eugenii dicitur de novella plantatione apud Frisionariam, quia intelligitur de ultima planta propter Reformationem ibidem factam dicti Ordinis ab iisdem. Non autem quod novus Ordo fuerit institutus in dicto loco quia apparet ex Bulla Alexandri IV. & Gregorii X. quod ante trecentos annos erat Ordo Canonorum Reg. in dicto loco de Frisionaria. Ex quibus & multis aliis conclusum fuit modernos Canonicos descendere ab illis, quos B. Aug. instituit.*

166. Secundò. Principaliter dubitatum fuit posito quod moderni Canonici censeantur esse de illis quos instituit B. Aug. an debeant precedere Monachos S. Benedicti; & conclusum fuit similiter pro parte affirmativa. I. propter antiquiorem institutionem ipsorum factam à D. Aug. qui fuit longe ante Benedictum, quæ institutio in materia precedentie attendi debet juxta Glossam in cap. quorundam in verbo Prædicatorum de elect. lib. 6. & clarius apparebit ex infra dicendis.

167. II. Facit approbatio dicti Ordinis Canonorum Reg. quæ deducitur tacite & expresse. Tacite quia omnes Regule ante Concilium Lateranense censebantur ipso jure approbate cap. fin. de Rel. Dom. & nota Glossam in verbo præcessit in cap. unico §. penult. eodem tit. l. 6. pro quo etiam est textus in Can. parsimoniam. Vbi notant omnes 41. dist. & in l. i. de collegiis illicitis, quæ licet sit lex Civilis, tamen debet observari in foro Canonico nisi contrarium reperiatur in jure Canonico decisum juxta tradita in cap. i. de novo opere. Item censetur approbata Regula ante Regulam S. Benedicti cum fuerit instituta ante illam per centum annos & ultra. Per quod tempus præsumitur titulus juxta l. hoc jure §. ductus aqua, de aqua quod, & est cap.

cap. super quibusdam §. præterea de verb. sign. Item quia Ordo huiusmodi fuit institutus per Episcopum, & sic per Ordinarium qui non reperiatur prohibitus ante dictum Concilium. d. cap. finali ergo &c.

168. Præterea dicitur Ordinem huiusmodi fuisse expresse approbatum ante Ordinem Benedicti per Gelasium in Can. sacrosancta 15. distinct. ubi approbantur in genere omnia opuscula Augustini, inter quæ est ipsa Regula Canoniorum: ergo censetur approbata ab ipso Gelasio, qui Gelasius fuit Filius Valerii Episcopi Hipponensis qui ordinavit D. Augustinum & successorem elegit. Vltius cum negari non possit Ordinem huiusmodi fuisse approbatum per Innocentium II. in Can. perniciofa 18. q. 2. huiusmodi actus qui à principio validus erat (ut supra probatum fuit) trahitur ad tempus ipsius institutionis ac si tunc confirmatus fuisset ut est doctrina Bald. in l. 1. C. de testamen. Latè Pari. Cons. 19. N. 37. lib. 1.

169. III. Principaliter deducitur dignitas & præcedentia Canoniorum ex Clericatu quem habet annexum originaliter Can. Nolo. Cap. non dicatis. Can. Certe cum similibus 12. q. 1. quia non potest esse Canonicus qui non sit Clericus. Not. Abbas in C. 2. de inst. & quod isti Canonici fiant Clerici ab

initio tradit Archidiaconus in Can. Mandamus 17.
 q. 2. B. Thomas 2. 2. q. 198. a. 8. Monachi ve-
 ro ex sua institutione erant Laici. C. de Episcop.
 & Clericis C. generaliter, Canonizato in Canone gene-
 raliter ib. q. 1. quinimo de jure non poterant Cle-
 ricari ut notat Prepositus in can. priscis 55. dist.
 & in Can. requisitus 1. q. 7. nisi ex causa necessita-
 tis ut in d. Can. priscis, & in Can. moderamine &
 in Can. ex Auct. ib. q. 1. quia alia causa est Mo-
 nachi, alia Clerici. Monachi enim officium plangen-
 tis, Clerici vero docentis Can. hinc est, & Can.
 Monachus. Can. alia causa 16, q. 1. & inde dicitur
 quod vix optimus Monachus facit Clericum bonum.
 Can. legitur eadem causa 16. q. 1. & ideo scribit
 Hieronimus ad Rusticum: sic vive in Monasterio ut
 Clericus esse merearis. Can. sic vive 16. q. 1. &
 quod Monachi essent Laici & non Clerici patet quia
 solvebant decimas prout ceteri Laici: Glossa in cap.
 ex parte in verbo laborum de decimis. Et licet ho-
 die Monachi fiant Clerici, Clericatus hujusmodi com-
 petit illis per accidens, & non originaliter ex insti-
 tutione prout competit Canonicis ut dicunt D. Tho-
 mas & Abb. in locis præallegatis. Ex quo sequitur
 quod causa naturalis attendi debet & prævalet cau-
 sa accidentali ut notat Barth. in l. 3. ff. de fut.
 & in

Et in l. fin. de officio proconsulis &c. Et ista anti-
 quior ordinatio circa præcedentiam attendi debet ut
 not. Abb. in term. in cap. statuimus Col. versu
 Nota ex prædictis de major. Et obedient. Vbi dici-
 tur quod tanta debetur reverentia Ordini quod olim
 quando Monachi non erant Clerici simplex Clericus
 præferebatur Abbati juxta Canonem à Subdiacono
 93. dist. Et propterea non obstat quod hodie Mona-
 chi sint arctioris vite, Et ideo fiat transitus ex Ca-
 nonicis ad Monachos: quia circa præcedentiam non
 attenditur comparatio meritorum ut notat. Gemin.
 in cap. quamvis §. quamquam n. 3. de præbend. in
 6. Decanus in cap. 2. Col. 3. de re juc. felin. in
 cap. postulasti Ccl. 2. de rescript. prout patet in men-
 dicantibus, qui licet sint Clerici Et arctioris vite,
 tamen postponuntur aliis. Et quia privilegium Cleri-
 catus concessum Monachis ex post facto, debet intel-
 ligi sine præjudicio alterius vulg. l. 2. §. merito ne-
 quid in foro publico cap. quamvis de rescrip. in 6.
 Nec obstat huic fundamento Clericatus quod dicitur
 ab aliquibus Canonicos Reg. non debere gaudere pri-
 vilegio Clericorum quia non sunt simplices Clerici,
 quia privilegium Clericorum videtur remansisse pe-
 nes Clericos seculares, qui ipsos Regulares, præce-
 dunt: Nam ut dicit Aug. l. 9. conf. Et in sermone

qui incipit, Charitati vestrae. Clerici omnes originaliter vivebant secundum vitam regularem; cum inciperent vitam huiusmodi relaxare instituti sunt Canonici Reg. per Aug. juxta priorem vitam; ad retinendum illius symbolum: Clerici vero qui non servabant Regulam, vocati sunt seculares quasi participantes de Regulari quoad Ordinem, & de seculari quoad vitam ut dicit Glossa in cap. licet de corrigendis in versu Seculares de off. Ord. & ibi declarat Abb. Col. fin. n. 5. praepositus in Can. 1. col. 34. vers. 3. tempus dist. 44. post ostien. in summa de vita & honest. Clericorum §. à quibus in principio. Et ideo Augustinus vocat Clericos seculares claudos tamquam claudicantes & vitam rectam Clericalem non tenentes. In can. Certe 12. q. 1. ex quo infertur quod Canonici Reg. qui servant antiquam Regulam Clericorum vere illis succedunt, & digni sunt majori laude cum perseverantes in bono dicantur esse melioris conditionis quam ab eo deviantes. Can. si ex bono de penit. dist. 4. cap. dum qui de prae. in 6. & licet Clerici seculares hodie eos praecedant, hoc procedit quia sunt sub Episcopo & sic ratione capitis. Arg. cap. quamvis de praebendis in 6. nam membra sequuntur caput. Cap. non liceat. In principio de prescrip. & ideo si Ecclesia esset

esset Regularis prout multæ sunt, Canonici Reg. illius Ecclesiæ præcederent quoscumq; Clericos ratione capitis, prout servatur in practica.

170. IV. Principaliter deducitur præcedentia Canonorum ex dignitate instituentis, id est Augustini, qui fuit non solum magnus Episcopus ut dicit textus in cap. 1. de obli. ad ratio. Sed etiam solemnis Ecclesiæ Doctor, & secundus post Apostolos ut habetur in cap. unico §. sic alma Mater. de Reliquiis & venerat. sanct. l. 6. & non est dubium quod ordinatus à majore præfertur etiam si sit postea ordinatus cap. per tuas. Vbi Abbas & alii notati de majoritate & obedi. Ideo dicunt quod ordinatus à Papa licet posterius, præfertur ordinato ab Episcopo, facit cap. quia sæpe §. 2. de præbend. in 6. Benedictus vero fuit simplex Abbas, quod est nomen sollicitudinis & non dignitatis ut est Glossa in cap. tuam, in verbo non ascendant. De etate & qualitate. Et in can. accedens, in verbo Abbatem 50. dist. & competit etiam cuilibet Præposito Collegiorum & artium viliū ut tradit Alciatus in l. Collegiorum de verbo. significat. & ideo in Ecclesia postponitur Ostiario & aliis in minoribus constitutis can. à Subdiacono 93. dist.

171. Nam dignitas & privilegium Abbatum nostri

Nota.

nostri temporis eis competit ex speciali privilegio Se-
 dis Apostolicæ. De privileg. in 6. potest concedi hu-
 jusmodi privilegium & sæpissime concessum fuit &
 conceditur etiam Prioribus non habentibus Superiorem
 ut notat Glossa in cap. Abbatem eodẽ tit. & li-
 bro. Quia istæ prælaturæ, quando sunt in capite æ-
 quiparantur c. 2. & cap. cum illorum de sententia
 excomm. cum Glossa in verbo Abbatem. Ut notant
 omnes, & propterea non obstat quod dicitur Mona-
 chos videri digniores, quia habent Abbatem natu-
 raliter, Canonici vero per accidens ut videtur di-
 cere Innoc. in d. cap. Cum illorum in verbo Abba-
 tem, quia Abbatia per se nihil est, sed dignitas ve-
 nit ex post facto, eo tempore quo etiam Canonici
 habuerunt, prout habent multos Abbates & majores
 Prælatos, licet habeant etiam Archipresbyteros, Pri-
 ores, & prout etiam novissime multi Priores erant
 apud ipsos Monachos, ut in cap. in singulis & cap.
 ea quæ de statu Monach. cap. fin. de capellis Mo-
 nach. & quod Canonici habent multos Abbates ha-
 betur in dicto cap. Monachi & cap. cum illorum
 & in cap. intelleximus de etate & qualitate & cap.
 cum I. & A. de re jud. cap. significasti 2. de ho-
 micidio cum infinitis similibus. Vnde cum superve-
 nerit dignitas à Sede Apostolica, Abbatibus omnibus
 æqualiter

equaliter censetur concessa. Quia una determinatio respiciens plura determinabilia ea pariter determinat. Vulg. l. jam hoc de jure. Vulg. & Pupill. Ideo cum ad hoc sint pares in dignitate videretur servanda antiquitas in promotione prout fit in Episcopis. arg. l. C. de consult. l. 12. dd. in l. 2. prius de vulg. Boëri. Ord. grad. n. 5. vel ratione Ordinis Canonici essent præferendi.

172. V. Principaliter pro Canonicis facit consuetudo urbis in qua Canonici præcedunt quæ consuetudo urbis potissimum debet attendi in istis præcedentiis ut dicit Baldus in cap. cum olim in principio de consuetudine. Præpositus in Can. Episcopus 17. dist. Decanus in cap. Clericis de judiciis & in cap. avaritia de præbendis ubi arguit per hoc quod Monachi debent præferri Canonicis quia in urbe præcedunt, quod est falsum: & ideo facit in contrarium. Vnde non videtur attendenda communis opinio Doctorum esse in favorem Monachorum, cum non sit fulcita juribus & rationibus ut dicit Augustinus in can. ego solus 9. dist. & doct. in cap. 1. de constit. cum similibus.

173. Postremo fuit dubitatum, cum in Concilio Tridentino reperiantur Abbates Congregationis Lateran. Canonorum Reg. & Congregationis S. Benedicti;

nedicti; qui debeant precedere, & videbatur quod Lateranenses precedere deberent; nam stante conclusione superius firmata in favorem Canoniorum Reg. cum Abbates ipsi admittantur in Concilio tamquam representantes suam Congregationem, & non ex propria persona, quod ex eo patet quia tres ipsorum tantum, non autem omnes admittuntur quia sunt Abbates temporales; & quia tres simul constituunt unum votum tantum. Videbatur inquam ex hoc inferri, quod deberet attendi dignitas ipsius representati sicut videmus in legatis Principum, in quibus non attenditur dignitas Legatorum, sed ipsorum Principum uti per Mar. Laur. in tract. de Legatis principum q. 27. cum similibus. Ex adverso tamen consideratum fuit quod isti Abbates non admittuntur in Concilio simpliciter tamquam legati; quia si non essent Abbates, non admitterentur. Ideo cum in eis consideretur propria qualitas Abbatialis resolutum fuit quod circa precedentiam habeat in eis servari Ordo qui servatur in Abbatibus perpetuis & in Episcopis; ut scilicet attendatur antiquior promotio ad Abbatiam juxta tradita in Can. Episcopus ib. dist. in can. fin. 75. dist. cum similibus, prout alias, licet per modum provisionis, per Sanctitatem vestram proinde scriptum fuit.

CAPVT IX.

Relatio Illustrissimorum ac Reuerendissimorum S. R. E. Cardinalium Io. Michaëlis Sarraceni tit S. Anastasia ac Bernardi Scotti tit. S. Matthæi.

Sanctissime Pater pedum post oscula Beatorum.

174. **C**ausa precedentie inter Canonicos Reg. Lateran. Ordinis S. Aug. & Monachos Congregationis Cassinen. Ordinis S. Bened. jam inde à tempore Innocentii VIII. Anno 1489. controversa ac ventilata fuit, multaq; hinc inde emanant Concilia & responsa celeberrimorum Doctorum, & Collegiorum Italie, ex quibus difficilis & ardua facta est huiusmodi questio: utra scilicet ex dictis Congregationibus alteram præcedere debeat. Cumq; eadem causa jam pridem à Sanctitate vestra nobis delegata fuerit primo audienda. 2. vero referenda. Nos ut par est Sanctitati vestræ obtemperantes, Relationem in his scriptis, prout optenus eadem Sanctitas vestra injunxit, facimus.

175. *Auditis siquidem multoties partibus, & his quæ hinc inde allegata sunt, diligenter examinatis: primo dubitatum inter nos fuit, an ex deductis constaret Canonicos Reg. qui sunt in causa, descendere à Clericis sive à Canonicis Reg. quos instituit B. Aug. vel de illis esse censeri. In quo articulo conclusum per nos fuit pro parte affirmativa.*

176. *Rationes ita decidendi præter alias fuerunt 1. tex. in Can. Nolo, & Can. non dicatis, & in Can. Certe 13. q. 1. in quibus juribus B. Aug. præcepit Clericis qui cum eo vivere velint, ne quid proprium habeant sed omnia in communi cum ipsa. Ordinis susceptione, non solum facultatibus, sed voluntatibus se subdiderint: quæ qualitates omnes maxime conveniunt his Canonicis Reg. qui & ipsi sunt Clerici & Ordinis S. Aug. ac in communi omnia possident, obedientiam quoq; sub Regula B. Aug. profitentur. Merito igitur de illis sunt censendi, talia enim subjecta qualia prædicata demonstrant. 1. fundum instructum, ff. de fundo instructo: & ad probationem identitatis sufficit concursus duarum qualitarum l. forma, ff. de censi. per Bar. in 1. demonstratio, col. penult. de cond. & demonstr. 2. Hanc conclusionem nostram confirmat Bulla quædam Eugenii IV. in actis producta, pro parte Canonico-*

rum Reg. qua dirigitur Canonicis ipsis Reg. qui tunc temporis erant in Monasterio S. Maria de Frisonaria, illosq; Eugenius appellat sub his verbis: divinam in terris familiam Clericorum, qua vitam Religiosam ducerent, & ad exemplum nascentis Ecclesie Sanctam servarent institutionem Clericorum, quos Canonicos appellamus. Et paulo post: hujus profecto sacri Ordinis & sancti propositi, post Sanctos Apostolos primus in Alexandrina Ecclesia Marcus Petri Discipulus fuit institutor & conditor, & gloriosus Doctor Augustinus eos divinis Regulis decoravit. Ex quibus verbis Eugenii arguitur manifeste istius Ordinis antiquitas, & institutio. Et licet ea verba prolata sint à Papa exnuntiative, & quae concernant factum alienum, tamen negari non potest quin presumptionem in antiquis inducant, quae saltem transferat onus probandi contrarium in Adversarium juxta not. per Glos. Pen. in cap. nonnulli §. fin. de rescrip. ubi Abbas dicit illud esse quasi commune dictum, & in practica solere servari, & est Glos. in Clement. litteris in verbo fecisse narramus. Vbi Paulus de Leaz. & Io. Imol. & traditur per Frederic. de Sedis. Consil. 27. 3. non parvi momenti sunt Auctoritates Historicorum quibus in parte cum de antiquis factis dubitatur credendum, l. septimo

menſe ff. de ſtat. hom. qui teſtantur iſtos Canonicos Reg. à B. Aug. inſtitutos fuiſſe, cum in Eccleſia Hipponenſi eſſet Epiſcopus. Ex his itaq; juribus ac rationibus firmata fuit inter nos concluſio, quod Canonici Reg. prædicti cenſeantur eſſe de illis quos B. Aug. inſtituit.

177. Secundo loco dubitatum eſt: præſuppoſito quod Canonici Reg. qui ſunt in cauſa cenſeantur eſſe de illis quos B. Aug. inſtituit, an ex hoc inducatur quod debeant præcedere Monachos S. Benedicti, qui ſimiliter ſunt in cauſa, & in hoc quidem dubio, in quo clavis totius cauſæ vertitur, poſt multa facta fuit per nos reſolutio, quod in proceſſionibus cæteriſq; actibus publicis Canonici Reg. ac eorum Abbates & Prælati demiffa ſuperiori veſte ceu Cappa, retenta linea, & in Clericali habitu incedentes more Clericorum ſecularium præcedere præferriq; debeant Caſſinen. Monachis. Rationes ex multis potiſſime hæ fuerunt, quæ nos, ut ita atteſtaremur, induxerunt. I. ratio fuit, quia Canonicis Reg. competit eſſentialiter Ordo Clericatus, & per ſe ſunt Clerici ut probatur in præallegat. Can. Nolo. Can. non dicatis & Can. Certe 13. q. 1. in quibus juribus hoc eſt expreſſum. Non idem autem eſt in Monachis qui non eſſentialiter nec per ſe, ſed per accidens ſunt Clerici.

Probatur

Probatur in Can. à Subdiacono 93. dist. ubi Monachis, quinimo & Abbas postponitur quibuscumq; Clericis etiam Ostiariis. Et Hieronimus, ad Rusticum Monachum scribens in can. sic vive 15. q. 1. inquit: sic vive in Monasterio, ut Clericus esse merearis: & disce longo tempore quæ postmodum alios doceas. Et per hanc rationem in casu nostro B. Thomas 22. q. 189. art. 8. in resp. ad 2. arg. expresse tenuit Canonicos Reg. ut digniores propter Ordinis Clericatus annexum præferendos Monachis S. Benedicti. Quod etiam comprobatur quia contemplativa simul & activa vita Clericorum in administratione Sacramentorum aliorumq; spiritualium dignior ac nobilior est scilicet contemplativa Monachorum. Cap. nisi cum pridem ubi Ioan. Andræ. de renuntiat. Nam B. Aug. præcessit Benedictum Auctorem Congregationis Cassinen. per annos centum & plus, quæ antiquior institutio in prælationibus præcipue attenditur ut not. in l. Cum quid, si cert. pet. & in cap. qui Prior de Reg. jur. in 6. & hanc rationem antiquioris institutionis maxime adjuvat major dignitas in ipso institutore: cum B. Aug. tempore hujus Institutionis esset Episcopus Hipponensis, & sic dignior S. Benedicto qui erat simplex Monachus.

178. Supradictis tamen atq; aliis juribus & rationibus

rationibus quæ brevitatis causa consultò ommittuntur adversabantur Auctoritates Doctorum in hoc articulo scribentium, qui & numero & gravitate communem constituunt opinionem, inter quos etiam consulta extant Collegiorum Patavini, Ferrariensis, & Bononiensis, quorum scribentium ea est sententia ut Monachi Ordinis S. Benedicti Congregationis Cassinensis præcedere debeant Canonicos Reg. Lateran. Ratio eorum potissima videbatur esse quod in institutionibus Regularium non tam ipsa institutio ejusque prioritas in tempore, quam approbatio Sedis Apostolicæ sit attendenda sine qua nulla nova Regula, nulla nova Religionis erectio fieri debet: stante in id expressa prohibitionè Concilii Generalis de qua in cap. fin. de Relig. domib. approbatio etiam Regule D. Aug. ac institutionis Canonorum Reg. nullibi apparere videbatur facta à Sede Apostolica. Contra vero Regula S. Benedicti specialiter & expresse videbatur approbata per B. Gregorium Papam, qui in l. 2. dialog. de Regula S. Benedicti specialem mentionem facit.

Nota.

179. Hoc tamen fundamentum Cassinens. eliditur videbatur propter longævam tolerantiam totius Ecclesiæ ac Sedis Apostolicæ, quæ non tam diu tolerasset hanc B. Aug. Regulam ac institutionem
nisi

nisi vel expresse approbando, vel illam saltem tacite confirmando. Ad not. per doct. in cap. cum Ecclesia Sutrina, de causa possessionibus & propriet. præterea colligebatur etiam approbatio Regulæ S. Aug. ex tex. in Can. S. Romana 15. dist. ubi Gelasius Papa inter ea quæ narrat recepta fuisse à Rom. Ecclesia enumerat Opuscula B. Aug. inter quæ præcipuum locum videtur tenere sermo de communi vita Clericorum, quæ est Regulæ ipsius Aug. ex quo videtur saltem generaliter facta à Gelasio illius Regulæ approbatio, atq; is Gelasius præcessit per centum annos B. Gregorium, qui dicitur approbator Regulæ Benedicti. Quin etiam in primitiva Ecclesia licitum erat passim cætus & Congregationes instituere ad honorem Dei & fidei exaltationem. Nec verisimile est B. Augustinum novam illam institutionem fecisse sine interventu eorum quæ ad illius robur & firmitatem necessaria essent. Verum-tamen in hoc iurium & rationum conflictu tutior via visa est, quam Romana Ecclesia, uti Magistra & Mater omnium, nos docuit: quippe ex longissima consuetudine in conspectu tot Rom. Pontificum in Vrbe observata, utraq; etiam parte acquiescente, inductum est ut in processionibus alijsq; actibus publicis Canonici Reg. dimissa supericri veste lanea ac retenta linea, Cleri-

Nota

cos se esse significantes, præcedant Monachos S. Benedicti Congregationis Cassinensis. Hujus itaq; consuetudinis normam ab Ecclesia Romana observatam nobis amplectendam duximus, quæ in processionibus & similibus actibus attendi debet quoad istos Religiosos, ut tradit expresse Bald. in l. observare §. antequam de off. Proconsul. & legat. quæ consuetudo maxime opportuna visa est, ut huic liti finem imponere, omnesq; eorum Religiosorum contentiones sepius atq; extinguere possit.

180. Ultima vero loco propositum fuit per nos dubium an in Concilio generali Abbates Canonico-
rum Reg. præcedere debeant Abbates Ordinis S. Benedicti atq; in hoc articulo verissima ac juridica visa est resolutio olim facta coram Sanctitate vestra, quod nulla habita ratione Ordinum & Congregationum illi Abbates præferri debeant, qui primo fuerint ad Abbatialem dignitatem promoti: sic enim in Episcopis alijsq; similibus dignitatibus videmus statutum fuisse à jure can. placuit 18. dist. Glos. & Doctores in can. fin. 75. dist. & in cap. Episcopus 17. dist.

181. Hæc igitur sunt B. me Pater quæ præcipua ex multis colligenda ac Sanctitati vestræ referenda duximus in præsentī causa præcedentia, in qua
etiam

etiam sententiam ex mandato vestro subscripsimus conformem resolutionibus per nos factis, arbitantes ita & sanctitatem vestram ex jure & equo definire posse, salvo semper sapientissimo ac prudentissimo illius iudicio cui nos in omnibus subijcimus, finemq; dicendi facientes sanctitatis vestre pedes humiliter atq; devote deosculamur. &c. Hactenus Relationes Cardinalium quibus subnectitur sententia lata à S. mo D. N. Pio IV. in favorem Canonorum Reg. S. Aug. cum brevi executorio ejusdem quæ ad longum extant apud Adversarium 3. parte Ethesi 6. & apud Navarrum tom. 1. comment. 4. de Regularibus de stabilitate & transitu eorum in cap. statuimus 19. q. 3. & apud Ascanium Tumburinum sup. Itemq; apud Pennot. l. 2. cap. 71. referuntur deniq; in Bullario inter Constitutiones Pii IV. num. 95. Unde non est quod Adversarius de iis amplius dubitet, quare & ego decrevi eadem recitare, cum cæteris Diplommatibus huc spectantibus de verbo ad verbum, opportuniori loco hujus Tractatus parte ultimâ, quia hic quædam circa Relationes Cardinalitias operosius sunt ponderanda.

CAPVT X.

182. **I**Taque relationes hæ hæctenus fideliter, & verbotenus recitatae docent manifestè, duo in disceptationem venisse: unum an Canonici Reg. Ordinis S. Aug. Congregationis Lateran. præferendi essent, Monachis Ordinis S. Benedicti Congregationis Cassinensis: Alterum an Abbates Lateranenses, Cassinensibus Abbatibus, essent præponendi. Et quantum ad primum resolutum fuisse Lateranenses Cassinensibus omnino esse præponendos, atque ita illos, de his totaliter triumphasse, & non partialiter tantum, ut sibi persuadet, & aliis persuadere conatur Adversarius, loco jam citato. Denique in hac triumphi causa, non fuisse ponderatum quod victores, essent Lateranenses vel Cathedrales quondam; hæ siquidem duæ qualitates, quasi ad rem non pertinentes, præteritæ sunt, & neglectæ ab Eminentissimis Cardinalibus Relatoribus, quæ tamen maxime ponderantur ab Adversario; quasi utraq; qualitas causa fuerit victoriæ, cujus tamen nulla harum, nequidem minima pars fuit. Nam earum

rum nulla mentio fit, in motivo juris, in his Relationibus expresse, quarum tamen maxima haberi debuisset; si ut putat Adversarius, Lateranenses ideo prælati sunt Cassinensibus, quia illi Ecclesiæ Lateran. quondam Cathedrales Canonici fuerunt: nam in eo ferè, ubiq; videtur ponere, omnem eorum præminentiam. Verum apage tale commentum.

183. Equidem in Lateranensibus, ante omnia consideratum fuit, si dictas Relationes recolamus, quod essent Canonici Reg. Ordinis S. Aug. de quibus probatum fuit juridicè, præmisso multorum annorum & laborum exacto scrutinio, quod & *Ordinis sui Canonico-Augustini institutione & approbatione priores & antiquiores essent, Monachis Benedictino-Cassinensibus*, qui etiam ex & pro parte suâ omnia jura, auctoritates, & rationes quas sibi favere putabant, per duos suos Advocatos, supra nominatos, viros doctissimos, fortissimè opposuerant, adhibitis etiam solutionibus, quas sufficere putabant, ad argumenta Lateranensium diluenda, iis ferè similibus quas adhibet Adversarius, argumentis doctissimi viri Andreæ Catulle parte 4. sed frustra.

184. Consideratum deinde fuit quod *Monachi Benedictino-Cassinenses tantum essent Clerici per accidens: Lateranenses vero eo quod essent Canonici Regul. S. Aug. consequenter essent Clerici per se.* Quas duas rationes etiam Pius IV. in brevi executorio, tamquam præcipuas maximè & expresse urget, & ponderat.

185. Ad quas respiciens Reverendissimus & Eruditissimus Dominus Gabriël Pennottus, Congregationis Lateranensis Rector Generalis, & Scriptor l. 2. c. 71. n. 3. sic commentatur: *ut ex Relationibus dictorum Cardinalium colligitur totum pondus causæ ad tria dubia redactum est, videlicet: an nostri Lateranenses essent vere de illis Canonice à D. Aug. sive à SS. Apostolis institutis; & circa hoc dubium conclusum fuit affirmative 2. an supposito quod Lateranenses essent vere de illis Clericis à S. Aug. & SS. Apostolis institutis deberent precedere Monachos D. Benedicti, & conclusum fuit affirmative, per jura in ejisdem Relationibus allegata. Et hæc fuerunt duo præcipua fundamenta quibus nixus est Pius IV. in ea sententia pro Canonice Lateranensibus contra Monachos ferenda, videlicet prioritas institutionis & dignitas Clericalis, quia ipsi Canonici Lateran. sunt Clerici essentialiter,*

aliter, & non ex dispensatione vel privilegio sicut Nota.
 Monachi, & quod est tale per essentiam debet præ-
 cedere illud quod est tale per accidens & ex disper-
 satione. Et hinc deducitur omnes Canonicos Reg.
 qui sunt vere de illis à D. Aug. & SS. Apostolis
 institutis ratione prioris illius institutionis, & etiam
 ratione Clericalis dignitatis quæ in illis per essenti-
 am & non ex accidenti inest, omnes Monachos præ-
 cedere debere: licet in dicta sententia de solis Late-
 ranensibus mentio habeatur quia à paritate & iden-
 titate rationis optime inferitur ad paritatem & i-
 dentitatem juris. Ita ille. qui eodem lib. cap. 53.
 n. 10. distinguens inter Canonicos Reg. S. Sal-
 vatoris seu Scopetinos (quorum originem, in-
 stitutum, professionem, & habitum, ex veteri-
 bus monumentis accuratè inspectis, graphicè
 describit: juxta quæ intelligendus Rodericus,
 allegatus ab Adversario part. 3. conclus. 11.)
 & Canonicos Reg. S. Aug. in Galliis & alibi
 sic dilucidè pronuntiat; Nam etsi, inquit, hæc
 omnia illos (nempe Salvatorienſes quod essent
 ejusdem Ordinis cum Lateranensibus) posse ve-
 rificare quam maxime optaremus, quæ nil nobis obest
 sent, sicut nil obest quod sint in Galliis, Hispaniis,
 Belgio & Alemania complura Collegia Canoniorum Nota.
 Reg.

Reg. quos censemus, & pro comperto habemus esse de antiquis Canonicis à D. Aug. vel etiam Sanctis Apostolis institutis. &c. Ecce Lateranenses pro comperto habent Canonicos Reg. in Belgio residentes haudubiè Aroasienses, Windefemienses, & similes Ordinis S. Aug. esse ejusdem secum Ordinis, quia sciunt eos esse Ordinis Canonico-Augustiniani, cujus sectatores repositi sunt in Ecclesiâ Lateranensi, ab Eugenio IV. eo solo nomine quod Ordinis ejusdem essent cum illis, qui à centum & amplius annis ex eadem Ecclesiâ exacti fuerant à Bonifacio VIII. pro quâ tunc, sæculari, ad Regularem denuo reducendâ prædictus Eugenius IV. accersivit Canonicos Reg. Ordinis S. Aug. qui tunc passim per Italiam in Monasteriis degebant (sicut modo Aroasienses, Windefemienses & alii per Belgium) ut in Cœnôbio Lvtensi S. Frigidiani, Papiensi de cælo aureo &c. quos dixit institutos fuisse ab Apostolis, à S. Aug. reformatos, à S. Gregorio poni jussos in Ecclesiis Anglicanis, unde prodierunt Cono & Hildemar, qui primæ Canonice Religionis fundamenta in Aroasiâ jecerunt, ut ex Bullis Pontificiis & historiis liquet.

186. Hæc inquam universa Lateranenses
pro

pro comperto se habere scribunt, & interea Cistercienses nullum non movent lapidem, ut hæc omnia non modo in dubium trahant, sed & hujus materiæ imperitis contrarium persuadeant, dicentes: tantum abesse ut Canonici Reg. Belgæ, cum Lateranensibus Ordine conveniant, ut contra potius tantum ab eis distent, *quantum Franciscani à Benedictinis*, imo propius accedant ad Cistercienses, adeo ut potius dici possint (audi prophanam vocum novitatem) *Canonico-Cistercienses, vel Cistercio-Canonici.*

Caram. p.
3. libræ n.
193.

C A P V T X I.

187. **Q**Uæ cum ita sint (ut jam recitatæ Relationes manifestant) stare non potest cum his *Ecthesis* 6. quam 3. part. num. 161. proposuit Adversarius his verbis: *Si Lateranenses se Cassinensibus seniores adequatè probassent, debuissent illis tam collegialiter quam personaliter præferri. Si suam antiquitatem Cassinenses adequatè probassent, præponi omnino debuissent Lateranensibus tam collegialiter quam personaliter. At quia lis centum aut plurium annorum moras traxit, & neutra pars intentum convicit,*

N n præce-

precedentia Apostolica auctoritate divisa partim Cassinensibus partim Lateranensibus adjudicatur &c. Ita ibi. Sanè Lateranenses hoc adæquatè probasse, liquet ex ipsis adductis Relationibus; liquet etiam tum ex sententiâ definitivâ, in quâ hæc verba leguntur: Causa hujusmodi coram dictis Cardinalibus ad plenum ventilata ac sæpius & sæpius auditis partibus, & dubiis in eis plene discussis & resolutis, ac visis de jure videndis, & demum per dictos Cardinales nobis matura desuper facta relatione &c. tum demum ex Diplomate Apostolico executorio, ubi hæc: Qui quidem Cardinales dictis partibus, earumquè Procuratoribus & Advocatis pluries auditis, dubiisque emergentibus ad plenum discussis & resolutis, comperto satis per eos ex compluribus litteris Apostolicis, diversisque aliis documentis, rationibus & probationibus, quod ipsi Canonici fuerunt & sunt de illis Clericis à S. Aug. quinimo à Sanctis Apostolis institutis, eosdem Canonicos tam sue antiquæ institutionis hujusmodi-----ratione, dictamque illorum Congregationem Lateranensem præfatos Monachos, & eorum Congregationem Cassinensem precedere debere censuerunt & concluderunt, suamque conclusionem hujusmodi ad audientiam nostram juxta ultimi nostri rescripti præfati tenorem

morem retulerunt. Vnde nos illorum relatione intellectâ, eaq³ per nos diligenter examinata, quoniam eam in omnibus suis partibus veritati & juri consonam reperimus, per nostram definitivam sententiam pronuntiavimus, decrevimus & declaravimus Abbates, Prælatos & Canonicos Reg. Congregationis Lateran. Vti Clericos demissa superiore veste, Clericali³ habitu incedentes (quod etiam in alma Vrbe consuetum fuerat & tunc observabatur) in processionibus, & omnibus aliis actibus publicis & privatis tam in prædicta Vrbe, nostro & aliorum Pontificum conspectu, quam universis & quibuscumq³ locis aliis, Civitatibus, terris, Oppidis, & locis Abbates, Prælatos, & Monachos S. Benedicti Congreg. Cassinens. prædictos præcedere debuisse & debere, ac eosdem Abbates, Prælatos, ac Canonicos Reg. dictamq³ eorum Congregationem ut præfertur incedentes, dictis Abbatibus, Prælatibus, & Monachis S. Benedicti & eorum Congregationi in omnibus & singulis præmissis præferendos anteponendos, & in digniore loco collocandos fore & esse. &c. Ecce plenam & adæquatam probationem, ecce deniq³ plenam & adæquatam prælationem factâ comparatione Ordinis cum Ordine, Congregationis cum Congregat. Corporis cum Corpore.

188. Nam quantum ad alterum, quod in disceptationem venisse supra diximus, estq; tertium, supra à Pennotto notatum, sed non explicatum, quia is de duobus prioribus ibi tantum satagebat, nimirum an Abbates Lateranenses essent præferendi Cassinensibus, prout videbatur; attento Ordine Canonico antiquiore, conclusum fuit, juxta præmissas Relationes, in hoc puncto non habendam fuisse, rationem Ordinis Religiosi, sed Abbatialis dignitatis, quæ in omnibus cujuscumq; sint Ordinis est æqualis, ac in eo standum esse Pontificiæ decisioni alias factæ, ut scilicet in hujusmodi præcedentiâ attenderetur prior promotio ad eandem Abbatialem dignitatem, si quando contingeret Abbates Lateranenses & Cassinenses singulariter, id est sine corpore, sic vulgo loquimur, simul comparere, prout consuetudinis est, & jura disponunt circa præcedentiâ Episcoporum, quemadmodum in sententiâ definitiva, & brevi Apostolico Pii IV. determinatum reperitur his verbis: *Abbates vero dictarum Congregationum singulariter & de per se absq; eorum Conventibus in Conciliis generalibus, Provincialibus & Synodalibus ac aliis actis publicis & privatis, in quibus Abbates*

Abbates de jure vel consuetudine locum & votum habent; vel pro tempore quomodolibet habebunt inter se juxta singulorum ipsorum Abbatum ibidem intervenientium priorem & antiquiorem promotionem ad Abbatiam, ac eorum promotione dumtaxat, non autem Congregatione & Ordine cujus sint attentis, precedere & preferri, & in digniori loco collocari debuisse & debere, prout ex tunc prætulimus, anteposuimus & collocavimus, præferri, anteponi, & collocari madavimus. Hæc Pontifex, quantum ad Abbatum singulariter concurentium, præcedentiam.

189. Ubi clarè videmus, hanc determinationem, fuisse avocata à fundamentis, prioris decisionis, de præcedentiâ Capitis incedentis simul cum corpore, positus in antiquiore institutione, & Clericali dignitate per se Canonicis Reg. competente, ad considerationem Abbatialis dignitatis, quæ in omni Ordine æqualis supponitur, ac proinde majorem Ordinis antiquitatem, ad præcedentiam juxta decretum, ab eodem Pontifice prius latum, & jam renovatum nil conferre. Quare non bene Adversarius in suâ præfata conclusione 6. asserit *Præcedentiam Apostolica auctoritate divisam quasi ex æquo.* Nam

minimum quid solummodò datum fuit Cassinensibus, utputà præcedentià Capitis, in casu singularis concurrentiæ, positâ antiquiore promotione, idq; ob paritatem Abbatialis dignitatis explicatam, non verò ob antiquiorem Ordinis institutionem approbationemq; , in quâ adæquatè Canonici Reg. Monachos S. Benedicti vicerunt. Quibus ritè animadversis facili spongiâ, à quolibet prudente deleri poterunt, pleræq; notæ, quibus tam dictam Pontificiam sententiam, quam breve Apostolicum, Adversarius adpersit, ne dicam, maculavit.

190. Quamobrem nec Doctissimus Navarrus, dicendus est vel pessimus Dialecticus, vel de solis Lateranensibus egisse ut vult Adversarius n. 262. cum Navarrus ut in omni jure Canonico, tum maximè [in materia Regulari versatissimus Ordinis sui quem perfectè percallebat, Canonicos Reg. universos in Lateranensibus, de omnibus Monachis Benedictinis in Cassinensibus, triumphum egisse non dubitaret, ut quem totius Controversiæ processus & exitus non latuit. Nam ejus allegationes, typis excusas ipse citat *tom. 1. comment. 4. de Reg. de stabilitate & transitu eorum in cap. Statuimus, 19 q.*

3. quem contra Adversarius legisse non videtur, cui proinde saltem in hâc causâ, quod aliter sensit, quam se res habuit, condono. Neq; enim solus Navarrus, verum etiam Pennottus, qui & ipsemet Lateranensis, sententiam præcedentiæ & Diploma, non ad solos Lateranenses, sed & ad Reliquos Canonicos Reg. Ordinis S. Aug. extendenda probavit, & propugnavit, prout supra vidimus, eo quod causa victoriæ non fuerit in Lateranensibus qua talibus, sed qua Canonicis Reg. S. Aug. ut clarum est ex rationibus in Relationibus & Bullis allegatis, his omnibus communibus. An autem de hisce rationibus quarum quædam à Navarro, nonnullæ vero, ab Andreâ Catullæ repetitæ sunt, per suas responsiones ne dicam cavillationes plenum triumphum egerit Adversarius, & tantâ, quantâ jactat facilitate eas disflaverit, postmodum parumper examinabimus.

191. Nunc vero priusquam dictas Cardinalitas Relationes deseramus, quædam adhuc ex illis, nobis usurpanda sunt, ut fortius Adversario plures Auctores rejectis Navarro & Volterrano, in adjutorium advocanti, pro suis Cisterciensibus contra Canonicos Reg. S. Aug.
N.

N. 265. & sequentibus resistamus.

CAPVT XII.

EX Relatione itaq; Eminentissimi ac R. mi S. R. E. Cardinalis Joannis Bapt. Cicadæ noto ea ejus verba, quæ habet circa finem. *Vnde inquit, non videtur attendenda communis opinio Doctorum esse in contrarium cum non sit fulcita juribus & rationibus ut dicit Aug. in Canone ego solus 9. dist. in cap. 1. de Constit. cum similibus. Ita ibi. Quæ uberius tractantur in alterâ reliquorum duorum Cardinalium Relatione, in qua sic legitur: supradictis tamen atq; aliis juribus ac rationibus, quæ brevitatis causa omittuntur adversabantur auctoritates DD. in hoc Articulo scribentium, qui & numero & gravitate communem constituunt opinionem, inter quos etiam consulta extant Collegiorum Patavini, Ferrariensis & Bononiensis, quorum scribentium ea est sententia ut Monachi S. Benedicti Congregationis Casinensis præcedere debeant Canonicos Lateranenses. Ratio eorum potissima videbatur esse quod in institutionibus Regularium non tam ipsa institutio ejusq; prioritas in tempore, quam Approbatio Sedis Apostolicæ*

Apostolica sit attendenda, sine qua nulla nova Regula nulla nova Religionis erectio fieri debet, stante in id expressa prohibitione Concilii generalis, de qua in cap. fin. de Relig. dom. Approbatio etiam Regule D. Aug. ac institutionis Canonorum Reg. nullibi apparere videbatur facta à Sede Apostolica. contra vero Regula S. Benedicti specialiter. & expresse videbatur approbata per B. Gregorium, qui l. 2. Dialog. de Regula S. Benedicti specialem mentionem facit. Hoc tamen fundamentum Cassinensium elidi videbatur propter longævam Tolerantiam totius Ecclesiæ ac Sedis Apostolicæ, quæ non tam diu tolerasset hanc B. Aug. Regulam ac institutionem nisi vel expresse approbando, vel illam saltem tacite confirmando. Ad not. per cap. cum Ecclesia Sutrina de causa possessionis & propriet. præterea colligebatur etiam approbatio Regule S. Aug. ex textu in Can. S. Romana 15. dist. ubi Gelasius Papa inter ea quæ narrat recepta fuisse à Romana Ecclesia, enumerat Opuscula B. Aug. inter quæ præcipuum locum videtur tenere Sermo de communi Vita Clericorum, quæ est Regula ipsius Augustini. Ex quo videtur saltem generaliter facta à Gelasio illius Regule approbatio. Atq; is Gelasius præcessit per centum Annos B. Gregorium qui dicitur Approbator.

O o

probator Regule Benedicti. Quin etiam in primitiva Ecclesia licitum erat passim cetus & Congregationes instituere in honorem Dei & fidei exaltationem. Nec verisimile est Beatum Aug. novam illam institutionem fecisse sine interventu eorum, quæ ad ejus robur ac firmitatem necessaria essent. Hactenus Cardinales.

192. Quare ex his respondemus: Auctores contra Canonicos Reg. S. Aug. militantes, ab Adversario in suæ causæ auxilium accitos, in fine partis 3. n. 262. & sequen. putasse eos institutione & approbatione Cisterciensibus fuisse posteriores, quâ in re multi multum hallucinati sunt, licet alias non ineruditi. Non enim omnes qui docti, in omnibus materiis æquè docti. Quibus judicio Cardinalium Arbitrorum prævaluit sententia eorum Auctorum, qui contrarium de prioræ approbatione pro. Canonicis Reg. S. Aug. & probabant & tenebant.

193. Similiter quæ adducuntur ab Adversario, de consuetudine favente suis Cisterciensibus N. 247. 3. partis, quæ tamen si alibi sit, universalis non est, eadem operâ ex jisdem Relationibus diluuntur. Siquidem Cassinenses, ut patet ex eorum allegationibus per Antonium
Massam

Massam Galleſium, & Marcum Antonium Burgeſium productis, typis excuſis, olim adferebant conſuetudinem variorum locorum in quibus Monachi S. Benedicti Canonicos Reg. præcedebant. Sed quid ad hæc Cardinales pro Canonicis? Cardinalis Cicada retulit, *in iſtis præcedentiis non eſſe attendendas conſuetudines particularium locorum, ſed conſuetudinem Urbis.* Verba ejus ſunt: *Quinto principaliter pro Canonicis facit conſuetudo Urbis, in qua Canonici præcedunt, & quæ conſuetudo potiffimum debet attendi in iſtis præcedentiis ut dicit Baldus in cap. cum olim in principio de conſuetudine. Præpoſitus in Can. Episcopuſ 17. diſt. Decan. in cap. Clericiſ de judiciis &c.* Hæc Cardinalis Cicada, quæ alii duo copioſius explicant hiſce verbis: *Veruntamen in hoc jurium & rationum conſlictu, tutior via viſa eſt, quam Romana Eccleſia, uti Magiſtra & Mater omnium nos docuit. Quippe ex longiſſima conſuetudine in conſpectu tot Romanorum Pontificum in Vrbe obſervata, utraq; etiam parte acquieſcente inductum eſt, ut in proceſſionibus aliisq; actibus publicis Canonici Reg. demiffa ſuperiore veſte lanea, ac retenta linea (Clericos ſe eſſe ſignificantes) præcedant Monachos S. Benedicti Congregationis Caſſinenſis.*

sinensis. Hujus itaq; consuetudinis normam ab Ecclesia Romana observatam, nobis amplectendam duximus, quæ in processionibus & similibus actibus attendi debet quoad istos Religiosos, ut tradit expresse Baldus in l. observare §. antequam de off. Procons. quæ consuetudo maxime opportuna visa est, ut huic liti finem imponere, omnesq; eorum Religiosorum contentiones sopire atq; extinguere possit. Haftenus Relationes Cardinalitiæ, quas fecurus Pontifex Pius IV. sententiam tulit, & brevi Apostolico explicavit, & executioni mandari curavit, quam Pius V. postmodum corroboravit, quorum Diplomatum tenorem ad longum circa calcem hujus nostri Tractatus Apologetici, favente numine sumus assignaturi.

194. In his itaq; controversiis, quid consuetudo particularium locorum valeat, in quâ tantopere confidit & possessionem suos habere credit Adversarius, ostendit consuetudo Urbis id est S. Rom. Ecclesiæ, cui par est ut reliquæ omnes conformentur, ut Filia & Discipula Matri & Magistræ. Subscribente etiam Adversario apud quem 1. parte libræ protheoremate II. n. 114. Sic lego: Si objicias multa in Pontificio sacello observari, quæ in aliis locis non obtinent ---- Respon-

deo

deo. 2. Congregationem Eminentissimorum Cardina-
lium Negotiis Episcoporum & Regularium præse-
ctam ad tollendas omnes lites Anno 1593. appro-
bante Pontifice Summo statuisse, ut in posterum in
processionibus ceterisq; actibus illud servetur inter
Regulares, quod in Vrbe Rom. observatur, non ob-
stante Bulla Gregorii XIII. constat ex declaratio-
ne quam refert Stephanus Quaranta in Summa Bul-
larum. V. precedentia. Quæ est etiam impressa in
privilegiis Ordinum Camaldulensium f. 218. & in
collectione privilegiorum facta per Ioannem Bap-
tistam Confertium fol. 188. Impress. Florentiæ, &
meminit etiam Io. Aloisius Rixius decis. 131. in
fin. part. 1. & sequitur Rot. in Salernitana præ-
cedent. 14. Martii 1622. Ita Adversarius.

195. Concludo itaq; etiam Inimico nostro
iudice, Canonicos Reg. S. Aug. debere extra
urbem Cistercienses Ordinis S. Bened. in pro-
cessionibus & similibus actibus præcedere, quia
in Urbe præcedunt Benedictino-Cassinenses. Et
simul etiam secundam hanc partem claudam,
ubi coronidis loco opposuero insignem hâc de
re Matthæi Bossi Canonici Reg. Lateran. epi-
stolam n. 107. scriptam ante annum 1493. ex
quâ constare poterit, quam modestè & pacificè

Canonici Reg. in hoc litigioso negotio processerint, sic habet, ad Celsum Patrem Concanonicum venerandum de concordia habenda cum Monachis:

Quoquo modo jam itura post tantos conflictus res sit: te semper hortabor, & quidem magnopere Venerande & sapientissime Celse, ab injuriâ Monachorum, te quantum quidem potes semper abstineas; etiamsi qui eorum intemperantius te sanè læserint. Præstat enim flagitium ferre, quam inferre, ut in Comædiis legisti puer. Meum Consilium semper pacis fuit, ac Fraternalis in Domino Charitatis, eritque dum vivam. Denique quid est illud, de quo contenditur lana Gallica, fumus & aura? Mira & inscrutabilis res. Monastici Patres, nostri etiam neque pauci, neque non præstantissimi, modestissimiq; Canonici communem istam detestantur insaniam, & ecce tibi, nescio quâ freti turpi temeritate atq; jactantiâ utriq; in commune dedecus, & multorum scandalum, facti pueri, anhelamus. Sed rerum Ordo sic poscit, qui pulcherrimus & Angelos in Cælo distinguit, & quæ deorsum militat Ecclesiam Sanctam exornat. Non abnuere aut negare id quidem possum, quin constent omnia Ordine sintq; inordinata, indecora, atq; turpissima: modò hæc in parte non gravius detrimentum,

trimentum, res profectò Religiosa subeat. Minus sæpe malum, ut Aristoteles putat, in rationem boni concedit. Lites quoq; & Sapientes gerunt, & sine injuriâ res queritur inter amicos. Hoc ego velim, hoc ego precor, hoc & utinam Deus inter nos faxit, ut nullum Charitatis dispendium, nullum honestatis honorisq; periculum faciamus sed amice paceq; incolumi de præcedentiâ horum duorum Ordinum discernatur, & isto te loco nil mi Celse deterreo, quin tuam exeres manum strenuè, atq; fortissimè, & quæ acutè, & copiosè in causâ scripsisti, jura firmissima, medio proferas campo, & illorum contra defensiones præsidiaq; consideres sine felle vel bili quem neq; aliter puto esse facturum, quippe qui benignus natus es, & per omnem semper ætatem vixisti. Cum protectore Servatoreq; Reverendissimo nostro hâc in re commentatus sum multa, per quæ Ordo iste & æquitas erit cum pace querenda: & tandem visum est utriq; „Si de nobis, qui primi in Urbibus Monasteria habuerint, primis etiam honoribus „habeantur, rei satis fore consultum, in quo laborabit egregiè Dignatio sacratissima sua, & tu Celse ut huic opinioni adhæreas, equidem probo, quâ ad pacem atq; Ordinem simul, qui tenendus est inter nos, nil planè aptius atq; facilius videat. Quod si hunc

*in portum navis ista induci non poterit, Verebor
dum altum tenet, & inter hos aestus enavigat, im-
pacta scopulis naufraget tandem. Quod postremum
malum nulla aut amplius ratio, aut Consilium, sed
sine remedio poenitentia vindicabit. Quare per Vir-
tutem & sapientiam tuam, per Religionis Charita-
tem, te mi Celse oro & obsecro, tuam omnem cogi-
tationem & operam conseras ad communem honorem
& pacem. Illud pugna, illud contende, illud enite-
re, ut per Deum Salvatorem pax inter nos sit. Vale,
Florentiae nonis Novembribus.*


Ejusdem negotii mentio Epistolâ 180. & 113.
& 119. & 127.




PARS

PARS TERTIA.

In quâ trutinantur quædam Ectheses, tertiæ partis Libræ, & deprehenduntur minus habere.

196.  Ræcipua Caramueliæ Libræ momenta, ad sacrosancta Pontificum Diplomata tanquam ad **PONDUS SANCTVARI**, jam magnâ ex parte examinavimus, & inventa sunt, minus habere gravitatis veridicæ; reliquum est, ut quales quantæq; sint ejusdem Ectheses seu conclusiones, maximè illæ quas tertiâ parte appensas videmus; simili trutinâ hâc parte exploremus & quam leves sint, digito monstremus.

C A P V T I.

197.  Cthesis seu conclusio prima. *Ordo Benedictinus institutus ante annum DL. adprobatur Anno DXCVI.* hanc statuit Adversarius 3. parte n. 141. habetq; ea partes duas,
 P p priorem.

priorem de institutione Ordinis Benedictini, posteriore de ejusdem approbatione, priorem probat, ex variis Auctoribus qui testantur illum Ordinem, institutum à Sancto Benedicto, aliqui circa annum 520. quidam circa 530. quod si verum est, sequitur eum multo juniore esse Ordine Canonico-Augustiniano, quem Pontifices asseverant, institutum esse ab Apostolis, & à Sancto Aug. restitutum, qui circiter centum annis Sanctum Benedictum præcessit; quod Confirmat. S. Antoninus *Hist. sue* 3. tit. 42. c. 14. apud Navarrum 1. tom. comment. 4. de Reg. de stabil. & transi. eorum. Ubi sic Antoninus: quod autem S. Benedictus & ejus Religio secundum Regulam ejus fuerit post Augustinum certum est: unde & Canonici Regulares [adverte diligenter] qui profitentur Regulam S. Aug. utiq; fuerunt ante Monachos Benedictinos. Posterior pars Eccheseos, quæ maxime probanda erat, cum sit de Ordinis approbatione, à quâ tanquam cardine, omnis præcedentiæ Ordo, juxta Adversarium dependet, ab eo sine probatione præteritur; atq; ita quod in nostris culpat, nimirum quod maxime demonstrandum erat, eos supponere, ipsemet committit; & ut verum sit, quod scribit nostræ non nocet

nocet causæ: nam Ordinis & Regulæ Canoni-
co-Augustinianæ, approbationem multo anti-
quorem esse, ex Cardinalium Relationibus ad-
ductis, quas in suis sententiis & Diplommatibus
seculi sunt Pontifices, manifestum est, ut etiam
notat Julius Nigronus comment. in Reg. &
constit. Societatis;

198. *Secunda Ecthesis Adversarii. Ordo Cisterciensis non distinguitur à Benedictino.* Concedo, sed hâc lege, ut sicut Cisterciensem asserit, solummodo Congregationem esse Ordinis Benedictini, non distinctam Religionem quamvis passim Ordo Cisterciensis audiat, ita etiam nobis concedat, Aroasiensem Ordinem non esse distinctum, à Canonico-Augustiniano; sed ejus tantum Congregationem esse, non obstante, quod subinde Ordo Aroasiensis legatur. Quâ de re affatim actum supra est ex professo.

CAPVT II.

199. **T**ertia. Sicut Monachorum, ita etiam
 Canonicorum varia sunt genera. Hæc
 non displicet, quamquam multa,
 quæ huic subnectuntur, placere non possint;
 Pp 2 idque

idq; præcipue, quod tantâ certitudine asseri videtur, omnes Canonicos Regulares aliis Canonicis esse juniores, quod equidem stare non potest cum hætenus in superioribus partibus, hujus nostri tractatus probatis; nam aliud sentire videntur Pontifices, & inter eos clarius Pius Quintus in Bullâ quæ incipit:

Cum ex Ordinum diversitate. &c. Ubi inserta comperiuntur hæc verba: Cum itaq; sicut accepimus dilecti Filii Canonici Regulares Ordinis S. Aug. Congregationis Lateranen. qui ab Apostolis originem traxerunt, quiq; ab eodem S. Aug. eorum Reformatore iterum per reformationis viam mundo geniti, merito prætendere possent se omnes alias personas Ecclesiasticas tam Sæculares, quam Regulares in processionibus & aliis actibus publicis præcedere debere. Cum tamen non liceat membra à capite separare &c. Hic Pontifex asserit, Canonicos Regulares Ordinis S. Aug. meritò prætendere posse, præcedere quosvis, etiam sæculares Canonicos, si liceret hos separare ab eorum capite scilicet Episcopo, & causam præmittit ejus rei, antiquiorem nimirum institutionem, quod, inquam, traxerint originem Canonici Regulares, ab Apostolis, & reformati sint à S. Aug.
ergo

ergo supponit Pontifex, quod primi Clerici ab Apostolis instituti erant tales, quales sunt Canonici Regulares, per quos, Clerici per relaxationem secularisantes, agente S. Aug. fuerunt reformati. Nam circa reformationem hæc notare possumus & debemus. Primò bonam re-
 etamque formationem, quæ consistit in bene ordinatâ institutione. Secundò, deformationem, id est, relaxationem, ab illâ primævâ bonâ formatione. Tertiò reformationem ipsam, quæ nil est aliud, quàm reductio ad primitivam formam. Quartò, Conformationem quæ sequitur ipsam reformationem, quâque formaliter tales sunt jam reformati, quales fuerunt prius benè formati, & contra, tales prius formati, quales jam reformati. Neque hîc committitur circulus, nec à Catullo commissus est, quamvis id illi objiciatur: quia similia sunt correlative, hæc autem sicut se mutuo ponunt & tollunt; ita etiam se vicissim inferunt. Ex quo sequitur primitivos illos Apostolicos Clericos, in communi viventes, postea Canonicos dictos, fuisse Religiosos quos postea Regulares Concilia œcumenica & Pontifices vocarunt *in Cap. nullus* & *in cap. mandamus* 19. q. 3. & *in rubricâ de statu Monach.*

& *Canonicorum Reg.* & in cap. quod Dei timorem
 & in cap. singulis, vers. hoc ipsum. Eodem tit. &
 in cap. sanè, ut habet Augustinus Barbosa lib. de
Canonicis & dignitatibus cap. 1. n. 5. Deinde, hos
 fuisse per relaxationem, aliquo modo, secula-
 res factos, quales etiam modò permissione Ec-
 clesiæ, plurimos passim videmus, denique fuisse
 à S. Aug. reductos, ad primævum illum reli-
 giosum statum, primitivorum Apostolicorum
 Clericorum, qui erat ante relaxationem; ac tan-
 dem hos Canonicos Religiosos aliàs Regulares,
 à S. Augustino reformatos, primitivis illis esse
 similes, & consequenter Canonicos Regulares
 S. Aug. sæcularibus antiquiores. Nec dissentit
 Albertus Crantzius, quem à suâ parte stare ar-
 bitratur alibi Adversarius, nam in Metropoli
 lib. 4. cap. 37. sic habet Crantzius: *Hujus au-*
tem Hugelberti Mindensis Episcopi temporibus, Ordo
S. Augustini qui & Canonicorum Regularium, pri-
mo ab Apostolis, deinde à memorato Doctore Augu-
stino institutus, tum sub magistro Ivone Episcopo
Carnotensi cœpit resflorere. Qui & supra lib. 3. c.
15. in Hildebodo nono Monasteriensi Episcopo
sic notaverat. Excepit illum ordine 9. in ea Eccle-
sia Hildebodus, cujus memorabile nomen inde est,
 quod

quod fratribus suis multa providens benefecit, ad-
moneor hoc nomen, quod in annalibus ubique lego,
per Ecclesias, vixisse fratres, ordine utique Canonico
sub Regula divi Augustini, sed ubi abjectum est
hoc nomen, ut erubescant deinde dici fratres, hoc
retinentes ut Canonici sine Regula, cum canon sonet
regulam, & Domini dici ament: fugit cum nomine
fratris charitas, illi nomini cognata: & succedit
amor propriæ excellentiæ & contentio sine fine.

Cui etiam subscribit Lantmeter, lib. 1. de ve-
tere Cleric. & mon. habitu p. 3, cap. 4. ut supra
opportuno loco notasse me memini, quem ta-
men etiam pro se citat Adversarius; sed hos
duos inspexi & contra illum pro nobis stare
deprehendi, prout Bellarminum, ut non sit quod
multum timeamus, multitudinem Auctorum
contra nos advocatorum; fortè enim benè ex-
cussi, qui in specie contra nos stare putantur,
in veritate à nobis stare deprehenduntur. Præ-
cedentibus etiam consentit novissimè jam cita-
tus Augustinus Barbosa, qui recenter ex pro-
fesso scripsit de Canonicis, quique capite 1.
originem omnium Canonicorum tam Regu-
larium, quam sæcularium, ipse Canonicus sæ-
cularis Ecclesiæ Vimaraniensis tradit, & nu-
mero

mero 46. sæculares Regularibus posteriores esse docet, & de Canonicis ante sæcularisationem loquens numero 3. hæc benè ponderanda præmisit. *Quam inquit beati tunc temporis Canonici, quam felices Clerici intra Ecclesiæ septa habitantes, nec ullam periculosarum discussationum, mundanarum occupationum, celebrandarum compotationum, agitandarum comessationum, conveniendarum muliercularum, exercendarum crassationum, libidinum, turpitudinum occasionem habentes, sed divinis tantum contemplationibus, Laudibus, Precibus, concionibus, officiis, cantibus, sacrificiis vacantes, & tanquam Angeli quidam terrestres, in paupertate, castitate & obedientia degentes, & solum Dei Gloriam & suam aliorumque salutem procurantes.* Idem etiam tenet Carolus à Mansvelt item & ipse Canonicus sæcularis, sicut & eruditus D. Carulle etiam Canonicus sæcularis idem tenet; ex quo fit errori esse obnoxios omnes illos Auctores, qui hoc radio destituti, obscuras antiquitatis Historias audent examinare, sed non ad PONDUS SANCTVARI; sic enim possumus hoc ultimum telum ab Adversario hîc ingestum, in illum regerere. Repete quæ supra notavimus circa diversos status Ordinis Canonici n. 89.

C A P V T I I I.

200. **Q**uarta. Canonici *seculares Collegialiter Congregati, quemcumq; Abbatem debent præcedere.* Hanc admitto maximè si intelligatur de Cathedralibus, quos non licet, utpote membra à capite idest Episcopo separare, ut jam Pontificem intonantem audivimus. Unde etiam Canonici Regulares olim in Cathedralibus residentes Collegialiter Congregati, etiam Prælatos Episcopo inferiores in praxi præcedebant. Hanc eandem Conclusionem docet Barbosa lib. de Can. & dig. cap. 18. num. 56. quo capite egregiè & in particulari resoluit qualiter Canonici in Cathedrali & Collegiatâ inter se, & quoad alios intra & extra propriam Ecclesiam existentes, quoad præcedentiam se debeant habere.

Eandem tenet Discipulus ejus, Ascanius Tumberinus *de jure Abbatum* tomo 1. *disp.* 25. *quest.* 2. num. 13. qui & copiosè disputat, solidèq; resoluit, de præcedentiis Abbatum, respectu Canoniorum Cathedralis & Collegiatæ Ecclesiæ. Item respectu Vicarii Episcopi, & alio-

Q q rum

rum Prælatorum Episcopo inferiorum, cæterorumq; in dignitate constitutorum, tam in Cathedrali Ecclesiâ, quam in aliis inferioribus. Deniq; respectu aliarum sæcularium & laicarum dignitatum. Ac tandem de præcedentiis Abbatum inter se, per aliquot quæstiones sequentes, tam enucleatè & fusè, ut supervacaneum fuerit, de hujusmodi materiâ denuò scribere, cum hoc nil aliud fuerit quam actum agere. Notandum tamen, Brugis morem esse ut Abbates in Pontificalibus incedentes, in processione sanctissimi ac pretiosissimi Cruoris Dominici 3. Maii; præcedant omnes Canonicos, tam Cathedrales quàm Collegiales, Collegialiter Congregatos, ut notum est.

201. *Quinta. Stando rei naturæ & juri communi Regulari, an Aroasienses (si & ipsi ad Lateranensium Cathedralium aut Collegialium ordinem pertinerent) deberent Cisterciensibus præponi an postponi dubium esset.* Hæc ideo asserta videtur, quod ejus Auctor, videatur non legisse vel dissimulasse processum inter Lateranenses, & Cassinenses typis excusum, & in lucem editum, etiam à Navarro citatum sup. in quo omnia probè fuerunt examinata, & promota, per multos annos,

annos, apud doctissimos Jurisconsultos, ab utrâq; parte; & contra Lateranenses eadem vel similia, imo his, vi videbantur, prægnantiora objecta fuerunt, quæ hîc mover Ecthesios hujus Auctoris. Citatum fuit etiam hoc idem S. Bernardi testimonium, quod objicit hoc loco Adversarius, ut videre est in allegationibus Scipionis Lancellotti, supra suo loco Citatis, quibus tamen omnibus, ad plenum solutis, reliquisq; omnibus exactè ponderatis, sententia data est in favorem Canonorum Regularium S. Augustini, a Pontifice Maximo Pio quarto: Confirmata à Pio quinto, qui etiam cum aliis pronuntiat, eos originem ducere ab Apostolis, quod jam amplius non debet esse dubium, sed plusquam moralem habere Certitudinem. Addo etiam Auctorem hunc videri non satis exactè novisse quinam aut quales Lateranenses, ut verisimile fit ex iis quæ tradit hic num. 159. dixi Pontifices Maximos Pium IV. & V. pronuntiasse, Canonicos Regulares Sancti Augustini originem ducere ab Apostolis, & ne Adversarius statim replicet, hoc eos tantum intelligere de Lateranensibus, rememorandum est hoc ipsum dixisse Martinum V. de Windesemensibus.

Benedictum XII. vero de omnibus omnino
 Canonicis Regularibus S. Aug. per totum or-
 bem diffusis.

202. Ad Sextam supra respondimus; sed
 hîc paucula addenda, non rectè in eà *dici, neu-*
tram partem intentum convicisse. Equidem Late-
 ranenses intentum convicerunt, & ideo totum
 intentum vicerunt: habitâ comparatione Ord-
 nis cum Ordine, nimirum omnimodam præce-
 dentiam. Nam totum Collegium Lateranense,
 præcedere debere, judicatum est, totum Colle-
 gium Cassinense; quo casu etiam Abbas Late-
 ranensis promotione junior, præcedit seniore
 Cassinensem; junior vero Cassinensis, nunquam
 præcedere potest seniore Lateranensem, &
 tantum in uno casu, quando scilicet singulari-
 ter comparet Cassinensis, & est promotione se-
 nior, præcedere potest, idq; ex eo capite, quod
 in Abbatibus non sit habenda ratio Ordinis Re-
 ligiosi; sed dignitatis, in quâ omnes sunt æqua-
 les; interim quando Canonicus solus cum Mo-
 nacho solo concurrit, hic illi semper debet ce-
 dere, quomodo ergo hîc dicitur, *quod præceden-*
tia Auctoritate Apostolicâ divisa, partim Cassinen-
sibus partim Lateranensibus sit adjudicata? quo ex-
 actè

actè observato, multa subito evanescunt; quæ huic Ecthesi subtexuntur, ad extenuandam sententiam penitus in favorem Lateranansium, & in ipsis omnium Canonorum Regularium Sancti Augustini ob eandem rationis paritatem, à Pontifice pronuntiata. Pro majori explicatione

Notandum circa sententiam Pii IV. de præcedentiâ Canonorum Reg. S. Aug. respectu Benedictinorum : I. totam Congregationem Lateranensem, præcedere debere totam Congregationem Cassinensem. II. particularem Communitatem Lateranensem, præcedere particularem Cassinensem. III. singularem Canonicum Lateranensem præcedere singularem Monachum Cassinensem juxta interpretationem à Clemente VIII. factam ac proinde dato quod Abbas Lateranensis & Abbas Cassinensis eodem momento fuissent ad Abbatialem dignitatem promoti, utiq; præferendus esset Lateranensis Cassinensi; cum Abbas non debeat esse pejoris conditionis, quam simplex Canonicus. IV. Abbas Lateranensis promotione junior cum communitate congregiendi, præcedere habet Abbatem Cassinensem promotione seniore. V. Abbati Cassinensi promotione seniori tantummodo

conceditur præcedentia respectu Abbatis Lateranensis in singulari congressu. Cæterum Abbati Cassinensi juniori nulla debetur præcedentia, ex ut hujus decreti. Ex his quinque; præferentiis quatuor pertinent ad Lateranenses, & una solummodo ad Cassinenses & quidem non ratione Ordinis, sed prioris ad Abbatialem dignitatem promotionis. Estne hoc præcedentiam *Auctoritate Apostolica esse divisam, & partim Cassinensibus, partim Lateranensibus esse adjudicatam?* Profecto D. libripendem majorem Mathematicum existimabam: & eum qui ex quinque; partibus, quatuor habet, plures partes habere, quam illum qui vix habet unam; quidni igitur hoc loco illi regeram, quod ille in librâ. n. 281. irrationabiliter ingessit Domino Catulle solidè suum fundanti discursum num. 21. sui motivi in Gratiano C. quando distin. 86. & Pio IV. in Bullâ sæpe citatâ. Navarro comment. 4. de Regular. C. 1. Imo Divo Thoma 2. 2. quæst. 189. art. 8. quidni, inquam, hoc regeram: *Cæcus es si inter decadem & myriadem non reperias impræsentiarum inequalitatem, qui reperire magnam inter simplices unitates putabas.* Ita libripens loco prænotato, qui alias æstimari vult non solum in Arithmeticâ sed

fed & in Staticâ apprimè versatus.

C A P V T I V.

203. **S** Eptima. *Lateranenses Canonici qui à Di-
vo Aug. dicuntur instituti, fuerunt Ca-
thedrales aut si malueris Collegiales.* Jam
sæpius à Pontificibus audivimus: Canonicos
Regulares de quibus hîc potissimum agitur, nō
tam à S. Aug. institutos fuisse, quam restitutos:
institutos verò ab Apostolis, quod aliqui Pon-
tifices dixerunt in causâ Lateranensium, Marti-
nus V. autem, ut suprâ vidimus, in causâ Win-
desemiensium; porro Benedictus XII. in con-
stitutionibus, latis pro generali reformatione
omnium Canoniorum Regularium S. Aug. per
universam Ecclesiam, tunc diffusorum, statuta
& privilegia edidit pro omnibus hujusmodi Ca-
nonicis Reg. tam Cathedralibus, quam Con-
ventualibus: supponens & ostendens, eos om-
nes esse ejusdem Ordinis à *gloriosis Christi dis-
cipulis in primitivâ Ecclesiâ sacris institutionibus sta-
biliti.* Ut expressa habent ejus verba in dicta-
rum Constitutionum Prologo.

204. Cæterum Canonici Lateranenses à
tempore

tempore S. Gelasii Papæ primi, quondam S. Augustini Discipuli, usq; ad Bonifacium VIII. in Lateranensi Ecclesiâ Canonicum Ordinem ad præscriptum Regulæ Augustinianæ observantes, resederunt, per octingentos circiter annos. Sic enim legitur in ejus festo die 20. Novembris in officio proprio à Pio V. approbato, lectione 4. à Lateranensibus. *Gelasius Valerii Filius natione Afer, B. Aug. Hipponensis Episcopi Discipulus & Clericus illius Regulam professus, doctrina sanctitategq; conspicuus ingruente per Africam persecutione Wandalorum contra Catholicos sub Geiserico Rege in exilium cum multis Episcopis & Clericis ejectus, sub Leone I. Romano Pontifice Romam venit, ab eodem benigne exceptus, & in Ecclesia Lateranensi Collocatus. In qua Canonicum Ordinem ad præscriptum ejusdem Regulæ Sancti Augustini reformavit, qui Ordo in eâdem Ecclesiâ per annos octingentos usq; ad Bonifacium VIII. perseveravit, & sic per tot secula, fuerunt Canonici Reg. S. Aug. in Urbe, & quidem in principali Ecclesiâ totius orbis Christiani; falluntur ergo plurimum, qui sibi malè persuasi etiam aliis persuadere conantur Canonicos Reg. S. Aug. solummodo ortos fuisse post tempora Concilii Aquisgranensis*

nenfis & Moguntiaci, quando edita fuit sub Ludovico Pio forma institutionis Canoniorum, quam ſuperioribus annis Aubertus Miræus, in Codice Regularum & constitutionum Clericalium, publicavit. Fuerunt ergo & ante tempora, & poſt tempora, & tempore Caroli Magni & Lodovici Pii ejus Filii, Canonici Regulares S. Aug. in Italiâ quamvis negandum non ſit, circa tempora dictorum Imperatorum Canonicos, ab institutione quidem primævâ Regulares, plurimum fuiſſe relaxatos, ad ſæcularitatem, præſertim in Galliâ & Germaniâ, pro quibus neceſſe fuit, concipere, & edere dictam institutionis formam, quæ poſtea vocata fuit vulgò Regula Canoniorum, nihilominus antiquis temporibus, etiam in Cathedralibus Eccleſiis, obſervatam fuiſſe Regulam S. Aug. quæ per Antonomaſiam CANONICA vocatur; teſtantur Auctores veteres & graves, Jacobus de Vitriaco, & Albertus Crantzius ut non ſemel diximus, quos ſequuntur recentiores Pennottus, Langhecrucius, Carolus à Manſvelt & Auguſtinus Barboſa. Deniq; non in ſolâ Italiâ ſed & alibi, & ſignanter in Angliâ, ſaltem à tempore Gregorii Magni, etiam eo tempore,

Codex o-
rig. Aroa-
sianæ.

quo propter relaxatos Canonicos, edita est illa institutionis Canonicae forma Anno 816. floruit Ordo Canoniorum Reg. S. Aug. usq; ad tempora Heldemari & Cononis & ultra, *qui in Angliâ* (in quâ jussu præfati Gregorii Magni Canonici Regulares positi sunt teste Eugenio IV. in Bullâ sæpe allegatâ) *Canonica professionis habitum susceperunt, & sanctitate præditi, officio Presbyteri, & professione Canonici, primi Religionis Canonicae fundamenta, non per modum novæ institutionis, sed propagationis sui Ordinis in Aroasia jecerunt, pro cujus in viridi observantiâ conservatione; postea Gervasius Abbas Aroasiensis constitutiones suas Regulæ Augustinianæ superaddidit; ut colligitur; ex scripto originis foundationis Aroasiensis, à Domino Adversario fideliter, ut putamus, exhibito & publicato. Ex quo etiam habemus agente Sancto Malachiâ Archiepiscopo, passim per totam Hiberniam, positos fuisse, in Ecclesiis Cathedralibus, Canonicos Regulares, & quidem sub habitu, cum statutis & ritibus cantibusq; Ecclesiasticis Congregationis Aroasiensis, ut suprâ suo loco dictum, adducto etiam exemplo S. Laurentii Archiepiscopi Dublinensis, qui idem etiam in*
suâ

suâ Metropolitanâ Ecclesiâ, & alibi practicavit; quare sicut Lateranenses aliquando & alibi Cathedraliales vel Collegiales fuerunt, ita & Aroasienses aliquando & alibi tales fuerunt, utriq; ab Apostolis instituti, ab Augustino verò re-instituti.

205. Ad distinctionem autem quod attinet inter Clericos communis vitæ, qui primo in Alnensi Abbatiâ à S. Landelino fuerunt constituti, & Canonicos Reg. S. Aug. qui ibidem illorum loco ab Alberone II. Episcopo Leodiensi substituti sunt, alibi ni fallor, aliquid diximus, verisimile est Clericos illos, à primævo statu Ordinis Canonici, cujus tamen vestigium aliquod, nempe communem vitam, retinuerant relaxatos, eosq; postliminiò ab Alberone, procurante Radulpho eorum, ut videtur, Abbate, ad pristinum Canonice vitæ perfectum statum, reddito eis habitu Canoniorum Ordinis S. Aug. fuisse reformatos. Vide quæ supra diximus de variis statibus Ordinis Canonici n. 89.

206. Nec sequitur; Clerici communis vitæ, in Alnensi Cœnobio, aliquo tempore, fuerunt priores Canonicis Reg. S. Aug., ergo ubiq; & semper, his illi priores fuerunt; tum

quia Adversarius cum sit magnus Dialecticus, probè novit à parte in loco, & tempore, ad totum, non valide argumentari, nisi additâ negatione impediante distributionem, tum etiam cōtra se, admittere, deberet hanc consequentiam, in Alnensi Abbatiâ Priores fuerunt Canonici Reg. Ordinis S. Aug. Cisterciensibus, qui illis ibidem successerunt, ergo illi his, ubique & semper, Priores fuerunt. Quod reliquum est ex Canone 21. Concilii Moguntiaci, ab Aduersario nobis objecto, tantum sequitur, non omnes Canonicos illius temporis fuisse Religiosos; videntur enim tunc denuò à statu Religioso, quidam præsertim in Germaniâ ubi id sæpe contigisse notum est, ex Alberto Crantzio, & Bruschio deferuisse, quibus fit potestas transeundi, ad statum Regularium id est Canonico-
rum Religiosorum, qui tunc erant, vel Monachorum, quod nil facit contra nos.

207. Eâdem operâ improbamus consequentiam quæ latet in Ecthesi 12. quæ sic sonat *Aroasienses Canonici Regulares sunt, non Collegiales nec Cathedrales, atq; adeo omnino diversi à Lateranensibus à S. Augustino reformatis.* Quia non sequitur. Aroasienses Canonici Reg. non sunt
Cathe-

Cathedrales, ergo sunt diverſi Ordinis à Lateranenſibus, cum dilucidè clareat ex conſtitutionibus Benedicti XII. ſæpe replicatis, & Cathedralibus, & Collegiales, Conventualesq; fuiſſe ejuſdē Ordinis S. Aug. Adde Aroaſienſes etiam, ſaltem per totam ferè Hiberniam, olim, fuiſſe Cathedralibus ut jam vidimus. Adde deniq; , Lateranenſes non fuiſſe immediate reformatos à S. Aug. ſed poſt ſœlicem ejus obitum, reformationem Auguſtinianam, in Eccleſiam Lateranenſem, fuiſſe tranſvectam ab ejuſdem Diſcipulo S. Gelafio, ſicuti ab aliis in alias non ſolum Cathedralibus Eccleſias, ſed etiam Monaſteria, ut alibi ex Poſſidonio oſtendimus.

C A P V T V.

208. **O**ctava. *Non omnes Canonici Reg. ſunt ejuſdem Ordinis cum Lateranenſibus.* Non opus fuit quod hanc tam fortiter probaret Adverſarius, potius fortiter probare debuerat, ſecundam partem primæ Ectheſios, nempe Ordinem Benedictinum approbatum fuiſſe ante Ordinem Canonico-Auguſtinianum, in quâ tanquam in cardine tota hæc con-

troverſia de præcedentia vertitur, & verſatur, quam tamen ſine probatione reliquit; ſolido, ut apparet, fundamento deſtitutus; facile enim concedimus Canonicos Reg. Præmonſtratenſes, & ut doctè ac ſolidè probat Pennottus noſter Salvatorenſes, non eſſe ejusdem Ordinis cum Lateranenſibus; ſed cum micâ ſalis, admittenda eſt quæ ſequitur.

209. *Nona. Primus poſt Lateranenſes Ordo Canonicus Præmonſtratenſis eſt.* Ut ſenſus ſit, quod Ordo Canonicus Præmonſtratenſis ſit primus diſtinctus ſpecie ab Ordine Canonico S. Aug. cujus Lateranenſis, Aroaſienſis, Windeſemenſis quædam Congregationes ſunt, non Ordines diſtincti; ut in Eccleſiâ habetur Ordo Præmonſtratenſis, qui ſi verum eſt quod inſtitutus ſit per Sanctum Norbertum à Deo deſtinatum, ut lapſus Ordo Canonicus Sancti Auguſtini, ſuas detergeret ſordes, prout ſcripſiſſe Robertus Arboricenſis aſſeritur ab Adverſario, numero 346. ſequitur contra eum Ordinem Præmonſtratenſem Ordine Canonico-Auguſtiniano eſſe juniorem. Sed ſi vel ipſæ ſordes Ordinis Canonico-Auguſtiniani, oſtendant nobilem ejus antiquitatem, quid non facient Coruſcationes ejus
& ſplen-

& splendores? ad quos cæcutire videtur Adversarius, qui admittit dictum Arboricensis (ut videtur quia vel minus vel parum honorificum Ordini Canonico-Augustiniano, posito etiam ab eodem Adversario, ferè ultimo loco & quidem post mendicantes. *comm. in Regulam S. Ben. disp. 34. num. 350.*) & interea Ecthesi sequenti quæ decima est, dicit *Præmonstratensem Ordinem* reliquos *Canonicorum Reg. Ordines præcedere debere. Idq̃ patere ex dictis; quia nimirum præcedentiæ jus pendet ab antiquitate. Quod si verum est, quomodo ergo Præmonstratensis junior, utpote per quem sordes senioris, jam lapsi, detergendæ fuerunt, præcedet Antiquiorem? de cujus antiquitate sic scribit ipsemet Arboricensis tomo 2. in opusculo de tuendo Cælibatu: Canonicos dicimus qui ex communi placito ac voto, ac mutua bonorum distributioni obnoxii erant. Erat autem hoc veluti elementum quoddam atq̃ exemplar future Communionis in Ordine Canoniorum; qui triplici voto astricti, se Regulares appellant, quem Augustinus longo post tempore instituens, se ab Apostolico fonte hausisse profitetur. Hic ergo Ordo statim ab orbe redempto &c.*

CAPVT VI.

210. **V**Ndecima. Canonici Reg. S. Salvatoris seu Scopitini, Arnulphini, & multi alii Præmonstratensibus juniores sunt, ipsiq; confessu aut publica supplicatione succedunt. Ecce- sim hanc suam probaturus Adversarius, præmonet Annales & Historias esse videndas, vel saltem confidendum Excellentissimis viris, qui illos & has examinarunt. Bona præmonitio, sed melior S. Augustini alibi subtiliter & pruden- ter monentis; *fide, sed cui, vide.* Porro unus ex hisce Excellentissimis viris, quibus confidendum fuit, Pennottus, & Annales Historiasq; quæ hîc producuntur, de Canonicis Salvatorien- sibus, & nescio quibus Arnulphinis, si quis alius, exactè examinavit, & quidem ad PONDUS SANCTU ARII ad Pontificia, inquam, Di- plomata, ac vetustiora Archiva, & in Josepho Mozagrugno, qui de Salvatoriensibus scripsit, multos errores digito monstravit, ut propterea ejus liber à Cardinalibus prohibitus sit.

Similes errores in Abbate Joachimo, quem vaniloquum vatem appellare non veretur, secu-
tus

tus Trithemium, ut mox dicam, in Hieronymo Romano à Joanne Carthagera refutato, ut statim ostendam, & quod dolendum, qui hos secutus est, in Roderico, palpandos exhibuit, qui de Canonici Reg. S. Arnulphi quem cum S. Rufo confundunt, commentati, vel potius commenti sunt. Videatur Pennottus lib. 2. Generalis hist. c. 2. item eodem lib. c. 53.

Egrè quidem adducimur, ut dicamus Auctores errare. Videat nihilominus oculatus Lector, an hoc loco Adversarius non humani aliquid passus sit: quando scribit, ex Roderico (qui quamvis in jure Regulari versatissimus sit, tamen in Historicis pro suâ ovina sinceritate subinde videtur quemlibet Historicum absq; magno examine, præeuntem sequi, qui si errarit etiam ipse sine errore esse non potuit) *Advertit tamen Hieronymus à Roma cum Abbate Joachimo, sequitur parenthesis Adversarii hæc [nota etiam benè] quod hi Canonici non sunt de numero eorum quorum memoriam faciunt Pontificum jura, hoc est ait Adversarius, Pii quarti & Clementis VIII. Diploma. Ita glossula Caramuelia.*

Notat Joachimus Abbas qui teste Trithemio lib. de script. Eccles. claruit sub Henrico

VI. anno Domini 1200. quod Canonici de quibus hîc agitur, non sunt de numero eorum, quorum memoriam faciunt diplomata Pii IV. & Clementis VIII. qui plusquam trecentis annis fuerunt Abbate Joachimo posteriores. Hîc verè nimis mihi dixisse videtur, ut fertur, Aristoteles: *Nullum magnum ingenium sine aliquâ mixturâ dementiæ*, Quare liceat mihi hîc exclamare cum S. P. Aug. lib. 16. c. 26. contra Faustum: *O hominem se cogitantem dictorem, & alium non cogitantem contra-dictorem! ubi est acumen tuum? an in mala causa non posses aliter? sed mala causa te vana loqui coëgit.*

211. Sed fortè Abbas Ioachimus, qui, ut idem Trithemius ait, suo tempore Propheta habitus est, etiam futura prædicere conatus est, ante tot sæcula de diplomatibus, quibus à Pio IV. explicante eadem & coröborante Clemente VIII. Canonici Reg. S. Augustini Congr. Later. præpositi sunt Monachis Cassinensibus Ordinis S. Benedicti, & consequenter Cisterciensibus, prophetavit; ita quidem videri posset, nisi ipsemet Trithemius obstaret; *Sed mihi videtur*, inquit, (*ut salva pace sua & suorum loquar*) *ex conjecturis scripturarum illum magis locutum*

cutum quam prophetasse. Sed quomodo hoc audes Trithemi de tanto tui ejusdem Ordinis viro? Nam ut de ceteris interim taceam (respondet Trithemius) Fredericum Imperatorem hostem Ecclesie futurum somniavit quem omnes novimus usque ad mortem pacificum & Romano Pontifici subjectum & fidelem perseverasse. Haftenus de Joachimo Joannes Trithemius.

212. Sed quid de Hieronymo à Roma Joannes à Cartagena? requiratur is tom. 2. de Divâ Virgine lib. 17. hom. 2. & invenietur Hieronymus ille sæpius refutatus ab eo, & reprehensus in materiâ Ordinum Religiosorum: de quâ non ex fide scripsit, nec ex veritate, & signanter de Ordine Carmelitano, de quo adeo perperam commentatus est, imo commentus, ut ab eo audire meruerit *Puerilis, dilirus; Cavillator, Auctor importunus, & mendacissimè loquens*, qui tamen magnæ auctoritatis est apud Adversarium, non aliam ob causam, ut quidem videtur, quam quia Canoniorum Regularium causæ adversatur. Adde Hieronymum Romanum floruisse anno 1550. ejusque opera Salmanticæ anno 1569. prodiisse in lucem, ut verisimile non sit eum ad Clementis VIII. Pontificatum supervivisse

vixisse. Quomodo ergo is scribere potuit, quod nostri Canonici non sunt de numero eorum, quorum mentionem faciunt diplomata Clementis VIII. qui renuntiatus est Pontifex anno 1592. ? Audi Aubertum Miræum, *lib. posthumo de Scriptioribus Ecclesiasticis cap. 63.* ubi recenset eos qui circa annum 1550. scripserunt de Hieronymo Romano, hæc recitantem: *Hieronymus Romanus natione Hispanus, Eremita Augustinianus, idiomate patrio scripsit Chronicon à temporibus S. Augustini, ad sua tempora deductum: quod Salamantica anno 1569. prodiit ejusdem Monarchia in folio, vernaculo similiter idiomate edita, continet nonnulla quæ Criticis displicent.* Denique citatur hic Auctor ab Emmanuele Roderico, qui suum opus de quæst. Reg. edidit anno 1597. ex quo patet Hieronymum Rom. nullo modo posse intelligi de diplomate Clementis VIII. quia diploma hoc concernens Canonicos Reg. solummodo emanavit anno 1603. ut videre est apud Pennottum lib. 2. cap. 71. num. 6.

213. Porro Joannes à Cartagena piissimus ac eruditissimus Auctor, loco citato, fortissimè propugnat antiquitatem Ordinis Carmelitani, contra Hieronymum præfatum, & maximè per
 illixiv
 212
 diplomata

diplomata Pontificia, de quibus sic proloquitur solutione ad objectionem V. *Quamvis autem prædictorum Pontificum testimonia non id tradant tanquam rem fide divina credendam, infra tamen limites humani testimonii nullum majus aut firmitus proferri potest, quam tot summorum Pontificum testificatio.* Quod idem dicendum in causâ Canonorum Regularium S. Aug. quorum antiquitas ex tot Pontificum testimoniis supra non semel probata est. Quod si ita est, ut rationis paritas esse convincit, parum ad rem facit quod hîc circa finem subtexuit Adversarius: *Stat tertio inquam habendam esse Scriptoribus reverentiam, temereque posse asseri, quod probari non possit, & tamen contrarietur diligentissimorum scriptorum historiis, adeoque debere necessario dici Regulares Canonicos Cisterciensibus esse juniores.* Ita ille.

Verum si habenda sit reverentia Scriptoribus Historicis, sine comparatione major habenda est Pontificibus maximis, de antiquitate Canonorum Reg. S. Aug. testimoniis omni alio majoribus (divinum excipio) pronuntiantibus, quibus qui contrariantur Scriptores etiamsi diligentissimi fuisse putentur, non erunt audiendi.

214. Verumenimverò quomoda Auctores

hoc loco & alibi ab Adversario adducti dicendi sunt diligentissimi, qui nondum annum in quo ordo Canonorum Reg. est institutus invenire potuerunt? ut ipsemet ingenuè fatetur. Adversarius hic dicens: *Stat igitur primo Auctores semper annum post quem institutus est Ordo Canonorum Reg. exprimere, vix unum, annum, in quo.* Quomodo illi dicendi diligentissimi, qui relictis Apostolis & Apostolico viro, S. Aug. primis, ut Pontifices (quibus probati Historiographi sæpe producti supra consentiunt) tradunt, hujus Ordinis institutoribus, alios protrudunt, nunc Hilarium, nunc Rufum vel Ruffinum, nunc Arnulphum quendam, quem alii in duos dividunt, alii cum S. Rufo unum faciunt, & non inventum in Catalogo Episcoporum Lugdunensium, saltem ab anno 1000. usque ad 1200. quo vixisse debuisset, ut veritas subsisteret, alibi in spatiis fortè imaginariis inveniendum esse supponunt, vel ut veriùs loquar simplicibus imponunt? Quomodo illi diligentissimi, qui nondum judicare potuerunt de quibus Canonicis jus Canonicum loquatur, an de Regularibus, an de sæcularibus, de Cathedralibusne, an verò de Conventualibus? & cum juniores hi Scriptores

res

res de antiquo jure nullum certum judicium ferre potuerunt, tandem vetustiores in patrocinium advocati, de novo jure post aliquot sæcula decreto, novo vaticinio judicium ferre debuerunt?

215. Sed & hoc sine notâ censoriâ prætereundum non est quod hîc traditur de Canonicis nescio quibus Arnulphinis, qui instituti dicuntur secundum aliquos circa annum Domini 1117. de quibus hîc ex Roderico tom. 1. qq. RR. q. 3. a. 1. dicitur *quod in Italia & Gallia sint maximè reformati, & habent Generales & Provinciales, in Lusitania verò reformatissimi, & communiter Canonici Reg. S. Aug. nuncupantur* [hinc attentius per parenthesis inquit Adversarius, quod & nos idem hortamur,] *non quia eorum Religio fuerit constituta à Divo Aug. sed propter Regulam illis à S. Aug. traditam.* Hîc quæro, quomodo Regula Arnulphinis Canonicis, sit tradita ab Augustino, qui eos tot sæculis præcessit? fateor hic Davus sum non Oedipus.

216. Non minus palpabilis lapsus est notandus, circa annum Caroli magni, qui hîc dicitur floruisse post annum 900. cum juxta fideles fastos Onuphrii Panuinii, quos alibi Adversarius etiam probat, piissimus hic Imperator, obierit

rit Anno Christi 814. ut etiam Spondanus ex Baronio, quinto Kal. Februarii. Sic Joachimus Abbas, post aliquot à morte suâ sæcula notat Diplomata, Pii IV. & Clementis VIII. non tangere Canonicos, de quibus agitur in hac Ecthesi. Sic etiam S. Augustinus, post plura sæcula à Fœlici transitu suo, tradit Regulam Canonicis Arnulphinis, - sic tandem, Sanctissimus Imperator Carolus verè Magnus, à beato obitu suo ferè centum annos supervixisse ponitur. Si ita D. Catulle in Chronologiâ lapsus fuisset, plusquam semel jam audivisset: *Malus ictus Iurisprudentia sine Chronologiâ nil valet.*

CAP V T VII.

217. **D**uodecima. *Aroasienses Canonici Regulares sunt, non Collegiales nec Cathedralles, adeoq; omnino diversi à Lateranensibus à S. Aug. reformatis. Hæc superius satis examinata est & refutata num. 207. Itaq; succedat & examini se sistat*

Decima tertia. Canoniorum Reg. Ordo est inter Cathedralles Canonicos & Monachos medius, magis tamen ad hos quam ad illos inclinans. Jam
alibi

alibi monuimus si sint mediæ Canonici Regulares, inter Canonicos Cathedrales, & Monachos, ut duos extremos, cum in hac serie Cathedrales sint primi, erunt Regulares secundi, & Monachi tertii : & quandoquidem *oporteat, ut de rebus physicis physicè; ita & de moralibus, moraliter philosophari*, juxta doctrinam Adversarii in initio libræ num. 5. consequens erit, ut congruum sit, si Cathedrales præcedant, immediate sequantur Canonici Reg. & his Monachi posteriores succedant, ne Ordo, qui semper imperturbatus conservandus, ullâ ratione, in genere moris, vel in minimo perturbetur, & Hierarchia Ecclesiastica dissipetur. Sed de hoc supra. Alias enim si Canonici Reg. modò Cathedrales essent quemadmodum olim fuerunt in multis provinciis, ut patet ex constitutionibus Benedicti XII. §. 19. & de Aroasiensibus, qui per totam fere Hiberniam, olim Cathedrales fuerunt : ut patet ex allegatis ab Adversario, de quibus supra satis superq; in præcedentiæ causâ, nil illis obesset, quod ratione trium votorum Religiosorum ad Monachos inclinarent, nam aliud est inclinare ad Monachos; aliud verò esse Monachos. Equidem si inclinent ad Mo-

T t nachos;

nachos; hoc maximè propter Religiosam professionem, quam etiam faciunt v. g. Clerici Societatis Jesu, qui tamen non paterentur, se Monachos nuncupari ut ipsimet à me super hoc requisiti ingenuè mihi fassi sunt. Intereà quidquid sit, Credo supra satis probatum fuisse Canonicos Reg. Cathedrales, & Conventuales esse unius, & ejusdem Ordinis, quod expresse ex recentioribus docet Barbosa. *Lib. de Canonicis cap. 1. num. 40.* qui etiam supra eodem *cap. num. 7. & 8.* probat ex jure Canonico, & Jurisconsultis quos ibi citat; Canonicum Regularem esse verè Canonicum, & Canonicatus appellatione venire etiam Canonicatum Regul. Itaque an possint Canonici Reg. Monachi absolute vocari? an nunquam? an semper? an aliquando? audivimus supra initio hujus Tractatus ex Roderico: quem in hac materiâ Regulari Adversarius plurimum colit & suspicit, à quo nec Andreas Catulle dissentit, secutus Nauarrum *tomo 1. comm. 3. de Regularibus titulo de potestate Præfectorum Canonorum Reg. & Monachorum:* Quem etiam citat, cuiq; subscribit Barbosa sup. num. 40. cum multis aliis quos allegat. Quamobrem si de re constet, non est quod de vocibus

bus litigemus, sicuti an Monachi improprie dici possint Canonici, ut subtiliter probare nititur Adversarius, parum refert. An autem hinc sequatur, mitius Canonicos Regulares, ad officium divinum teneri, quam Cathedrales, quos pro Mercenariis, id est pro mercede ad hoc conductis, Adversarius habet, quid opus est minutius examinare? equidem boni Canonici Reg. de tali obligatione, quam spontaneè susceperunt non conqueruntur; sed sibi potius congratulantur, scientes quod *Servire Deo, regnare est, & iugum Domini suave, & onus ejus leve.* Matt. 11. v. 30.

218. Decima quarta. *Canonicorum Reg. Religio cognoscit Ordinem Monasticum Patrem, Matrem Canonicorum Cathedralium conversationem.*

Spectatum admissi risum teneatis amici.

Non credo, si de religione Canonicorum Regularium Sancti Augustini agatur nec ad credendum cogit Concilium Colonienſe, quod scio non esse contrarium decisionibus Pontificum, quibus contrarium de priore eorundem antiquitate, ut supra vidimus, est determinatum; quod denique scio non esse contrarium ordini naturæ, quo non datur, filius ante patrem, nec filia ante matrem: quod tandem

etiam non videatur hæc Ec̃thesis, quantum ad hoc quod in eâ asseritur, nimirum Canonico-
rum Reg. religionem cognoscere matrem Canonico-
rum Cathedralium conversationem, bene cohæ-
rere cum illis quæ decimæ tertiæ sub-
textæ habentur, hæc scilicet: *Suadent thesīm ip-
forum* [nimirum Canonico-
rum Reg.] *vita &
conversatio. Alieni enim à benigniore illa vivendi
normâ, quam Canonici Cathedralis observant, seve-
rissimis abstinentiis & pœnalitatibus macerari, se-
quuntur Agnum quocumque ierit. Ita ibi Adversa-
rius, asserens conversationem Canonico-
rum Regularium esse alienam à conversatione Cathe-
dralium, quam tamen hîc Canonico-
rum Reg. ponit matrem, cui ordine naturæ filii propin-
qui esse debent, non alieni & ab eâ remoti, &
alibi dicit Canonicos Reg. *Vix aliquid commu-
ne habere cum Cathedralibus præter solum nomen.*
Quo nomine quinam magis digni sint sæcula-
resne an Regulares qui curiosius voluerit inda-
gare, consulat Jacobum de Vitriaco hist. Oc-
ciden. cap. 30. & Adamum Præmonstraten-
sem sermon. 3. denique Albertum Crantzium
apud Molanum lib. 1. de Can. cap. 26.*

CAPUT VIII.

212. **D**Ecima quinta. *Aroasienſis Religio Benedictinâ & Præmonſtratenſi junior eſt*, Hic nervus belli, ſed ſuprà ſæpius gladio Petri, verbo, inquam, Pontificio, præciſus. Nam Eugenius IV. in Bullâ ſuprà explicatâ dixit: Ordinem ceu Religionem Canonicorum Reg. ab Apoſtoliſ fundatam, ab Urbano papâ Martyre reformatam, à S. Ang. regulâ decoratam; à Gregorio Magno, in Eccleſiis Anglicanis transplantatam, & in Occidentis finibus ampliata, quod confirmat, cum aliis Pontificibus, Benedictus XII. in conſtitutionibus latis, pro generali reformatione, hujus ejusdem Ordinis, ejus tempore, per Orientalem & Occidentalem Eccleſiam, in variis Provinciis ibi determinatis uſitati. Cujus porro Religionis Canonicæ prima fundamenta jecerunt in Aroaſiâ, *Heldemarſ & Cono viri ſanctitate præditi, officio præbyteri professione Canonici qui habitum Canonicæ professionis in Anglia (in quâ ea diu floruit) aſſumpſerunt*, ut Adverſarius nobis prælegit, ex Codice qui inſcribitur *Origo*

Aroasiae foundationis. Ex quibus duobus principiis simul junctis, scilicet Apostolicæ institutionis, & per duos præfatos Canonicos viros propagationis, satis clarè elucet major antiquitas Religionis, quæ in Aroasiensi Congregatione floruit; Religionis, inquam, Canonico-Augustinianæ, supra Benedictinam, & si placet etiam supra Præmonstratensem, pace dixerim hujus candidi Ordinis professorum, supra Benedictinam dico: de cujus institutionis & approbationis majore antiquitate, nullum protulit Adversarius Pontificium diploma, nullum solidum ostendit fundamentum, nullum firmum dedit argumentum.

220. Ex præcedenti Ecthesi colligit Adversarius duo Corollaria, quorum primum sic habet: *Si duæ communitates (Benedictina & Aroasiensis) in aliqua supplicatione aut alibi concurrant, debet Benedictina precedere.* Quamvis Corollaria sponte fluant ex suis fontibus, hoc tamen quia violentum videbatur Auctori & turbidum, non tantum probatur, sed demonstratur, inquit, ex dictis. Expectet ergo bonus Lector demonstrationem, sed meliorem Catullæ, scilicet, arrectis, inquam, auribus adstet, auditurus

auditurus demonstrationem cujus præmissæ sint primò veræ, vel ex primò veris evidenter deductæ. Nam debet, inquit, precedere antiquior, junior sequi, atqui *Benedictina* est antiquior (scilicet Ordinis institutione & approbatione) *Aroasiensis* junior, ergo debet illa precedere, hæc sequi. Ecce demonstratio. Sed nunquid ex primò veris præmissis? non videtur, quia Auctor asserit majorem positam esse & probatam num. 80. non erat ergo primò vera. Vel si dicatur, quod saltem ex primò veris sit deducta; nihilominus de minore est præsens difficultas, de quâ ipse hîc, *Minor constat ex conclusionis VI. Corolario* 11. num. 168. Quære, amabò, Lector candide diligenter hunc locum notatum in librâ Auctoris si eam habeas ad manum & scio vel ridebis, vel indignaberis, vel pudore confunderis, vel condolebis, nam ibi nil minus invenies quam probatam hanc minorem: *Benedictina est antiquior, Aroasiensis est junior*, Certè nova hæc est *Dialectica Caramuelis*: in quâ assumitur in probationem, id quod controvertitur, require etiam ibidem conclusionem quintam, de quâ hîc: *Minor est conclusio quinta, & reperies hanc: Stando rei nature, & juri communi Regulari, an Aroasienses*

Aroasienses (si & ipsi ad Lateranensium Cathedralium aut Collegialium ordinem pertinerent) deberent Cisterciensibus preponi, an postponi dubium esset. Jam confer hanc conclusionem cum hac minore: Benedictina est antiquior, Aroasiensis junior, & judica an sint eadem. Et si placet nostra hæc scripta, cum scriptis Adversarii conferre, judica an hæc eadem minor vera sit an falsa.

221. Secundum Corollarium. *Si iidem Abbates singulariter, & non capitulariter cum suis communitatibus concurrant, debet Benedictinus precedere. Hoc similiter ex præcedentibus, inquit ejus Auctor demonstratur. Audiamus ergo demonstrationem, sed prædictæ non ab similem: Quia in tali casu, inquit, debet precedere Abbas Ordinis antiquioris, atqui Benedictinus est Aroasiensi antiquior, debet igitur precedere Benedictinus, consequentia est legitima: Minor est ipsa conclusio 6. Corol. 11. num. 168. Ita ille. At tu Lector recur-
re si vacat, ad illum locum, & idem invenies quod ante & nil amplius; imo falsum deprehendes, quod hæc minor sit Conclusio sexta. Sed pergit Auctor, major, inquit, ipsam Protheorema primum num. 80. & 99. verum illud protheorema primum num. 80. locum habet*

in Ordinibus ipsis diversis simul Collegialiter concurrentibus, non ergo hîc facit ad rem. Protheorema vero num. 99. magis quidem videtur ad rem, sed non est tam certum ac Auctor supponit. Nam alia est ratio communitarum, alia verò Abbatum, singulariter concurrentium, in illis enim habetur ratio prioris antiquitatis Ordinis, in his verò secundum jura, quamvis usus alibi aliter habeat, habenda est ratio antiquioris, non quidem Ordinis; sed promotionis ad Abbatialem dignitatem, prout fit, in Episcopis ut videre est, cap. Episcopos. dist. 16. & cap. finali dist. 75. ut eruditè notat Consultissimus Dominus Andreas Catulle in suo motivo juris, num. 6. cum multis aliis, qui observant summos Pontifices, & Cardinalium congregationem diversimodè has duas quæstiones decidisse, & ut alia prætereant, meminere controversiæ ortæ inter Lateranenses, & Cassinenses, & ostendunt in eâ aliter de communitatibus si compareant conventualiter, aliter verò de Abbatibus, si personaliter id est singulariter fuisse judicatum, teste ipsomet Adversario 2. *parte libræ* num. 94. & manifestè patet, non tantum ex sententiâ & brevi executorio Pii IV.

sed etiam ex relationibus trium Cardinalium, suprà verbotenus recitatis.

222. Circa quas observavimus, totum Ordinem Canoniorum Reg. S. Aug. in Lateranensibus, de toto Ordine Benedictino in Cassinensibus triumphasse, ratione prioris antiquitatis, adeo ut triumphus nullo modo fuerit divisus. Nam quantum ad Abbatum singulariter, concurrentium præcedentiam, non habendam fuisse rationem Ordinis; sed Abbatialis dignitatis in quâ omnes sunt æquales, & ob quam promotione senior præcedentiâ donatus est, factâ aliâ & à priore distinctâ quæstione, & resolutâ, à Cardinalibus relatum & à Pontifice decisum fuit.

223. Has relationes non videtur legisse Adversarius, & ideo semper hæret in eodem luto, supponens, quasi neutra pars sufficienter poterit probare intentum (ut putat) neutra pars totum obtinuerit, sed utraq; aliquam solummodo partem, in quo plurimum hallucinatus est; ut aliquoties ostendimus. Datum enim est Lateranensibus totum id, quod illis ex jure competebar, neque enim illis competebar, ratione Ordinis præcedentia, in singulari illo Abbatum concursu;

concurſu; quæ nec in hoc eodem caſu, Caſſinenſibus debebatur, ut quæ, debita erat illi, qui priùs eſſet promotus ad Abbatialem dignitatem; cujuſcumque tandem eſſet Ordinis: prout æquitatis ratio poſtulare videbatur, ob paritatem dignitatis, & uſitatum exemplum præcedentiæ Episcopalis. Quo probè intellecto, deprehendetur nullarum virium eſſe, magnus ille, diſcurſus tam operoſè ab Adverſario formatus 2. *parte num. 95. & 96.* contra Andream Catulle qui totus fundatur, in debili illo fundamento quaſi hîc, aliquid tributum ſit, Abbati Caſſinenſi promotione ſeniori, ratione Ordinis, quod ita non eſſe, clariffimè apparet, ex ſæpe citatis Cardinalium recitationibus, quas quia Adverſarius non videtur legiſſe, non miror eum in hanc falſam conjecturam lapſum fuiſſe.

224. Superioribus annis, cum orta eſſet diſceptatiuncula, de præcedentiâ inter admodùm Reverendos Dominos Abbates, Dñm meum Eechoutanum, & Dunenſem; R. Dominus Eechoutanus, quæ ejus erat urbanitas, obrulit Dunenſi præcedentiam; ſed eo titulo, quod eſſet antiquioris promotionis ad Abbatialem dignitatem, quam oblationem, ſub tali titulo tantùm,

cum is acceptare nollet, sed eam prætenderet obtinere, etiam titulo Ordinis Cisterciensis, & aliarum, quas allegabat qualitatibus, lite mota, & re mature examinata cecidit causa in Provinciali Concilio Gandensi, ut verè etiam hîc locum habuerit vetus illud adagium; qui duos insectatur lepores, neutrum capit.

CAP V T IX.

225. **D**Ecima sexta. *Cysoniense Cœnobium olim Sæcularium Canoniorum fuit, jam Regularium.* Quid inde? fuerit fortè Cysoniense Cœnobium olim tale, modò jam fit, ut ponitur, Regularium Canoniorum scilicet Ordinis S. Aug. salva res est, meritò possunt Domini Cysonienses titulo sui Ordinis antiquioris, respectu Cisterciensium, præcedentiam prætere, ut cæteri. Sequitur ex dictis primâ & secunda parte hujus tractatus. Sicut enim quod Alnenses primò fuerint olim Canonici Reg. non impedit, quo minus jam sint univocè Cistercienses, ut horum juribus fruantur, ex mente Adversarii; ita non impedit quo minus Cysonienses jam univocè sint Canonici Reg.

Reg. S. Aug. quamvis olim fortè fuerint sæculares. Quamdiu ergo Cysonienses erunt Canonici Regulares, tam-diū gaudebunt juribus eorundem, eos autem tales esse liquet vel ex ipso Buzelino apud Adversarium num. 622.

226. Decima septima. *Monasterium Cysoniense Aroasianum ex antiqua institutione fuit.* Esto, non propterea desierunt esse Canonici Reg. Ordinis S. Aug. Cysonienses, cujus Ordinis quædam Congregatio inter cæteras Aroasiana fuit, sicut Lateranensis, Victorina, Windesemensis &c. ut supra fusè deductum fuit. Fuerit prius Dionysianum, fuerit postea Victorinianum Monasterium Cysoniense, non obstante extrinseca hac vicissitudine, in Ordine intrinseco Canonico-Augustiniano, huc-usque constans semper permansit. Porro Victorianam Congregationem, ejusdem Ordinis, cum suâ esse modo sustinent Lateranenses, & olim supposuerunt, nam cum illis a Cassinensibus objectum esset, quod in suo Ordine Abbates non haberent, responderunt Lateranenses, se utique habere, in suo Ordine Canonico Abbates, & adduxerunt exemplum Abbatis S. Victoris, qui fuit caput Victorianæ congregationis. Idem pro comperto

habere se dicunt, de aliis Congregationibus Belgicis, & consequenter de Aroasiana, & Windesemensi, ut supra sæpius. Ex quo facile judicare est quid censendum sit de sequenti Ecthesi

227. Decima octava. *Etiam Ordine Windesemensis, Cisterciensis est antiquior, adeoque Cistercienses Abbates (sive cum communitatibus suis, sive soli & personaliter compareant) debent illos præcedere.* Hæc planè & ut ajunt, ex diametro pugnat cum Bullâ Martini V. sæpius supra memoratâ, in quâ expresse dicit hic Pontifex: Ordinem quem in Capitulo Windesemensi, lætus gratulabatur refflorere, à suis primordiis, post Beatos Apostolos Christi, per Regularia S. Patris Aug. instituta luculenter, per orbem effloruisse, & retroactis seculis mirabili pulchritudini sponsæ Christi Matris nostræ Ecclesiæ plurimum adjecisse. Sed de eo fusiùs & sæpiùs supra.

228. Decima nona. *Cysoniense Monasterium Dionysianum non est, ut sit non est Lateranense. Distinguo, non est Lateranense Congregatione Concedo, Ordine, nego.* Nam quod ejusdem Ordinis sit cum Congregatione Lateranensi, facile Colligitur, vel ex hac clausulâ, quam nobis hic suppeditat Adversarius: *Ut Ordo: Cano-*


nicus qui in Ecclesia vestra secundum Regulam S. Augustini institutus esse dignoscitur perpetuis ibidem temporibus observetur. Quæ eadem clausula, utuntur Pontifices, in suis bullis, Lateranensibus datis, supponentes utrobique eundem Canonicum Ordinem, S. Aug. observari. De quo etiam prolixius actum est supra suo loco, & de Dominis Cysoniensibus, infra quædam sumus dicturi.

229. Quibus omnibus ferè ad PONDVS SANCTVARI, hoc est pontificis diplomata debite libratis, Narcissum exuat & Rhadamanthum induat candidus lector, & iudicet, quid tandem tenendum sit de ultimo hoc, ex præmissis Ethesibus expresso, magnâ violentiâ, corollario: Maneat igitur Cistercienses præponi debere Aroasiensibus, Victorianis, Windesemensibus, & quibuscumque alio non Lateranensibus Canonicis regularibus: Iudicet, inquam, an manere debeat, an potius confutatum & confusum præ pudore ad latebras fugere, & in æternum amplius non comparere, tanquam ad perpetuos eosque obscuros carceres condemnatum.

PARS QUARTA

In quâ explorantur quædam Adversarii solutiones, quas argumentis nostrorum, ille adhibere conatus est, & detegitur infirmitas earum.

230.



Ectheses Caramuelias, præcedenti tractatus nostri parte 3. ferè ad PONDUS SANCTVARI ponderatas, leviores quam primâ fronte apparebant, deprehendimus: restant solutiones, quas adhibere conatus est libripens, argumentis nostrorum, examinandæ, an sint prædictis Ecthesibus graviores. Quod jam agendum non quidem circa omnes, ne quod opusculum solummodò meditati sumus, & intendimus, crescat in opus, cujus multa folia onerarent lectorem: sed solum circa aliquas, quæ apparerent aliquibus solidiores, ut ex ungue leonem.

CAP.

C A P V T I.

231. **M**artinus Aspilcueta communiter doctor Navarrus indigitatus, unicuſ ille monarcha juris, prædicatur ab Adverſario, quod hâc in cauſâ ingenio ſuo nos reddiderit animoſos, & ut verum fatear, non parum eſt, hac in re, talem nos habere patronum. Mortuus eſt & leo mortuus non mor- det, quamdiu tamen ejus ſcripta durabunt, & ipſe perennabit ſuumque ordinem Canonico-Auguſtinianum condecorabit, ut doctrinâ, ſic & ſanctitatis famâ, & quia optimè de ordine ſuo meritus, viciffim meritò ab eodem meretur defendi. Porro vivit & ipſe Andreas Catulle, ut vitâ dignus, ſic gloriâ, ſic putamus, ætatem habet, de ſe loquatur. Cum ipſe patronus ſit noſtro patrociniò non indiget, ſed novi iſtius vi- ri generoſitatem quam mihi alii depinxerunt, vereor ne ipſe juris peritiſſimus cum dialectico juris ut apparet imperito congredi & in arenam prædire dedignetur, inſtar Penelopes quæ de- dignabatur procos illos qui à Dominâ in an- cillas amorem ſuum deſlectere non erubeſce-

bant. Multo minus Navarrus alienâ operâ indigeret, nisi vita functus, famâ vivus, linguâ careret, qua tot oracula, tot consilia non vendidit, sed gratiosè donavit. Putatur non locutus fuisse in hâc causâ de omnibus Canonicis Regularibus sui Ordinis, sed tantum de Lateranensibus verum putatur tantum. Legatur attentè & sincerè quodque docuerit eos omnes in Lateranensibus triumphum egisse, sanus videbit oculus. At, inquit, Adversarius: si de omnibus involuit *multas easque diversissimas difficultates*. quomodo cum extricatu faciles? ostendam. Producat Adversarius rationes Navarri ad formam syllogisticam, ut ait, redactas. *parte 4. libra, num. 271. & seq.*

Prima est. *Canonicis Regularibus inest Clericatus per se, Monachis per accidens; at qui digniores sunt Clerici per se, Clericis per accidens ergo Canonici debent precedere, Monachi sequi. Major est desumpta ex D. Thoma. 2. 2. q. 189. & firmatur cap. alia cap. si Clericus &c.* Hæc ratio Navarri. Ad quam quis non videat inquit Adversarius *argumenti istius debilitatem?* Ego inquam ostendat Adversarius. *Qualitatem inquit, quæ non consideratur à jure, superius nullam esse diximus virtualiter, id est*
ita

*ita se habere, ac si verè non esset & in materia
præcedentiæ non consideratur Clericatus sed Ordinis
ætas : audivimus. Fiat syllogismus. Qualitas quæ
non consideratur à jure, nulla est virtualiter,
atqui qualitas Clericalis non consideratur à ju-
re, ergo nulla est virtualiter. Hic ego respondeo,
negando minorem propositionem. Nam in hac
causâ hæc qualitas consideratur à jure, ut pa-
tet, ex brevi executorio sententiæ Pontificiæ
latæ, in commodum Cononorum Reg. S. Aug.
cujus præferentiæ duo fundamenta, à Pontifice
reteguntur hisce expressis verbis: *Quod ipsi Ca-
nonici sint de illis Clericis à S. Aug., quinimo à
Sanctis Apostolis institutis, eosdem Canonicos tam
sue antiquæ institutionis hujusmodi, quam etiam Cle-
ricalis dignitatis ratione &c.* Apud Adversarium
n. 277. & meritò quia controversia non erat in-
ter Monachos & Monachos, quo in casu tan-
tum opus fuisset, attendere ad Ordinis ætatem,
sed erat inter Clericos ex instituto, & Mona-
chos ex instituto, & tunc in materiâ præceden-
tiæ, etiam attendenda fuit dignitas clericalis:
ut si exempli causâ lis esset inter Abbatem &
Præpositum, dignitas Abbatialis consideraretur,
& præponderaret, quamvis etiam suas qualita-*

tes, præpositus allegaret. Quod etiam locum habere puto in Ordine Cisterciensi, in quo dantur fratres laici, qui revera sunt Religiosi, & vovent solemniter tres virtutes monasticas, Religiosi utique Ordinis Cisterciensis teste Adversario *Commentar. in Reg. S. Bened. num. 407.* quos tamen etsi in Ordine professione seniores, præcedunt multi monachi professione juniores choro deputati, & aliquando ad sacros ordines promovendi solo titulo clericatus, ut passim in ordine Benedictino, & aliis praticari videmus. Et sic factum fuisse in hac nostrâ causâ, habitam, inquam, fuisse rationem qualitatis clericalis & non tantum ordinis, patet ex *allegationibus Scipionis Lancellotti, pro Canonicis Reg. n. 69. & pluribus sequentibus*, quas allegationes citat Navarrus *Comment. de Reg. num. 8.* Itemque ex relationibus Cardinalium superiùs datis in quibus hæc Navarri ratio perspicuè, latè fortiterque, urgetur & ponderatur: quæ relationes quantæ apud nos esse debeant auctoritatis, monstrant verba pontificis, ab Adversario notulâ decimâ signata, in brevi executorio, sæpe memorata, hæc nimirum: *Vnde nos illorum relatione intellectâ, eaque per nos diligenter examinata,*
quoniam

quoniam eam in omnibus suis partibus veritati & juri consonam comperimus, per nostram sententiam definitivam pronuntiavimus Canonicos Regulares uti Clericos-Monachos S. Benedicti præcedere debere. Vbi etiam hîc, obiter notanda verba ejusdem bullæ, de plenâ probatione antiquioris ordinis Canonici, respectu Ordinis Benedictini, quia semper Adversarius versat & reversat contrarium, scilicet hoc non fuisse plenè probatum; ac proinde præcedentiæ jus inter Lateranenses & Casinenses, in quibus duobus totus ordo Canonicus, & totus ordo monasticus, concertarunt, à Pontifice fuisse divisum, quod ita non esse clarè ostendunt hæc Pontificis verba signata ab Adversario notulâ 9. Qui quidem Cardinales dictis partibus earumque procuratoribus & Advocatis pluries auditis, dubiisque emergentibus ad plenum discussis & resolutis, comperto satis per eos ex compluribus litteris Apostolicis diversisque aliis documentis, rationibus & probationibus, quod ipsi Canonici fuerunt & sunt de illis Clericis à S. Aug. quinimo à sanctis Apostolis institutis, eosdem Canonicos tam suæ antiquæ institutionis hujusmodi quam etiam Clericalis dignitatis ratione &c. sicut sup.

233. Sed instat Adversarius sanè inquiens,

X x 3

si ali-

si alicujus esset ponderis hæc ratio, multas possemus formare, quæ æquè pro Monachorum præcedentia concluderent. Ita ille. Respondetur, magni PONDERIS necessario esse debet illa ratio, quam Pontifex canonisavit, & in quâ diligenter examinatâ, per se & veritati juriq[ue] consona compertâ, partialiter suam sententiam fundavit. Quod etiam observandum est, circa alia argumenta à Catulle producta quæ etiam confitentur in relationibus Cardinalitiis prædictis, ab eodem Pontifice, ut jam vidimus, approbatis. Sed audiamus quas rationes æquales potuerit Adversarius pro suis Monachis formare.

234. *Prima sit inquit. Status Religiosus qui in trium v[ot]orum emissionem consistit Monachis convenit per se, Canonicis verò per accidens: non enim datur Monachorum communitas non religiosa, cum tamen certum sit dari Canonicos v[ot]is non strictos, quod si v[ot]a essent de essentia Canonici status non esset Canonicus qui v[ot]is obstrictus non esset. At qui statum Religiosum statu secularium perfectiorem esse de fide est: Ergo Monachi debent in omni consensu Canonicos universos præcedere. Respondeo negando majorem propositionem quia status religiosus æquè benè convenit per se, Canonicis regularibus,*

laribus, quales ante secularisationem, omnes ex Apostolicâ institutione fuerunt, ut in superioribus satis superque juxta dicta pontificia probatum, & de quibus in præsentî materiâ agitur, quam Monachis. Vnde probatio à sæcularibus petita impertinens est; prout etiam minor. Nec enim vult Navarrus quod status Clericalis sit perfectior monachali, sed quod sit dignior ut clarum est, unde etiam consequentia nulla est, quia in jure præcedendi non attenditur quisnam sit perfectior, sed quisnam dignior. Cumque clericalis dignitas competat Canonicis Reg. per se, monachis tantum per accidens, benè probat Navarrus his illos esse præferendos. *Qui habet de titulis*. Vide supra relationem Cardinalis Cicadæ. Vbi exprèsse dicitur: circa præcedentiam non attendi comparisonem meritorum sed ordinum, *ut not. Gemin. in cap. quamvis cum aliis juribus ibi relatis*. Sed pergit Adversarius.

235. Monachis inquit, Benedictinis, per se & ex primævâ institutione sua competit dignitas Abbatialis, quæ non nisi per accidens competit Canonicis ut de se patet, multæ enim Canonici communitates Abbatie non sunt, atqui Abbatialis dignitas excellentior & eminentior priorali est, ergo

ergo Monachi præcedere debent. Respondeo in hoc discursu multa involuuntur, quæ diligentiore indigeant examine. An scilicet Abbatia semper fuerit dignitas, & præsertim eo tempore, quo S. Benedictus suum instituit Ordinem, & suam scripsit Regulam, & in relatione Cardinalis Cicadæ ostenditur multis argumentis, quod non, ibique expressè dicitur, *quod dignitas & privilegium Abbatum nostri temporis eis competit ex speciali privilegio sedis Apostolicæ de privilegio in b. & infra propterea*, verba sunt Cardinalis præfati, *quod dicitur Monachos videri digniores, quia habent Abbates naturaliter, Canonici verò per accidens ut videtur dicere Innoc. in d. cap. cum illorum in verbo Abbat. ubi notant omnes quia Abbatia per se nihil est, sed dignitas venit ex post facto, eo tempore, quo etiam Canonici habuerunt pro ut habent multos Abbates.* Ita ibi. Tamburinius etiam notat mentionem fieri non solum Abbatum Monachorum sed etiam Canonicoꝝ in Synodo Aquensi sub Gregorio Quarto. circa annum Dñi 800. Vide eum de jure Abbat. tom. 1. dis. 26. n. 13. sed & tempore venerabilis Hugonis de S. Victore S. Bernardo Coëtanei Canonicos Reg. S. Aug. qualis ipse fuit, Abbates habuisse

Nota

habuisse liquet, ex commentario quem ipse conscripsit in Regulam S. Aug. in quo sic legitur: *Quod si in Congregatione non sit Abbas sed Episcopus, ipse Presbyteri nomine* (in Regulâ scilicet) *designatur.* Supponens Presbyterum, id est Canonico-regularium superiorem aliquando esse Abbatem, aliquando esse Episcopum. An denique verum sit absolutè quod Abbatialis dignitas semper & ubique fuerit excellentior gradû Priorali? si quidem Prioratus Lateranensis Basilicæ olim eminentissimus fuit, & qui in eo gradû constitutus erat, olim præcedebat Abbates S. Pauli & S. Laurentii extra muros Urbis teste eodem Tumburinio sup. disp. 3. quæst. 4. num. 22. ex Onuphrio lib. de 7. Urbis Ecclesiis. Item Prior S. Andreæ in Scotia in eo regno omnes præcedebat Abbates, ut supra meminimus, & uterque, Prior Lateranensis scilicet, & Andreanus, Ordinis fuerunt Canonico-Augustiniani. Sed quia hæc omnia & similia soluta sunt à Scipione Lancellotto in allegationibus pro Canonicis Reg. S. Aug. à num. 172. usq; ad numerum 197. transeo ad examen probationis majoris propositionis quâ prætendit Aduersarius, Canonicis Reg. non nisi per accidens,

competere Abbatialem dignitatem, quod sic conatur probare. *Multæ* inquit, *Canonicorum communitates Abbatia non sunt.* At quis non videat quam nulla sit hæc consequentia. *Multæ* Canonici communitates, *Abbatia non sunt,* ergo Canonici Regularibus dignitas Abbatialis, non competit, nisi per accidens. Si enim Hæc consequentia aliqua esset sequeretur & retorqueretur in Caput Adversarii, quod etiam Monachis Benedictinis Abbatialis dignitas non competeret, nisi per accidens. Equidem multæ Monachorum Benedictinorum communitates, *Abbatia non sunt,* sed tantum Prioratus, ut in primis patet in Benedictinis Anglis reformatis qui Duaci resident, quorum Prior mecum familiari colloquio agens, & ex me intelligens, nonnullos recentiores, velle prætere & contendere Benedictinos debere præcedere Canonicos Reg. S. Aug. titulo antiquioris Ordinis, in eos invecus statim intulit, se paratum esse hoc tanquam erroneum, & contrarium ut verum, etiam in ipsâ Academia Duacensi ex Cathedrâ defendere. Patet etiam de multis aliis ex jure Canonico locis citatis à Lancelloto ubi supra num. 174 itemque ex Ascanio *de jure Abbatum*

Abbatum tom. 1. disp. 2. quest. 7. num. 3. ac tandem ex ipsomet Adversario comment. in Reg. S. Benedicti disp. 124. num. 1573. ubi sic scriptum reperio: Sub idem tempus plurima S. Benedicti Cœnobia solum erant Prioratus, Vallis-oletanum, non erat Abbatiale. Constat ex privilegio Eugenii IV. concessio Anno 1437. num. 9. sic etiam alia successu temporis fere omnes Priores absoluti donati sunt dignitate Abbatiali. Idem supra eodem num. scriptum habetur de Cisterciensibus his verbis: Antistites Cisterciensium Cœnobiorum Hispaniæ in observantiæ institutione Priores, non vero Abbates vocabantur &c.

Hæc apud Adversarium. Sed quid multis moror? clarum exemplum, hîc, in Belgio hoc tempore habemus in Superiore Monasterii S. Salvii Ordinis S. Benedicti, qui cum solo titulo & nomine Prioris olim audiret, speciali privilegio Urbani VIII. opus habuit, ut Abbatiali dignitate fulgeret, quemadmodum lippis & tonsoribus notum est.

236. Ex quibus facilis datur responsio ad ea quæ Adversarius confarcinat in *libra num. 274. & sequentibus usque ad numerum 279.* nempe superiores Benedictinos etiam Cistercienses,

æquè benè indigere privilegio Pontificio ut dignitate Abbatiali emineant, quam Canonicos Reg. ac proinde si illis competat per se esse Abbates, etiam his hoc idem ipsum competere. Quinimò hoc Monachis tantùm competere per accidens colligit ex Jure Canonico Lancellottus sup. num. 175.

C A P V T I I.

237. **V**Erùm Adversarius animosius progreditur, arguens num. 279. Canonicos Reg. S. Aug. Arosianos, Victorianos, Hispanos, Gallicanos & Germanos non esse Clericos per se, eo quod aliqui ex illis ad professionem admittantur, qui nondum Clericali tonsurâ sunt insigniti, eâ suo tempore post professionem insigniendi. Ad quod l. responderi potest, non licere argumentari ab abusu, & fortè abusum esse in Ordine Canonico-Augustiniano, admittere aliquem ad professionem, nondum Clericatu initiatum, quod non fit in Monasteriis, per omnia bene ordinatis, unde apud nos, nullus ad professionem admitteretur nisi vel in Clericatu vel in minoribus consti-

constitutus, competenter denique litteratus, ut habent recentiora nostra statuta, per quæ præfata illa Aroasiana sunt antiquata. Quamquam si secus fieret nunquam auditum sit talem professionem esse invalidam, nam & Clerici Societatis qui etiam militant in Ordine Clericorum, (vocantur enim in Tridentino Clerici societatis) validè professionem primam quâ veri fiunt Religiosi, faciunt, etiamsi actu Clerici nondum sint ut ipsimet mihi, ingenuè super hoc consulti confessi sunt, multi enim eorum post professionem illam, opportuno tempore, ad Clericatum cum sacris ordinibus suscipiendum amandantur. Ordo similiter S. Dominici Ordo prædicatorum & est, & vulgò vocatur & nihilominus, communiter recenter professi nondum actu prædicatores sunt, tales quandoque futuri. Et quamquam multi in eo Ordine etiam sint, fuerintque qui vel defectu doctrinæ, vel facundia, vel alterius aptitudinis requisitæ nunquam reaptè prædicatoris munus obierint, non tamen propterea eorum professio desinit esse valida, nec ipsi desinunt dici Prædicatores, ad hæc namque sufficit quod Ordinis sui instituto & titulo tales sint. Et idem est de Canonicis Reg. præ-

dictis, qui tametsi actu clericatu præditi non sint, Clerici tamen sunt & instituto & vocabulo, ac eo-ipso quo professionem in Ordine Canonico-Clericali faciunt, debitum quodammodo contrahunt, ut suo tempore si non sint Clerici, fiant, si choro sint deputati ut ferè omnes sunt, pauci enim eique tantùm necessarii, admittuntur conversi. Itaque si non de facto, debito saltem & quidem ex vi Ordinis Canonico-Clericalis talisque professionis, sunt Clerici. Quod non ita habet locum in Monachis ex vi suæ primævæ institutionis, qui ne quidem ex professione suâ Monasticâ Clerici esse debent, ut qui in Ordine Monachorum, non verò Clericorum Canonikorum militent.

238. Vnde in relatione Ioannis Michaëlis & Bernardini Scotti Cardinalium suprâ recitata expressè refertur: *Quod Monachi ex sua institutione sint laici. cap. de Episcop. & Cler. c. generaliter canonisata in can. generaliter 16. quæst. 1. quinimo de jure non poterant Clericari ut notat prepositus in can. priscis. 55. distinct. & in can. requisitus 1. qu. 7. nisi ex causa necessitatis ut in can. priscis & in can. moderamine, & in can. ex Auth. 16. q. 1. Nec obstat quod aliqui dicunt, hoc tantum*

tum fuisse in usu priscis temporibus, jam verò ex privilegio summorum Pontificum Clericatum Monachis esse communicatum. Nam vel hæc ipsa ratio privilegii arguit Clericatum per se ipsis Monachis non competere, neque enim necessaria sunt privilegia ubi natura facultatem concedit, inquit ipsemet Adversarius 3. parte libræ num. 241. & ostendit exemplo Antonii Prætensi Regis Portugalliæ quem probat non legitimum Filium Principis Ludovici fuisse; sed nothum eo quod indiguerit Antonius privilegio paterna arma gerendi & stemmata sine lineâ transversali, quæ thori illegittimi character est, itemque privilegio legitimisationis à Pontifice concessio. Sic nec dici potest status Abbatialis, æquè nobilis, quam est Ordo Episcoporum, ex eo quod aliquis Abbas ex concessione summi Pontificis simul sit Episcopus, nam Episcopatus solum illi inest per accidens, quod autem per se est tale nobilius est illo, quod tale est per accidens ut doctè notat Catulle in suo motivo juris num. 23. Cæterum Clericatum per se competere Canonicis Reg. S. Aug. post pontificia diplomata, amplius negari non posse videtur.

239. Dicere autem Canonicos Regulares S. Aug. Aroasianos, Victorianos, Gallicanos, Hispanos, Germanos non esse ejusdem Ordinis cum Italicis, est loqui contra eadem proloquia pontificia, ut suprâ satis superque declaratum est. Est etiam contra mentem Italorum, Lateranensium scilicet, qui in processu celebri illo sæpiùs commemorato, cum illis objectû fuisset, à Monachis Cassinensibus, quod ipsorum prælati non essent Abbates. Responderunt in suo Ordine non solùm in Italiâ se habere Abbates; sed etiam in Galliâ adducto exemplo Abbatis S. Victoris propè Lutetiam Parisiorum, à quo denominati sunt Canonici Regulares Victorini, seu Victoriani ut alibi dixi. Item in eadē Galliâ Abbatis S. Rufi seu Ruffini. De quo in jure Canonico. Can. Statuimus 19. q. 3. & Abbatis in Castiliâ qui suis Canonicis Reg. confert 22. beneficia, ut habes in sæpè citatis allegationibus, Scipionis Lanceloti num. 176. & sequentibus.

240. Quod autem Adversarius multùm exaggerat quod in antiquis, imò jam antiquitatis constitutionibus Aroasianis habetur de illitteratis, quos ferebat simplicitas istius ævi, intelligi

ligi potest, de junioribus ignaris litterarum latinarum, qui olim ad Monasteria admittebantur, ut eas ibidem, cum Religiosis moribus, virtutibusque addiscerent, imbiberentque. Neque enim ad primam tonsuram requiritur peritia linguæ latinæ, sed sufficit quod eâ insigniendus, sciat legere & scribere (saltem vulgari linguâ secundum aliquos, inquit, ex recentioribus Iosephus Augustinus Panormitanus in *brevi notitia tit. de Sacram. Ordinis num. 18.*) & fidei rudimenta sit edoctus.

C A P V T III.

241. **V**erum enim verò antequam ad reliquas solutiones, examinandas progrediamur; juvat advertere, quam infideliter Adversarius Navarrum producat, ne dicam traducat, & in primis, circa notabilia Navarri, loco suprâ citato; quæ cum quatuor sint, ponuntur ab Adversario quasi tantum essent duo, *quorum primum de notabili differentia inter Ordinem Canoniorum Reg. & Monachorum, secundum verò, quod Canonici Regulares laxiori Ordini serviant quam Monachi.* Quasi his duobus notabilibus

Zz

Utor editi-
one Colo-
nienſi 1616

bilibus præmiſſis, Navarrus incipeat, proponere ſuas rationes, quibus probet Canonicos Reg. debere præponi Monachis, cum is hoc tantum faciat notabili 4. Itaque Canonicos Regulares Ordini ſervire laxiori quam Monachos juxta cap. *Quod Dei timorem*, apud Navarrum non eſt notabile, ſed ſecundum argumentum, ex quinque à Navarro productis, ad probandum primum notabile, quod eſt de notabili differentiâ inter Ordinem Canonico- rum Reg. & Monachorum, quam probat I. ex cap. *Mandamus*. II. ex cap. *citato quod Dei timorem*. III. ex *D. Thoma 2.2. q. 189. art. 8.* quarto ex eodem *S. Thomâ ibidem*. V. ex cap. *nullam*. Secundum autem notabile eſt, quòd Canonicus Reg. non poteſt tranſire ad Ordinem Monachorum. 3. Quòd quis poteſt, de unâ Religione, ad aliam tranſire. 4. Quòd Ordo Canonico- rum Reg. eſt dignior Ordine Monachorum, ac proinde debeat honorabiliorem locum obtinere. 1. *Quidem* inquit Navarrus, probando hoc notabile ultimum per prædicta quibus probatur quod ratione ſinis Ordinis dignitas eſt conſideranda: & quod ſinis in quem inſtituti ſunt Canonici eſt dignior ſine in quem inſtituti ſunt Monachi.

Et

Et quod Canonici per se sunt Clerici, non autem Monachi, & Clerici digniores sunt Laicis, & quod Canonici non possunt transire ad Monachos quatenus sunt Monachi, Monachi autem quatenus tales possent transire ad Canonicos. 2. per multa quæ habentur in allegationibus typis excusis multorum eruditissimorum jurisconsultorum factis in favorem Canonico- rum coram tribus Cardinalibus &c. Haftenus Navarrus, cujus rationes & argumenta in dictis allegationibus quas sæpè citavimus, ex quibus ea petita sunt, solertè, & copiosè tractantur, objectionesque nervosè enodantur, adeò ut præfati tres Cardinales rationibus hujusmodi, maturè ponderatis; & Adversariorum sæpiùs ad plenum solutis objectionibus palmam Canonicis Regularibus adjudicandam censuerint, ut patet ex eorumdem relationibus à Pontifice per se examinatis & veritati ac juri consonis repertis, & sententiâ decretoriâ, nec non brevi executorio Pontificio, quæ quidem expressè mentionem tantum faciunt Canonico- rum Reg. Ordinis S. Aug. Congregationis Lateranensis, quia illi nimirum soli cogniti erant in processu; verùm à paritate & identitate rationis, extendenda etiam veniunt ad reliquos omnes Canonicos Reg.

ejusdem Ordinis, & instituti, idque ex mente, plurium doctorum virorum, & præsertim Navarri Canonici itidem Reg. ejusdem Ordinis, in jure Canonico, præ cæteris jurisperitis, versatissimi, Romæ diu morati, ibique vitâ functi (mors Navarri Romæ ab omnibus Consistorii & toto Cardinalium Collegio fuit deplorata) & sepulti, à Pontificibus Maximis Pio V. & Gregorio XIII. magno in pretio habiti, cum Lateranensibus haud dubiè sæpiùs conversati, atque adeò hâc de re optimè informati; utpotè ad instituti sui statum spectante. Cujus proinde in hâc materiâ magna auctoritas esse debet, qui eo tempore vixit quo sententia lata est, quique allegationes reciprocas, controversiæ non ignoravit, multò minùs ea quæ, ut dixi, ad instituti sui statum pertinebant, qui denique doctrinæ suæ, cum vitæ integritate conjunctæ, tale à Gregorio XIII. accepit testimonium & præconium:

Domini Doctoris Navarri inconcussam, sanctamque è juris penetralibus depromptam esse doctrinam non addubito, eoque nomine eum veneror & amplector, præsertim cum eâ eruditione, sanctitate, vitæque integritate sit D. Navarrus, ut non nisi sancta & pia eum scribere certò in animum inducam ac non modò scribere,

Scribere, verum etiam quæ scribit, vita ac moribus exprimere, æqualem verbis vitam agere optareque ut ceteri in sortem domini vocati se imitentur. Apud Iulium Roscium Hortinum in vitâ Navarri.

242. Hujus itaque tanti Doctoris rationes quâ quantâve facilitate difflet Adversarius (sic enim jactat) superest ut videamus. *Secunda inquit objectio. Canonorum Ordo est altior Ordine Monachorum: ergo debet præcedere, quia tametsi ad vitam contemplativam utrique instituti sint, Canonici instituti sunt ad vitam contemplativam circa mysteria publica, Monachi verò ad contemplativam privatam, & ideò quantum bonum publicum differt à privato, tantum Canonorum Ordo ab Ordine Monachorum. Ita Navarrus jam citatus ad dialecticum rigorem reductus & citat. D. Thomam 2. 2. q. 189. quo argumento utitur etiam Catulle num. 21. Cui argumento respondet Adversarius. 1. publica non esse altiora privatis sed manifestiora.*

243. Verum quæ manifestiora, ea etiam illustriora. Vnde personæ publicæ dignitatis & auctoritatis illustres appellantur. Hinc & illustres familiæ quæ publici nominis, cum aliàs privatæ, obscuræ dicantur. Itaque publica non tantum manifestiora, sed etiam altiora si bona

sunt. Exemplo etiam nobis est ipsa communitas, quæ respublica dicitur; & bonum quo communius, eo divinius. Sunt & officia publica, status publici & dignitates, publicæ personæ, quæ omnia privatis præferuntur, non solum quia manifestiora sed quia altiora, ac meliora cæteris paribus, & consequenter honorabiliora. Per publica verò Navarrus communia intelligit, quæ auctore Ambrosio lib. 1. officiorum cap. 28. eadem cum publicis habentur. *Philosophi, inquit Ambro. formam justitiæ putaverunt, ut quis communia, id est, publica pro publicis habeat, privata pro privatis.*

244. Respondet 2. Clericos institutos ad laudem Dei, & orationem privatam, non tamen Monachos, hi enim tenentur communi & publico officio interesse &c. Verùm dicere Clericos ad privata & Monachos ad publica mysteria, vel ministeria institutos esse, est jus Canonicum invertere, est ætimologiam Monachi pervertere, est animum, à dictis patrum Sanctorum, avertere. *Monachus enim Græcè Latine singularis dicitur Can. 16. q. 1. & Canone Monachus eadem q. Monachus non docentis sed plangentis habet officium & Can. si cupis, eadem q. si cupis esse*

esse quod diceris Monachus id est solus, quid facis in urbibus? & can. alia. d. q. 1. alia est causa Monachi, alia Clerici, Clerici oves pascunt, ego pascor. & can. sic vive 16. q. 1. sic vive in Monasterio ut Clericus esse merearis. Hæc ferè ex Hieronymo in jus Canonicum relata sunt. Placet etiam hic audire. D. Thomam loco sæpe citato: Vtraque Religio inquit, Monachorum scilicet & Canoniorum Reg. ordinatur ad opera vitæ contemplativæ. Inter quæ præcipua sunt ea quæ aguntur in divinis mysteriis, ad quæ ordinatur directè Ordo Canoniorum Reg. quibus per se competit ut sint Clerici Religiosi. Sed ad Religionem Monachorum non per se competit ut sint Clerici ut habetur in decreto 16. q. 1. Ita D. Thomas, intelligens per divina mysteria, sacrosanctum Missæ sacrificium quod est officium publicum, itemque novæ legis Sacramenta quæ etiam pro bono reipublicæ Christianæ, sunt instituta, denique verbum Dei, publicè in Ecclesiâ prædicandum, & tandem preces publicas, in horis Canonicis fitas, quæ etsi privatim, etiam dum non interfuerint Choro, à Clericis sint recitandæ, publicæ nihilominus sunt, cum fiant vice Christianæ communitatis, ad quæ omnia Clericus, ejusque Ordo Clericalis ordinatur.

natur, ut ea primò apud se contempletur, dein-
de contemplata ut alibi ait idem S. Thomas
transfundat ad laicos scilicet, etiam Monachos,
quorum officium est plangere, non docere,
pasci non pascere. Porro hoc sublimius, illud
humilius. sed & hoc hîc observandum Navar-
rum hîc loqui de Canonicis Reg. Adversarium
verò ferè de Canonicis sæcularibus; & sic u-
num de cæpis, at alium de aliis loqui.

C A P V T I I I I .

245. **P**Ergit Adversarius: objectio 3. *Arguit
iterum Navarrus licet status Monacho-
rum sit arctior juxta dictum cap. quod
Dei timorem. status tamen Canoniorum est altior
asserente D. Thoma ubi sup. & Cardinali Turre-
cremata in cap. 1. atqui altiores debent præponi
inferioribus, ergo Canonici Monachis. Respondet
paucis interjectis: qui probabitur Canonicos esse
in statu altiore, nempe in tali cujus rationem jus
habeat? in aliqua forte circumstantia excellat; non
scio, dubito, sed per me stat: at in multis excellitur.
Sed neque hæ, neque illæ, sed antiquitas debet pri-
mo loco aut forte unicè considerari. Sic ille. Con-
tra*

tra Respondeo ego: omne fortè habet fortè nō, ut habet vulgare adagium, & in præſenti materiâ præcedentiæ habitam etiâ fuiſſe rationem, non ſolius antiquitatis (quæ noſtris adjudicata eſt) ſed etiâ Clericalis dignitatis, quæ ex jure Canonico jam manifeſtata eſt: patet ex brevi executorio Pii IV. ſæpe citato, in quo patenter hæc verba leguntur: *Eoſdem Canonicos tam ſuæ antiquæ institutionis hujusmodi, quam etiâ Clericalis dignitatis &c.* Ecce Pontifex juxta allegata & probata, pronuntiat Canonicos Reg. S. Aug. eſſe in ſtatu altiore ratione dignitatis Clericalis quam ſint Monachi ut ſic: quibus illa dignitas, tantum competit per accidens, & propter hanc, his illos præponendos judicat. Et interea quærit Adverſarius quî probari poſſit Canonicos eſſe in ſtatu altiore, nempe in tali, cujus rationem jus habet? ſed huic quæſtioni ſatisfacit reſponſio Pontificia jam data.

246. Tandem Adverſarius ad 4. rationem Navarrî reſponſurus, ſic eam proponit in ſuam majorem commoditatem: *Regularium Canonico- rum Ordo eſt dignior Ordine Monachorum, ergo debet præcedere. Probat Antecedens; Canonico- rum ſinus eſt dignior; ergò & Ordo. Probat hoc antecedens. Canc-*

nici habent Chorum publicum ut finem, Monachi privatum &c.

Hic subsiste paulisper lector & lege, relege, perlege, si placet, Navarrum; sed solerter, sed fideliter & nullibi invenies, hoc toto summario commentarii 4. de Reg. docere Doctorem illum, Canonicos habere Chorum publicum ut finem, Monachos privatum: sed notabili 2. eum asserere sublimiorem finem Canonici Reg. esse actionem ministeriorum Ecclesiæ publicorum; quæ juxta jura citata ostendimus esse pascere & docere, quod per se competit Clericis, Canonicis, Monachis verò quæ talibus pasci & doceri, quorum unum spectat, ad administrationem sacramentorum, alterum ad verbi Dei prædicationem, ut jam explicatum est. Sed bonus vir, sub specie reductionis probationum Navarri (adde & Andreæ Catulle) ad regorem dialecticum, ita eas sibi accomodat, ut commodius eas in suum commodum solvat, quod sophistarum potius, quam bonorum dialecticorum est. Sed *mentita est iniquitas sibi*. Quare cum hæc non sit probatio Navarri, nec etiam subjuncta solutio ab Adversario, solutio est,

247. Interim vera ratio à Navarro adducta,
& pe-

& petita à sublimiore fine, ad longum deducta & producta est à Scipione Lancelloto, in suis allegationibus pro Canonicis Reg. cum solutionibus replicarum à num. 163. usque ad num. 172. inclusive, quæ consuli poterunt à studioso lectore apud Ascanium Tumburinium, Congregationis Vallis-umbrosæ Benedictinum loco sæpius citato: repeti etiam poterunt, relationes trium Cardinalium deputatorum, coram quibus hæc controversia sæpissimè, & diligentissimè ventilata fuit, quæque Collectæ sunt ex prædictis allegationibus, ex quibus has suas rationes Navarrus sumpsisse videtur, & comperietur, eosdem Cardinales, eas non disflavisse, sed tanti fecisse ut propter eas, Canonicis Reg. præferentiæ palmam deberi censuerint: quinimo (quod & hic repetendum est) Pius IV. Pontifex maximus in Bullâ testatur, has rationes per se examinatas, in omnibus suis partibus veritati, & juri consonas se comperisse. Vel ergo fallitur Pontifex, vel libripens; prius nec ejus pietas, nec urbanitas admittit, quid restet ipse judicet, & gloriari desinat se *Navarrum & alium Auctorem* fortiter *urbanitate compescuisse & vel in suam partem adtraxisse vel adtrahi debere rationibus clavis ostendisse.*

CAPVT V.

248. **Q**uemadmodum cum Navarro, ita etiam cum Catulle (qui alter Auctor est , quem forti urbanitate compescuit Caramuel scilicet) actum est. Dabo aliqua exempla, quia ille, cum adhuc agat in vivis, & mordere possit, & ætatem habeat scientiamque Juridicam, & praxim haud vulgarem, pro se loqui suo tempore poterit, operam non indigens alienam, ut supra insinuavi. Itaque quæ eruditus D. Catulle tradit v. g. de statu Canonorum Reg. & Monachorum antiquo, secundum se, & jura antiqua, Caramuel ut ea facilius eludat, trahit ad eorundem statum modernum, ut observare est in responsione ad objectionem septimam num. 299. & seq. quæ est de transitu Regularium. Similiter quando ille de re disputat, hic differit de solo nomine, ut videre est in responsione ad objectionem 8. num. 305. & sequen. ubi de antiquiore instituto Clericorum Canonorum, à tempore Apostolorum, juxta pronuntiata Pontificia, quod quidem Canonici Reg. secundum rem instituti sunt,

sunt, quamquam non sub eo nomine (sicuti Monachi à S. Benedicto instituti, non statim, sed successu temporis, dici cœperunt Benedictini, ad distinctionem, aliorum exurgentium, in Occidente Monachorum) quod postmodum certâ ex occasione, solummodò sunt consecuti: neque enim sicuti à tempore Apostolorum institutionem habent, ita ab eodem tempore, sub nomine Canonorum Reg. noti fuerunt sed postea, ad distinctionem eorum, qui eis recentiores, in Ecclesiâ suborti sunt ut Eugenius IV. in Bullâ notavit, & superius 1. & 2. parte huius nostri tractatus tradita docuerunt. Pariformiter quando ille de Ordine Religioso agit, hic respondendo currit ad Ordinem Cardinalitium num. 300. sic quando, ille loquitur, de habitu Regulari hic cavillatur, de habitu sæculari, togâ & indusio. num. 345. Item quando ille philosophatur, de curâ animarum sæcularium Ecclesiasticâ, hic respondet per Curam animarum paternam seu naturalem, atque ita, sicuti alias dixi, sic & iterum dico, dum ille loquitur de Cæpis, hic respondet de alliis.

249. Insuper quæ Catulle conjuncta proponit, & ut sic vim probandi habent, juxta

Regulam vulgatam *quæ non probant singula, multa juvant.* Cap. causam de probat. gloss. in l. 2. verb. legitimus. ff. de excusat. tutor. Caramuel sciens per Philosophiam, *quod vis unita, sit fortior seipsâ dispersâ,* conjuncta disjungit, ut nullam vim probandi habere, simplicioribus persuadeat. Quod advertere est circa probationē secundā minoris octavæ ejusdem objectionis num. 330. & aliquot sequentibus. Dixerat enim Catulle: *Pro certo habetur apud Logicos, quod ea quæ conveniunt in nomine, definitione, & qualitatibus, conveniunt etiam in essentiâ, sed Canonici doctorum Congregationum conveniunt cum antiquis à D. Aug. reformatis in nomine, definitione & qualitatibus ergo &c.* Sic ille. Hic vero num. 332. hæc sic conjuncta, sic distinguit: quasi Catulle dixerit quod ea quæ conveniunt in nomine sint eadem inter se, ut illum pueris & musteis dialecticis risu exponat, non ignorantibus canem domesticum & Cælestem, itemq; hominem vivum & pictum, quamquam convenientes in nomine, non tamen convenire in essentiâ, ac proinde non esse eosdem inter se. Eodem modo num. 337. eadem conjuncta ita distinguit, quasi Catulle voluerit argumentari hoc Modo, quæ
conve-

conveniunt in qualitatibus, etiam in essentiâ
conveniunt, atqui hi & illi Canonici conveni-
unt in qualitatibus, ergo etiam in essentiâ, quod
si verum est, jam Cygnus, Nix, Cartha, homo,
essentiâ & specie conveniunt, cum conveniant
in qualitatibus, albedine, frigore &c. Inquit
Adversarius. Sed quâ fide hæc agantur judicet
fidus Lector, & videat utrum hoc non sit So-
phistam agere, & Sophismata in patrocinium
advocare, ut fortes & validæ rationes in frustra
secentur, ne integræ permanentes, prævaleant.

C A P V T V I.

250. **P**otueram his digito ostensis, operi
superfedere, & Consultissimo juxta ac
eruditissimo Domino Andreæ Catul-
le, suam Apologiam relinquere, tanquam ad
hanc plusquam sufficienter idoneo, sed quia eâ-
dem operâ facile ostendi potest, solutiones Ca-
ramuelias ad PONDUS SANCTUARI
libratas, parum momenti habere, præcedentibus
nonnulla, circa easdem solutiones animadver-
tenda, attexere non gravabor.

251. Itaque circa objectionem quintam &
ejus

ejus solutionem; advertendum, eam desumptam esse ex motivo Juris Andreæ Catulle num. 9. nec propositam fuisse tanquam rationem primariam, sed tanquam aliquid ex abundanti. Quod ut intelligatur sciendum est, litem fuisse de præcedentiâ inter Abbatem S. Joannis oppidi Valencenensis, Ordinis Canoniorum Reg. S. Aug. ex unâ, & Abbatem S. Salvii, Ordinis Monachorum S. Benedicti ex alterâ partibus.

252. Circâ quam de jure Consultus Dominus Catulle Respondit: sibi videri quod dictus Abbas S. Joannis, in suis finibus, & conclusionibus, obtinere deberet, ex rationibus in eâdem lite sufficienter deductis. Quarum prima erat quod Prior in dignitate, præferendus esset ei, qui eandem dignitatem esset posterius consecutus, quod est certissimi & notissimi juris, essetque in confesso, quod Abbatia S. Joannis quingentis & amplius annis, esset antiquior Abbatiâ S. Salvii. quæ demum erecta fuisset ab Urbano VIII. cum antea Monasterium solum esset sub titulo & nomine Prioratus. Hinc exceptionem fecerat Abbas S. Salvii allegans, quod quamvis, posterius dignitatem Abbatialem suscepisset, nihilominus præcedere deberet, titulo

titulo Ordinis Benedictini antiquioris & nobilioris. Ad quod respondit Catulle num. 6. istum titulum nil operari in hoc casu in quo non controverteretur, quis Ordo Collegialiter præcederet, sed tantum quis Abbatum illorum, præcedere deberet, quando singulariter ambo concurrunt: adeo ut tota ratio præcedentiæ petenda videretur ex intrinsecâ Abbatiali dignitate, quæ non esset major in uno, quam in alio. Unde etiam num. 7. impertinentem esse asseruit, exceptionem aliam, Abbatis Salviani fundatam in eo, quod esset membrum Orbis S. Benedicti, & ideo non possit, ab aliis Abbatibus ejusdem Ordinis segregari, sed ratione Communionis, & Connexitatis deberet eorum privilegium sortiri; eamque rejecit respondendo. Ejusmodi privilegium nullibi reperiri, neque in jure communi, neque in particularibus constitutionibus summorum Pontificum, quod Abbates Sancti Benedicti, factâ comparatione Ordinis ad Ordinem, præcedere debeant, Abbates Canonorum Reg. imo contra, Canonicos Reg. jure merito de ejusmodi privilegio præcedendi Monachos Benedictinos sese jactare & tueri posse, eo magis quod certum est Benedi-

ctinos non facere in Belgio unum corpus nec habere communionem, aut connexitatem inter se invicem, utpote qui non habent Generalem, aut Superiorem qui sit Caput illius corporis, sed singula eorum Monasteria, singulariter sub-
sunt Episcopis ex vi ipsius Regulæ, & institu-
tione Divi Benedicti, vel Papæ immediatè ex privilegio, per quod ultimum dictum tantum intendit Catulle evertere secundam illam ex-
ceptionem prædictam, & nullatenus conclude-
re inde hoc modo: illa Religio perdit præ-
rogativam præcedendi, quæ non constituit u-
num corpus, talis est Benedictina in Belgio er-
go &c. Item illa Religio perdit præeminentiam
quæ caret Superiore generali, talis est Benedi-
ctina ergo &c. tertio Monasteria quæ singula-
riter debent subesse Episcopis, non debent præ-
cedentiam prætendere, atquæ talia sunt ex vi
Regulæ omnia Benedictina, quia in Regulâ ex-
pressè agitur de obedientiâ Episcopis debitâ er-
go &c. ut ipsi affingit Adversarius, ferè dixerim,
arte pelasgâ. Quia si quis vel à limine, velit sa-
lutare, ipsum motivum juris Domini Catulle,
nullo negotio intelliget, nil remotius esse ab
ejus mente quam ineptos hujusmodi & Chyme-
ricos

ricos sylogismos adeo graviter in materiâ peccantes. Igitur quid miri; si his facilis adhibeatur solutio ab Adversario qui eosdem fabricavit, quamvis eos imperitis venditet, quasi ex Catullæâ officinâ prodeuntes?

C A P V T V I I.

253. **R**ationem desumptam à Lateranensibus & Crutzelingentibus & contentam in objectione sextâ apud Adversarium num. 294. pro præcedentiâ nostrorum Aroasiensium, satis superque supra explicavimus, Corroboravimusque & ostendimus solutiones Caramuelias ad PONDUS SANCTUARIi libratas parum habere momenti. Itaque transitum facio, cum Catulle, ad transitum ex uno Ordine ad alium circa quem versatur argumentatio Catullæa, comprehensa objectione septimâ, apud Adversarium num. 299. hoc tenore; *Canonici Regulares non possunt transire ad Monachos, Monachi autem quatenus tales possunt transire ad Canonicos Reg. & probatur ex cap. 1. & cap. Mandamus de statu Monach. atqui ab altiore & digniore Ordine non descenditur ad inferiorem, sed e-*

contra, ergo &c. Et infra. Certum est Monachos ut tales non posse occupare Ecclesias Cathedrales quarum officium est pascere & regere animas estque incompatibile cum officio Monachorum prout tradit Innocentius parte 1. epist. 2. cap. 10. ad Victorem Episcopum cap. nemo. 16. q. 1. Ad hanc rationem sub formâ objectionis positam, ubi quædam impertinentia de transitu ad Ordinem Cardinalitium, & de transitu Franciscanorum [ad Ordinem Canoniorum Reg. quorum primus non est Ordo Religiosus, secundus vero (ut infra ex Lessio docebo) Franciscanus scilicet, propriè non est Ordo Monachorum, Adversarius respondisset, tandem adducit exempla Monachorum, præsertim Cisterciensium, qui non possunt sine consensu suorum superiorum ad Ordinem Canoniorum Reg. transire; è contrario vero, Canoniorum Aroasiensium qui ad Ordinem Benedictinum & Cisterciensem transferunt, quibus adductis hæc subnectit: Videat sincerus Lector quam audacter positiones adferuntur ab omni veritate alienæ. Duae objectæ nimirum 1. Monachos posse fieri liberè Regulares Canonicos 2. hos non posse fieri Monachos: & utramque esse apertè falsam clarissime persuasum est. Sed quia in
objectione

objectione Monachos non posse habere curam animarum subsumitur, hoc etiam esse falsum ostendam. Ita ille. Tum demum pergit hoc ultimum ostendere ex lib. 2. de just. c. 4. dub. 12. Lessy quem probatissimum Auctorem, typi fatigati testantur.

254. Verumenimverò ut ostendam, quantà temeritate, hæ positiones judicentur, ab omni veritate alienæ; præmittendum quiddam ex eodem Lessio eodem lib. & cap. dubit. 1. n. 2. ubi sic lego. *Nomen Monachi propriè non convenit omnibus Religiosis, sed solis vitæ contemplativæ deditis. Non enim mendicantes propriè sunt Monachi, cum assidue inter homines versentur, & multo minus qui ex instituto sunt Clerici seu Sacerdotes, ut sunt Canonici Reg. & Religiosi Societatis Iesu. Alia enim est Religio Clericorum, alia Monachorum ut constat ex cap. licet 18. de Regularibus. Cap. nullus 1. & cap. Mandamus. 19. q. 3. & aliis multis juri- bus, in favoribus tamen, nomine Monachorum veniunt omnes Religiosi ut docet Panormitanus in cap. ex parte 2. de postulat. Pralat. & alii Doctores. Sic Lessius. Ex quo duo habemus: aliud esse Religiosum institutum Clericorum, aliud verò Monachorum, porrò illud primum altioris Or-*

dinis esse quam hoc secundum, extra controversiam est: alterum Canonicos Reg. ex instituto esse Clericos non minus quàm sint Religiosi Societatis.

256. His addendum ex D. Thomâ & Navarro, locis infra citandis Monachos posse dupliciter considerari, primò nudè secundum solum suum institutum non Clericale. Secundò juxta Clericatum ipsis accidentaliter & præter suum institutum, adjunctum. Si 1. modo considerentur, Canonici Reg. non possunt transire ad monachos, & tamen hi possunt transire ad illos, & hoc est quod vult Catulle. Si vero 2. modo considerentur sic Canonici Reg. possunt transire ad Monachos, & hoc ostendunt exempla Caramuelis, nec militat contra Catulle, ut qui tantum loquatur de Monachis 1. modo consideratis quod satis indicat dicendo: *Monachos quatenus tales, posse transire ad Canonicos Reg.* quæ doctrina tradita est à duobus, unoquoque in suâ facultate præstantissimis Coriphæis S. Thomâ Principe Theologorum & Navarro Monarchâ juris, quorum prior sic scribit 2.2. q. 189. art. 8. ad 2. *Vtraq; Religio, scilicet Monachorum & Canonicorum Reg. ordinatur ad opera vitæ contemplativæ. Inter quæ præcipua sunt*
ea

ea quæ aguntur in divinis ministeriis, ad quæ ordinatur directè ordo Canoniorum Reg. quibus per se competit ut sint Clerici Religiosi. sed ad Religionem Monachorum non per se competit ut sint Clerici, ut habetur in Decreto 16. q. 1. Et ideo quamvis ordo Monachorum sit arctioris observantia si Monachi essent Laici, liceret transire ab ordine Monachorum ad ordinem Canoniorum Reg. secundum illud Hieronymi ad Rusticum Monachum. Sic vive in Monasterio ut Clericus esse merearis. Non autem è converso ut habetur in Decreto 16. q. 1. in dicto [Mandamus Et universaliter interdiciamus, ne quis Canonicus regulariter professus, nisi quod absit publice lapsus fuerit, Monachus efficiatur. 19. q. 3.] Sed si monachi sint Clerici sacris mysteriis obsequentes, habent id quod est Canoniorum Reg. cum majori arctitudine. Et ideo transire licitum erit de ordine Canoniorum Reg. ad ordinem Monachorum, petita tamen Superioris licentiâ ut dicitur 19. q. 3. cap. statuimus. Ita S. Doctor, cui subscribit Navarrus Comm. 4. de Reg. in idem cap. statuimus, hoc modo commentans: Canonicus Reg. non potest transire ad ordinem Monachorum, quod ipsum probat cap. 1. Et cap. mandamus. Cujus fundamentum præcipuum est, quod licet status Monachorum sit arctior juxta D. cap. quod Dei timorem.

timorem. Status tamen Canonorum est altior, quatenus finis institutionis eorum, qui est actio ministeriorum Ecclesiæ publicorum est sublimior, ut idem Thomas receptus, ubi supra dixit, & Cardinalis turrecremata tetigit, & ut uterque ait principalius consideratur finis, & id, ad quod instituitur ordo, quam ejus arctitudo ad judicandum, quis ordo est altior, & ab altiore non descenditur ad inferiorem, etiamsi sit arctior. Ex quo sequitur quod ab ordine Monachorum Laicorum, vel Clericorum qui divinis ministeriis non servirent, posset quis transire ad ordinem Canonorum, ut illi dicunt, & satis probatur in cap. Sic vive. Sequitur item quod Canonicus Regularis potest transire ad ordinem Monachorum qui ministeriis Ecclesiæ publicis ita inseruit, ac Canonici Regulares, &c. Ita ille. Quæ eadem ratio allata fuit coram Cardinalibus in processu contra Cassinenses, ut patet ex allegationibus Scipionis Lancelotti num. 92.

257. Videat igitur sincerus Lector, quantâ audaciâ hæ positiones pronuntientur, ab omni veritate alienæ, quas tanti Doctores hætenus sine ullâ, quod sciam contradictione alicujus viri docti ac gravis tradiderunt. Et hæc quidem de transitu. Restat nonnihil dicendum circa curam anima-

animarum. Circa quam eodem fere modo philosophandum, nimirum Monachos, quatenus tales, utpote quibus ut sic competat non pascere (habere enim curam animarum, Pastorum est, quorum munus est pascere) sed pasce, juxta Canones & sanctos Patres, de quibus supra sæpius, beneficiorum Ecclesiasticorum, tam curatorum, quam simplicium esse incapaces, si verò capaces sint, non esse capaces quatenus Monachos, sed quatenus Clericos, quibus tales esse per accidens contingit; cùm interea Canonici Regulares per se tales sint, ut jam ex S. Thoma audivimus, quâ fit ut capacitas, de quâ loquimur Canonicis, ut ita loquamur, quasi essentialis sit, Monachis verò tantum accidentalis, ut quæ in Clericatu fundata sit: qui, ut dixi, hic est accidentalis. Notabilis itaque elucet differentia inter Canonicos Regulares, & Monachos, quantum ad capacitatem beneficiorum Ecclesiasticorum, quâ de re fusè & eruditè Pennottus noster lib. 2. Generalis Hist. cap. 72. ubi & adfert Decisiones Rotæ pro capacitatem Canoniorum Regul. ad beneficia sæcularia, & exempla aliquorum qui hoc titulo in Ecclesiis Cathedralibus sæculares Canonicatus adepti sunt. Notavit hanc diversitatem inter Ca-

nonicos Reg. & Monachos antiquissimus Scrip-
tor Vitriacus, qui agens de Canonicis Reg. si-
gnanter ait: *Animarum curam licitum est eis susci-
pere, & Ecclesias Parochiales regere.* Sed de his
hactenus.

C A P V T V I I I .

- 257. **P**Ergit adversarius num. 304. *Displicet,*
inquiens, *in objectione illa ordinis altioris*
& arctioris intempesta distinctio; videtur
enim argumentator supponere præcedentiam non ab
antiquitate, sed ab altitudine sumendam. Ita ille.
Verùm hoc tantopere displicere non debet, si
placere debeant Pontificia Decreta, in quibus,
ut jam superius sæpius vidimus, causa præferen-
tiæ partim antiquitati, partim altiori ordini Cle-
ricali tributa est. Displicet vicissim hîc quod
Catulle fingatur supponere præcedentiam ab an-
tiquitate, non esse sumendam, quandoquidem
statim in initio motivi sui ante omnia hoc præ-
ponat, ut jam paulò ante insinuavimus, & dein-
ceps nil magis satagat quam ostendere Canoni-
cum ordinem Monastico antiquiorem, & con-
sequenter huic illum præferendum, quod omissis
cæte-

cæteris, ad oculum absque morâ patebit, vel ex sequenti ratione Catullæâ, quæ sub formâ objectionis ab adversario opposita est, num. 305. & est talis :

259. *Status vera Religionis à Christo Domino institutus in Christiana republica cœpit vigere cum Apostolis, qui fuerunt veri Religiosi, & plantarunt ordinem Clericorum, seu Canonorum sub certa regula communiter viventium, atqui Canonici Regul. qui modo vigent, sunt vere de illis Clericis Reg. qui fuerunt tempore Apostolorum, postea secundum regulam sub iisdem Apostolis constitutam à B. Augustino reformati. Ergo Canonorum Regul. ordo est antiquior ordine Monachorum S. Benedicti, qui demum incœpit circa annum quingentesimum vigesimum quartum. Ita habet syllogismus Catullæus. Sed quid respondet ad hunc Adversarius? Quis non videat, inquit, totum syllogismum laborare, consequentiam legitimam esse confiteor.*

259. Hic ego, si consequentia sit legitima, sana ergo est, quomodo ergo totus syllogismus laborat? ubi jam est dialectica Caramuelia? sed pergit: *Vtraque, inquit, præmissa est evidenter falsa, imo in singulis præmissis multa sunt à veritate remota. Dictum audax & temerarium, & nisi esset*

ex ignorantia profectum, nec venia dignum. Profectum autem esse ex ignorantia, facile ostendunt hæc ejusdem subjecta verba num. 306. *Temerè controversas molitur, qui nec potest bullas Pontificum, nec Auctorum testimonia allegare, ut Apostolos ordinem Canonorum Regular. instituisse persuadeat.* Ita ille, qui paulò ante dixerat nec malè: *Summorum Pontificum diplomata certitudinem moralem inferre.* Audiat ergò attentè. Ecce repero Bullas Pontificias, repeto Auctorum testimonia, quibus persuadeam Apostolos, ordinem Canonorum Regul. quales sunt Canonici S. Augustini, qui ut hætenus hîc & modo vigent, instituisse, quod habet utraque præmissa, quam ille evidenter dicit esse falsam.

C A P V T IX.

260. **P**rimus Pontifex summus qui id in bullis asserit, est Paschalis II. in literis directis Priori S. Frigidiani, quæ in illius Monasterii cartophilaciis servantur, ut testatur Cæsar Franciottus ex cōgregatione Clericorum Regul. Lucensi, Beatæ Dei Genitricis nuncupatâ sacerdos, in historia de miraculosis
Imagi-

Imaginibus, & Reliquiis in urbe L U C A servatis, ubi tractat de Ecclesiâ & Conventu S. Frigidiani, quique illius Monasterii Archivum lustravit, in quibus litteris sic ait præfatus Pontifex: *Vita regularis propositum in primitiva Ecclesia cognoscitur ab Apostolis institutum, quam B. Augustinus tam gratanter amplexus est, ut eam suis regulis informaret.*

Secundus est Benedictus XII. in bullâ generalis Reformationis, suo motu proprio emanatâ quæ sic incipit: *Benedictus servus servorum Dei ad perpetuam rei memoriam, ad decorem sponsæ Ecclesiæ Dei & sanctarum Religionum fundatarum in ea, &c.* Et infra: *Ideoque inter Religiones alias in agro ejusdem plantatas Ecclesiæ ad religionem Canonorum Reg. ordinis S. August. ab Christi gloriosis Discipulis in primitiva Ecclesia sacris institutionibus stabilitam gerentes præcipuæ charitatis affectum, &c.*

Tertius est Martinus V. in bullâ Windesemensibus datâ, in quâ sic legitur: *Ad hanc sane mirabilem pulchritudinem quâ splendet & splenduit quasi circumdata mater [Ecclesiæ] retroactis temporibus adjecit plurimum ordo vester, qui sicut à suis primordiis post beatos Apostolos Christi, per regularia S. P. Augustini instituta luculenter per orbem effla-*

ruisse dignoscitur, &c.

Quartus est Eugenius, hujus nominis IV. in bullà (quæ fuit in actis producta contra Cassinenses pro parte Canonorum Regular.) directâ ad ipsos Canonicos Reg. qui tunc temporis erant in monasterio sanctæ Mariæ de Frisionariâ, prout habetur in relatione illustrissimorum Cardinalium Ioan. Michaëlis, & Bernardi Scotti superius exscriptâ, ex quâ corrigendus est error Adversarii num. 340. sic scribentis : *Respondeo Eugenium agere de Canonicis Cathedralibus ab Aug. reformatis, & de Canonicis Regular. nil agere. Semel saltem intelligar ne sit opus toties eandem positionem negare.* In quâ ratione tripliciter errat, 1. quia dicit Eugenium agere de Canonicis Cathedralibus, cùm agat is de monasterialibus, degentibus in monasterio S. Mariæ de Frisionariâ, testibus duobus Cardinalibus jam productis. 2. quia putat solos Cathedrales fuisse reformatos ab Augustino, cujus contrarium suprâ probavimus, itemque Cathedrales olim non fuisse regulares, quod est contra Benedictum XII. qui edidit bullam generalis Reformationis Canonico-rum Regul. S. Aug. tam in Cathedralibus Ecclesiis, quam in monasteriis residentium. Semel saltem

saltem intelligar, ne sit opus toties eandem rem repetere. De his, inquam, Canonicis Regul. S. Aug. in Monasterio Frigidionario residentibus sic proloquitur Eugenius in bullâ quæ incipit: *Cum ad sanctissimam, &c. divinam in terris familiam Clericorum qui vitam religiosam ducerent, & ad exemplum nascentis Ecclesiæ sanctam institutionem servarent quos Canonicos Reg. appellamus.* Ita Pontifex. Ubi attende, Pontificem his verbis insinuare instituti Clericalis antiquitatem: & quamvis appellatio nominis Canonici Reg. sit recentior, rem tamen esse eandem & antiquiore & recentiore nomine indigitatam. Quod hîc obiter notandum est, quia Adversarius fere quoties hîc premitur argumentis Catullæis, toties eò confugit, ut dicat apud antiquos quidem tractari de Clericis Religiosis, non tamen de Canonicis Regular. quasi verò, Clerici antiqui Religiosi, de quibus in his bullis & in antiquorum scriptis agitur, ideo non fuerint Canonici Regul. quia in primitivâ Ecclesiâ, hoc vocabulo non fuerunt nuncupati, quod vanum est, quia ut notat S. Thomas, sup. *Canonicis Regul. competit per se quod sint Clerici Religiosi.* Nec puto Monachos S. Benedicti statim etiam tempore ejusdem S. Patris Benedictinos,

etinos, vel tempore Sancti Bernardi Cistercienses fuisse Bernardinos vocitatos; sed hoc obiter. Nunc ad bullam Eugenianam, in quâ sic pergit Pontifex: *Vt hi primæ in terris Ecclesiæ & matri Sanctorum Apostolica providentia curam gererent, qui primorum Clericorum normam, traditiones & instituta sectantur. Hujus profecto sacri ordinis & Sancti propositi post sanctos Apostolos primum in Alexandria Ecclesia Marcus Petri Discipulus fuit institutor & conditor, & gloriosus Doctor Augustinus divinis regulis illud decoravit, &c.* Extat hæc bulla in sacrosanctâ basilicâ Lateranensi, emanatâ à Pontifice, motu proprio, & ex certâ scientiâ visis & perlustratis omnibus Archivis, monumentis & cartophilaciis antiquis ordinis Canonici, & Ecclesiæ Patriarchalis Lateranensis.

Quintus est Sixtus IV. in bullâ quæ incipit: *Dudum ad universos Reg. ordines, &c.* In quâ inter alia sic ait: *Ad illum præcipuè Canonorum Reg. Congregationis Lateranensis, ordinem S. August. eò libentius nostræ mentis oculos convertimus, quo ordo ipse in nascentis Ecclesiæ sancta institutione, ac primorum Christianæ religionis Clericorum norma traditionibusque fundatus, & sacris institutis ac divinis regulis, eloquiisque præmunitus existit, &c.*

Sextus

Sextus est Pius IV. in bullâ executoriâ sententiæ à se latæ in favorem Canonorum Regularium contra Monachos Benedictinos, quæ est inter Constitutiones hujus Pontificis 95. in ordine, in quâ inter alia sic habet: *Qui quidem Cardinales, dictis partibus earumque Procuratoribus & Advocatis, pluries auditis, dubiisque emergentibus ad plenum discussis & resolutis, comperto satis per eos ex compluribus litteris Apostolicis, diversisque aliis documentis, rationibus, & probationibus, quod ipsi Canonici fuerunt & sunt de illis Clericis à S. Augustino, quinimo ab Apostolis institutis eosdem Canonicos, tam suæ institutionis hujusmodi, quam etiam Clericalis dignitatis, quâ eos statim quod professionem Regularem emittant insignitos esse oportet, aliarumque qualitatum in eis existentium ratione, dictamque eorum congregationem Lateranensem, præfatos Monachos & eorum congregationem Cassinensem præcedere debere censuerunt, & concluderunt. Vnde nos illorum relatione intellecta, eaque diligenter per nos examinata, quoniam eam in omnibus suis partibus veritati & juri consonam comperimus, per nostram definitivam sententiam pronunciamus, &c.* Quæ verba, dici non potest, quod sint narrativa, & non dispositiva: quoniam, ut patet, sunt dispositiva, post longam con-

troverfiam; hinc inde difcuſſam & ventilatam: & quamvis eſſent narrativa, tamen ſummus Pontifex, ipſâ narratione intellectâ & diligenter examinâtâ, eam in omnibus ſuis partibus veritati, & juri conſonam invenifle fatetur, & in eâ fundat ſuam diſpoſitionem. Unde non poſſunt amplius in dubium revocari, nec poteſt aliquis circa illa tergiverſari. Ubi obſervandum pleraſq; probationes Catullæas, in relationibus Cardinalitiis haberi, ut cuilibet conferenti, & ad eas ſuprà exſcriptas, recurrenti conſtare poteſt; & conſequenter circa eas clauſulam hanc Pontificiam etiam habere locum, quâ dicit *eas à ſe examinatas juri & veritati conſonas fuiſſe comper-
tas*: Quare reſponſiones Caramueliæ, utpotè his contrariæ, nullo modo ſunt admittendæ, quantumvis primâ fronte appareant plauſibiles & ſpecioſæ.

Septimus eſt Pius V. in motu proprio, per quem eoſdem Canonicos Reg. Cong. Lateran. decernit omnes alios Regulares, non mendicantes, & mendicantes, jure præcedere poſſe & debere; jure inquam antiquitatis, & prioris inſtitutionis, in quo inter alia hæc habet. *Cum itaque ſicut accepimus dilecti filii, univerſi Canonici.*
Reg.

Reg. Cong. Lateranen. qui ab Apostolis originem traxerunt, quique ab eodem Aug. eorum reformatore iterum per reformationis viam mundo geniti merito pretendere possint se omnes alias personas Ecclesiasticas tam seculares quam Regulares in processibus & aliis actibus precedere debere &c. Quæ verba licet narrativa sint, tamen cum inducta sint per modum causæ, & in illis fundetur dispositio Pontificis, evidenter intentum concludunt. Nec respondeatur hîc mihi iterum, Pontifices loqui de Lateranensibus, qui sunt Cathedrales, ne alias compellar hîc iterum repetere Lateranenses de quibus loquuntur Pontifices tres posteriores, Cathedrales non esse modò, nec tunc fuisse quando hæ Bullæ ad eos directæ fuerunt, & quamvis de solis Lateranensibus loquantur, non tamen loquuntur cum exclusione cæterorum Canonorum Reg. ejusdem Ordinis, non Lateranensium, imo quamvis hos excluderent, nihilominus satis exprimunt Canonicos Reg. S. Aug. ab Apostolis fuisse institutos, quod sufficit ad probandum seu ostendendum præmissas syllogismi Catullæ non esse evidenter falsas, ut falsò prætendit Adversarius. Cæterum quatuor priores Pontifices, non de

solis Lateranensibus Canonicis Reg. Ordinis S. Aug. loqui in probatulo est. Quare Vincen-
 tius Parentius. J. V. D. in suo Consilio quod inte-
 grum exstat apud Tumburinum tom. 3. de jure Abb.
 disp. 2. q. 8. n. 13. scribere non dubitavit, gra-
 ve nefas, imo sacrilegium esse contrarium asse-
 rere, sic enim habet: *Plures summorum Pontifi-
 cum Constitutiones extant hac de re disponentes, quae
 Ravenna, Venetiis, Arimini & aliis in locis custodi-
 untur, ex quibus optime supra dicta probantur, hos
 nempe Religiosos à primæva sui institutione Clericos
 esse, originemque ab Apostolis traxisse. Quamobrem
 grave nefas, imo sacrilegium esset contrarium asse-
 rere cum in hujusmodi dubitationibus ad supremum
 Romanae Ecclesiae Pontificem est recurrendum, cujus
 declarationi omnino standum est: L. litteris. Vbi not.
 de rest. spoliis. & Pontificum decretis non esse con-
 tradicendum notat. Ioannes Andr. in cap. dilecto
 de præbend. & cap. tibi de reser. lib. 6. &c. Eat
 nunc Adversarius & in posterum dicat, si audi-
 at, evidenter falsum esse & ab omni veritate re-
 motum, quod septem Pontifices (quorum Di-
 plomata juxta eum faciunt, seu inferunt certi-
 tudinem moralem) tam constanter & unanimiter
 asseverant. Imo contra, pro sua pietate & urba-
 nitate*

nitate his convictus utramque præmissam syllogismi Catullæi concedat esse veram, sicuti confessus est consequentiam esse legitimam; & tandem veritati victrici, colla subjiciens, vel serò agnoscat Ordinem Canonico-Augustinianum; Monastico-Benedictino antiquiorem.

261. Verum quia pro defendendâ hâc veritate, putavit non solum nos destitutos, Bullis Pontificum, sed etiam testimoniis Auctorum, operæ prætium erit hoc loco quædam repetendo in medium proferre quæ melioris notæ ac fidei Historici cum Pontificibus in hoc puncto evidenter consentientes tradiderunt.

Horum primum sit Sigiberti Gemblacensis in Chronico sub Anno Domini 1078. ubi sic lego: *Ab hoc tempore cæpit reorere in Ecclesia B. Quintini Beluacensi Canonici ordo, primum ab Apostolis, postea à S. Augustino Episcopo regulariter institutus, sub magistro Ivone venerabili ejusdem Ecclesie Præposito, postea Carnotensium Episcopo.*

Secundum est Vincentii Beluacensis in speculo historiali lib. 26. cap. 51. & post illum, B. Anthonini Archiepiscopi Florentini in summâ Historiali titulo 15. cap. 16. in fine, qui referens verba Vincentii, sic scribit: *Circa an-*

num Domini 1080. ut refert Vincentius in speculo lib. 26. cap. 51. post Sigibertum, tempore Gregorii VII. Papæ, & Henrici Imperatoris cœpit restorere in Ecclesia B. Quintini Beluacensi ordo Canonorum Reg. primum ab Apostolis, postea à S. Augustino Episcopo & Doctore eximio regulariter institutus, sub magistro Ivone, venerabili ejusdem Ecclesiæ Præposito, postea Carnotensi Episcopo, qui post Isidorum fecit compilationem antiquam Decretorum, &c.

Idem S. Antoninus 3. parte Hist. suæ tit. 42. cap. 14. expressè habet quod sequitur: Quod autem B. Benedictus, & ejus Religio, secundum regulam ejus, fuerit post Augustinum, certum est. Vnde & Canonici Regul. qui profitentur regulam Augustini, utique fuerunt ante Monachos Benedictinos. Ita ibi. Quod plane coincidit cum cōclusionē syllogismi Catullæi. Ex quo habes Historicos non tantum illius syllogismi præmissas tanquam veras tradere; sed etiam conclusionem. Porro Adversarius nil se habere fatetur contra consequentiam, quomodo ergò, vel quâ ratione quærere potuit? Quis, inquiēs, non videat totum hunc syllogismum laborare?

Quartum est Lucidi Historici lib. 10. de rebus gestis post Christi adventum, in quo sic: Rubrica de ordine Religiosorum testatur, communem Cleri-

Clericorum ordinem à B. Petro & alijs Apostolis institutum fuisse, qui deinde ab Augustino insignem & singularem regulam accepit.

Quintum est *Weneri Carthusiani Auctoris fasciculi temporum, ubi sic: Ordo Canonicus cœpit florere in Ecclesia Beluacensi, qui 1. ab Apostolis, postea ab Augustino est regulariter institutus sub magno Ivone Præposito, post Carnotensi Episcopo.*

Sextum est *Raphaelis Volaterrani lib. 21. Antropologiae, in quo ita legitur: Ordo autem Canonicus non tam institutus, quam renovatus; ab Apostolis enim in monte Sion exordium accepit, qui post ascensionem, ut ait D. Thomas 2. 2. q. 88. de vita genere deliberantes communia inter se, ac tria vota coram Deo statuere, qui ritus à successoribus Clericisque omnibus diu diligentissime servatus. fideque postea deferuescente defitus, nunc quoque in Ecclesiis amplius quadraginta perseverat. Ita Volaterranus, quem contra Cistercienses objici non debere contendit Adversarius num. 262. quia putat eum agere de ordine Lateranensi solo, sed & hîc aliquid humani patitur. Nam Volaterranus ex hoc ordine Canonico prodiisse dicit S. Dominicum, & S. Antonium Paduanum, quos quidem prius fuisse Canonicos Regul. S. Augustini certum est, nullo*

nullo tamen modo pertinuisse ad congregationem Lateranensem. Denique ejusdem Canonici ordinis fuisse notat Hugonem & Richardum Victorinos, qui ad congregationem S. Victoris spectant. Itemque Iacobum Vitriacum, qui Canonicus Regularis Oigniacensis, in Belgio fuit, & nullatenus Lateranensis. Quod etiam confirmatur testimonio Iacobi Philippi Bergomensis in suo supplemento postremæ editionis lib. 14. ubi generaliter loquitur de omnibus Canonicis Regul. S. Augustini, & non de solis Lateranensibus. Sit ergo

Septimum. *Sunt omnes isti Canonici, de quibus paulò superius diximus, unius ejusdem ordinis cum illis qui habitu lineo regulam August. profitentes, primum ab Apostolis in primitivâ Ecclesiâ sunt instituti, & per B. Augustinum regularibus institutionibus ad communem regularem vitam restituti, ut etiam ex præfatis sermonibus colligitur de communi vita Clericorum & constitutionibus & decretis Romanorum Pontificum.* Ita Bergomensis qui testis oculatus est multorum antiquorum monumentorum, diplomatum, & Archivorum, in quibus id quod hîc notavit, scriptum & testatum se scribit invenisse. Vide quæ supra ex eodem ad longum anno.

annotavimus parte post. 2. partis c. 4. num. 139.
& seq.

Octavum est Onuphrii, qui etiam testis oculatus est, similium cartophilaciorum, libello de 7. urbis Ecclesiis, ubi in Ecclesiâ Lateranensi sic scribit: *Auctâ fidelis populi multitudine, cum Presbyteri per singulos urbis Romæ titulos distributi essent, iique in suis Parochiis non ita assistere Romano Pontifici possent, Clericorumq; disciplina laberetur, Gelasius Papa circa annum Domini D. Clericos, qui ab ætiori vitæ institut Canonici, id est, Regulares, vocati sunt. Hi Apostolorum & primitivæ Ecclesiæ more secundum B. Augustini regulam in communi vivebant, Laterani collocavit, qui Presbyterorum veterum, tam Cardinalium, quam non Cardinalium loco, basilicæ Lateranensi specialim addicti, quotidie deservirent.*

Nonum Ioannis Gersonis Cancellarii Parisiensis, viri piissimi ac doctissimi, qui alphabeto 22. littera N. ait: *Regularis vitæ originem ab Apostolis traxit.* Et alphabeto 42. in sermone de cœnâ Domini dicit: *quod Apostoli fuerunt Canonici Regul. sub Abbate Christo.* Scio Adversarium similia deridere, sed & hoc scio, Gersonem maioris auctoritatis esse quàm Caramuelem. Et hæc

dicta Gersonis sanè non in sensu nominali patet interpretanda esse.

Decimum est Roberti Arboricensis, qui & apud Adversarium non parvæ est auctoritatis. Hic in opusculo de tuendo cœlibatu, sic commentatur: *Canonicos dicimus qui ex communi placito ac voto orationi ac mutua bonorum distributioni obnoxii erant. Erat autem hoc veluti elementum quoddam atque exemplar futurae communionis in ordine Canonorum, qui triplici voto adstricti, se regulares appellant, quem Augustinus longo post tempore instituens, se ab Apostolico fonte hausisse profitetur.*

Undecimum est Hieron. Plati de bono status Religiosi, lib. 2. cap. 23. quem XII. sequitur Roderiguez tom. 1. qq. Reg. q. 3. art. 1. ubi propositâ quæstione à quo habeat originem ordo Canonorum Regular. Respondeo, inquit, dicendo, quòd Canonici Reg. ordinis S. August. dicti Lateranenses, ab Apostolis primum, ut narrant historia, traxerunt originem, prout tradit Hieronymus Plati, sed postea à B. Augustino fuit talis congregatio regulariter ordinata. Vbi nota Hieronymum Platum id docere absque restrictione ad Lateranenses: siquidem verba ejus loco citato sunt: *Itaque Augustinus quoque non tam inventor quam restitutor fuit,*
atque

atque restaurator hujus Religionis Clericalis, de quâ quidem neminem dubitare video, quin eadem sit, quam modò nominavi, *Canonicorum Regularium*.

Duodecimum est Auberti Miræi in *Originibus Canonic. Regul. ordinis S. August. Canonicorum Reg. atque in communi viventium institutum* ab ipsis haud dubie Apostolis sumpsit exordium; cujus quidem primus Reformator S. Augustin. Hipponensis ex Africâ Episcopus extitit scriptâ regulâ, &c.

Omitto alios Auctores, quos suprâ ex occasione allegavi, & hos omnes oppono iis Auctoribus, quos Adversarius dicit num. 262. militare pro Cisterciensibus, inter quos tamen nullos Duces video summos Pontifices, qui exercitum ducant, prout in exercitu nostro septem ostendimus, qui insuperabiliter dimicant militantque pro Canonicis Reg. S. August. quorum præsidio fræctus, Andreas Catulle hostium cuneos penetrabit securus, cujus argumentationes Pontificum oraculis, Cardinalitiis relationibus à Pontifice canonizatis, Historicorum scriptis omninò conformes sunt, Caramuelis autem responsiones planè contrariantur, sed quod contrariatur vero, verum esse non potest: & quia eas subinde superiùs nunc illîc, nunc istîc; nunc ex

illâ, nunc ex istâ occasione rejecimus, ut temporis & laboris compendium faciamus, hinc ad alias ejusdem responsiones residuas examinandas transeamus.

CAPVT X.

263. **I**N responsione ad objectionem 9. num.
348. quâ ostenditur quòd Abbates S. Auberti & S. Eligii ordinis Canoniconum Reg. S. August. præcedant in Cameracensi & Atrebatensi Dioccesibus ex antiquâ consuetudine, quoslibet Abbates Benedictinos & Cistercienses, non inveniens Adversarius quid diceret contra præcedentiam Abbatis S. Eligii, fingit, nescio quod privilegium in Abbate S. Auberti, asseritque ejus præcedentiam, tantum locum habere intra moenia urbis Cameracensis, datque opinionis suæ rationem, hanc nimirum: *Quia in pompâ funereâ Alberti felici memorie, Abbas Paracensis ordinis Norbertini fuerit Diaconus & Abbas S. Auberti Subdiaconus.* Sed quàm sit hæc ratio debilis, facile advertit ille qui non ignorat quòd ea quæ contigerunt in illâ pompâ funereâ circa hujusmodi præcedentias, facta fuerint sine ullo
alte-

alterius, cui illa ex jure competeret, præjudicio.

Deinde quòd Parcensis fuerit Diaconus, hoc non factum fuit titulo dignioris ordinis Norbertini, supra ordinem Canonico-augustinianum, sed eo titulo quòd ille esset Archisacellanus Principis. Sed pergit Adversarius: *Accedit, inquit, quòd Abbas S. Auberti sit alius ordinis distincti ab Aroasiensi, ut constat ex ipsomet habitu violaceo. Ita ille.*

Sed hæc responsio contra ipsum respondentem adfert insignem antilogiam; jam enim ante paucas lineas dixerat num. 347. *Malè ad vestes recurri, ut Religionum aut unitas, aut distinctio probetur.* Et ecce statim hîc num. 349. recurrit ad vestem, ut Abbatem S. Auberti probet distincti ordinis esse ab Aroasiensi. *Qui sibi nequam, cui bonus?* Certè Abbates Aubertinus & Eligianus in suis respectivè attestationibus à nobis exhibitis in Concilio Gand. nuncupant se ordinis esse S. Augustini.

Porro ad probandum Abbatem S. Auberti non esse distincti ordinis ab ordine Canonico-rum Reg. S. August. ac proinde, nec ab Aroasiensi abundè sufficit testimonium Cardinalis Ia-

cobi de Vitriaco lib. 2. qui est titulo Historiæ Occidentalis inscriptus: Auctoris antiquissimi, qui *cap. 21. tit. de Regularibus Canonicis sub S. Augustini regulâ viventibus*. In fine hæc habet: *Conventus siquidem Canonicoꝝ. Reg. S. Ioannis in vineis Sueßionensis, & S. Oberti Cameracensis, & S. Mariae Blesensis, & S. Nicolai de Oegnies cum quibusdam aliis, quasi pauci racemi, consumpta vindemia, in virtute Religionis, & fervore charitatis, & decore honestatis permanserunt. Ascendentes de virtute in virtutem, & odore bonæ vitæ, & sanctæ conversationis, multos allicientes de mundi naufragio ad congregationem suam tanquam ad securum tranquillitatis portum traxerunt*. Hæc Vitriacus ejusdem ordinis Professor, qui juxta Tritenheimium anno Domini 1220. clarebat, & quinam sui ordinis essent optimè callebat.

264. In responsione ad objectionem 10. num. 351. quâ asseritur quòd Præpositus Cauwenbergensis Canonicus Regul. præcedat præpositum capellæ Benedictinum, reponit illum esse perpetuum & absolutum, hunc verò amovibilem, & dependentem ab Abbate sancti Sepulchri. De veritate istius facti non inquiero; sed scire debet quòd Abbas Eechoutanus Canonico-Augustinianus

nus præcesserit Abbatem S. Sepulchi Benedi-
ctinum Brugis in solemni supplicatione Sacro-
sancti Cruoris Dominici, quod cautè suppressit
silentio Adversarius, quando de eâ egit num. 255.
ubi magna confidentia ponitur in nescio quo ca-
talogo Stationum hætenus habitarum Brugis in
supplicatione Sacrosancti Cruoris 3. Maji quan-
tùm ad ordinem Abbatum ibidem comparère so-
litorum, qui quantæ fidei sit, vel ex eo apparet,
quòd discordet ab originali, & signanter, (ut an-
tiquiora non requiramus) circa ea quæ recenti
memoriâ contigerunt. Nam exempli gratiâ, hoc
in libripendis catalogo ponitur Abbas Eechouta-
tanus dictæ supplicationi interfuisse anno 1620.
Item 1623. quod certum est esse falsum, & vel
ex ipso autographo ad oculum patet, in quo re-
periuntur anno 1620. solummodo tres Abbates
interfuisse, Aldenburgensem scilicet, Sanct-An-
dreanum, & Laudensem; at verò anno 1628. non
plures quàm duos, Aldenburgensem nimirum, &
Dunensem. Item Abbas Wæstenensis ponitur
præcessisse Eechoutanum, quod ex autographo
constat esse falsum, nã Wæstinenfis semper cessit
Eechoutano. Quibus addendum in Concilio
Gandensi ab adm. R. Domino Eechoutano pro-
barum

batum fuisse se & suos decessores non quidem ex
 necessitate, sed ex urbanitate exteris Abbatibus;
 ut tantò cum majori alacritate & numero ad il-
 lam solemnitatem plures confluerent cedere con-
 suevisse, quæ urbanitas à multis acceptata, ab ali-
 quibus Abbatibus & signanter Aquicinctino &
 S. Sepulchri Benedictinis recusata fuit, ab illo,
 Christi anno 1494. ab hoc, Christi anno 1517.
 & aliis, quæ urbanitas sine ratione exhibita fuisset
 Abbati Dulcis-vallis, cum ea Abbazia filia esset
 Abbatiae Eechoutanæ, & consequenter indecens
 si filius præcederet patrem, unde Dulcis-vallen-
 sis ordinariè Eechoutanum est subsequutus. Ut
 omittam ex illo stationum indice constare, in eâ
 supplicatione nō omnino exactam habitam fuisse
 rationem Ecclesiasticarum dignitatum, siquidem
 Præpositi præcesserunt Abbates, & quidem or-
 dinariè Præpositus S. Donatiani Abbates omnes,
 imò Abbas Bertinicus præcessit Episcopum Sa-
 reptanum, quæ urbanitas inde apparet & confir-
 mari potest, quòd aliis locis & temporibus Abbas
 Eechoutanus Cistercienses præcesserit, ut ex au-
 thenticis Documentis in dicto Concilio proba-
 tum fuit, nempe anno 1179. in congregatione
 Cleri Tornaci Arnuldus Abbas de Eechout præ-
 cessit

cessit Daniele Abbatem de Sonnebeck, ordinis Canonorum Reg. S. August. Samuelem Abbatem del Los, Daniele Abbatem de Cambron, & Ioannem Abbatem de Thosan, qui tres posteriores fuerunt ordinis Cisterciensis. Denique Bruggis in mutatione sigilli Bruggensis factâ in phalis anno Domini 1305. Walterus Abbas S. Bartholomæi de Eechout præcessit Guilielmum Abbatem Capellæ, aliàs Thousanum ordinis Cisterciensis, instrumenta utriusque rei dabimus V. parte, ex quibus deducitur, quòd si Abbas Eechoutanus Abbatibus Cisterciensibus cesserit in dictâ supplicatione, id factum ex merâ humanitate ob rationem suprâ relatam.

265. In Responsione ad objectionem II. quæ est de lite, causâ præcedentiæ inter Abbates in civitate Tornacensi S. Nicolai ordinis Canonorum Reg. S. Aug. & S. Martini ordinis Monachorum S. Benedicti, dicit: *Rationem adeò frivolum esse, ut deberet omninò omitti, nî fuisset à Domino Eechoutano num. 15. & 16. suæ litis proposita. Verum dum mentionem facere voluit litis præteritæ inter Abbatem Bruggensem Eechoutanum ordinis Canonorum Reg. S. August. & Abbatem Dunensem ordinis Monachorum Cisterciensium,*

recordari debuit Abbatem Brugenſem lite viciffe. Habuit ergò prægnantes rationes ob quas victoria à Concilio Provinciali Gandenſi illi fuit decreta, quare ergò illas omiſit Adverſarius? nunquid videntur illi nimis fortes fuiſſe, ſequè illis imparem fuiſſe, parem autem uni debiliori, ſicut fieri ſolet in exercitu, ubi debiles fortibus miſcentur, & cum hac debili, pari pede congregandi voluiſſe? ubi nota Caramuelem ad calcem ſuæ reſponſionis ſic argumentari pro Abbate Martinenſi: *Abbas S. Martini cauſâ non cecidit, ergò ipſe jus habebat.* Quæ argumentatio ſi valida ſit, quantò validior erit hæc: Abbas Eechoutanus in cauſâ triumphavit, ergò habebat jus. Siquidem qui cauſâ nondum cecidit, ea fortè ſuo tempore cadet defectu juris; qui autem lite jam vicit, ſine jure eam victoriam, niſi provinciale Concilium etiam poſt evocationem accuſare velis, non potuit obtinere.

266. In reſponſione ad objectionem 12. aliàs 11. ſed per errorem, quâ refertur quòd ſententiâ ſupremi Conſilii Mechlinienſis, Abbas S. Ioannis Valencenſis ordinis Canonorum Reg. S. Aug. fuerit prælatus Abbati S. Salvii Benedictino. Refert cauſam hujus prælationis in ſolam

lam possessionem; sed malè, 1. quia Abbas S. Ioannis non erat in possessione præcedendi Abbatem Sancti Salvii, quatenus talem qui hæcenus Abbas non fuerat, quia recenter illud S. Salvii monasterium ex prioratu ad Abbatiam ab Urbano VIII. elevatum fuit, ut notum est. 2. quia totus processus typis excusus & mihi & Adversario fuit ad manum, & in eo nusquam legitur titulus possessionis allegatus, non ergò eo solo titulo fuit Abbas S. Ioannis prælatus, sed propter rationes in motivo juris ab Andrea Catulle positas, quas quidem Caramuel reprobavit, sed supremum illud Concilium approbavit; unde etiam statim postea communi amplissimorum Consiliariorum calculo, præfatus Catulle in Senatorem Ecclesiasticum ejusdem supremi Concilii fuit electus seu nominatus, cognitâ nimirum ejus doctrinæ profunditate, quam etiam num. 4. Caramuel est confessus his verbis: *anno 1631. Andreas Catulle motivum juris edidit tantâ eruditione plenum, ut mireris virum sæcularem tot ad hanc Reg. materiam rationum momenta congerere potuisse, quamvis mirâ inconstantia eodem numero ejus speculationes subtiles atque adeò fragiles vocet.*

267. In responsione ad objectionem 12. aliàs 13. in quâ allegatur, quòd quando Abbatia con-
fugiunt ad civitatem, debeant servare gradum
antiquitatis in eâ; atque adeò Dugense monaste-
rium Cisterciense debeat sequi Eechoutanum,
utpote in Brugensi urbe antiquius: concedit id
nonnunquam inter mendicantes habere locum,
quia Leo X. omnes eorundem mendicantium
religiones voluit esse æquales, quod an verum
sit, non examino, quia contrà scio Pium V. &
Clementem VIII. decrevisse Patres Prædicato-
res ubique debere præcedere reliquos mendi-
cantes, eo quòd in urbe, id est, Romæ, eos præ-
cedant, interea generaliter Monachos illos de-
bere in processibus præcedere qui prius fue-
runt recepti in civitatem, scribit Peckius ad cap.
qui prior n. 2. de reg. juris in 6. Dicit præterea
Abbatiam S. Ioannis ordinis S. Benedicti Ipras
translatam, reliquas præcedere, & non advertit
hoc exemplum esse impertinens, quia in civita-
te Iprensi non sunt aliæ Abbatiæ viriles, ut no-
tum est. Quod autem adfert exemplum Abbatiarum
Gertrudanæ Canonicae, & Vlierbeeckanæ
Benedictinæ magis est ad rem. sed discriminis est
ratio in extrinsecâ qualitate consistens, quia ni-
mirum

mirum Vlierbeeana Abbatia habet gradum quendam sublimiorem in Comitibus Brabantiae, & titulo Capellani Ducalis honoratur & multis annis fuit Abbatia ante Gertrudanam, ut constat ex Miræo de originibus Benedictinorum. & Canonic. Reg.

C A P V T X I.

268. **I**N responsione ad objectionem 13. aliis 14. num. 395. in quâ urgetur quòd in materiâ præcedentiæ nil certi possit reperiri, quia dantur mores & consuetudines contradicentes. Nam in supplicatione Iprensi Præpositus de Vormeselis solebat præcedere Abbatem de Zonnebeck, & Abbatem Loensem, & Prioratus Beatæ Mariæ Valencenis Abbatiam S. Ioannis, sic resolvit Adversarius: *Casus*, inquit, *particulares fundatos in præscriptâ aliquâ consuetudine aut privilegio Pontificio firmare regulas contrarias, adeoq; hunc vel similem casum esse exceptiones Regule generalis; nulla enim tam communis, quæ limitationem non patiatur.* Huc usque resolutio Doctoris eximii Caramuelis, à quo aveo discere quænam in hac materiâ præcedentiæ, sit illa regula

generalis: forte respondebit eam esse secundum
 quam primum locum obtinent Benedictini; se-
 cundum Cistercienses, tertium Præmonstraten-
 ses, ultimum Canonici Reg. S. Aug. sed iterum
 discere cupio quonam loco juris communis, vel
 in quibus particularibus constitutionibus sum-
 morum Pontificum hæc regula habeatur, timeo
 autem ne illud quod discere cupio facile ab eo
 possim edoceri. Causa timoris est 1. quod in
 constitutionibus Pontificiis, quæ disponunt de
 jure & ordine præcedendi in processionibus, Ca-
 nonici Reg. cæteris Religiosis præponantur, ex-
 stantque de hoc litteræ Alexandri IV. ad Ar-
 chipresbyterum, & capitulum basilicæ Principis
 Apostolorum, quæ in Archivo ejusdem basilicæ
 solent custodiri per Eugenium IV. & Nicolaum
 V. confirmatæ, quas Canonici Regul. Latera-
 nenses produxerunt in causâ præcedentiæ adver-
 sus Monachos Cassinenses, in quibus ita decer-
 nitur: *Providâ igitur deliberatione decernimus, &
 irrefragabili constitutione sancimus, ut Canonici tam
 seculares quàm Regulares, & Monachi omnium Pa-
 triarchalium Ecclesiarum cum crucibus, & aliis in-
 signiis consuetis, Ecclesiarum verò Presbyterorum, &
 Diaconorum Cardinalium, & Monasteriorum cum
 crucibus*

crucibus propriis & vexillis; Archipresbyterialium autem Ecclesiarum, prioratum & Capellarum, &c. Alii autem Monachi Fratres Predicatores, minores Eremitæ ac Religiosi alii cujuscunque ordinis cum crucibus in eodem festo processionallyer veniant ad basilicam memoratam. Ita ibi, ubi video primo loco poni Canonicos sæculares, 2. Canonicos Regul. 3. Monachos, 4. Religiosos mendicantes.

269. Altera causa timoris est, quòd Emanuel Rodericus (quem Doctor Caramuel Lobkowitzius in regularibus controversiis versatissimum recollere se dicit, & suspicere num. 22. libræ) tom. 3. qq. RR. q. 37. art. 1. in ordine præcedentiæ, eisdem Canonicos Reg. Monachis præponendos doceat, ex jure Canonico, & Auctoribus probatis; quærit enim loco citato, quis locus cuique Ecclesiasticorum & Regularium in processibus sit assignandus; & respondet dicendo, quòd Clerici sæculares Religiosos omnes & Regulares debent præcedere, deinde Canonici Regulares Sancti Augustini; expressa ejus verba sunt: *Debent præcedere Fratres Divi Benedicti congregationis Cassinensis, alias S. Justinae de Paula nuncupata, prout fuit tempore Pii IV. ventilatum, & tandem obtinuerunt ut refert Naparrus, ubi allegat*
quandam

quandam sententiam Cardinalium deputatorum ad litem hanc definiendam. Refert etiam bullam Pii IV. super hoc editam, quæ incipit. Sedis Apostolicæ providentia, ut habetur in bullis hujus Pontificis. Deinde veniunt Monachi S. Benedicti & postea alii Monachi juxta antiquiorem institutionem. Post alios vero veniunt fratres mendicantes, & Religiosi Ordinis Prædicatorum debent præcedere, prout declaravit Pius V. in quadam bulla quæ incipit. Divina disponente clementia, quæ habetur inter constitutiones Pontificales ejusdemmet Pontificis. Ita Rodericus in terminis & sequitur Augustinus Barbosa de potestate Episcopi 3. parte alleg. 78. num. 29. ubi multos citat, qui asserunt Canonicos Reg. præcedere Monachos nigros, &c. quibus adjungendus Zypæus in jure pontificio suo novo lib. 1. tit. de major. & obed. §. 6. cujus hæc sunt verba: Canonici Reg. præcedunt Monachos, & Clerus secularis Regularem. Et Zerola per Zypæum citatus ait in praxi Episcopali par. 1. vers. process. §. 4. Canonici Reg. ut digniores præcedunt Monachos. Quibus sine scrupulo adstipulor quia hæc in causâ, meliorem doctrinam à Doctore Caramuele me accepturum planè despero; licet alias ingenium ejus & eruditionem venerer & suspiciam.

C A P V T X I I .

270. **I**N Responsione ad ultimam objectionem miserè vapulat Pater quidam Societatis Anonymus, adeo ut posset doctam ipsam Societatem ad commiserationem & liberationem permovere, eo vel maximè, quod non suâ causâ luat, sed causâ Dominorum Cysoniensium, quos Anonymus Auctor ille à primævâ foundatione factâ ab Everardo Comite circa Annum Domini 838. Canonicos Regulares fuisse contendit nec improbabiliter, quod Domino Caramueli non parum displicere, videtur. Verùm ut Domini Cysonienses prærogativis gaudeant Ordinis Canoniorum Reg. S. Aug. parùm refert, fuerintne hujusmodi Canonici à primævâ foundatione, cum extra controuersiam sit eos à tempore Cælestini Tertii huc-usque Canonicos Reg. Ordinis S. Aug. semper fuisse ut patet ex diplomate ab eodem Pontifice ad eos directo & subnotato.

271. Sicuti enim Alnenses. v. g. ut fruantur prærogativâ Cisterciensium, etiam juxta Adversarium nil obstare videtur, quod à primævâ
G g g funda-

fundatione à Sancto Landelino ut aliquibus videtur peractâ, prius fuerint Clerici communis vitæ usque ad Annum 1144. quo quidem anno, Alberone II. Episcopo Leodiensi auxiliante & Radulpho Abbate procurante, prædicti Clerici habitum Canoniconum Ordinis S. Aug. susceperunt, in quo Ordine annos tantum quatuor permanserunt ut hic refert Adversarius num. 358. nec etiam Dunensibus obesse creditur ut eadem prætensâ gaudeant prærogativa, quod antequam Cisterciense susciperent institutum, Cistercienses per aliquot annos à fundatione non fuerint. Sic enim lego apud Miræum in Chronico Belgico ad annum 1107.

Ligerius Anachorita in Flandrico oceani littore haud procul à furnis, loco Arenoso vitam ducit solitariam. Convenerunt in eadem solitudine viri aliquot Religiosi quibus piè annis 20. præfuit constructo Monasteriolo, quod Ioannes Bonus Morinorum Episcopus dicavit. Id Celeberrimi apud Flandros Cœnobii Dunensis exordium fuit: quod Anno 1138. Cisterciensem disciplinam admisit, & nunc in Vrbe Brugensi floret. Ita Miræus ex quo etiam notavi in viginti facile & amplius Monasteriis partim in Belgio, partim in locis circumvicinis sitis in quibus

quibus modo viget institutum Ordinis Monachorum S. Benedicti, olim floruisse institutum Canoniorum Reg. inter quæ Cellense, Crispiniense, Tornacense S. Martini, Maricolense, Trudonense, Audaginense, Epternacense, Stauriense, Broniense ex quo facile colligas etiam in Belgio residentiâ Priores fuisse Canonicos Reg. Monachis Benedictinis; ita nec Cysoniensibus obesse debet, ut verâ prærogativâ Ordinis Canoniorum Reg. S. Aug. gaudeant, quod tales Canonici à primævâ fundatione fortè non fuerint, modo ab antiquis temporibus ut diximus, saltem à tempore Cælestini III. qui obiit anno 1198. juxta Onuphrium tales, quales moderno tempore sunt, fuerint Canonici Augustiniani, de quo neminem dubitare video, nisi quem non tam dubitandi necessitas tenere videtur, quam voluptas.

Cæterum Anonymus ille Scriptor Societatis de quo suprâ Cysonienses à primævâ suâ fundatione, Canonicos fuisse Reg. multis indiciis in unum conglobatis, juxta Regulam juris cap. causam. De probat. &c. *Quæ non probant singula, multa juvant*, probabilissimum fecerat. Quia Cysonium fundatum ab Everardo Principe S.

Augustino (cujus institutum Reg. ille in Italia edoctus erat) & nobili Uxore Gislâ, & S. Monicæ devotis, semper fuit nuncupatum Monasterium, sicut Marchianense, Amandum, Merwillense, inhabitatum à Canonicis in communi viventibus; sub regimine primùm Præpositi, deinde Abbatis, simpliciter & constanter professis Regulam Augustinianam, & regentibus ejusdem Regulæ Religiosas Matronas: quæ omnia simul sumpta, si fidem non faciant, nescio qualiter DD. Benedictini exempli gratiâ, probare poterunt; æqualis antiquitatis Monasteria à suâ fundatione Ordinis Benedictini fuisse: cum multa sciam istius Ordinis hoc tempore existere, quorum fundationes si legas in Originibus Bened. apud Miræum, non facile inveniæ æqualia argumenta. Et quidem omnia illa indicia, quæ Anonymus ille protulit admittere videtur Caramuel, sed more suo, multa conglobata, quæ juxta præactam Regulam juridicam de probati. juvant ad probandum, ita resoluit in singula, ut ostendat ex illis sic sigillatim acceptis, non probari intentum, quod nullus miratur. Mirum tamen, si omnia illa indicia, in unum conglobata, rem controversam, quæ

quæ facti est & quidem tam antiqui, in favorem
 Canonorum Reg. non resolvant: mirum si præ-
 dictus Auctor adeo obstupuerit, ut tam stupidè
 fuerit argumentatus, hoc modo scilicet: omnes
 qui communem vitam agunt sub aliquo Supe-
 riore sunt Canonici Reg. tales erant Cysonien-
 ses, ergo &c. Ut prærendit Caramuel primo
 notabili num. 359. addo falsum esse, ex mente
 ejusdem Anonymi Cysonienses illos fuisse Cle-
 ricos vel fratres de vita communi quos Gerar-
 dinos vocant, illi enim fundati sunt sæculo no-
 no; hi vero seculo xiii. nondum nati. Superad-
 do tabulam Alnensem, quæ tantæ fidei est apud
 Caramuelem, apud ne non esse magnæ. Ratio
 est, quia in illâ tabulâ Abbatia Alnensis poni-
 tur inchoata à S. Landelino, cum tamen anti-
 quus Chonographus Fulcuinus Abbas Laubi-
 ensis id adscribat S. Ursmaro apud Miræum
 in Orig. Bened. cap. 10. pag. 44. nam de S.
 Ursmaro verba faciens in M. S. Chronico Lau-
 biensi *Monasterium*, inquit, *quoque in Alna ipse*
construxit & Laubie subjecit. In margine vero hæc
 notata à Miræo: *Alna est hodie Cœnobium Ord.*
Cisterciensis ad Sabim milliari uno à Laubio situm.

Quid si Clerici illi communis vitæ Alnenses

Tom. 12.
part. 2. Bi-
bliothecæ
SS. PP.

fuerint Can. Reg. relaxati? communis siquidem
vita in similibus locis relictum vestigium pris-
cæ Reg. ut pulchrè declarat Stephanus Tor-
nanensis Epistola 160. quæ est ad Mag. R. De-
canum Remensem lectu dignissima ab iis qui
exactius informari desiderant circa materiam
defectionis illustrium Ecclesiarum à regularita-
te ad sæcularitatem: posuimus eam integram
in vitâ ejusdem Stephani Tornac. Episcopi ex
Abbate Genovævæo Ordinis Can. Reg. S. Au-
gustinini, maximi Abbatia nostræ Eeck-houta-
næ Benefactoris in Agiologio nostro Chroni-
co-Canonico sæculo xiii. & quia à primævo
statu deformati, ideo ab Alberone II, Episcopo
Leodiensi facti Canonici Reg. S. Augustini
ad eundem primævum suum statum meritò sunt
reformati. Quidni simili modo Prisci illi Ca-
nonici Cysonienses primò fundati Canonici
Reg. & temporis successu per relaxationem
facti sæculares, postliminiò per reformationis
viam ad primitivum suum statum sunt reducti?
maximè cum Prisci Canonici illi, desertis bonis
in particulari communem vitam instituerint,
& animam submiserint obedientiæ, corpusque
immolaverint castitati, & habuerint conversati-
onem

onem benè regularam five Regularem, quini-
mò simpliciter, & constanter sese Augustinianæ
devoverint Regulæ, prout D. Lobkowitzius
concedere videtur. Quæ quidem omnia illis fa-
cta sunt temporibus, quibus juxta Vitriacum
Hist. Occid. cap. 13. in partibus Occidentis duæ
tantum fuerunt Regularium diversitates, Monachi
scilicet nigri S. Bened. Regulam profitentes, & Ca-
nonici albi secundum Regulam B. Augustini viven-
tes. Hinc argumentor ad hominem: concedit
num. 364. saltem Cysonienses illos fuisse de
communi vitâ quos probabiliter dicit fuisse Re-
ligiosos, nam & Abbates, ait, habebant; si Reli-
giosi, ergo & Regulares, ergo vel Monachi ni-
gri, vel Canonici albi; Monachos nigros fuisse
nulla apparentia, quid restat nisi quod fuerint
Canonici albi secundum Regulam S. Augusti-
ni viventes. Nam illo sæculo illæ tantum duæ
Reg. diversitates fuere, ut paulò ante Vitriacus
declarabat.

Sed & quam bellula est glossula illa, quæ
simpliciter & constanter vovere, idem est Ca-
ramueli, quod vota simplicia vovere, quasi ve-
rò quis non posset dici vota sollemnia simpli-
citer & constanter vovere, cum simpliciter di-
ctum

Etum opponatur dicto secundum aliquem modum, juxta Philosophum lib. 1. Elenc. 4. quare simpliciter vovere non est vota simplicia vovere, sed absolute vovere.

Eodem numero 364. *ante Iesuitas*, inquit, *vota simplicia non constituebant veros Religiosos.* Circa quam positionem, peto an illud *ante* extendatur ad prisca illa tempora v. g. sæculum nonum quo Cysonium fundatum, vel ulterius ad tempora S. Benedicti? & si sic: peto de S. Benedicto, S. Placido, S. Mauro, utrum fuerint veri Religiosi? si fuerint; peto utrum per vota simplicia, an per sollemnia? per sollemnia non videtur, nam ad sollemnitatem voti requiritur ut fiat in Religione approbatâ, qualis non censetur ea, quandiu Regula non est approbata: vide Caramuelem num. 81. & aliquot seqq. ubi antiquitatem Ordinis computandam docet non ab institutione, sed approbatione. Unde & num. 144. *quod si*, inquit, *Benedictini Ordinis antiquitatem non jam ab institutione sed à canonizatione computes, doctè procedes, & me habebis ad seclam statuentem Regulam approbatam fuisse à Magno Gregorio anno Pontificatus VI. indic. xiii. mense Iulio, id est Anno Christi 595. Quod si ita est.*

est, profectò hæc diu facta est post mortem horum Sanctorum. Nam S. Placidus Martyrio coronatur Anno salutis 539. ut habet Breviarium Rom. 5. Octobris. S. Benedictus in Domino obdormivit circa annum 543. ut habet verior opinio. S. Maurus migravit in cœlum anno salutis 565. ut habet Breviarium Rom. 5. Ianuarii. Ergò per vota simplicia; quod si ita, tùm pendendum est, an Benedictini moderni qui emittunt vota solemnia, sint ejusdem ordinis cum illis prænominatis Sanctis Placido & Mauro? & si sint, quomodo? cùm vota solemnia & simplicia differant specie? sic multiplicantur quæstiones, & expectantur responsiones, ex quibus tandem aliquando dari poterunt resolutiones, quid de antiquis & modernis Canonicis Regul. sit tenendum.

Circa Rodulphum filium Everhardi Marchionis fundatoris Cysonii, ejusdem Abbatiae primum Abbatem, ut tradit Flodoardus lib. 4. cap. 1. 6. & 8. quærit Caramuel num. 370. qualiter Canonicus Reg. S. Aug. esse potuerit, quem Monasterium, & res tam amplas ceu proprias possedisse, & de his testatum esse constat ex eodem Flodoardo? respondeo hæc omnia facile

H h

facta

facta non per modum proprietatis, sed administrationis, quam olim Canonici Reg. laxius usurparunt quam Monachi, de quo prisco administrationis usu historiici, qualis Flodoardus, loquentes, incurii distinctionis inter proprietatis usum & administrationis, unum cum alio confundunt, voculam *proprium* improprie sumentes. De quo Navarrus comm. 2. de Reg. n. 1. & clarius comm. 3. de Reg. pag. mihi 137. Admodum reverendus & eruditus D. Henricus Zypæus Abbas S. Andreæ prope Brugas 1. parte examinis cap. 11. & 2. parte cap. 9. Molanus lib. 1. de Can. cap. 6. & Barbosa de Can. quâ de re uberiori calamo egimus in apparatu ad nostrum Agiologium Chronico-canonico, in quo per singula sæcula recitantur vitæ illustriorum Sanctorum, qui in ordine Canonico ante & post Augustinianam Reformationem, suo tempore flouruerunt, quod speramus favente numine lucem aliquando visurum. Imò Religiosum, quidni & Abbatem? ex concessione communitatis habentis bona in communi posse similia facere docet ipsemet Caramuel lib. 2. Theolog. Moral. Disp. 18. art. 4. num. 887. Nec miretur D. Antagonista nos Flodoardum amplè interpretari, cùm in hoc

hoc ejus exemplum imitemur, ut qui eundem Historicum nuncupantem Rodolphum Abbatem etiam amplè explicet, dicens: quòd *Abbatia* *Abbatisq;* *nomen* apud veteres laxius fuerit quam nunc. Tandem id quod pro coronide addit de ædibus Canonorum, quas putat olim dictas Monasteria, & Abbantias, eo quòd constructæ & ordinatæ essent claustris, refectoriis, & capitulis, aliisq; officinis Regularibus instructæ ad similitudinem Monasteriorum, quorum tamen inquilinos certum esse dicit semper fuisse sæculares, non ita certum est ac existimat: nam aliud suprà docuimus ex constitutionibus Benedicti XII. Iacobo Vitriaco, Crantzio, Langecrucio, & aliis. Equidem officinas illas Reg. relicta vestigia esse antiquæ illius Regularitatis, testis est Stephanus Tornacensis insigni illâ epistolâ paulò ante citatâ ad Decanum Remensem, & Thomas Cantipratanus lib. 2. apum. cap. 39. ubi narrat memorabile & stupendum exemplum de Disciplinâ capitulari Decani Remensis in suum Canonicum & Archidiaconum electum in Episcopum Cathalonensem, ad quos curiosum. Lectorem remitto.

CAPVT XIII.

272. **E**X quibus omnibus hætenus dictis, per quatuor hujus nostri Apologetici partes, ad pondus Sanctuarii, id est, diplomatum Pontificiorum libratis, vera deprehenditur quam initio posui, & Caramueliæ libræ opposui, quamque jam repono.

CONCLUSIO.

273. **I**Nter cæteros Religiosos ordines datur in Ecclesiâ ordo quidam Clericorum, seu Canoniorum Reg. S. Aug. in Conciliis antiquis, litteris Pontificiis, jure Canonico, Breviario Romano, itemque Provinciali Romano, libro taxarum Camera Apostolicæ, & in praxi Cancelleriæ Apostolicæ, nec non ab antiquis, recentioribusque Historicis, aliisque bonis Authoribus, ac in vetustis Archivis simpliciter dictus (de quo in bullis Pontificiis veteribus ordinariè pronuntiari solet hæc clausula: *In primis statuentes ut ordo Canonicus, qui ibidem secundum B. August. Regulam dignoscitur institutus, perpetuis temporibus inviolabiliter observetur.* Quæ formula mutari consuevit

suevit quando bullæ ad Monachos diriguntur, in quibus sic scribitur: *Vt ordo Monasticus qui ibidem secundum S. Benedicti regulam institutus esse dignoscitur, &c.* Vbi manifesta ponitur distinctio inter ordinem Canonicum & Monasticum, quem observant Lateranenses Canonici Reg. in Italiâ, olim Aroasienses, & nunc Windesemenses, & plures sine congregatione Episcopis subditi in Belgio & alibi alii, qui ab Apostolis institutus, à S. Augustino restitutus, ac proinde ordine Monastico Benedictino antiquior, per orientalem & occidentalem Ecclesiam, quondam longè latèque diffusus ut olim in Cathedralibus & Collegialibus Ecclesiis, sic nunc in Monasteriis florens, specie infimâ distinctus ab ordine Canonorum Regularium S. Norberti, vulgò Præmonstratensium, & si qui sint aliorum, qui à primævâ suâ institutione nec sunt, nec appellantur Canonici Regulares S. Augustini.

C O R O L L A R I U M.

274. **S**Tat itaque omnes Canonicos Regulares ordinis Sancti Augustini Lateranenses, Aroasienses, Windesemenses, &c. esse Benedictinis

nedictinis Monachis, & præsertim Cisterciensibus
 antiquiores, adeoq; cæteris paribus debere in omni
 confesso & loco publicè & privatim capitulariter
 & singulariter præcedere, maximè si consuetudinè
 S. R. Ecclesiæ omnium Matris, & Magistræ se-
 qui velimus, Pontificum decreta, & Cardinalium
 censuras. Stat scripta Adversarii Pontificis pro-
 loquiis adversa. Stat eundem quod maximè pro-
 bare opus fuerat sine probatione supposuisse, &
 novum ordinem Gervasianum hætenus ignotum
 ex antiquis scriptis novâ interpretatione procu-
 sis exsculpere, & imaginarium pro vero protru-
 dere frustrâ voluisse, nec non in paucis non pa-
 rum hallucinatum fuisse. Stat denique eundem
 nec satis fideliter doctissimum Navarrum & D.
 Andreæ Catulle tractasse, & multò minus eos-
 dem forti urbanitate compescuisse, unde necessa-
 riò convincitur sententia quæ Dominis Aroasien-
 sibus favet, utriusque scilicet Concilii, Mechli-
 niensis & Gandensis non modò probabilis, sed
 vera, salvo meliori, &c.

C A P U T U L T I M U M.

275. **Q**Uandoquidem D. Libripens in proœmio libræ suæ gloriatur se *unum aut alterum Auctorem*, *cujus magno nomine* nos protegimus, *forti urbanitate* (exaggerat Cenfor in Censurâ libræ usq; ad superlativum gradum *urbanissimè*) compescuisse: operæ-pretium est, quædam specimina fortissimæ hujus urbanitatis si superis placet, sub cuius larvâ multi sarcasmi & egena ratiocinia, gustanda propinare, earptim ex libræ relectione & super eam reflexione delibata: nequis existimet nos eundem D. libripendem plus æquo, & supra condignum tractâsse, quasi prius ipse nos nostrosque non provocâset, irritâset, & si dicere liceat, quasi degradâset.

276. Inprimis statum Canoniorum Regulæ præsertim Aroasiensium, per omnes libræ partes fatis deprimit, & suorum Monachorum nimis extollit, & post istorum victoriam, horum canit triumphum: Ego (inquit in proœmio) *duarum Religionum*, *quarum præeinentia disquiritur*, *tabulas contuli*, *examinavi*; *rationum momenta*, *quæ subministravit æquitas*, *cum jure & Doctorum opinione* compa-

composui, & Cistercienses Prælatos reperi. Et infra: Audacter enim dicam, vix aliquam ab annis plurimis resolvisse questionem, cujus mihi decisio visa sit clarior & securior; tam debiles enim oppositæ sunt opinionis rationes, ut ipse probabiles dici non possint. Quasi vero superioribus annis rationes Caramueliæ tam in Concilio supremo Mechliniensi, quàm Provinciali Gandensi, cum rationibus Catullæis & Navarræis compositæ, comparatæ, & collibratæ, non fuissent inventæ minus habere: Prout & Bruxellis in Concilio privato, imò & olim in Consistorio Romano, ut facilè constare potest ex diversis juridicis sententiis, relationibusque Cardinalitiis, in quibus argumenta Caramuelia reprobata antequam nata, Navarræa verò & Catullæa probata, suis locis suprâ assignatis. Interea dicere non veretur, rationes nostrorum tam debiles ut probabiles dici non possint. Imo per terram & maria à longè esse petitas. num. 3. libræ.

277. Afferit DD. Aroasienses fractarum machinarum frustra colligere, & ad nauseam usque explosis ratiociniis armari, & existimare se debere audiri; tametsi de tenebris & caligine solem incusent. Pugnaces eosdem & contentiosos esse suggillat; & per Andream Catulle

tulle (quem miratur *virum secularem tot ad hanc materiam Regularem rationum momenta congerere potuisse*) subtiles adeoq; nimis fragiles speculationes resumptas, mille & pluribus annis præscriptam Benedictinorum præcedentiam invadere Sed illæ machinæ adeò nullibi fuerunt fractæ, ut per eas olim, Lateranenses, & nuper bis Aroasienses triumpharent; tam clara est millenaria illa, præscripta præcedentia scilicet. num. 4.

278. De hac præscriptâ millenariâ præcedentiâ à nostris invasâ, hîc obiter juvat inquirere, ubinam locorum ea viguerit? an in Italiâ? profectò si ibi, maximè in primariâ congregatione Cassinensi denominatâ à principe cœnobio Cassinensi: at tantùm abest, ut illa ibi sit, ut contra jam a centum ferè annis juridicè Monachis Cassinensibus Canonici Reg. S. August. sint prælati, juxta antiquissimam consuetudinem Urbis, ut constat ex relationibus Cardinalitiis suprâ; non igitur in Italiâ. Sed fortè in Hispaniâ? Per omnia Hispaniarum regna nolo vagari; dicam quod notorium est, Canonici Regul. S. August. in Arragoniâ præcedentiam fuisse adjudicatam non solum præ Monachis, verùm etiam præ omnibus Canonici secularibus etiam Cathedralibus,

exceptis duntaxat Metropolitanis. Constat ex sententia supremæ Curiaë Arragonensis latâ anno Domini 1605. typis editâ Madriti apud Ludovicum Sanchez anno sequenti, quæ sententia continet justum volumen cum rationibus hinc inde allegatis. Sed nunquid in Germaniâ? certè tempore Concilii Constantiensis, hâc de re mota est lis inter Canonicos Reg. S. August. Crutzelingenses prope muros Constantiæ ex unâ, & Monachos in Petri-domo ultra pontem Constantiæ ord. S. Bened. ex alterâ partibus: quam litem in in favorem prædictorum Canonicoꝝ Ioannes XXIII. Papa in dicto Concilio, & postmodum Innocentius VIII. terminavit per bullam datam Romæ apud S. Petrum anno Incarnationis Dominicæ 1489. V. Kal. Maji, Pontificatus sui anno 5. In Galliâ fortè? Regnum etiam illud vastum est, nec longiùs excurrere placet. De Abbate Genovevæo ordinis Can. Regul. S. August. in urbe Parisiensi legere poterunt Benedictini apud suum Ascanium Tumburinium, qualiter inter cæteras præeminentias, etiam hâc fulgeat, quâ suo in districtu, vel ipsum Archiepiscopum præcedere soleat Parisiensem. In civitate Bisuntinâ Canonici Regul. S. Aug. Abbatiaë S. Pauli in publicis

blicis proceſſionibus immediatè poſt Cathedrales incedunt & habent duo ſuffragia in electione Archiepiſcopi Biſuntini. De Gallia-belgicâ, vel Germaniâ inferiore quid dicam? niſi quod Aubertus Miræus obſervat in originibus Cœnobiorum Benedictinorum in Belgio : *In multis vetuſtioribus Gallia-belgica, ſeu Germania inferioris Cœnobiis olim non Monachos, ſed Clericos, Regulariter in communi viventes, egiffe, idq; ex primâ fortasse institutione, ut ſuis locis (inquit) diſceptabitur.* Temporis itaque ſucceſſu Monachi qui alibi præcedunt, ſicut Canonorum Reg. Cœnobia occupârunt, ita jus etiam præcedentiæ eorum ad ſe traxiſſe videntur, ſed illa præſcriptio particularis tantùm eſt, nam in Cameracenſi Archiepiſcopatu Aubertinos, & in Diœceſi Atrebatenſi, prout & Valencenis Abbas S. Ioannis ordinis Can. Reg. S. Auguſt. ex ſententiâ ſupremi Concilii Mechlinienſis præcedit Abbatem S. Salvii ordinis S. Benedicti. Mont-eligianos Canonicos ordinis S. Aug. Benedictinos præcedere nimis eſt manifeſtum. Addo nec millenariam eſſe, ſiquidem Regula S. Benedicti in Belgio tempore Synodi Lyptinenſis, in quâ conſtitutum eſt ut Galliæ Germaniæque utriuſque ſuperioris & inferioris

rioris *Abbates & Monachi reciperent Regulam S. Patris Benedicti*, ad restaurandam normam Regularis disciplinae; Verba sunt praedictae Synodi quae habita est anno 743. quâ de re Miræus suprâ ex Baronio tom. 9. videtur usitari coepisse; quare apud praefatum Miræum foundationes vetustissimorum Cœnobiorum, vel ab ipso S. Amando, vel S. Trudone, vel aliis Sanctis factas, & invenies prius vel Clericos Reg. in eis positos fuisse, vel si Monachos non facile invenies sub regulâ S. Benedicti. Ubi ergo plusquam millenaria praescriptâ Benedictinorum praecedentia? plura dicerem, si Tisiphonem Megeræ opponere vellem, protestamur interim nos neminem de suâ legitimâ possessione detrudere velle.

279. Religiosos ordines num. 8. recensens sub Augustinianâ regulâ merentes post Præmonstratenses, Dominicanos, Hieronymianos, & Eremitanos, ponit Canonicos Reg.

280. Notat num. 49. antiquissima ordinis Cisterciensis Cœnobia, Aurea-vallense scilicet, ac Alnense prius fuisse Canonicorum Reg. quorum prius cessit anno 1131. posterius verò anno 1148. ordini Cisterciensi missis eo Religiosis ex Clara-valle, ut vel ex hac ordinis mutatione colligere

gere liceat ordinem Canonicum non esse recentiorē congregatione Cisterciensi, quæ num. 63. orta ponitur anno 1098. & longè post approbata, cùm credibile non sit, tam recenter institutos Canonicos Reg. S. August. principium enim fervet, ab antiquissimis illis Monasteriis, Cisterciensibus substitutis, amotos fuisse, saltem vel hinc liquet falsum esse quod infra num. 245. tradit Canonicos Regul. non Cathedrales à paucis annis esse institutos.

281. Ordo Guillelmitanus ponitur num. 64. à Cisterciensi solis statutis diversus. Quidni ergo & Atoasiensis eodem modo poni posset solis statutis à Lateranensi diversus, & quidem majori ratione?

282. In jure præcedentiæ ordinum Religiosorum inter se num. 80. & seq. contendit, solam urgendam esse antiquitatem Ecclesiasticæ approbationis; non verò alias qualitates à jure non consideratas: & interea per totam ferè libram ubi se occasio offert agendi de præcedentiâ Canonorum Regul. Lateranensium, respectu Monachorum Casinensium: non tam urget Lateranensium antiquitatem, quàm Cathedralitatem, quæ à jure considerata non fuit, ut evidens est

ex relationibus Cardinalitiis, & sententiis sæpiùs commemoratis.

283. Porro num. 86. laudat doctrinam à D. Catulle traditam in motivo juris num. 10. hanc nimirum: *Indubitatum esse apud Iurisconsultos, quòd licèt duæ qualitates concurrant in uno subjecto, tamen si una ex dictis qualitatibus non consideratur à jure, nil illa operabitur.* Verùm observandum est hoc ideò insinuaturn à D. Catulle, quia nimirum Abbas S. Salvii ordinis S. Benedicti, exceptionem fecerat n. 5. contra Abbatem S. Ioannis Valencenis ordinis Canonorum Reg. S. Aug. antiquiorem, quòd licèt ipse posterius assumpsisset Abbatialem dignitatem, tamen in ipso concurreret alia qualitas, ob quam deberet præcedere, eo quòd esset ordinis S. Benedicti, quem ordinem dicebat reliquis omnibus esse nobiliorem. Contra quam exceptionem reponebat D. Catulle dictam jurisconsultorum doctrinam. Postea verò num. 19. ejusdem motivi: *Concedamus, inquit, hìc aliquid nobilitati ordinis esse tribuendum, & præferentiam hanc terminari debere, considerando dignitatem Abbatialem respectivè ad hunc vel illum ordinem, adhuc prævalebit Abbas S. Ioannis, quia nobilior, &c.* Quod usque ad num. 44. multis

tis probat, & tandem concludit: *Quod appellatione nominis, & dignitate muneris, & nobilitate ordinis, Canonici Reg. Benedictinos longè antecellant, & Ecclesia S. Ioannis Ecclesiam S. Salvii.* Quis rem tantillam non facilè capiat? Interèa hoc tantum ingenium: *Quid, inquit, significant illa verba non capio.* Videlicet jam recitata: *Quod appellatione nominis, & dignitate muneris, & nobilitate ordinis, &c.* Quid enim hîc latet mysterii? nullum prorsus. Dixerat siquidem D. Catulle 1. notissimi esse juris, quòd qui priùs esset in dignitate, præferendus esset ei, qui eandem dignitatem esset posterius consequutus. 2. Exceperat Abbas S. Salvii Benedictinus; habendam esse rationem sui ordinis nobilioris. 3. Reposuerat D. Catulle, qualitatem illam non considerari à jure. 4. Concedamus, inquit, idem Catulle illam considerari; adhuc tamen prævalebit Abbas S. Ioannis Canonici ordinis, idque per multos numeros probat. 5. Concludit, & appellatione nominis, & dignitate muneris, & nobilitate ordinis Canonicos Reg. longè antecellere DD. Benedictinos. Quis quæso vel homo de trivio hæc non capiat? Addit nihilominus Caramuel vir adeò ingeniosus: *Sed ad quid hæc omnia, si supponit, omnes qualitates*
que

quæ non considerantur à jure esse nullas? Quasi verò hoc absolutè supposuisset Catulle, & non potius ex abundanti quasi concessione quodammodo transire permisisset. Pergit D. Libripens: *Dicam, ad hoc solum, ut se oblivioni mandâsse, quæ doctè tradiderat, ostendat.* O abusum! quis non videat, quàm consectaneè scripserit D. Catulle? profectò vel D. Libripens totum motivum juris Catullæum legit vel non: si non legerit totum, temerariè judicavit; si legerit, certè ipsemet memoriâ lapsus, illius: *Concedamus hîc aliquid ordinis nobilitati tribuendum esse,* Quod num. 19. D. Catulle scribebat, non est recordatus, non ergò Catulle suggillandus, nec Caramuel excusandus.

284. Innuit num. 89. nullam totius orbis Christiani Religionem tot Ecclesiæ Pontifices & Episcopos; tot Sanctos Emphyreo dedisse ac Cisterciensem; quod si verum est, prodierunt ex Religione Cisterciensi plus quàm sexdecim millia sanctorum, quot prodierunt ex ordine Canonico juxta Ticinensem, vel certè plus quam quindécim millia & quinquaginta novem, quot ex ordine Benedictino juxta Prosperum Stellartium, in fundaminibus omnium ordinum. Sit fides penes Caramuelem.

285. Sustinet num. 93. & seq. Lateranenses ex integro per sententiam Pontificiam non fuisse prælatos Cassinensibus, imò parum ipsis Lateranensibus per eam fuisse tributum; nec aliam esse rationem præcedentiæ inter Abbates, quàm congregationum vel ordinum, ut Catulle statuit num. 6. sui motivi conformiter juri Canonico & sententiæ præfatæ: hîc totus fallitur, ut patet ex relationibus Cardinalitiis, & sententiis sæpiùs reditis suo loco, & ex eis contrarium clarè explicatum, nimirum totam congregationem Lateranensem, toti congregationi Cassinensi, communitatem communitati; Abbatem verò promotionis antiquioris Abbati juniori, sine respectu ordinis, fuisse prælatum, ita tamen, ut junior Cassinensis nunquam præcedat.

Quod autem dicit has duas communitates raro, aut nunquam concurrere, facilè refutatur; nam in relationibus Cardinalitiis expressè habetur, quòd juxta antiquissimam Urbis consuetudinem Lateranenses semper præcesserint Cassinenses, haud dubiè in supplicationibus & similibus actibus publicis, ex quibus frequenter iteratis resultârat antiquissima & manifestissima consuetudo. Nec hinc sequeretur, ut contendit num. 96.

sententiam Pontificiam aliàs fore erroneam, falsam, & iniquam. Quia revera in tribus juridicè probatis, est fundata, nempe majore antiquitate, Clericali dignitate, & consuetudine, ad quod probandum non opus est magnâ ruminatione, sed solâ oculari inspectione relationum Cardinalitiarum, & sententiæ sæpè memoratarum.

286. Tradit nonnullas differentias Abbatum num. 120. inter quos Abbates sæculares: *Tales dicti quòd Ecclesia cui præsumt, ex Regulari facta sit secularis*, Ex quo collige Abbates illos sæculares Regularibus esse recentiores. At inter Abbates Regulares ponit discrimen, quòd Benedictinales sint ex vi regulæ; Augustiniani autem Præfules ex vi concessi privilegii. Verùm si Abbatia sumatur pro dignitate Abbatiali, Benedictinales non sunt Abbates ex vi regulæ S. Benedicti, eo enim tempore quo scripta est, Abbatia non erat dignitas, idque tradunt sæpè dictæ Cardinalitiæ relationes.

287. Supra modum vapulat num. 136. & seq. B. M. Thomas Cantipratanus, genere nobilis, professione priùs Canonicus Reg. deinde Dominicanus, gradu S. Theologiæ Doctor, ordine Episcopus, teste Georgio Colvenerio, eruditione & scriptione

scriptione conspicuus, imò vitę sanctimoniã venerabilis; quo titulo repositus est in Litaniis Sanctor. & Beator. Brabantię à R. P. Ioanne à Zichenis Priore Lovaniensi, & Prædicatore Generali; itemque ab Hiachynto Choquetio S. T. D. inter sanctos Belgii ordinis Prædicatorum. Illustrium Auctorum præclara testimonia & elogia de Cantipratano videri possunt post vitam ejus præfixam duobus libris Apum, ceu boni universalis, à Colvenerio editis & notis illustratis. Hic talis ac tantus Auctor: *Quasi passione nimia excæcatus, & affectu sequiore perturbatus, negligens & ignorans, invidus Censor, qui fortè vix prima spiritualis regule elementa cognoverit, & virus exomuerit in summum Pontificem* Suggillatur, Deus bone quale hoc specimen urbanitatis! non ita Ferreolus Locrius, salvo, inquit, Thomæ Cantipratani, qui aliter sentit honore: non ita Colvenerius notatione in locum lib. 1. cap. 6. à Carmuele adeò inurbanè censuratum, ubi & Cantipratanum explicat, & Abbatem Aquicinctinum ac multò magis Pontificem à Simoniã purgat, ac tandem Cantipratanum à S. Bernardo epistolâ 42. non abludere demonstrat.

288. Ordinem Benedictinum approbatum ponit

nit anno DXCVI. ita num. 141. & paulò post num. 144. approbationem factam scribit anno Christi DXCV. idque supponit potius quàm probet, quod tamen maxime probandum erat; nam in eo vertitur cardo controversiæ de præcedentiâ, committit ergò ipsemet quod in nostris carpit. Prodit ignorantiam suam num. 159. circa Canonicos Lateranenses, hodie in Ecclesiâ S. Ioannis residentes, quos putat esse Regulares, cùm nil certius sit quàm eos modò esse sæculares; nisi fortè jam à tribus hebdomadibus mutatio facta sit, de quâ hîc nondum quidquam auditum.

289. Asseverat ordinem Benedictinum omnium esse antiquissimum num. 164. suprâ tamen num. 95. adstruxerat; Cassinenses Benedictinos in celebri lite centum annorum, nunquam probasse se antiquiores esse Lateranensibus; & quia Cassinenses intentum non convicerant, non potuisse illis adjudicari præcedentiâ. Quomodo autem hæc cohæreant viderit ipse.

290. Contendit persuadere num. 169. celebrem illam litem inter Lateranenses & Cassinenses, non tam secundùm allegata & probata, quàm motu proprio, & ad nullius instantiam fuisse terminatam.

minatam; quod quàm frivolum sit, claret ex hisce ipsius juridicæ sententiæ verbis: *Causa hujusmodi ad plenum ventilata, ac sæpius auditis partibus, & dubiis in eâ plenè discussis & resolutis, ac visis de jure videndis, & demum per dictos Cardinales nobis maturâ desuper factâ relatione pronuntiamus, &c.* Itemque ex verbis executorii Pontificii, quæ sic sonant: *Qui quidem Cardinales dictis partibus, earumq; procuratoribus, & Advocatis pluries auditis, dubiisq; emergentibus ad plenum discussis & resolutis, comperto satis per eos ex compluribus litteris Apostolicis, diversisq; aliis documentis, rationibus, & probationibus, quod ipsi Canonici, &c.* Certum igitur est litem terminatam esse secundum allegata & probata. Cur ergò ibidem mentio motus proprii plùs quàm semel? Respondeo, Pontificem motu proprio controversiam ab aliis judicibus ad se avocasse. Vide notam 8. itemque simili motu proprio rei maturè discussæ, & judicatæ providisse ne ampliùs in controversiam retraheretur, providisse. Vide notam 12. num. 163. talem motum proprium urgens non est hallucinatus Cautelle, ut ei Caramuel affingit; quare nec Ironicè tractandus fuit sequentibus verbis: *Sanctus est & pius, & quia sincerè loquitur, tam quæ sibi favent,*

quàm quæ nobis, adducit. Et hæc est, si superis placeat, urbanitas Caramuelis.

291. Carolus Magnus num 172. asseritur obisse anno 814. infra verò num. 181. post annum 900. ponitur adhuc floruisse. Malus ictus. Intelligenti pauca.

292. Concludit num. 172. Regulares Canonicos quadringentesimo quinquagesimo ab Augustini morte anno nondum fuisse institutos, reclamantibus tot Pontificum & Historicorum testimoniis, quibus consonat continua à tempore Gelasii I. usque ad Bonifacium VIII. per octingentos annos Canonorum Reg. residentia in Ecclesiâ Lateranensi, & aliis Ecclesiis, quæ quo tempore ad sæcularem statum ex Regulari descenderint, suo loco ex professo notabamus.

293. Profertur testimonium Petri Abailardi in quo S. Norbertus vocatur Reformator, seu Resuscitator Canonorum Reg. sicuti Bernardus Monachorum, quo probetur Præmonstratenses esse seniores Canonicis Reg. S. August. misera probatio. Quasi verò Bernardini essent seniores Benedictinis Monachis, eo quòd S. Bernardus ab Abailardo dictus sit Reformator Monachorum. Sic nec Præmonstratenses antiquiores sunt

sunt Canonicis Reg. S. August. quantumvis S. Norbertus ab Hæretico illo dictus sit Canoniorum resuscitator. Quis demùm non videat Reformandos Reformatis esse antiquiores ? Sanè nostri temporis Sectarii vocant prætensam suam Ecclesiam Reformatam, & Catholico-Romanam putant à suis fuisse reformandam, ex quo nostri concludunt prætensam suam esse recentem, & nuperam, nostram verò priscam illam & antiquam. An non posset hîc retorqueri in Caramelem, quod is in Catulle num. 169. jecerat: *Sanctus & pius est, & quia sincerè loquitur, tam quæ sibi favent, quàm quæ nobis, adducit?* Nihilominus confidenter hoc num. 178. in fine quærit: *Cur audiendi essent, qui hucusque Præmonstratenses debuerunt subsequi, & hodie novâ animositate conceptâ, contendunt audacter, vel Cassinensibus ipsis præponi?*

294. Infert num. 183. ex eo quod Aroasienses nec Cathedrales, nec Collegiales sint, esse ordine diversos à Lateranensibus, quos solos ferè putat esse de Reformatis à S. Aug. quod abundè refutatum est 1. & 2. parte.

295. Tandem num. 184. Gervasium quendam hætenus obscurum, illustris ordinis Aroasiensis Institu-

Institutores protrudit, & quod magis mireris, deducit num. 185. *Aroasienses esse Cistercio-canonicos, aut si malis Canonico-cistercienses.* Quæ hæcenus sunt inaudita, de novo inventa, & non nisi prophanæ vocum novitates.

296. Suggillat num. 187. juniores irreverentes deficere ab antiquioribus Scriptoribus, præsertim Vitriaco, qui Aroasienses non minùs distinguit ab aliis Canonicis Regul. quàm Præmonstratenses: *Vt novas, ait, ambitiones alant.* At non advertit eundem Vitriacum distinguere eodem libro ordinem, sic vocat, Cisterciensem ab aliis Benedictinis, à quibus tamen D. Libripens sustinet Cistercienses non esse ordine distinctos.

297. Carpitur D. Catulle num. 189. quasi convictus erroris, circa differentiam Canonici Reg. & Monachi strictè sumpti; verùm erraritne Catulle, an Caramuel, colligi poterit ex iis quæ diximus primâ parte num. 38. ubi ostendimus D. Catulle consonare D. Thomæ, Navarro, Roderico, & aliis.

298. *Canonistæ*, inquit num. 190. *Chronologiam objeci. Malus ictus; Iurisprudentia enim sine Chronologiâ nil valet.* Verùm Theologiam nil valere sine Chronologiâ Ecclesiasticâ, dicebat Guillelmus

mus Estius eximius Theologus: quàm magnus autem Chronologus fuerit D. Caramuel ostendi part. 3. cap. 6. num. 210. & seq. & persuademus nobis non parvum esse errorem contra tot Pontificum & Historicorum, institutionem Canoniorum Reg. S. August. referentium ad Apostolorum tempora testimonia suprâ passim citata, existimare eosdem Canonicos Cisterciensibus esse posteriores.

299. *Consequens est, inquit num. 196. ut se non esse omninò & verè Canonicos credant, sed potius Canonicis & Monachis medios, utrimque aliquid participant, nimirum mores & vitæ austeritatem à Monachis, à Canonicis nomen, & præter id nil. Quæ quamquam sæpiùs à me suprâ sint refutata, ex abundanti tamen placet huic opinioni opponere doctrinam nostri temporis eruditissimi Canonistæ Augustini Barbosa, qui tractatu de Canonicis, edito Lugduni anno 1634. hæc habet cap. 1. num. 7. probat Canonicum Regul. esse propriè Canonicum, num. 8. Canonicatus appellatione venire etiam Canonicatum Regul. num. 9. ait Canonicos Regul. subdividi in duas classes, quarum una est illorum qui in Ecclesiâ Cathedrali Regul. altera eorum qui in non Cathedrali resident,*

L II

num.

num. 40. Canonicos Regul. Cathedrales & non Cathedrales, & signanter Aroasienses esse ejusdem ordinis & conditionis: ac tandem num. 41. Canonicos Regul. in pœnalibus, & exorbitantibus non comprehendi appellatione Monachorum, pro quo multos citat Auctores, quibus subscribit D. Catulle, quem Adversarius in hoc puncto vult errasse, cùm tamen D. Catulle suæ doctrinæ tot Iurisperitos habeat adstipulatores.

300. Iterum D. Catulle per ironiam num. 203. vocatur *Integerrimus Iudex & assertor veritatis sincerus, quasi qui non solum ea quæ DD. Canonicis profint, sed & illa quæ obfint, summâ animi sinceritate publicet.*

301. Denique num. 205. contendit sententiam Catulle de anno originis congregationis Aroasiensis esse certum errorem; quod ut probet, ita delirat, ut dicat Catulle secutum continuatorem Sigiberti, Molanum, Miræum, usos tabulis Aroasianis Mendosis, in quibus, ut constare vult ex notis Andreæ Quercetani Turonensis, editis Parisiis cum aliis operibus anno 1616. Cono obiisse dicitur anno 1617. quis non Davus, sed OEdipus capiet quod antiquissimæ illæ tabulæ, quas antiqui Scriptores, Continuator Sigiberti, & Mola-

sint Cathedrales, infert num. 245. non posse eos contendere cum Benedictino-Cisterciensibus, de loco & antiquitate, quàm autem hæc sit invalida illatio, qui *Pondus Sanctuarii* vel à limine salutaverit videt, ubi sæpiùs probatum est Canonicos Regul. Cathedrales & non Cathedrales, esse ejusdem ordinis, & in sententiâ Pontificiâ in favorem Canonorum Regul. ordinis S. Augustiniani, nullam habitam fuisse rationem Cathedralitatis.

305. Sic argumentatur Caramuel num. 254. Parcensis Abbas Gertrudanum & alios Canonorum Abbates præcedit, ergò Canonici Regul. sunt multò juniores Norbertinis: quæ argumentatio si valida sit, non erit etiã hæc invalida, Abbates ordinis Canonorum Regul. S. Augustiniani, gr. Aubertinus, Mont-eligianus, Valencenensis, præcedunt Abbates Monachorum Benedictinorum; Ergò Monachi Benedictini sunt multò juniores Canonicis Regul. S. Augustiniani. possumus & nos etiã datâ occasione dialecticari.

306. Navarrus si præcedentiæ Canonorum Regul. Non-Lateranensium faveret, foret pessimus Dialecticus, juxta Caramuelem num. 262. Responsum non foret, nam optimè argumentatur à paritate

ritate rationis : & ubi eadem est ratio, eadem lex servari debet, ut habet trita regula juris.

307. Producitur Volaterranus num. 263. quasi affirmet lib. 21. Lateranensem ordinem olim habuisse 4000. Monasteria, sed suo tempore vix 60. quod quàm sit delirum, si intelligatur de Congregatione Lateranensi, patet vel perfunctoriè ipsum Volaterranum inspicienti, qui 1. agit de ordine ipso Canonico : Deinde aliqua interserit de congregatione Frigionariâ, quam postea appellatam scribit Lateranensem ab Eugenio IV. hinc regrediens ad ordinem Canonicum, cujus ortum & progressum prius delineaverat : *Nulla*, inquit, *magis Religio propagavit, cujus cœnobîa olim in Europâ ad 4555.* quod non potest intelligi de congregatione Lateranensi quæ Italiam vix excedit, sed de ordine ipso Canonico, prout eum spectavit Benedictus XII. dispersum per totum orbem Christianum, ut constare potest ex §. 19. Constitutionum ejus, de quo vide suprâ 1. part. cap. 6. num. 18. pag. 21. deinde pergit Volaterranus : *In Italia 700. hodie autem vix 60.* quæ etiam non possunt intelligi de congregationis Lateranensis cœnobîis, quorum catalogum habet Pennottus Gener. Hist. lib. 3. cap. 48. in cujus fine scribit.

Sunt igitur omnes Abbatiae, quae post reformationem Frigidionariam ad nostram congregationem spectaverunt num. 45. Prioratus 56. Praepositurae 21. Archipresbyteratus duo. Porro eundem Volaterranum agere de ordine Canonico quatenus in se continet varias congregationes, praeter eas quas ipse recensuit, evidens est ex viris illustribus quos ibi profert, qui Canonici fuerunt ordinis, sed non Lateranensis congregationis, de quibus part. 1. cap. 18. num. 47.

308. Non minus delirum est quod Pennottus jam commemoratus protrudatur num. 268. quasi subscribens sententiae Auctorum in specie faventium praecedentiae Benedictino-Cisterciensium, quod tantum abest, ut contrarium Pennottus ex professo doceat. Nam lib. 2. cap. 68. per totum, propugnat Canonicos Regul. congregationum quas ante enumeraverat (inter quas & Aroasensem suo loco collocat) essentialiter esse unius & ejusdem ordinis inter se, & cum antiquis Canonicis ab Augustino & Apostolis institutis. Et infra eod. lib. cap. 71. num. 3. concludit his verbis: *Hinc deducitur omnes Canonicos Regulares qui sunt verè de illis à D. Augustino & Apostolis institutis, ratione prioris illorum institutionis, & etiam Clericalis*

calis dignitatis, quæ illis per essentiam & non ex accidenti inest, omnes Monachos præcedere debere; licet in dictâ sententiâ de solis Lateranensibus mentio habeatur, &c. Eodem verò libro cap. 70. de Præmonstratensibus sic determinat: *Præter Canonicos Regulares*, ait, quos hætenus recensuimus, sunt alii ordines Canoniorum sub D. Augustini regulâ militantium, licet non sint de illis per D. Augustinum, vel Apostolos institutis, sed per nonnullos pios & sanctos viros postmodum fundati, &c. Horum primus est ordo Canoniorum Regul. Præmonstratensium. Ita Gabriel Pennottus congregationis Lateranensis non semel Rector generalis.

309. Navarrus notatur num. 273. suas rationes rudi modo proponere, ut moris illis est qui non sint professi Dialecticam. Verùm Navarrus magis intendit oculum in Dominam, quàm in ancillam.

310. Rationem Navarri & Catulle num. 273. petitam ex Clericatu, per se Canonicis Regul. competente extenuans: *Quis, inquit, non videat argumenti istius debilitatem.* Cùm tamen ea fortissima fuerit ad operandum præcedentiam in Canonicis Lateran. respectu Cassinensium Monachorum, ut videre est in relationibus Cardinali-

nis,

tiis, quas in juredicundo Pontifex est sequutus. Eas recitatas habes part. 2. num. 157. & seq.

311. Afferitur num. 273. in materiâ præcedentiæ non considerari clericatum, sed num. 277. Palinodia canitur, & Clericatum secundariò ad præcedentiam conducere statuitur, propter rationes Cardinalitias, & Pontificias bullas.

312. De Aroasiensibus num. 279. *Quid Erasmus, quid alii qui neminem indoctiorem Monacho ausi sunt dicere, effutirent si legerent istam periodum?* Sed non absimilem periodum lego in regulâ S. Benedicti cap. 58. de Novitio Benedictino professionem facturo, ubi sic ad verbum: *Quam petitionem manu suâ scribat; aut certè si non scit litteras, alter ab eo rogatus scribat, Et ille Novitius signum faciat, &c.* Quinimò de Clericis & Canonicis quibus præscripta est institutio Aquisgrañ. an. 816. hæc habes in epilogo: *Vt qui hac aut legere, aut fortè ab aliis lecta plenè intelligere nequiverunt, utantur hâc defloratione.* Pergit Caramuel: *Cæcus es, si adhuc contendis Aroasienses esse Clericos per se & quidditati- vè, sed cæcus interdum, videntem cœcum vocat.*

313. *Vides, inquit, num. 286. quantâ facilitate omnes rationes ex Navarro desumptas deflaverim. Verùm Caramuelias solutiones eâdem facilitate diffatas*

diffatas videbis Lector, si dignatus fueris partem quartam revidere.

314. Concedit num. 294. Lateranenses debere præcedere : *Ex bullâ & privilegio* ; nec advertit se sibi contradicere suprâ num. 242. expressè asserenti : *Quòd ipsi (Lateranenses nimirum) ratione veræ antiquitatis , & non privilegii prætectu præcedentiam obtinuerint.*

315. Tandem admittit num. 297. quòd si Canonici Regulares Crutzelingenses sint ejusdem ordinis cum Lateranensibus, eos ob hanc solam rationem habere jus præcedendi, at non solum Crutzelingenses, sed & Aroasienses, Victorinos, & Windesemenenses esse ejusdem ordinis cum Lateranensibus, sufficienter à nobis probatum est 1. & 2. parte, habent ergò & hi ob hanc solam rationem, etiam inimico nostro judice, jus præcedendi.

316. Satis inurbanè deinceps à num. 305. & ironicè tractatur D. Catulle, quasi non magnus Dialecticus, imò quasi dialectices ignarus, quasi argumentator oberrans, & in vitioso circulo circumvolitans; scripserat enim Catulle num. 47. sui motivi, statum veræ Religionis (utique Christianæ Regularis, secundùm subjectam materiam)

riam) à Christo Domino institutum, eratque ea pars præmissæ quam dixerat Lobkowitzius evidenter falsam, sed verso folio concessit esse veram: Pergebat Catulle, dictum statum in Christianâ republicâ cœpisse vigere cum Apostolis qui fuerunt veri Clerici, & plantârunt ordinem Clericorum seu Canonicorum, sub certâ regulâ communiter viventium, conformiter narrationibus Pontificum & probatorum Historicorum: Quod ultimum dicit Lobkowitzius esse falsum; additque, non sine animositate temerariâ id dici, sicque Pontifices & Historicos temerariæ animositatis damnat, num. 306.

317. Pergit num. 308. *Quis, inquit, non videat argumentatorem oberrare?* probaturus Christum Dominum statum Regularem instituisse, ad Ecclesiam veterem recurrit, & probat etiam tunc fuisse Religiosos, quod quàm non verum sit, videbit, qui Catullæum motivum revolverit; assertur enim num. 50. statum Religiosum tunc solummodò fuisse adumbratum. Tandem eodem num. concedit Lobkowitzius Christum Religionem sub perfectione quâ nunc est, instituisse, non tamen Canonicos Regulares; quare? quia primitivi Clerici tunc nondum fuerunt dicti Canonici

nonici Regul. Idem sæpè refricat num. 311. & num. 314. ubi sic: *Sed quia argumentator, inquit, majorem illam naufragam suasurus progreditur, eum sequamur multa pulchra congerentem, non pulchrè.* Et infrà num. 317. *Ne verbum quidem, ait, de Canonicis Regularibus.* At verò num. 320. *Illorum erit, inquit, probare Apostolos fuisse Canonicos Regulares, nostrum eorum rationes, si per risum liceat enervare; nam ut rem fatear, risu præpedior, cùm audio Apostolos fuisse Canonicos Regulares.* Tandem concedit num. 322. argumenta Catullæa probare in primitivâ Ecclesiâ fuisse aliquos Religiosos Clericos, non tamen Canonicos Regulares, atque ita rem concedit, nomen negat, cùm tamen num. 334. nomina ita extenuet, ut dicat, ea à nomenclatoribus idiotis posita, & ideò dici putat idiotissimos, habitudines vocabulorum, tantundem facit, ac si admitteret S. Benedictum instituisse sui ordinis Monachos, non tamen Benedictinos, quia nimirum tempore S. Benedicti illius Monachi nondum dicti sunt Benedictini, ut alibi insinuavi.

318. Quantum ad Therapeutas fuerintne Clerici Canonici, seu Regulares, an verò Monachi, dicit num. 323. eam controversiam, unum & so-

lum Andream Catulle singulari suâ opinione voluisse dirimere, nec ipsi favere bullam Eugenia-
nam, eo quòd nō videat quâ ratione nostra exem-
plaria possint dici authentica; quasi verò non tam
possint esse authentica quàm Carmelitana, de
quibus egit num. 306. sed ad eam necessitatem
eum compulit desperatio, quia per illam Euge-
nianam bullam opinionem suam singularem vi-
debat esse prostratam, in quâ signanter expri-
mitur Apostolicos illos, ceu primitivos Clericos,
postmodum nuncupatos Canonicos Regulares,
quod quàm perperam dictum intelligat de solis
Lateranensibus, sæpius ostensum est. Porro Ca-
tulle præcitato num. agit de Essenis, quos Ca-
rolus a Mansfelt in suâ cœnobiticâ cap. 4. susti-
net fuisse Canonicos, non est hîc ergo Catulle
singularis, nam idem tenet Pennottus & Miræus
in præfatione codicis Regularum, ubi sic: The-
rapeutas fuisse Clericos, non Monachos; idem
Philo subindicat, & Eusebius, ac Nicephorus
disertè affirmant..

319. Exprobat num. 326. Domino Catulle
quòd non sit magnus Dialecticus, idque proba-
re contendit; ex vitioso circulo quasi ab eo com-
misso; sed hoc adeò vitiosè probat, ut falsum
assu-

assumat. *Suasurus* (Catulle scilicet) in *primitivâ Ecclesiâ Romanâ*, inquit, *fuisse Canonicos Regulares num. 66. assumit mores Alexandrinos.* Quod totum falsum esse constare poterit, vel ipsum motivum juris Catullæum obiter inspicienti; nam notato illo numero 66. non intendit D. Catulle probare in Ecclesiâ Romanâ fuisse Canonicos Regulares, sed Clericos primitivæ Ecclesiæ ab Apostolis institutos Regulares existisse, cum verâ trium votorum emissionem num. 60. quod coincidit cum secundâ parte majoris propositionis num. 47. idque ostendere incipit num. 64. inductione factâ per Clericos antiquarum Ecclesiarum Ierosolymitanæ num. 65. Alexandrinæ num. 66. Lateranensis num. 74. tandem verò num. 76. ex eo quod Ecclesia Alexandrina habuerit Clericos Regulares, deducere conatur Ecclesiam Romanam habuisse Clericos Regulares, quia horum institutum ex Romanâ assumptum S. Marcus in Alexandrinâ transplantavit; non malè ergò D. Catulle ex Clericis Regularibus Alexandrinis intulit Clericos Regulares Romanos, cum S. Marcus credatur instituisse Clericos Alexandrinos ad normam Clericorum Romanorum. Breviter itaque, isto num. 76. hoc

quasi modo discurrit: Ecclesia Alexandrina habuit Canonicos Regul. ergò & Romana. Contra Caramuel falsò ponit quasi Catulle discurrisset hoc eod. num. Romana habuit Canonicos Reg. ergò & Alexandrina: sicut & falsò præmiserat, quasi Catulle num. 66. hoc modo discurrisset: Alexandrina habuit Canonicos Regulares, ergò & Romana, quod re verâ ita non est; nam illo num. 66. non intendit Catulle probare Ecclesiam Romanam habuisse Clericos Regulares; sed Ecclesiam primitivam, quæ erat, ut dictum est, secunda pars majoris propositionis: idque probat inductione, primò Ecclesiæ Ierosolymitanæ, secundò Alexandrinæ, & tandem Romanæ; malè itaque supponitur Catulle ab Ecclesiâ Romanâ ad Alexandrinam declinâsse, cùm ad hanc non devenerit nisi à Ierosolymitanâ, ut patet ex num. 65. Ubi quæso hic vitiosus circulus? profectò citiùs inveniet D. Lobkowitzius quadraturam circuli quàm in hoc Catullæo discursu vel umbram vitiosi circuli.

320. Eâdem operâ vindicandus est idem D. Catulle ab alio vitioso circulo, in quo circumvolitare suggillatur num. 340. dum citat bullam Eugenianam, quasi supponens Lateranenses esse ejusdem

ejusdem speciei cum Canonicis Regularibus, probaret Canonicos Regulares esse ejusdem speciei cum Lateranensibus; verum quàm temerariè hoc ei imponatur Lector adverte. D. Catulle num. 105. recensuerat varias congregationes Canoniorum Regularium Lateranensem, Frigidionariam, Victorinam, Arosianam, &c. numero verò 109. subsumpserat dictarum congregationum Canonicos Regulares convenire cum antiquis ab Augustino reformatis, ac proinde ab Apostolis institutis, quod probare conatur num. 110. & seqq. usque ad num. 115. quo probationem suam confirmat his verbis: *Deinde Canonici Reg. dictarum congregationum sectantur normam, traditiones & instituta primorum Christianæ religionis Clericorum, ut inquit Eugenius in bulla per quam Canonicos Regul. reduxit ad Ecclesiam Lateranensem.* Hæc, inquam, præstat D. Catulle; infert D. Lobkowitzius, ergò committit circulum, & ego confidenter illationem nego. Imò D. Lobkowitzium hallucinari affirmo, dum putat Eugenium agere de Canonicis Cathedralibus à S. Augustino reformatis, & non de Canonicis Regularibus. Quid? Canonici etiam Cathedrales à S. Augustino reformati, non sunt Canonici Regulares?

gulares? Quid sonant ergò verba illa Eugeniana: *Divinam in terris familiam Clericorum, &c. quos Canonicos Regulares appellamus?* Item dum putat Ecclesiam Lateranensem ab Eugenio IV. reformatam per Canonicos Reg. Cathedrales. Profetò vel bullam Eugenianam non vidit, vel si viderit dissimulavit paragraphum: *Quia verò, &c.* ubi signanter decernitur reformanda per Canonicos Reg. S. August. congregationis Frisionariæ, qui non Cathedrales, sed Conventuales erant, quales modò Aroasienses, Windesemenes, &c. quos tamen ejusdem ordinis Canonico-Augustiniani esse supposebat Pontifex Eugenius Benedicto XII. decessori suo subscribens.

321. Tandem convictus argumentis Catullæis, videtur concedere Canonicos Cathedrales fuisse ab Apostolis institutos, & ab Augustino reformatos, quales Lateranenses num. 323. num. 336. num. 340. de quibus peti potest, an Canonici illi Cathedrales ab Apostolis plantati, ab Augustino reparati fuerint sæculares, an Regulares? non fuisse sæculares resolvit Caramuel, sed Religiosos num. 321. num. 322. num. 326. num. 329. quid igitur restat nisi fuisse Regulares? Porro Canonicos Regulares Cathedrales, & non Cathedra-

thedrales ejusdem ordinis esse primâ & secundâ parte satis superque probatum est.

Addo Canonicos Regulares congregationis Lateranensis Cathedrales, id est, in Ecclesiis Cathedralibus residentes non esse, sed in Abbatialibus, Præpositalibus, Prioralibus, Archipresbyteralibus degere Ecclesiis, ut paulò antè ex Pennotto, Scriptore ejusdem congregationis Lateranensis docebamus: Canonicos autem Aroasienses circa ortum suæ congregationis, per totam ferè Hyberniam Cathedrales fuisse, ipsemet Caramuel docet in librâ num. 184. ex *Origine foundationis Aroasiensis*, procurante id S. Malachiâ Archiepiscopo Armacano, Hybernix Primæ, Legato Sedis Apostolicæ, quem Clarevalensem Religiosum fuisse hîc tradit, at in Scholio suo num. 386. *Malachiam nostrum*, inquit, *Benedictinum habitum suscepisse solus, quem viderim, Chrysostomus Henrique in fasc. Cistert. lib. 2. dist. 3. cap. 14. asserit, alii negant.* Ita ibi. Porro inter negantes sunt Canonici Lateranenses, qui eundem Malachiam inter sanctos sui ordinis colunt officio duplici 3. Novembris ex concessione Pii V.

322. Vt autem semel intelligat D. Adversarius

rius Canonicos Regul. congregationis Lateranensis non esse Cathedrales, imò recusâsse tales esse; audiat Matthæum Bossum Canonicum Regularem ejusdem congregationis Lateranensis nitidum & elegantem Scriptorem epistolâ 50. ad illustrissimum Federicum Feltrium Urbini Ducem, offerentem Ecclesiam Cathedralem Eugubinam dictis Canonicis ad Regularem statum reducendam, sic contestantem: *Ferrariæ in generali Synodo nostrâ cum pulcherrimè consediſſemus recitata fuere litteræ tuæ illustrissime Princeps, & tuus Orator coram auditus, cui quantam significâsti, fides est habitâ. Et quidem omnium Patrum tanta erga te pietas & reverentia, animadversa est, ut communem fidem atq; eloquium ipsa res superet; nam quibus sermo in concessu debetur, cùm verba de te facere cœpissent, vidisses ceteros omnes pendere in eos intentione mirabili, & effusâ letitiâ, junctisq; manibus gratias Deo gestire, qui tam nos caros dignationi & amplitudini effecerit tuæ, ut de nobis præficiendis Pontificali Eugubienſi Ecclesiæ tuæ cui adjacentem curiam habitas, cogitaveris, rem nulli Principum; nulliq; Rerumpubl. hoc tempore procuratam perspectâmve, ut planè solus exstes, qui præcipuâ religione ac bonitate remissam Cathedralium Ecclesiarum veterem sanctitatem,*

tatem, & in communi vitam, subq; Præposito uno Patre sinceram obedientiam extinctam, cogitaveris in lucem revocare, & ad pristinum Apostolorum, & sanctissimorum Sacerdotum statum excitare, qui primis hâc lege vixerunt; Deoq; posthabitis curis omnibus secularibus militarunt. Atque ut commodius ociusq; quod animo concepisti effici queat, & Episcopi tui & Pontificis Maximi assensum te quesisse & exorasse nobis aperuisti, & tuis istis cum Canonicis & Sacerdotibus convenisse, nobis ut cedant, alias per te Ecclesias, aliosq; proventus ad vitam haud dispares habituri. Nulla res est (mihi crede) Federice devotissime atque magnanime, nulla profectò quæ tui causâ suscipienda, gloriosa atque magnifica nobis non videatur, nedum grata jucundaq; factu.... Quoniam verò quod modò exigit excellentia tua, conditionem habet atque naturam ut fieri minimè possit, aut etiamsi fiat, minus quidem sit permansurum, habescimus animo, cruciatuq; disrumpimur obtemperare non posse voto sanctissimo tuo, & ego quoque vel erubesco, qui tibi notior & carior esse videor, & ad quem spe potiore Oratorem direxisti tuum. Ecclesiarum etiam Pontificalium atque matricum sic hodie est comperta condicio, sic consuetudo firmata, ut ad regularem & arctam illam, quam nos sequimur vitam, jam coaptari

minimè possint. Nos claustrales nostris institutis, communibusq; decretis, solitudine, cellulâq; gaudemus, intenti præclaro legendi, medirandi, orandiq; otio. Illæ verò majores Ecclesiæ consuetudines, familiaritates, deambulationesq; non respuunt, sed ultrò præveniunt. Nos certis horis silentium non violamus. Illæ taciturnitatem nullam didicere. Cùm decernuntur supplicationes populares, aut rogationes annuæ concelebrantur, nos urbes non collustramus. Sed Cathedralis omnis Ecclesia prima est semper in acie, quin & cæteros ducat. Nos curatas Ecclesias inviti suscipimus; aut ex necessitate si susceperimus, Sacramenta intra vicinas domos per seculares Sacerdotes ministrari sanè facimus. Cathedralis verò non unius modò viciniae, sed totius populi atque Diœcesis curatrix una atque præcipua est. Nos ceremoniis admodum castis, colloquioq; demisso, rem nostram gerimus. In incessu illa, habitu, motu, rituq; omni dispar est nobis. Adde nuptias quas benedicit, puerperia quæ purificat, chrisma quo admotos omnes in frontibus signat, & hujusmodi cætera, à quibus propter frequentiam puellarum, & mulierum tanquam à pestifero, mortaliq; periculo sic abhorremus. At verò cùm proficiscetur, aut deambulabit Episcopus, cùm subjectas visitabit Ecclesias, Monialiumq; cœnobia, quæ omitti non convenit, an illi
 non

non oportebit nos & Ministros & Comites fieri? quando nulli præter nos Episcopo, vel Clerici, vel Concanonici relictique erunt? Quæ singula ita adversantur professioni & sanctionibus nostris, ut adversari magis nil possit omnino. Eugenius IV. beati nominis & semper æternæ gloriæ Pontifex in Lateranensi nos æde reposuit, quippe qui sponsæ suæ rationem sibi habendam putabat (est enim Constantiniana illa basilicarum omnium prima, & magni Patris Episcopalis sedes, sponsaq; legitima) voluit & illam esse nostri ordinis caput, & ab eâ nos Canonicos Lateranenses nominari perpetuò, & illius dignitatibus privilegiisq; potiri. Dum vixit beatissimus ille, nihil Romæ venerabilius ordine nostro fuit. Sed illo emortuo, à Romanis qui eum nobis locum invidabant, vix Nicolaus successor tutatus est, quo humanis exempto, à furente immaniùs populo, nos Calixtus servare non potuit. Profligatos indignè Paulus II. iterum in propriam sedem restituit, quo emigrante iterum pulsi. Persuaderene etiam tibi potes summâ prudentiâ, summoq; ingenio Princeps, vel Romanum Patrem, vel tuum istum Episcopum hac in re ulterè assentiri tibi? nihil sanè minus credito. Sed tanta est auctoritas tua, tanta apud omnes gratia, & reverentia nominis, ut negare nesciant, quod præstant iuditi. Eâdem mente cives esse & Clericos omnes exi-

stima. Sed cum te desiderabit posteritas (neque enim diei unius præsens negotium est) quid in nos tum animi homines putas habituros? quis clamor? quis furor Deus! excitabitur? quis concursus conclamantium undique: facecite colla obliqua, Pannosiq; homines. Abite nostræ Ecclesiæ,strarumq; dignitatum occupatores. Avitu in bonis, nostri filii, nepotesq; communicent, quæ nostra sunt, alieni non absumant, foras tandem, foras externi. Nihil exploratius, nil certius (mibi crede) illustris Federice, potest præcaveri. Tu tamen sapientissime hominum ex tuâ prudentiâ de rei totius exitu cogita, atque delibera, qui nostrum omnium accepisti sententiam. Ego ad paucos apud te fore spero dies, per Picenum in Apuliam iter factururus; tum de totâ re plenius. Aeternum interim in Christo Iesu vale, felixq; esto Principum decus. Ferrariæ Kalend. Iulius.

323. Circa censuram Doctorum Parisiensium, in quâ ad instantiam Canonorum Regularium S. Victoris in suburbano Parisiaco; resolutum fuit contra Erasmus Roterodamum Religiosos S. Augustini & Monachos tempore ejusdem Sancti vovisse: iterum suo more num. 329. quia ibi nominatim non Canonici, sed Religiosi S. Augustini distincti contra Monachos exprimuntur, putat eam non intelligendam de Canonicis Regular.

gul. cùm tamen Canonici Regulares S. Victoris id de suis decessoribus inquiri & examinari à dictis Doctoribus procurârint.

324. Ulteriùs pergens num. 330. *Ego, inquit, video ignaros dialectices suam prodere ignorantiam, cùm audent intrepidè dialecticari.* Sed unde tam rigida censura? quia nimirum D. Catulle num. 109. sui motivi juridici scripserat assertionem suam probari ratione, sive demonstratione syllogisticâ, ubi per demonstrationem syllogisticam, more Iurisperitorum non intelligit eam in rigore Logico, sed in usu juridico; Iurisperiti enim id quod Logici vocant genus, appellant speciem, & quod hi speciem, illi genus vocant, atque ita rationem syllogisticam vocant demonstrationem lato modo sumptam, neque enim adeò pingui Minervâ sunt, ut in iis quæ sunt facti, demonstrationem Logicam propriè sumptam, dari existiment.

325. Nimis igitur inurbanè D. Catulle traducitur à Caramuele num. 332. his verbis ironicis: *Sed antequam demonstrator noster progrediatur, admonendi sunt universi philosophiæ Professores, ut præter duas illas demonstrationum species, quas docti ab Aristotele docent, etiam suis hanc tertiam dictatis interserant,*

serant, quæ traditur ab Andreâ Catulle.

Nec minùs inurbanè eundem perstringit num. 342. ubi sic: *Vidisti, inquit, Apellem, & tamen pessimè pingentem; at quia de ingenio artificis dubitare non potes, culpam rejicis in materiam, non potuit ille illam melius tractare, quia unde melius posset tractari caruit illâ; quod quantâ cum materiæ injuriâ dictum sit, judicet Lector, qui eandem materiam hoc opusculo nostro tractatam legit.*

326. Demùm de similibus causæ Canonico-
rum Regularium patronis, simili inurbanitate
tandem prætensam suam octavam solutionem fi-
niens num. 347. sic proloquitur: *Ni fortè dica-
mus Argumentatores, sæpius jam victos, esse tandem
similes periclitantibus in aquâ, qui quascunque radi-
ces aut tabulas indeliberatè evadendi desiderio ab-
ripiunt, si fortè alicubi remedium quæsitum inveniant,
licet frustra.* Hæc est, si superis placet, fortis ur-
banitas, quâ unum atque alterum, putà Navar-
rum & Andr. Catulle, Caramuel compescuit Au-
ctorem.

327. Non absimili modo de Dominorum Cy-
soniensium Patronis verba faciens: *Videntur, in-
quit, num. 370. In cælum explodere, omnes enim
Auctorum columnæ quæ contra nos jaculantur in al-
tum,*

tum, ut lapsu majore ruant, & opprimant ipsos jaculantes. Mira hyperbole, & comparatio inurbana! Columnas Herculeas in mari Gaditano, nî fallor, fixas legi, & depictas vidi, columnas autem instar sagittarum in altum explodi, mirum si quis legit, si quis vidit: scribit tamen, qui entia rationis expungit, & eorum loco entia linguæ, aut si mavis pennæ supponit.

328. Ex his speciminibus facile judicare poterit prudens Lector num D. Libripens in conscribendâ librâ usus fuerit, ut prætendit, urbanitate; & si ita, num ea fuerit fortis, & tandem num eâ forti urbanitate DD. Navarrum & Catulle compescuerit, equidem, ut mihi quidem videtur, urbanitas aut nulla fuit, aut siqua fuerit, exigua fuit, ac proinde debilis nimis ad tantos Auctores quorum magno nomine nos protegimus, compescendos.

329. Quod reliquum est quàm modesto, pacato, libero animo nos esse conveniat in tractandis hujusmodi controversiis, discamus aliquando exemplo nostri Matth. Bossi, cujus elegantissimæ Epistolæ cum aliis opusculis in lucem prodierunt año salutis 1493. harum aliquas pro rei opportunitate dedimus, unam atque alteram jam damus occa-

fione similis controversiæ exaratam.

Ad Celsum Veronensem epist. 108.

330. Tuæ litteræ semper magnâ cum voluptate à me leguntur venerande mi Celse; sed quas ad me dedisti hodie, non voluptate modò, sed exultatione equidem maximâ legi: quòd eum cum Patribus Monachis modum servas sanctum quidem, & tuâ prudentiâ atque virtute dignissimum, quem ad te perscripsi; obtestans per Deum tuus ut ita faceret optimus animus. In quâ sententiâ non sum ipse solus; fuit Archangelus cum primatum gereret, est hodie Severinus, & ipse Generalis qui mecum hoc sancto desiderio ardet. Est Esaias Generalis Procurator, vir in re suâ omni prudentissimus; sunt & innumeri penè præstantissimi & modestissimi Patres, qui non in carnis passionibus, sed in cœlestibus desideriis suam gloriam collocârunt; qui & didicerunt virtute singulari suâ non bellare, sed pace bella sopire, ubi qui vincitur, victor evadit eâ gloriosâ maximâq; victoriâ, quâ vincitur malum in bono, quâ & coronati sunt olim Martyres Christi ab eo qui dissipat gentes, ut scriptum est, quæ bella volunt, à quâ immanitate plûs quàm à morte viro bono, & Dei servo est abhorrendum. Vale.

Ad eundem epist. 113.

331. Æternùm salve optime Celse. Scribit Esaias ad me

me novissimè Monachos Patres nullo quidem modo flecti posse ut à lite cœptâ desistant, & eos tamen neque perricaci, neque amaro animo illud contendere; sed prudenti modestissimôq; judicio parvipendentes superenturne, an superent ipsi, neque provocaturos unquam ab eâ sententiâ quæ prima manaverit; sed illos duntaxat hoc querere quo res hujusmodi ista semel ad jura discussa, per omne posterum tempus utrisque pariat quietem & pacem. Quæ res si bonâ mente, bonôq; animo (ut reor) proferatur, nil me sanè conturbat. In rebus siquidem dubiis, neque satis rectè dispositis ordinationem querere, veritatemq; finire animorum integrâ pace, omniq; reliquâ salvâ virtute, secundum Deum atque homines est, homines (inquam) qui zelo æquitatis & rectis moribus sint instituti: qualem istâ quidem in re planè esse me sentio. Quippe qui quantum operæ, & semper consilii omninò potui hanc in rem pacificò ac benevolo animo contuli: & quo die definita res fuerit, hæc meâ sanctâ cum pace victoribus (utri fuerint) congratilabor oleâ redimitus & palmâ, &c.

332. His non absimilia habet aliis in epistolis & signanter in epist. 127. quæ est ad Evangelistam Vincentinum, hæc inter cætera: *Velim qui facilè absentes dijudicant, & qui rentur nostram sa-*

lutem contineri totam antecessione potiore, & qui Machabæorum exemplo dimicandum persuadent: velim dico, ad usque possent Curiam aures distendere: audirent de nobis fabulas à quibus Religiosus & verecundus animus debet non minùs quàm à turpi scelere sic abhorrere. Decus Religiosum non est positum in præcedentiâ hujusmodi vanâ; sed in eâ virtute & gradu qui maximè illustratur humilitate, patientiâ honorumq; contemptu. Addo & tibi hoc tamen mi Evangelista carissime, neminem esse qui determinandâ controversiâ istâ judicio magis ardeat, quàm ipse ardeo, pax modò & exitus quietus inde sit secuturus, &c. Hæc & similia simili Romæ negotio occupatus, olim scriptitabat Bossus, cujus optimum cōsiliū & exemplum utinam vel aliquando resipiscentes imitemur, & carismata meliora æmulemur, erit hoc cū illi dare placuerit à quo omne datum optimum & omne donum perfectum, qui est ante omnia & super omnia, cui soli honor & gloria in sæcula.

P A R S

PARS QVINTA

In quâ præcipua Diplomata Pontificia, & autentica instrumenta integrè exhibentur, quorum mentio in partibus præcedentibus facta.

DOMINUS Adversarius in proœmio Libræ suæ inter cætera sic præfatur: *Erit eis summa laudi libros & instrumenta communicâsse, quibus veritas cognosceretur, aliis multis dissimiles, qui diplomata celant, ne iniquitas æquitati subjaceat. Ut igitur tam ejus desiderio satisfiat, quàm ut nil quod ad hanc causam spectat, desideretur, subnectimus ultimâ hâc parte præcipua diplomata integrè, quorum fragmenta in præcedentibus partibus nobis usui fuerunt, & Autentica quædam instrumenta, nec non Juridicas sententias ne æquitas iniquitati subjaceat, sed nugacitate convictâ, invicta veritas triumphet. Quorum primum sit*

Diploma Eugenii IV. quo Canonicos Regulares S. Augustini ad Ecclesiam Lateranensem reduxit, quod summâ cum veneratione custoditur in Ecclesiâ Lateranensi, confirmatum à Nicolao V. & Sixto IV. nec non egregiè propositum, expositum, & defensum comperitur in allegationibus Scipionis Lancetti à num. 44. usque ad 69. extat integrè apud Gabrielem Pennottum Generalis Historiæ lib. 3. cap. 21.

„ 333. **E**ugenius Episcopus servus servorum Dei
 „ ad perpetuam rei memoriam. Cùm ad
 „ sacratissimam venerandam Lateranensem basilicam dirigimus oculos mentis nostræ, & inter innumeras curas pro commissi nobis Christiani
 „ populi salute desuper imminentes, nos ad contemplandam divinæ, & admirabilis Ecclesiæ
 „ sanctitatem, celebritatem, & eminentiam religiosâ meditatione convertimus, tantâ profectò
 „ sacri loci veneratione & devotione movemur,
 „ ac deducimur, tantâ in Deum exultatione perfundimur, & ad ineffabilia Sacramenta, & tantarum virtutum admirationem divinorum mysteriorum stupore afficimur, ut nullum Deo nostro acceptabilius holocaustum, & sanctis Pontificibus
 „ tificibus

„tificibus ministerium dignius Salvatori mundi
„credamus afferri, quàm coeleste in terris habi-
„taculum, locum sanctuarii, Ecclesiarum om-
„nium clarissimum lumen, & speculum singulare,
„quod totus orbis miratur, & prædicat, studio-
„sius exornare, colere, omni curâ & pietate de-
„corare, honoris titulis singulariter sublimare,
„ac ut in eâ majestas Altissimi diebus ac nocti-
„bus puris mentibus & devotis obsequiis col-
„laudetur, ac spirituali & temporali ornatu præ-
„clare refulgeat, indefessam diligentiam adhi-
„bere : & quicquid virtutum Domino largiente
„donatur, in illius venerationem consumere.
„Recolimus namque gloriosam hujus sanctæ Ba-
„silicæ constructionem, quando à Christianissi-
„mo inclytæ recordationis Constantino Augu-
„sto in honorem Salvatoris nostri miræ pulchri-
„tudinis exstructam ac fundatam, & suis opi-
„bus ac privilegiis ditatam legimus, postquam
„per beatæ memoriæ Sylvestrum Papam (sicut
„per sanctos Apostolos Domino revelante cog-
„novit) renatus fuerat fonte baptismatis, ex quo
„Constantiniana exstitit appellata, in mentem
„venit sacratî temporis grande privilegium ante
„omnes Christianæ fidei & Orthodoxæ Religio-
„nis.

„nis Ecclesias; & postquam brachio Domini ex-
 „ercituum ex alto, & de persecutoribus par-
 „tâ victoriâ, eo loco primùm in sublime se e-
 „rexit vocabulum Christianum, & in sanctis al-
 „taribus lætantibus populis splendens vexillum
 „Crucis effulsi. Et profectò non immeritò ex
 „illius temporis memoriâ, & salutari infusione læ-
 „titiæ in Ecclesiis victoriis, & tranquillitate glo-
 „riantibus devotis, lachrymæ nobis per ora distil-
 „lant, & corporis, & spiritûs lætitiâ in suavi gaudio
 „cor nostrum & caro nostra exsultant in Deum
 „vivum. Ponimus ante oculos Salvatoris nostri
 „nomen in eo loco primum publicè veneratum,
 „cujus gloria sacra Basilica extitit dedicata, quo-
 „niam virtutum Domino divinitus operante li-
 „berè datum est Catholicas Ecclesias constru-
 „ere, quod Imperialis jussio inhibuerat. Inspicimus
 „divinum locum apud sacrum Patriarchium no-
 „strum, & celeberrimum Laterani palatium ubi
 „& orbis Princeps, & jugis sanctorum Pontifi-
 „cum columnarum Christi successio habitavit,
 „quo ex loco fidei Orthodoxæ & Christianæ di-
 „gnitatis veritas à sanctis Pontificibus veris Spi-
 „ritûs sancti organis toto orbe personuit; quæ
 „in hoc extitit fundata principio, ac solidissimo
 „ & sub-

„ & sublimi fundamento. Contemplamur mira-
„ bilia opera Dei & sanctificatum miraculis lo-
„ cum, quem sanctus Sylvester Christi sacerdos
„ novo sanctificationis & chrismationis oleo ante
„ omnes Ecclesias divino nomini dedicavit, quan-
„ do imago Salvatoris nostri cunctis cernentibus
„ visibiliter legitur apparuisse, quam deinde sa-
„ cram Basilicam beatissimum Pontificem Gre-
„ gorium multâ operositate & diligentia refor-
„ mârre, & sacratis manibus confirmârre tradi-
„ tum est. In mentem subit quot Martyres, quot
„ Pontifices, quot Sancti Dei, quot Christiani
„ Principes sacrum locum castæ mentis intentio-
„ ne calcaverint, quantos locus ipse genuerit, &
„ non indignè: quantò Ecclesiæ Dei locis aliis præ-
„ stantiores existunt, tantò hæc sacrosancta Ec-
„ clesia illis omnibus est sublimior, & quicquid
„ est in aliis sanctitatis refertur ad caput, ad cu-
„ jus dignitatem & merita parum putamus omne
„ quod dicitur. Cernimus fidelium populorum
„ ad hunc locum supernâ illustratione concur-
„ sum, & ingentem charitatis & devotionis ar-
„ dorem, quò de toto orbe conveniunt, & lo-
„ cum celebrant innumeræ Christianorum tur-
„ bæ. Sola illis fama cognitum, & venerabilem

„sanctitate, & puritate fidei, & Religione Chri-
 „stianâ se fere minus religionis habere existi-
 „mant, nisi Salvatorem mundi in illo adorassent
 „loco, ubi primùm glorificatum ejus nomen, &
 „sacra Catholica religio existit exaltata: & unde
 „cooperante Domino ad eorum pervenit audi-
 „tum, ubi Dei & Christi Ecclesia nata est &
 „adulta, martyriis coronata. & per religiosissi-
 „mos Principes divinâ clementiâ, potentiâ, & di-
 „vitiis major effecta, & ubi Romanum Impe-
 „rium sub jugo Christi subactum est in eo sacra-
 „tissimo orbis loco Apostolorum capita nunc
 „cum Christo regnantium venerabiliter requie-
 „scunt: ubi sanctitatis & religionis est caput, ubi
 „Salvator in Apostolis mirabilis prædicatur, quo-
 „rum alteri cœlorum claves, alteri magisterium
 „Ecclesiasticæ eruditionis injunxit: ubi Chri-
 „stiani duces exercitus, & populi Dei per Evan-
 „gelium genitores in præstantiori Sanctorum
 „corporum parte divina mysteria, & habitacu-
 „lum Salvatoris venerantur & ornant. Sanctissi-
 „mas & venerandas Basilicas, & Christiani trium-
 „phi trophæa fulgentia, & præclara monumen-
 „ta in eâdem Vrbe veluti pretiosa Sacraria, quasi
 „ex lateribus assistere voluerunt loca gloriosa
 „ubi

„ ubi sanguinem fudere pro Christo. Quæ resi-
 „ duò sacrorum corporum decore illustrantur
 „ ipsos profectò parietes hujus sacræ Basilicæ
 „ Sanctorum merita, ac hujusmodi martyrum
 „ Christi piè credimus spiritaliter emanare cruo-
 „ rem, & Sanctorum Christi sacris refectam esse
 „ cineribus, & ad locum sacrum Dæmones con-
 „ tremiscere. Hîc Angelorum præsidia, Sancto-
 „ rum orationes gratiam Salvatoris abundantius
 „ impartiri, & peculiariùs Spiritûs sancti adesse
 „ præsentiam minimè dubitandum est, & locum
 „ illum esse quem de toto orbe Salvator elege-
 „ rit (Sanctificavit enim tabernaculum suum Al-
 „ tissimus) ubi munda sacrificia devotarum men-
 „ tium, orationes, sanctas laudes, ac Sanctorum
 „ suorum triumphos in odorem suavitatis acci-
 „ pere. Decet igitur ubi totius sanctitatis est ca-
 „ put, ubi hærent terrena cœlestibus, ubi est gra-
 „ tiæ magnitudo sacratissima, holocausta, & im-
 „ maculata obsequia divinæ majestati cum omni
 „ sanctitate persolvi, & munda sacrificia offerri
 „ divino conspectui. Hâc igitur piâ & sanctâ in-
 „ spiratione ducti, & domûs Dei zelo solliciti sa-
 „ cratissimi Pontifices prædecessores nostri, il-
 „ lius securi vestigia cujus perfecta & ordinata
 „ sunt

„ sunt opera, postquam venerabilem locum pro
 „ populi Dei salute, & summi Regis gloria de-
 „ coraverunt, & ex thesauro Christi sacratissimo
 „ inenarrabilibus & incomprehensibilibus Indul-
 „ gentiis, & divinæ gratiæ largitate, & remissio-
 „ num exuberantiâ ornaverunt, honorum privile-
 „ giis sublimârunt, & decorârunt titulis dignita-
 „ tum: Divinam in terris familiam Clericorum
 „ qui religiosam vitam ducerent, & ad exemplum
 „ nascentis Ecclesiæ sanctam institutionem ser-
 „ varent quos Canonicos Regulares appellamus,
 „ & sacrum inter Clericos & Ministros Christi
 „ vivendi modum in sacratâ Basilicâ instituerunt,
 „ firmârunt, erexerunt, & perpetuò deputârunt:
 „ ut hi primæ in terris Ecclesiæ, & matris San-
 „ ctorum Apostolicâ providentia curam gererent,
 „ qui primorum Christianæ Religionis Clerico-
 „ rum normam, traditiones, & instituta sectan-
 „ tur. Hujus profectò sacri ordinis & sancti pro-
 „ positi post Sanctos Apostolos, primùm in Ale-
 „ xandrinâ Ecclesiâ Marcus Petri discipulus fuit
 „ institutor & conditor: ac gloriosus Doctor Au-
 „ gustinus Episcopus divinis regulis & doctrinâ
 „ decoravit, & sanctæ memoriæ Urbanus insignis
 „ martyr & Sanctissimus Pontifex, generalis de-
 „ creti

3 creti ordine reformavit: & Beatissimus Gregorius
 3 Augustino Anglorum Episcopo veluti planta-
 3 tionem sacram in commisso sibi populo præce-
 3 pit institui, & in Occidentis finibus ampliavit.
 3 Hi sunt profectò qui Sanctorum Patrum vitam
 3 probabilem imitantur, & Apostolorum instituta
 3 instinctu Spiritûs sancti renovant, qui ad ex-
 3 emplum illorum credentium convenerunt in
 3 unum, quibus erat cor unum & anima una,
 3 qui Pastoribus suis juxta Ecclesiasticas tradi-
 3 tiones obediunt. Sicque hæc sancta & pla-
 3 cens Deo institutio antiquitus, & ab ipsis fere
 3 primordiis observata extitit, & sacram Basili-
 3 cam per dicti ordinis Clericos per longa tem-
 3 pora sanctè & salubriter gubernatam fuisse,
 3 certissimâ scientiâ & veritate comperimus, &
 3 hoc evidentissimè attestantur innumerabilia do-
 3 cumenta. Cum autem hoc pium & salutare
 3 institutum mundo in maligno posito, ex anti-
 3 quâ hostis invidiâ fuerit perturbatum, & per
 3 fælicis recordationis Bonifacium VIII. præde-
 3 cessorem nostrum quâdam illius temporis cor-
 3 sideratione immutatum, & per ipsum Patrum
 3 termini contra divina præcepta translati noscan-
 3 tur, & amoris Regularibus Canonicis sæcula-

„rium Clericorum & Canonicorum fuerit dicta
 „Ecclesia curæ & gubernationi commissa, & di-
 „gnitatum, officiorum, Canonicatum, præben-
 „darum, & beneficiorum erectio, institutio, de-
 „putatio, & fundatio celebratæ: certis etiam
 „tunc expressis causis quæ divinâ clementiâ cum
 „omnibus in illâ immutatione narratis nostris
 „temporibus omninò nunc cessant, & cessare
 „amplius futuris temporibus Domino largiente
 „sperantur: & ex præfatâ immutatione sancta
 „Basilica plurimùm ab illâ sanctâ institutione in
 „sacro cultu, divinis officiis, ac sacrosanctis my-
 „steriis, ac in spiritualibus & temporalibus de-
 „formata, & passa fuerit detrimenta quampluri-
 „ma: & ubi priùs religio & honestas cum bo-
 „norum temporalium ubertate florebat, vix sal-
 „tem vestigium potuerit bonorum temporalium
 „apparere, & habitaculum Domini quâdam spi-
 „rituali & temporali squalleret solitudine. Ni-
 „hil amplius nostræ menti, nostris affectibus,
 „nostræque salutis, & humeris imminere conspi-
 „cimus, quàm ut pristinum, sanctum, & divinum
 „opus, primam scilicet institutionem repetamus,
 „Patrum terminos reponamus, & quasi jacenti
 „manum porrigentes, sanctam Ecclesiam Late-
 „ranensem

„ranensem ad primævum statum & ordinem re-
 „ducamus. Non profectò minoris existimamus
 „mercedis & meriti vitam hanc, & sanctam con-
 „versationem primitivæ Ecclesiæ, quâ decalescēte
 „fervore fidelium jam penè defluxit, inspirante &
 „prosequente divino Spiritu renovare, quàm alio-
 „rum sacrorum ordinum Religiones amplissi-
 „mè per divinam misericordiam frequentes, &
 „florentes ejusdem Spiritûs perseverantiâ custo-
 „dire.

„Nos igitur, qui licet immeriti, B. Petri resi-
 „demus in loco, & prout nobis divina cle-
 „mentia posse & scire donaverit, Romanæ Ec-
 „clesiæ sanctitati, honori, & gloriæ, & sub reli-
 „gione viventium salutari propagationi & am-
 „pliationi paternis studiis efficaciter intendimus,
 „quique ante Apostolatam nostram (ut con-
 „scientiæ nostræ testis est Deus) dum adhuc esse-
 „mus in minori officio constituti, specialem ad
 „hanc venerabilem Ecclesiam devotionem gessi-
 „mus, & continuè spirituali exultatione cecini-
 „mus cum Prophetâ, *Domine dilexi decorem domus*
 „*tuae, & locum habitationis gloriæ tuæ: Et: Quàm*
 „*dilecta tabernacula tua Domine virtutum, concupivit*
 „*& defecit anima mea in atriâ Domini.* Et post
 „hæc

„ hæc ex speciali Apostolatûs officio huic Eccle-
 „ siæ nostræ existimus debitores, per quam da-
 „ tur ut invigilare & præesse cæteris omnibus
 „ debeamus. Considerantes enim meritò salu-
 „ tem expetere; qui Salvatorem toto corde ve-
 „ nerantur: ac non dubitantes quòd si religiosos
 „ paternâ benignitate prosequamur, nostris op-
 „ portunitatibus clementem Deum reperiemus.
 „ Post deliberationem providam quam cum fra-
 „ tribus nostris diligenter habuimus, ad laudem
 „ omnipotentis Dei Auctoritate Apostolicâ, ex
 „ certâ scientiâ, pro Ecclesiæ Dei, Catholicæ fidei
 „ & religionis Christianæ honore, & Salvatoris
 „ nostri gloriâ, & pro publicâ utilitate, & anima-
 „ rum salute & dictæ Lateranensis Ecclesiæ statu,
 „ veneratione, commodis, & honore præfatam
 „ sacrosanctam Basilicam ad primam institutio-
 „ nem & primævum statum reducimus & repo-
 „ nimus.

„ Vt ordo Canonicus qui secundùm Deum
 „ & B. Augustini regulam ibi noscitur institutus,
 „ perpetuis futuris temporibus in dictâ venera-
 „ bili Basilicâ vigeat, & inviolabiliter observetur.
 „ Ac decernimus & ordinamus, & perpetuâ sta-
 „ bilitate firmamus ut præfata Basilica per præ-
 „ fati

„fata Basilica per præfati ordinis Clericos in
 „perpetuum gubernetur. Illam quoque dictorum
 „Regularium Clericorum & Canonicorum cu-
 „ræ, gubernationi, administrationi, & plenissi-
 „mæ dispositioni cum omnibus spiritualibus, &
 „temporalibus bonis committimus, concedimus,
 „& largimur. Sit ibi Religiosorum Clericorum
 „sacer conventus, qui angelicam in terris agentes
 „vitam, in divinis laudibus, diebus, ac noctibus
 „perseverent: & nihil aliud cogitent, nisi quod ad
 „Domini pertinet servitutem, & in lege Domini
 „indefessâ meditatione versentur. Pariterque
 „auctoritate omnipotentis Dei & ex Apostolicæ
 „potestatis plenitudine sæculares Clericos & Ca-
 „nonicos, ac eorum regimen, curam, guberna-
 „tionem, & institutionem ex nunc ab eâdem Ba-
 „silicâ amovemus, & ex abundantiori sedis Apo-
 „stolicæ providentiâ tollimus, extinguimus, re-
 „movemus ac supprimimus, illiusque Ecclesiæ re-
 „giminis sæculares Clericos, Canonicos incapa-
 „ces efficimus, & Bonifacii prædicti institutio-
 „nem, ordinationem, immutationem, & reno-
 „vationem, & cætera præmissa constituta quæ-
 „libet, & decreta cum omnibus inde secutis,
 „ac si præsentibus de verbo ad verbum inserta
 „ Qqq „essent,

„essent, cassamus, tollimus, revocamus, & annul-
 „lamus : & quascunque Ecclesiasticas dignita-
 „tes, officia, Canonicas præbendas, beneficia,
 „capellas, sive altarium beneficia quomodocun-
 „que & à quibuscunque etiam sæcularibus per-
 „sonis instituta, & per quoscunque etiam S.R.E.
 „Cardinales regi consueta, & quicquid ex im-
 „mutatione prædictâ institutum & subsequutum
 „existit, ex nunc supprimimus, abolemus, & ex-
 „tinguimus. Nec non dignitatum, officiorum,
 „præbendarum, beneficiorum, capellarum, sive
 „altarium prædictorum bona, jura, fructus, red-
 „ditus, & proventus ad commune patrimonium
 „illius Basilicæ dictis Regularibus Canonicis in
 „perpetuum deservitura reducimus, appropria-
 „mus, & incorporamus. Præsentes quoque Sæcu-
 „lares Canonicos qui decem duntaxat numero
 „superstites existunt, ac Clericos & Beneficiatos
 „prædictos auctoritate, potestate, & scientiâ me-
 „moratis, ex causis prædictis, & aliis multiplici-
 „bus quas ex certâ scientiâ nostrâ firmissimâ ve-
 „ritate comperimus & didicimus, à dictâ Eccle-
 „siâ, officiis, beneficiis, Canonis, præbendis,
 „juribus, & bonis prædictis amovemus, & ni-
 „hil omninò juris ullis futuris temporibus in

„ in prædictis habere volumus, auctoritate & po-
„ testatis Apostolicæ plenitudine decernimus &
„ statuimus; largiente Domino circa eorum sta-
„ tum & salubrem provisionem, quantum à Deo
„ datum fuerit viriliter provisuri.

„ Quia verò divina misericordia sub Regula-
„ rium Canonorum proposito devotas Deo plu-
„ res familias, cœtus, consortia, congregationes,
„ & ordines habet Christiana Religio, & sanctam
„ conversationem clementia Salvatoris nostris
„ temporibus multiplicare dignata est, nos in hu-
„ jus sancti operis institutione, & ad tantæ rei
„ magnitudinem ad Salvatorem nostrum direxi-
„ mus nostræ meditationis intuitum, & piè con-
„ siderantes, & diutiùs sedulis studiis revolgen-
„ tes, ad novellam in vineâ Domini plantatio-
„ nem, religiosam familiam Dei, congregatio-
„ nem de Frigionariâ nuncupatam, quâ sub eâ-
„ dem D. Augustini regulâ Altissimo militantes,
„ & sacram religionem prout certè comperimus,
„ devotâ puritate servantes, in ipsius regulæ vi-
„ gore, & ordinis disciplinâ Salvatori piissimè
„ famulantur, & religioni dediti, in carne, non
„ secundùm carnem viventes, in gratiarum be-
„ nedictionibus quotidie multiplices, & uberes

„fructus in agro Dominico Spiritu sancto mi-
 „nistrante afferre noscuntur, respeximus, &
 „mentem nostram divinâ inspiratione conver-
 „timus.

„Auctoritate igitur Apostolicâ, scientiâ, &
 „potestate predictis ordinem, & congregationem
 „prædictam in dictâ Ecclesiâ constituimus, po-
 „nimus, erigimus, & deputamus: & sacrosan-
 „ctam Basilicam cum omnibus suis temporali-
 „bus ac spiritualibus bonis, membris, juribus,
 „jurisdictionibus, privilegiis, exemptionibus in
 „perpetuum dictæ congregationi concedimus,
 „committimus, & eorum curæ & administratio-
 „ni tribuimus, & donamus, & illi tenendam,
 „possidendam, regendam, & gubernandam lar-
 „gimur, appropriamus, & incorporamus, dona-
 „mus, & tradimus: ut sub præfatæ congrega-
 „tionis jure cunctis futuris temporibus perma-
 „neat. Ac statuimus, & decernimus, ut propria
 „deinceps religio, & dictæ Ecclesiæ originalis or-
 „do, & institutio habeatur, nec non ut omnia
 „ea liberè, & propriâ auctoritate accipere, &
 „apprehendere, & fructus ac proventus in suam
 „utilitatem convertere valeant, ex nostrâ per-
 „missione concedimus. Capitulum quoque &
 „Conven-

„Conventum, prout Regulares Canonici ante
„immutationem prædictam, & sæculares post ha-
„buisse noscuntur, cum omnibus juribus, & pri-
„vilegiis habeant.

„Decernimus præterea ac statuimus, ut dein-
„ceps omnes dictæ congregationis Conventus,
„& loca ab hujusmodi S. Basilicæ titulo, & to-
„tius congregationis capite nomen accipiant, &
„SALVATORIS CONGREGATIO appelletur,
„& singulos dictæ congregationis Canonicos,
„ubique Domino servientes, hujus Basilicæ
„Clericos, Ministros, & Religiosos, ac de ipsius
„Capituli gremio in omnibus juribus & privi-
„legiis censeri decernimus, ac ibidem summi
„Regis laudes, observationes, gratiarum actio-
„nes, & quotidianas preces, ac sacrificia pro
„Christiani populi, & Romanæ Ecclesiæ salute
„devoto corde & purissimis mentibus offerant.

„Monasterium insuper & Claustum, quod
„apud dictam Ecclesiam pro tantæ rei institutio-
„ne, & Salvatoris honore, ac nostrâ salute ma-
„gnis expensis, oneribus, & amplissimis stru-
„cturis à fundamentis ædificari fecimus, & jam
„ferè multâ operositate consummatum est, cum
„eorum usibus deputamus, concedimus, & dictæ

„Basilicæ bona præfata, præsentia, & futura dictæ
 „congregationis Canonicis in perpetuum con-
 „cedimus & donamus, ut eorum usibus in com-
 „muni deserviant. Vivant sub Priore uno in Ca-
 „nonico ordine, salutarem religionem & obser-
 „vantiam regulæ ut sanctos decet, observent,
 „copioso & celebri congregationis conventu, &
 „sacro consortio qualem jam nostris manibus
 „ibidem introduximus, deputavimus, & divinis
 „obsequiis mancipavimus, & secundum prædi-
 „ctam regulam, & ipsius congregationis sacros
 „mores, & salubria instituta, laudabilem & Deo
 „devotam conversationem & vitam agant.

„Nec non omnes libertates, immunitates, ex-
 „emptiones, dignitates, privilegia à Romanis
 „Pontificibus prædecessoribus nostris sive per
 „privilegia, vel alias indulgentias Ecclesiæ La-
 „teranensis Capitulo, Conventui, & ipsis Cleri-
 „cis, nec non dictæ congregationi de Frisonariâ
 „concessas, sive à Regibus, Principibus, & aliis
 „Christi fidelibus Ecclesiæ præfatæ largitas, di-
 „ctæ Ecclesiæ Lateranensi, & Capitulo, & Con-
 „ventui, & ipsis Regularibus Canonicis confir-
 „mamus, concedimus, donamus, & auctoritate
 „Apostolicâ communimus. Statuentes Aposto-
 „licâ

„licâ auctoritate, & per Salvatoris mundi mise-
 „ricordiam, & per Apostolorum Petri & Pauli
 „merita gloriosa, & sub divini obtestatione ju-
 „dicii, ut nullus hominum eos inquietare, tur-
 „bare, vel impedire præsumat, vel prædicta ad
 „Dei laudem & gloriam instituta, stabilita, perpe-
 „tuâ auctoritate firmata immutare, sed ut omnes
 „roborare, custodire, & inviolata servare satagant
 „à misericordissimo Deo & Salvatore nostro be-
 „nedictionis gratiam consequantur.

„Ac volentes & eâdem auctoritate decernen-
 „tes, quòd si forsan aliquid contra præmissa, vel
 „aliquid præmissorum per nos, vel sedem Apo-
 „stolicam in posterum concedi, ordinari, vel im-
 „mutari contingat, nisi de præsentibus de verbo
 „ad verbum in litteris hujusmodi mentio fieret
 „specialis, illud, & quicquid secùs factum fuerit,
 „etiamsi motu proprio, vel ex certâ scientiâ, vel
 „quibuscunque aliis clausulis emanaverit, irri-
 „tum sit, & inane, nullamque obtineat roboris
 „firmitatem. Decernentes insuper ex nunc nul-
 „lius roboris, vel momenti, si secùs à quoquam
 „quâvis auctoritate scienter vel ignoranter con-
 „tingerit attentari.

„Cum autem nos qui semper istud in votis
 „geffi-

„ gessimus, & inter plurima quæ pro Christianæ
 „ Catholicæ fidei, & Religionis honore, & am-
 „ pliatione, & divini cultûs, & Religionis Iſa-
 „ lutari propagatione, & Romanæ Ecclesiæ glo-
 „ riâ per nos, licet immeritos, divina clementia
 „ nostris temporibus operari disposuit hoc salu-
 „ tare opus, & sanctam reformationem nobis cre-
 „ ditam & reservatam fuisse credimus & cognovi-
 „ mus, circa præmissa sollicitis & efficacibus studiis
 „ intendentes, quibus salutaris fervor ex sancto
 „ desiderio semper crevit, per alias nostras literas
 „ sub Dat. Florentiæ 8. Idus Februarii Pontifi-
 „ catûs nostri anno nono, dispositiones alias or-
 „ dinavimus, & successivè per alias literas nostras
 „ Dat. Romæ apud S. Petrum Calend. Maji Pon-
 „ tificatûs nostri anno 14. & per alias litteras sub
 „ Dat. Romæ apud sanctum Petrum 4. Idus Ia-
 „ nuarii, Pontificatûs nostri anno 15. secundum
 „ quod expedire videbatur, plura circa hæc re-
 „ formavimus, quarum vigore Altissimo con-
 „ cedente, quamplurima huic præsentī nostræ
 „ plenæ & perfectæ ordinationi, & constitutio-
 „ ni, & dispositioni accommoda & utilia, tam
 „ circa dictorum Canonice Regularium pos-
 „ sessionem, quam administrationem, & plura
 „ alia

„ alia tam per dictos Canonicos, quam per alios
 „ de mandato nostro gesta & facta sunt: illas
 „ omnes cum omnibus inde sequutis, quatenus
 „ huic nostræ præsentì ordinationi conveniunt,
 „ approbamus, & illis per hanc nostram plenio-
 „ rem & perfectiorem dispositionem adjicimus.
 „ In cæteris autem vel contrariis, vel quæ huic
 „ minimè convenirent, tollimus, & cassamus, &
 „ hanc plenam, & perfectam, & integram, fir-
 „ mam, & illibatam ordinationem esse volumus,
 „ & decernimus. Non obstantibus dicti Bonifa-
 „ cii institutione, & immutatione prædictis qua-
 „ cunque firmitate, &c. roboratis, ac privilegiis
 „ per Sedem Apostolicam dictis sæcularibus Ca-
 „ nonicis beneficiatis, Capitulo, dignitatibus, &
 „ officiis prædictis, vel ipsi Ecclesiæ quomodo-
 „ cunque concessis, & quocunque robore muni-
 „ tis, nec non aliis Apostolicis, & dictæ Eccle-
 „ siæ constitutionibus juramento, vel aliâ firmi-
 „ tate roboratis, cæterisque contrariis quibus-
 „ cunque. Nulli ergò hominum liceat hanc pa-
 „ ginam nostræ reductionis, repositionis, consti-
 „ tutionis, ordinationis, firmationis, commissio-
 „ nis, concessionis, largitionis, amotionis, extin-
 „ ctionis, suppressionis, cassationis, revocationis,

„annullationis, abolitionis, appropriationis, in-
 „corporationis, institutionis, positionis, erectio-
 „nis, deputationis, tributionis, donationis, con-
 „firmationis, cassationis, communitiois, & vo-
 „luntatis infringere, vel ei ausu temerario con-
 „traire. Si quis autem hoc attentare præsumpse-
 „rit, indignationem omnipotentis Dei, & bea-
 „torum Apostolorum Petri & Pauli, ejus se no-
 „verit incursum. Datum Romæ anno Incar-
 „nationis Dominicæ 1446. decimo octavo Cal.
 „Ianuarii, Pontificatûs nostri anno 16.

*Ego Eugenius Catholicæ Ecclesiæ Episcopus sub-
 scripsi.*

*Ego Georgius tit. S. Anast. Presbyter Cardinalis
 de Flisco manu propriâ subscripsi.*

*Ego B. Basilicæ SS. XII. Apostolorum Presbyt.
 Card. Nicen. manu propriâ.*

*Ego Antonius tit. S. Chrysogoni Presbyt. Cardin.
 manu propriâ.*

*Ego Ioannes tit. S. Laurentii in Lucinâ Presbyt.
 Cardin. manu propriâ.*

*Ego Georgius tit. S. Martini in montibus Presbyt.
 Cardin. subscripsi.*

*Ego Ioannes tit. S. Mariæ trans Tyberim Presbyt.
 Cardin. manu propriâ.*

Ego

Ego Ludovicus tit. S. Laurentii in Damaso Presbyt.
Cardin. Aquileg.

Ego Dominicus tit. S. Crucis in Ierusalem Cardin.
Firmanus.

Ego Alphonsus tit. SS. Quatuor Coronatorum
Presbyt. Cardin.

Ego Henricus tit. S. Clementis Presbyt. Cardin.
Mediolanens.

Ego Thomas tit. S. Susannæ Presbyt. Cardin. ma-
nu propriâ.

Ego Ioannes tit. S. Sabine Presbyt. Cardin. manu
propriâ.

Ego Prosper S. Georgii ad celum aureum S. R. E.
Diaconus Cardin.

Ego Petrus S. Mariæ novæ S. R. E. Diaconus
Cardin.

Ego Ioannes S. Angeli S. R. E. Diaconus Car-
dinalis.

Ego Francisc. Episcopus Portuens. manu propriâ.

Ego Ioann. Episcopus Prænestinus manu propriâ.

Diploma Martini V. quo approbat & confirmat Congregationem ceu Capitulum Windesemense; habetur in Compendio privilegiorum ejusdem Capituli impresso Ultrajecti anno 1553.

„ 334. **M**artinus Episcopus servus servorum
 „ Dei, dilectis filiis sanctæ Mariæ in
 „ Windesem, & Salvatoris mundi in Eemsthein, ac
 „ nemorum B. Mariæ prope Noerthoern, nec non
 „ sanctæ Mariæ Viridis-vallis, sancti Pauli Ru-
 „ bæ-vallis, & Mariæ in Korsendonck, Traje-
 „ ctensis, Monasteriensis, ac Cameracensis Dicc-
 „ cesium, aliorumque vestro Capitulo generali de
 „ Windesem subjectorum, per Priores solitorum
 „ gubernari, ordinis sancti Augustini monaste-
 „ riorum Prioribus, Rectoribus, & Conventibus
 „ salutem & Apostolicam benedictionem. Spon-
 „ sa Christi, sancta Mater Ecclesia nullam ma-
 „ culam neque rugam habens, sub unitate fidei,
 „ religionum diversitate, non mediocri venustate
 „ decoratur. Quæ licet una dici possit & debeat,
 „ propter suorum civium unitatem: suis tamen
 „ per orbem domibus distributis, supernè reti-
 „ net civitatis exemplar, quæ cum sit unica,
 „ multos tamen habet (testante Domino) man-
 „ siones.

„fiones. Hæc est quidem veteris Testamenti
 „arca Noë, miro studio fabricata, mansiunculas
 „habens & cameras. Hæc Ioseph mystici, tu-
 „nica polymita, hæc ipsius Domini vestis incon-
 „futilis, sed desuper contexta per totum: ut ex
 „his pateat, & ipsius Ecclesiæ unitas quæ regu-
 „larium distinctionem professionum non abjicit,
 „& eorum diversitas quæ materni corporis nec
 „tollit, nec lacerat unitatem. Ad hanc sanè mi-
 „rabilem pulchritudinem quâ splendet & splen-
 „duit quasi quâdam varietate circumdata, ipsa
 „mater, retroactis temporibus adjecit plurimum
 „ordo vester: qui sicut à suis primordiis post bea-
 „tos Apostolos Christi per regularia sancti Pa-
 „tris Augustini instituta, luculenter per orbem
 „effloruisse dinoscitur: ita etiam nunc divinâ
 „propiciante gratiâ, his novissimis temporibus
 „eundem ordinem in monasteriis vestris per di-
 „sciplinæ regularis & fraternæ visitationis obser-
 „vantiam, felici pullulatione refflorere, & uber-
 „rimam exinde animarum frugem Deo referri
 „læti gratulamur. Unde nimirum sedes Aposto-
 „lica non solum se vobis gratiosam reddere ha-
 „bet, verum etiam largifluas in tantæ rei favo-
 „rem, manus (vestram hætenus causam tan-

„ quam sibi subservientem promovendo, derigen-
 „ do, & confovendo) porrigere deliberat adjutri-
 „ ces. Hinc est quod nos ante omnia vestram
 „ capitularem colligationem, tam ab ipsâ Sede
 „ Apostolicâ per nostros prædecessores, vel ejus-
 „ dem Sedis Legatos, quam etiam à locorum ordi-
 „ nariis vobis vestrisque monasteriis, pro regulari
 „ disciplinâ stabilienda, datam & cōcessam, ratam
 „ habentes & gratam, eam auctoritate Apostolicâ
 „ approbamus, & etiam confirmamus. Omnis
 „ nihilominus, si qui fortasse in hujusmodi vestræ
 „ colligationis primordiis vel processibus com-
 „ missi fuerint defectus, utpote si consensus ordi-
 „ nariorum, Capitulorum, Metropolitanorum, &
 „ Cathedralium Ecclesiarum, vel etiam aliquo-
 „ rum fratrum Conventualium non intervenerit,
 „ vel si in electionibus seu institutionibus Prio-
 „ rum monasteriorum vestrorum, ex juris igno-
 „ rantia, vel aliâs quomodolibet erratum fuerit,
 „ eadem auctoritate per hæc scripta supplemus.
 „ Vosq; & vestra Monasteria, & Conventus unum
 „ capitulare corpus efficientes, de novo ad invi-
 „ cem inseparabiliter jungimus, & in perpe-
 „ tuum colligamus. Concedentes vobis de uberio-
 „ ris gratiæ largitate, præsertim pro divini cultûs
 „ & syn-

„ & synceræ religionis augmento, ut quæcunque
 „ alia monasteria ordinis vestri jam fundata, vel
 „ in posterum fundanda, dummodo duæ partes
 „ uniuscujusque talis Monasterii in hoc consen-
 „ serint, & consensus diœcesani accesserit, possint
 „ se liberè vestro generali Capitulo submittere,
 „ colligare, & confirmare, ac etiam omnibus &
 „ singulis gratiis & privilegiis vobis concessis &
 „ concedendis uti & gaudere. Hoc pro bono uni-
 „ formitatis adjecto, quòd præsidentes talibus
 „ Monasteriis, quocunque nomine censeantur,
 „ postquam vobis colligati fuerint, deinceps Pri-
 „ oris nomine fungantur, nisi forte exempti fue-
 „ rint, vel immediate Sedi Apostolicæ subjecti.
 „ Igitur pro regulari disciplinâ stabilienda, &
 „ pro decore sanctæ religionis in Monasteriis ve-
 „ stris perperuò conservando, statuimus & ordi-
 „ namus. In primis ut annis singulis sicut hæc-
 „ nus consuevistis, in Monasterio beatæ Mariæ
 „ in Windefem, ejusdem ordinis Trajectensis
 „ Diœcesis, cui tu fili Ioannes Prior ad præsens
 „ præesse dignosceris, generale Capitulum ad instar
 „ fratrum ordinis Carthusiensis celebrare debea-
 „ tis. In quo quidem Capitulo Prior ejusdem Mo-
 „ nasterii de Windefem existens pro tempore,
 „ „ tanquam

„ tanquam superior præsidebit nisi propter no-
 „ tabilem necessitatem & evidentem utilitatem,
 „ eorundem Monasteriorum vestrorum in duo-
 „ bus Capitulis generalibus & continuis, omnes
 „ diffinitores concorditer eandem superioritatem
 „ & locum ejusdem Capituli generalis, cum suis
 „ privilegiis ad aliquod aliud Monasterium ejus-
 „ dem vestri ordinis & Capitali duxerint trans-
 „ ferendum. Potest tamen idem generale Capi-
 „ tulum propter aliquam necessitatem occurren-
 „ tem in aliquo alio Monasterio eidem Capitulo
 „ subjecto, per Priorem superiorem, vel vice ejus
 „ gerentem, & per alios Priores Monasteriorum
 „ vestrorum, qui pro tempore erunt celebrari.
 „ Cui quidem Capitulo generali ejusdemque de-
 „ finitionibus universis, omnes Priores & Con-
 „ ventus, singulæque utriusque sexûs personæ
 „ Monasteriorum, tam virorum quàm mulierum
 „ eidem Capitulo pro tempore subditorum, fir-
 „ miter obedire teneamini. Nec liceat alicui eo-
 „ rundem Monasteriorum personæ quâcunque
 „ de causâ seu occasione ad aliquem, præter-
 „ quam ad generale Capitulum, vel ad Priorem
 „ superiorem pro tempore (quem eandem aucto-
 „ ritatem & potestatem in singulas personas ipso-
 „ rum

rum Monasteriorum quàm etiam proprii Priores in eas habent, habere volumus & decernimus) quomodolibet appellare. Et insuper in eodem capitulo annis singulis eligantur definitores qui unà cum Priore superiore plenariam (auctoritate Apostolicâ) potestatem habeant, defectus quoslibet personarum prædictarum puniendi & corrigendi, & easdem (si opportunum fuerit) ad alia Monasteria ejusdem ordinis transmittendi, ac etiam prædictos Priores & Priorissas Monasteriorum mulierum, sic subjectorum, destituendi, instituendi, confirmandi, nec non reformandi, statuendi, interpretandi, ac etiam in melius immutandi, omnia & singula quæ secundum regulam B. Augustini pro pace & utilitate communi, pro regulari disciplinâ dictorum Monasteriorum conservanda visa fuerint expedire. Et quicquid ab eis, vel saltem à majori parte ipsorum definitum, statutum, seu in melius immutatum & per tria Capitula generalia continua approbatum fuerit: plenam habeat in omnibus Monasteriis vestris firmitatē. Hoc proviso, quòd hujusmodi & quæcunque constitutiones vestræ neminem ad culpam obligent, sed ad pœnam, sive in statutis vestris comprehensam, sive à

S s s

„ Capitulo

„Capitulo generali, vel à visitatoribus, vel à
 „Prioribus infligendam: nisi (quod absit) quis
 „eas transgredi præsumpserit ex contemptu. Et
 „in quo etiam Capitulo omnes & singuli Prio-
 „res hujusmodi subjectorum Monasteriorum qui
 „tunc fuerint, teneantur per se, vel litteras suas
 „singulis annis à suorum officio seu regimine
 „prioratum petere se absolvi. Verùm quia prio-
 „ratus vestri magis officia quàm dignitates esse
 „videntur propter facilem ab eisdem sine stre-
 „pitu juris absolutionem, cum etiam copia per-
 „sonarum utiliter præsidentium frequenter non
 „habetur, & quia nonnunquam illegitimi nati
 „multis virtutibus & magnâ morum probitate
 „decorantur: concedimus vobis de gratiâ spe-
 „ciali, ut Capitulum generale, vel Prior supe-
 „rior cum talibus illegitimis, quemcunque etiam
 „natalium defectum patientibus ut eo non ob-
 „stante, prioratus & alias dignitates ac officia
 „Monasteriorum vestrorum, nec non curam ani-
 „marum (si ad ea electi & confirmati, seu aliàs
 „ritè deputati fuerint) recipere & tenere possint,
 „auctoritate nostrâ valeant dispensare.

„Præterea in eodem Capitulo per diffinitores
 „pro singulis Monasteriis visitandis certi depu-
 „tentur

„tentur visitatores qui plenam generalis Capituli
 „in singulis Monasteriis quę visitant auctoritatem
 „habeant ordinandi, & disponendi, ac etiam ex-
 „cessus tam in capite quàm in membris secun-
 „dum regulam & statuta ordinis corrigendi, &
 „si opportunum fuerit, etiam Priores ex certis
 „causis in statutis comprehensis à prioratibus
 „absolvendi, & alios canonicè electos confir-
 „mandi, eisdemque curam animarum commit-
 „tendi.

„In obitu vel cessione cujuscunque Prioris di-
 „ctorum Monasteriorum vestrorum duo Priores
 „vel visitatores vocandi sunt ad interessendum
 „electioni, sine quibus electio celebrata eo ipso
 „nulla sit: qui & ipsum electum auctoritate gene-
 „ralis Capituli confirmet, eiq; curam animarum
 „committant. Et si in electione hujusmodi ex ig-
 „norantiâ juris in personâ electâ, aut ex ratione eli-
 „gentium, seu in formâ electionis, aut alias quo-
 „modolibet erratum fuerit: generale Capitulum,
 „aut Prior superior, poterit hujusmodi supplere
 „defectum, vel etiam eandem cassare electionem.
 „Nec aliquis postquam in Priorem electus fue-
 „rit, electioni de se factę renuntiare debet: nisi
 „de consensu Capituli generalis, vel Prioris su-

„ prioris, aut Priorum ad electionem vocato-
 „ tarum, quibus etiam ad consentiendum ele-
 „ ctioni hujusmodi obedire omninò teneatur.
 „ Cùm verò Conventus aliquis quâcunque de
 „ causâ jure eligendi privatus fuerit, electio &
 „ confirmatio hujusmodi ad Capitulum generale,
 „ vel eo dissoluto, ad Priorem superiorem imme-
 „ diatè devolvatur, quam tamen electionem seu
 „ confirmationem sic devolutam idem Prior supe-
 „ rior, visitoribus sive Prioribus ad electionem
 „ vocatis, committere potest. Quod si hæc omnia
 „ in Monasterio superiore, dum ipsum Priore
 „ caruerit, facienda contigerint, Priores ad ele-
 „ ctionem vocati, interim in his & in aliis occur-
 „ rentibus, auctoritatem generalis Capituli con-
 „ cernentibus, vicem Prioris superioris supple-
 „ bunt, donec dicto Monasterio more per omnia
 „ jam dicto, provisum fuerit de Priore. Qui qui-
 „ dem Prior superior plenam habeat semper au-
 „ ctoritatem generalis Capituli, in causis infra
 „ annum emergentibus determinandi quæ ad ge-
 „ nrale Capitulum commodè differri nequiverint,
 „ & in causis arduis similiter infra annum oc-
 „ currentibus, aliquos de Prioribus per generale
 „ Capitulum sibi assignatis, cùm sibi visum fue-
 „ rit.

„rit ad privatum Capitulum convocandi; qui
„unà cum ipso & cum conventu Monasterii su-
„prioris plenariam æquè generalis Capituli ha-
„beat potestatem. Potest tamen hæc auctoritas
„Prioris superioris per generale Capitulum re-
„stringi, & iterum relaxari, quando eidem Ca-
„pitulo visum fuerit expedire.

„Denique volumus & ordinamus, ut in libris
„& ordinariis divini officii (ubi commodè pote-
„rit fieri) possitis vos invicem secundùm ordi-
„nationem hujusmodi Capituli conformare, ita
„tamen, ut in singulis Monasteriis ordinis vestri
„eidem Capitulo subjectis ad quæ veneritis, se-
„cundùm morem vestrum inibi consuetum, ho-
„ras Canonicas persolvere valeatis. Clerici sive
„Presbyteri sæculares, undecunque fuerint, apud
„vos pro tempore conversantes, sive religionem
„attendant, sive etiam apud Monasteria Monia-
„lium generali Capitulo vestro subditarum, pro
„earum ministerio residentes: similiter in horis
„Canonicis secundùm ordinarium vestrum satis-
„facere possint.

„De habitu quoque vestro, ut in omnibus Mo-
„nasteriis vestris Capituli vestri uniformitas &
„simplicitas observetur, statuimus & ordinamus,

„ut cappæ vestræ infra & extra Monasteria de-
 „ferendæ, de nigro sint panno, & nullo alio co-
 „lore admixto, desuper caputium aptum, & ali-
 „quantulum amplum habentes, sæcularium ca-
 „putiis non conforme; ut videlicet, si quando
 „capiti superponatur, posterius non erigatur in
 „cristam, & ut demissum scapulas decenter ope-
 „riat. Tunicæ verò de albo panno, & pellicia, &
 „almucia de pellibus ovinis; pellibus sylvestri-
 „bus ab omni usu vestro sequestratis. Superpelli-
 „cia quoque subtilia sive roqueta, more vestro
 „consueto. Conversorum autem cappæ de panno
 „griseo; tunicæ verò & scapularia de panno al-
 „bo fieri debent. Deinde attendentes quod de-
 „cet & expedit, ut juxta doctrinam Apostoli;
 „unusquisque in eâ quâ vocatus est vocatione
 „permaneant, & ne leves & instabiles, seu corre-
 „ptionis impatientes, evagandi habeant occasio-
 „nem, & fratres suos scandalizent: statuimus
 „& firmiter prohibemus, ne vestræ capitularis
 „colligationis aut professionis quisquam, Prior,
 „aut Conventus, seu persona publica vel privata,
 „de obedientiâ vestrâ postquam professus fue-
 „rit, vel eidem Capitulo se submiserit, alicujus
 „vanitatis instinctu, vel districtioris religionis
 „obtentu

„obtentu, se suumve Conventum, seu propriam
„personam, aut alterius ab eodem Capitulo di-
„membrare audeat, vel quomodolibet sepa-
„rare, sive discedere sine Capituli generalis,
„vel Prioris superioris licentiâ petita & obtenta.
„Ac etiam omnibus & singulis Prælatiis, & aliis
„præsidentibus, nec non Conventibus, & per-
„sonis, mendicantium & aliorum ordinum quo-
„rumcunque, ne illis quoquo modo absque con-
„sensu Capituli vestri generalis, vel Prioris su-
„prioris, aut licentiâ Sedis Apostolicæ, eis per
„speciales ejusdem Sedis litteras plenam & ex-
„pressam, ac de verbo ad verbum de prædictis
„mentionem facientes, concessa, recipere præ-
„sumant districtius inhibemus, nisi fortè aliqua
„persona ad ordinem Carthusiensium se trans-
„ferens, in eo profiteri voluerit, decernentes
„ex tunc, si locus factum fuerit, transitum & re-
„ceptionem talium, irritos & inanes, fœlicis re-
„cordationis Innocentii Papæ III. prædecessoris
„nostri, & aliis constitutionibus in contrarium
„editis, non obstantibus quibuscunque.

„Volumus etiam, & Apostolicâ vobis auctoritate
„concedimus, quòd consecrationes Ecclesiarum,
„altarum, cimiteriorum, vasorum, ornamento-
„rum,

„rum, & ordinum ministrationes, si Episcopi
 „Dioecesiani & locorum super hoc rogati aut re-
 „quisiti, ea ut debent & tenentur, facere recu-
 „saverint seu noluerint; à quibuscunque aliis
 „antistitibus Catholicis, gratiam & communio-
 „nem Apostolicæ sedis habentibus, petere &
 „recipere valeatis. Nec non ut tempore gene-
 „ralis interdicti januis clausis (excommunicatis
 „& interdictis exclusis) Missas & alia divina
 „officia, in præsentia hujusmodi & aliorum dicti
 „ordinis fratrum & familiarium celebrare, seu
 „celebrari facere, & eis quoties expedierit, Ec-
 „clesiastica Sacramenta ministrare, ac defunctos
 „vestros ac alios ibidem sepulturam eligentes,
 „Ecclesiasticæ sepulturæ sine solemnitate tra-
 „dere, dummodo vos vel ipsi causam hujusmodi
 „non dederitis interdicto, nec id vobis vel illis
 „contigerit specialiter interdici. Quodque etiam
 „vos altaria habere portatilia super quibus in
 „domibus, & grangiis, ac aliis locis vestris, in
 „quibus fuerint oratoria, capellæ, sive loca ad
 „hujusmodi divina celebrandum congruentia, &
 „honestà, hujusmodi Missas & divina officia
 „etiam antequam elucescat dies, circa tamen
 „diurnam lucem, si res exegerit, sine alieni juris
 „præju-

„præjudicio similiter celebrare, vel ab aliis ritè
„celebrari facere liberè & licitè valeatis. Nec
„sitis astricti propter excommunicatos, qui
„forſan ad loca veſtra pro tempore acceſſerint,
„poſtquam à locis receſſerint eiſdem, ceſſare à
„divinis, aut vitare excommunicatos, niſi vobis
„in ſpecie, vel ſecundùm formam juris fuerint
„denunciati. Quodque de bonis veſtris infra
„ſepta, vel limites Monafteriorum veſtrorum
„conſiſtentibus, quæ propriis manibus, vel ſum-
„ptibus excolitis, de quibus aliquis hætenus non
„percepit, aut de nutrimentis animalium veſtro-
„rum decimas ſolvere, aut dare minimè tenea-
„mini. Liceatque etiam vobis quæcunque bona
„Monafteriorum veſtrorum, præſentia, & futura
„pro utilioribus commutare bonis, ſeu vendere,
„& precium in majorem Monafteriorum veſtro-
„rum convertere utilitatem.

„Poſtremò, ut præmiſſa omnia & ſingula per-
„petuam habeant roboris firmitatem, diſtrictiùs
„prohibemus ne ordinarii locorum, vel quicun-
„que alii, cujuſcunque ſtatùs vel potentiaæ fue-
„rint, præſumant immutare, vel infringere, ſeu
„impedire ea quæ per generale Capitulum, vel
„per viſitatores ſeu commiſſarios ejusdem de

„ electionibus, vel institutionibus, seu destitutio-
 „ nibus Priorum & Priorissarum, vel etiam de
 „ correctionibus & disciplinis secundum regulam
 „ & statuta ordinis vestri ordinata fuerint vel
 „ disposita. Volentes equidem & auctoritate Apo-
 „ stolicâ statuimus, ut Capitulum generale, vel
 „ Prior superior, seu etiam visitatores omnes &
 „ singulos in dictis Monasteriis professos contradi-
 „ ctories & rebelles ordinis, & statutorum, ac con-
 „ cessionum nostrarum ad omnimodam subjectionem &
 „ obedientiam, per censuram Ecclesiasticam & alia
 „ juris remedia appellatione quâcunq; remota,
 „ compescere valeant, vocato etiam ad hoc, si opus
 „ fuerit, auxilio brachii sæcularis. Hæc autem omnia
 „ & singula quæ pro regulari disciplinâ in monasteriis
 „ stabilienda, per præsentem concedimus & statuimus;
 „ etiam ad omnia & singula alia Monasteria tam virorum
 „ quàm mulierum præsentia & futura, quæ dicto
 „ Capitulo generali subiecta vel colligata sunt, aut
 „ subijci, aut colligari contigerit, eorumque Con-
 „ ventus & personas extendi volumus, & extendimus,
 „ eaque, quibus etiam per aliquam generalem
 „ revocationem, aut alias per sedem Apostolicam,
 „ vel Legatos ejus, seu alias quovis modo,
 „ modo,

„ modo, nisi de ipsis & eorum toto tenore de verbo
 „ ad verbum mentio specialis habeatur, derogari
 „ nolumus, perpetuò valitura. Ac quicquid in
 „ contrarium per locorum ordinarios, aut alios
 „ quoscunque, quovis modo attentari contigerit,
 „ prædictâ auctoritate Apostolicâ irritum & ina-
 „ ne decernimus per præsentis. Interpretationem,
 „ verò, seu declarationem omnium & singulo-
 „ rum dubiorum seu obscuritatum, si quæ for-
 „ san in præmissis, seu circa ea, vel ipsorum ali-
 „ quod, seu aliqua exoriri contigerit, Capitulo
 „ generali duntaxat reservantes. Non obstanti- Nota,
 „ bus tam fælicis recordationis Benedicti Papæ
 „ XII. prædecessoris nostri, quæ quamvis de or-
 „ dine vestro editæ sint, non tamen fuerunt in
 „ Provinciâ vestrâ & in quibusdam aliis Provinciis
 „ (ut asseritur) particulariter promulgatæ, seu
 „ moribus utentium approbatæ, quàm aliis qui-
 „ buscunque constitutionibus Apostolicis, nec
 „ non statutis, consuetudinibus, & ordinationi-
 „ bus ordinariorum, Provincialium, Metropol-
 „ tanorum, & Cathedralium Ecclesiarum, Mo-
 „ nasteriorum, & aliorum locorum ejusdem or-
 „ dinis seu religionis, vel etiam per quoscunque
 „ vestrum prius forsan factis, vel ordinatis, præ-

„sentium fortassis, confirmationis, colligationis,
 „constitutionum, privilegiorum nostrorum, te-
 „nori contrariis, juramentis, pactis, votis, con-
 „firmationibus Apostolicis, aut quibuscumque firmi-
 „tatibus; aliis roboratis, quorumcunque teno-
 „rum existant, per quæ præsentibus non expressa
 „vel totaliter non inserta, eorum effectus impe-
 „pediri valeat, & de quibus quorumcunque
 „tenoris tenoribus habenda sit in litteris nostris
 „mentio specialis. A quibus nec non juramen-
 „tis & votis hujusmodi (in quantum præmissis
 „obviant) ac etiam Synodorum visitationibus
 „(illis exceptis qui in Parochialibus Ecclesiis re-
 „sident) vos omnes & singulos tenore præsen-
 „tium absolvimus, cæterisque contrariis non ob-
 „stantibus quibuscumque. Verùm etiam quia sic-
 „ut asseritis, præmissam pro majori parte vo-
 „bis retroactis temporibus, per eos qui tem-
 „pore scismatis pro Romanis Pontificibus se-
 „gerentes, seu eorum Legatos, aut locorum
 „ordinarios ipso durante scismate, concessa fue-
 „rint; vosque multa ex ipsis (occasione con-
 „cessionum hujusmodi) exercuistis usque nunc,
 „ac timeatis ipsos Legatos ad singula ta-
 „lia, potestatem sufficientem non habuisse,
 „seu

„ seu ordinarios ipsos de suâ ordinariâ potestate,
 „ ea facere non potuisse: nos volentes in hoc
 „ vestras serenare conscientias, omnia & singula
 „ per vos, talium occasione concessorum, aliàs
 „ tamen ritè gesta & facta, auctoritate Apostolicâ
 „ prædicta, ratificamus & approbamus. Nulli ergo
 „ omninò hominum liceat hanc paginam nostræ
 „ approbationis, confirmationis, suppletionis,
 „ conjunctionis, colligationis, concessionis, sta-
 „ tuti, ordinationis, voluntatis, constitutionis,
 „ prohibitionis, decreti, inhibitionis, extensionis,
 „ reservationis, absolutionis, & ratificationis, in-
 „ fringere vel ei ausu temerario contraire. Si quis
 „ autem hoc attentare præsumpserit, indignatio-
 „ nem Dei omnipotentis, & beatorum Petri &
 „ Pauli Apostolorum ejus se noverit incursum.
 „ Datum Florentiæ quintodecimo Calend. April.
 „ Pontificatûs nostri anno tertio, scilicet, anno
 „ Domini MCCCCXX.

Extat in eodem compendio bulla Innocen-
 tii VIII. in quâ referuntur pleraque, quæ circa
 Canonicos Regulares ordinis S. Augustini con-
 tingerunt, & quæ eis à Sede Apostolicâ privilegia
 indulta fuerunt, sub Sixto IV. Martino V. Eu-
 genio IV. Nicolao V. Calixto III. Paulo II.

ubi maximè notandum est testimonium Sixti IV. quod in initio Diplomatis sui dedit de ordine Canonico-Augustiniano; sic sonat:

„ **S**ixtus Episcopus servus servorum Dei ad per-
 „ petuam rei memoriam. Dum ad universos
 „ Regulares ordines, ac loca jugi sanctimonix
 „ dedita, personasque voto Religionis obstrictas,
 „ pro injuncto nobis Apostolicæ servitutis officio
 „ crebris vigiliis, & indefessis studiis attendimus,
 „ ad illum præcipuè Canonorum Regularium
 „ congregationis Lateran. ordinis S. August. eò
 „ libentiùs nostræ mentis oculos convertimus,
 „ quò ordo ipse in nascentis Ecclesiæ sanctâ in-
 „ stitutione ac primorum Christianæ Religionis
 „ Clericorum normâ, traditionibusque fundatus,
 „ & sacris institutis, ac divinis regulis, elo-
 „ quiisque præmunitus extitit, ab ejusque pri-
 „ mævâ foundatione variis virtutum meritis sem-
 „ per resplenduit.

Bulla

*Bulla Innocentii VIII. quâ terminavit litem inter
 Abbatem Canonorum Regularium S. Augustini
 de Crutzelingen prope muros Constantiæ ex unâ,
 & Abbatem monasterii in Petri-domo ultra pon-
 tem Constantiæ ordinis S. Benedicti ex alterâ, su-
 per jure præcedendi in Concilio Constantiensi, con-
 firmantis determinationem factam prius à Ioanne
 XXIII. extat apud Pennottum lib. 2. Generalis Hi-
 storia cap. 71. num. 4. & producta fuit in processu
 inter Canonicos Reg. ordinis S. Aug. Congrega-
 tionis Lateran. & Monachos ordinis S. Benedi-
 cti Congregationis Cassinensis, ut videre est apud
 Ascanium Tumburinium tom. 1. de jure Abbatum
 disp. 25. quæst. 1. num. 197.*

„ 335. **I**nnocentius Episcopus Servus Servorum
 „ Dei ad futuram rei memoriam, Provi-
 „ sionis nostræ debet provenire subsidio, ut suum
 „ jus cuilibet conserveretur. Hinc est quod nos
 „ tenorem quarundam litterarum Concilii Con-
 „ stantiensis in Registro ipsius Concilii reperta-
 „ rum, pro eo quòd sicut exhibita nobis pro par-
 „ te dilectorum filiorum Abbatis & Conventus
 „ Monasterii in Crutzelingen extra muros Con-
 „ stantiæ, Ordinis S. Aug. petitio continebat,
 „ ipsi

„ ipsi eo indigere noscuntur, de verbo ad verbum
 „ transcribi & ad ipsorum supplicantium instan-
 „ tiam præsentibus annotari fecimus, qui talis est.
 „ Sacrosancta & generalis Synodus Constan-
 „ tiensis ad perpetuam rei memoriam. Rationi
 „ congruit, & convenit honestari, ut ea, quæ de
 „ Rom. Pontifice gratia processerunt, licet tem-
 „ pore quo papatui præfuit litteræ Apostolicæ
 „ super illis confectæ non fuerint, suum conse-
 „ quantur effectum.

Nota.

„ Sanè dudum pro parte dilectorum filiorum
 „ Erardi Abbatis & Conventus Monasterii Crut-
 „ zelingensis extra muros Constantiæ Ordinis S.
 „ Aug. Baltasari tunc Ioanni Papæ XXIII. ex-
 „ posito, quod licet ipsius Ordinis Regularis in-
 „ stitutio, ac ejus per Apostolicam Sedem sub-
 „ sequens Approbatio longè præcederent insti-
 „ tutionem, & etiam per eandem Sedem factam
 „ approbationem Ordinis S. Benedicti præfatus-
 „ que Abbas in abbatialis dignitatis promotio-
 „ ne directus Ecclesiæ filium Ioannem Abbatem
 „ Monasterii in Petri-domo ultra pontem Con-
 „ stantiæ, dicti ordinis S. Benedicti longè præ-
 „ cesserit, nec non Abbas pro tempore existens,
 „ supradicti monasterii Crutzelingen mitrâ & an-
 „ nulo,

nulo, cæterisque Pontificalibus insigniis, & speciali privilegio Sedis ejusdem, cui non est in aliquo derogatum, uti & gaudere ab olim cõsuevisset, quibus dictus Abbas monasterii Petri-domûs minimè utebatur seu gaudebat, ac eidem Abbati monasterii in Crutzelingen esistenti pro tẽpore, ut patri Abbati, etiam alia plura monasteria dicti ord. S. Augustini in diversis locis consistentia secundùm ejusdem ord. regularia instituta per Sedem ipsam, ex certâ scientiâ approbata subessent, in quo eorumque personas degentes pro tempore in eisdem jus seu superioritatem visitandi, corrigendi, & puniendi haberet, & propterea Abbas, & Conventus prædicti, nec non Canonici ejusdem monasterii Crutzelingen in quibuscunque actibus solemnibus, nec non processionibus generalibus quæ fierent pro tempore in civitate Cõstantiæ, ac etiam in generali Concilio Abbati & Monachis existentibus pro tempore ac Conventui dicti monasterii Petri-domûs præferri, atque in digniori loco sive ordine collocari deberent.

„ Tamen cùm idem Ioannes Abbas & Conventus monasterii Petri-domûs contrarium asserentes, jactarent ex aliquibus confictis & mi-

„ nūs validis rationibus se in talibus ipsis Abba-
 „ ri Canonicis, & Conventui ejusdem monasterii
 „ in Crutzelingen fore præferendos, quodque
 „ timebatur ex hoc inter partes ipsas exoriri li-
 „ tes, jurgia, & scandala, quæ forsan de facili re-
 „ parari non possent, ac pro parte dictorum Erar-
 „ di Abbatis, & Conventus monasterii Crutze-
 „ lingen eidem Balthasari tunc Pontifici humi-
 „ liter supplicato, ut in præmissis de benignitate
 „ Apostolicâ salubriter provideret, idem Baltha-
 „ sar tunc Papa desiderans pacem & concordiam
 „ inter Abbatem, & Conventum, ac Canonicos,
 „ & Monachos hujusmodi Monasteriorum præ-
 „ fatorum perpetuò stabilire, hujusmodi suppli-
 „ cationibus voluit & concessit, videlicet, 5. Kal.
 „ Decembris, Pontificatûs sui anno 5. quòd Ab-
 „ bas pro tempore existens in Crutzelingen præ-
 „ fato Abbati etiam pro tempore existenti in Pe-
 „ tri-domo prædictorum monasteriorum, nec non
 „ Canonici in Crutzelingen etiam existentes pro
 „ tempore Monachis similiter existentibus pro
 „ tempore in Petri-domo monasteriorum præsa-
 „ torum tam illis quàm processionibus hujusmodi
 „ dicti Concilii Constantiensis & quàm diu il-
 „ lud duraret, quàm etiam quibusdam aliis pro-
 „ cessionibus.

„cessionibus, nec non actibus solemnibus & pu-
„blicis, in quibus pro tempore insimul convenire
„contingeret præferri, ac locis dignioribus hujus-
„modi perpetuis temporibus collocari deberent.
„Non obstante etiam quibuscumque privilegiis,
„indulgentiis, & litteris Apostolicis generalibus,
„& specialibus eisdem Abbati & Conventui
„Petri-domûs, ac ordinis S. Benedicti concessis
„quorumcunque tenorum existerent, per quæ
„litteris dicti Balthasaris tunc Papæ, si super his
„confectæ fuissent non expressa, vel totaliter non
„inserta effectus earum impediri valerent, quo-
„modolibet vel differri, & de quibus quorumque
„totis tenoribus de verbo ad verbum habenda
„esset in eisdem litteris mentio specialis.

„Ne autem pro eo quod super voluntate
„& concessione præfatæ litteræ dicti Balthasaris
„tunc Papæ, interim quod Papatui præfuit, con-
„fectæ non fuerint, prædicti Abbas & Con-
„ventus monasterii in Crutzelingen voluntatis
„& concessionis prædictarum frustrentur effe-
„ctu, volumus, & tenore præsentium decerni-
„mus, quòd voluntas & concessio prædicta à di-
„ctâ die, videlicet, 5. Kalend. Decembris per-
„inde suum consequantur effectum ac si litteræ

„ dicti Balthafaris tunc Papæ super illis sub ipsius
 „ diei datis confectæ fuissent. Quodque præsen-
 „ tes litteræ ad probandum plene voluntatem &
 „ concessionem prædictas ubique sufficiant, nec ad
 „ id probationis alterius adminiculum requiratur.
 „ Nulli ergò omnino hominum liceat hanc pagi-
 „ nam nostræ voluntatis ac constitutionis refrin-
 „ gere, vel ei ausu temerario contraire. Si quis
 „ autem hoc attentare præsumperit, indignatio-
 „ nem omnipotentis Dei, ac beatorum Petri &
 „ Pauli Apostolorum ejus se noverit incursum.
 „ Datum Constantiæ 15. Kalend. Septemb. anno
 „ nativit. Dom. 1415. Apostolicâ Sede vacante.

„ Cæterum ut earundem litterarum tenor
 „ prædictus insertus omnimodam rei seu facti
 „ certitudinem faciat, Apostolicâ auctoritate de-
 „ cernimus, ut illud idem robur, eandem vim, &
 „ eundem vigorem dictus tenor per omnia ha-
 „ beat, quem habent originales litteræ supradictæ,
 „ & eadem prorsus eidem tenori fides adhibea-
 „ tur quandocunque & ubicunque, five in judi-
 „ cio, five alibi, ubi fuerit exhibitus vel ostensus,
 „ & eidem tenori firmiter stetur in omnibus, sic-
 „ ut eisdem originalibus litteris staretur si forent
 „ exhibitæ vel ostensæ. Per hoc autem nullum jus

„ cui-

„ cuiquam de novo acquiri volumus, sed anti-
 „ quum cōservari tantummodò. Nulli ergò omni-
 „ nò hominum liceat hanc paginam nostri Decreti
 „ & voluntatis infringere, vel ei ausu temerario
 „ contraire. Si quis autem hoc attentare præ-
 „ sumperit, indignationem omnipotentis Dei, ac
 „ beatorum Petri & Pauli Apostolorum ejus se
 „ noverit incursurum. Datum Romæ apud S. Pe-
 „ trum anno Incarnationis Dominicæ 1489. 5.
 „ Kal. Maji, Pontificatûs nostri anno 5.

*Sententia lata à Sanctissimo Domino nostro Pio IV.
 Pontifice Maximo in causâ precedentis ad rela-
 tionem trium Cardinalium deputatorum S. R. E.
 in favorem Canonorum Regularium S. Augu-
 stini.*

„ 336. **C**hristi nomine invocato pro tribuna-
 „ li sedentes, & solùm Deum præ ocu-
 „ lis habentes, per hanc nostram definitivam
 „ sententiam quam ferimus in his scriptis, in
 „ causa, & causis, quæ coram nobis, & quas
 „ dilectis filiis nostris Ioanni Michaëli Saraceno
 „ tituli S. Anastasiæ, Ioanni Baptistæ Cicadæ
 „ tit. S. Clementis, & Bernardino Scottò S. R. E.
 „ Cardinalibus primo audiendas, cognoscendas,

„ & per eos decidendas & terminandas, & de-
 „ inde per præfatos Cardinales, per Apostolica
 „ nostra rescripta nobis referendas commisimus,
 „ inter dilectos filios Abbates, Prælatos, & Cano-
 „ nicos Reg. ord. S. Aug. Congregationis Latera-
 „ nensis, & universam eorum Congregationem ex
 „ una, & Prælatos, Abbates & monachos ordinis
 „ S. Benedicti Congregationis Cassinensis, aliàs
 „ S. Iustinæ de Padua nuncupatos, & dictam eo-
 „ rum Congregationem, de & super præceden-
 „ tia, & jure inter eos præcedendi, tam in pro-
 „ cessionibus, quam in generalibus, & synodali-
 „ bus, seu provincialibus Conciliis, omnibusque
 „ actibus publicis & privatis, rebusque aliis in
 „ actis causæ & causarum hujusmodi latiùs dedu-
 „ ctis, & illorum occasione quæ in primâ, seu aliâ
 „ versæ fuerunt, & vertebantur instantiis, parti-
 „ bus ex altera.

Nota.

„ Causa hujusmodi coram dictis Cardinalibus
 „ ad plenum ventilata, & sæpiùs auditis partibus,
 „ & dubiis in ea plenè discussis, & resolutis, ac
 „ visis de jure videndis, & demum per dictos
 „ Cardinales nobis matura desuper facta rela-
 „ tione, pronunciamus, sententiamus, decerni-
 „ mus Abbates, Prælatos, & Canonicos Re-
 „ gulares

„gulares Congregationis Lateranensis uti Cle-
„ricos, dimissa superiori veste pallio seu cappa
„in linea veste, Clericaliſque habitu incedentes
„(quòd etiam in alma noſtra urbe Romæ confue-
„tum fuit, & nunc obſervatur) in proceſſionibus
„& omnibus aliis actibus publicis & privatis,
„tam in dictâ almâ urbe noſtrâ, noſtroque &
„ſucceſſorum noſtrorum conſpectu, quàm aliàs
„universis, ac quibuſcunque aliis civitatibus, ter-
„ris, oppidis, & locis, dictos Abbates, Prælatos,
„& Monachos ordinis S. Benedicti Caſſinenſes
„præcedere debuiſſe ac debere: eoſdemque Ab-
„bates, Prælatos, & Canonicos Reg. dictamque
„eorum congregationem, ut ſupra incedentes, di-
„ctis Abbatibus, Prælatiſ, & Monachiſ S. Bene-
„dicti, & eorum congregationi in omnibus &
„præmiſſiſ præferendos, anteponendos, & in di-
„gniori loco collocandos fore & eſſe.

„Abbates verò dictarum congregationum La-
„teranenſiſ & S. Benedicti ſingulariter & de per-
„ſe, abſque eorum Conventibus, in Conciliis
„generalibus, Provincialibus, & Synodalibus, &
„aliis actiſ publiciſ & privatiſ, in quibus Abba-
„tes de jure, vel de conſuetudine locum & vo-
„tum habent, vel pro tempore quomodolibet
„habe-

„habebunt, inter se juxta singulorum ipsorum
 „Abbatum ibidem intervenientium priorem &
 „antiquiorem promotionem ad Abbatiam; ac
 „illâ promotione dumtaxat, non autem congre-
 „gatione & ordine, cujus fuerint attentis, præ-
 „cedere & præferri, & in digniori loco collocari
 „debuiffe & debere, prout præferimus, anteponi
 „mus, collocamus, præferriq̃ue anteponi, & col-
 „locari respectivè mandamus. Iactationes quo-
 „que, molestationes, oppositiones, perturbatio-
 „nes, vexationes, & impedimenta quæcunque
 „per præfatos Abbates, Prælatos, & Monachos
 „dicti ordinis S. Benedicti, & dictam eorum
 „congregationem eisdem Abbatibus, Prælati-
 „bus, Canonicis Regularibus dicti ordinis, & eorum
 „congregationi de & super præfatis omnibus
 „& singulis & illorum occasione quomodolibet
 „factas, præstitas, & illatas, factaq̃ue, præstita,
 „& illata fuisse & esse temerarias, illicitas, inde-
 „bitas, & injustas, temerariaq̃ue, illicita, inde-
 „bita, & injusta, & de facto præsumptas & præ-
 „sumpta, illasq̃ue & illa præfatis Abbatibus, Præ-
 „latis, & Monachis fecisse & facere minimè li-
 „cuiffe, nec licere de jure. Et propterea de &
 „super illis, ac dicto jure præcedendi, ut supra
 „omni-

„omnibusque aliis & singulis præmissis perpe-
 „tuum silentium imponendum fore & esse, ac
 „imponimus, utramque partem in expensis, ju-
 „stis de causis absolventes.

*Ita refero & censeo pronuntiandum esse Ioannes
 Michaël Cardinalis Sarracenus.*

*Ita refero & censeo pronuntiandum Ioan. Bapti-
 sta Cardin. S. Clementis.*

*Ita refero & censeo pronuntiandum esse Bernar-
 dinus Cardin. Tranens.*

„Lecta, lata, & in Scriptis promulgata præsens
 „est diffinitiva sententia, sub annulo Piscatoris si-
 „gnata per eundem S. D. N. D. Pium PP. IV.
 „Romæ in palatio S. M A R I Æ de Arâ Cœli
 „in palatio ejusdem S. D. N. PP. anno à nati-
 „vitate Domini 1563. indictione 6. die verò 23.
 „mensis Septemb. Pontificatûs S. D. N. D. Pii
 „divinâ providentiâ PP. IV. anno 4. præsentibus
 „ibidem Rev. D. Alexandro Palanteriorio almę
 „urbis Romæ Governatore, & illustr. D. Com.
 „Annibale Altemps ad præmissa & singula vo-
 „catis specialiter, habitis, atque rogatis.

Breve ejusdem S. D. N. in quo supplensur omnes & singuli processus & sententia prædicta, defectus etiam substantiales, si qui forſian intervenerint; ac mandatur ab omnibus inviolabiliter observari debere prædictam sententiam sub pœnis & censuris.

„337. **P**IUS Papa IV. ad futuram rei memoriam, Sedis Apostolicæ providentiâ circumſpectâ, ne rursus ea quæ in controversiis inter personas Ecclesiasticas, præſertim Altissimo sub regulari professione famulantes, exortis, pro tranquillo religionis ſtatu prudenter ordinavit, ne in molestos contentionis anfractus relabantur, majorem ſolet, dum id res ipſa requirit, adhibere cautionem.

„Sanè nuper poſtquam, ſicut nobis innotuerat, ab antiquis uſque temporibus, etiam ſupra centum annos retroactos liſ & cauſa ſeu controversia inter dilectos filios Rectorem Generalem & Canonicos Regulares S. Auguſtini ex unâ, ac Monachos S. Benedicti ordinis Caſſienſis aliâs Juſtinæ de Paduâ congregationum partibus alterâ, ſuper eorum præcedentiâ, ſeu jure præcedendi ſuborta, & coram diverſis judicibus, etiam in noſtro palatii Apoſtolicæ auditorio

„ditorio ventilata, ac demum non sine animi
„nostri molestiâ in OEcumenico Concilio Tri-
„dentino inter eorundem congregationum Ab-
„bates renovata fuerit.

„Nos considerantes lites & controversias hu-
„jusmodi in Ecclesiâ, præsertim inter Religiosas
„& Reformatas personas, quæ relictis mundi va-
„nitatibus, votum suum in humilitatis spiritu Do-
„mino & Deo nostro, qui se pro nobis usque ad-
„eò humiliavit, ut formam servi acciperet, per-
„solvere profitentur, non modicùm illi præcla-
„ræ Deoque præcipuè dilectæ virtuti, quæ est
„humilitas, labem infundere, populoque scan-
„dalum generare, & propterea illas omni ratio-
„ne submovendas, publicæque Religionis tran-
„quillitati, ac Ministrorum Dei reconciliationi,
„& mutuæ dilectioni quamprimùm consulendum
„esse rati.

„Motu proprio dictas causas & controversias
„ubilibet, & coram quibusvis Iudicibus motas,
„& in quibusvis instantiis indecisas pendentes ab
„eisdem Iudicibus ad nos advocavimus, illasque
„dilectis filiis nostris Ioanni Michael S. Anasta-
„siæ Sarraceno, Ioanni Baptistæ S. Clementis
„Cicadæ, ac Bernardino Scotto nuncupatis

X x x 2

„ S. R. E.

„ S. R. E. Presbyteris Cardinalibus audiendas,
 „ cognoscendas, & decidendas per quandam mo-
 „ tûs proprii scedulam, & deinde illas per aliud
 „ nostrum rescriptum eisdem Cardinalibus per
 „ eos audiendos tantum, nobisque referendas
 „ commisimus.

Nota.

„ Qui quidem Cardinales dictis partibus, ea-
 „ rumque Procuratoribus & Advocatis pluries
 „ auditis, dubiisque emergentibus ad plenum dis-
 „ cussis & resolutis, comperto satis per eos, ex
 „ compluribus litteris Apostolicis diversisque aliis
 „ rationibus & probationibus, quod ipsi Canonici
 „ fuerunt, & sunt de illis Clericis à S. Augustino,
 „ imò à SS. Apostolis institutis, eosdem Canonicos
 „ tam suæ antiquæ institutionis hujusmodi, quam
 „ etiam dignitatis Clericalis, quâ eos statim, quod
 „ professionem regularem emittunt insignitos esse
 „ esse oportet, aliarumque qualitarum in eis exi-
 „ stentium ratione, dictamque illorum congre-
 „ gationem Lateranensem præfatos Monachos
 „ & eorum congregationem Cassinensem præce-
 „ dere debere censuerunt & concluderunt, suam-
 „ que cōclusionem hujusmodi ad audientiam no-
 „ stram juxta ultimi nostri rescripti præfati teno-
 „ rem retulerunt.

„ Unde

„ Unde nos illorum relatione intellectâ, eâque
„ per nos diligenter examinatâ, quoniam eam
„ in omnibus suis partibus veritati & juri conso-
„ nam reperimus, per nostram definitivam sen-
„ tentiam pronuntiavimus, sententiavimus, de-
„ crevimus, & declaravimus, Abbates, Præla-
„ tos, & Canonicos Regulares congregationis
„ Lateranensis uti Clericos, dimissâ superiori ve-
„ ste, pallio seu cappâ, in lineâ veste Clericali que
„ habitu incedentes (quod etiam in almâ Urbe
„ consuetum fuerat, & tunc observabatur) in pro-
„ cessionibus, & in omnibus aliis actibus publicis
„ & privatis, tam in dictâ Urbe, nostroque, & a-
„ liorum Romani Pontificis successorum nostro-
„ rum cōspectu, quàm aliàs in universis & quibus-
„ cunque aliis civitatibus, terris, oppidis, & locis,
„ Abbates, Prælatos, & Monachos ordinis S. Be-
„ dicti congregationis Cassinensis prædictos præ-
„ cedere debuisse & debere, ac eosdem Abbates,
„ Prælatos, & Canonicos Regulares, dictamque
„ eorum congregationem, ut præfertur, inceden-
„ tes dictis Abbatibus, Prælatis, & Monachis S.
„ Benedicti, & eorum congregationi in omnibus
„ & singulis præmissis præferendos, anteponen-
„ dos, & in digniori loco collocandos fore & esse.

„ Abbates verò dictarum congregationum sin-
 „ gulariter, & de per se absque illorum Conven-
 „ tibus in Conciliis Generalibus, Provincialibus,
 „ & Synodalibus, ac aliis actis publicis & pri-
 „ vatis, in quibus Abbates de jure vel consuetu-
 „ dine locum & votum habent, vel pro tempore
 „ quomodolibet habebunt, inter se juxta singu-
 „ lorum ipsorum Abbatum ibidem intervenien-
 „ tium priorem & antiquiorem promotionem ad
 „ Abbatiam, & illorum promotione dumtaxat,
 „ non autem congregatione & ordine cujus sint
 „ attentis, præcedere & præferri, & in digniori
 „ loco collocari debuisse & debere, prout ex tunc
 „ prætulimus, anteposuimus, & collocavimus,
 „ præferrique, anteponi, & collocari manda-
 „ vimus.

„ Iactationes quoque, molestationes, oppressio-
 „ nes, perturbationes, vexationes, & impedimen-
 „ ta quæcunque per Abbates, Prælatos, & Mo-
 „ nachos prædictos, & eorum congregationem
 „ Cassinensem, eisdem Abbatibus, Prælatis, &
 „ Canonicis Regularibus congregationis Latera-
 „ nensis super præfatis omnibus & singulis, &
 „ illorum occasione quomodolibet factas, præ-
 „ stitas, & illatas, facta, præstita, & illata, fuisse
 „ & esse

„ & esse temerarias, illicitas, indebitas, & inju-
„ stas, temerariaque, illicita, indebita, & injusta,
„ ac de facto præsumptas & præsumpta, illasque
„ & illa Abbatibus, Prælatiis, & Monachis con-
„ gregationis Cassinensis hujusmodi fecisse & fa-
„ cere minimè licuisse, neque licere de jure. Et
„ propterea de & super illis, ac dicto jure præ-
„ cedendi, omnibus & singulis aliis præmissis, per-
„ petuum silentium imponendum fore & esse, &
„ tunc imposuimus, prout in rescripto, relatione,
„ & sententiâ prædictis plenius continetur.

„ Ne autem de sententiæ, aliorumque præ-
„ missorum validitate ullo umquam tempore du-
„ bitari, ac propterea, vel alio quovis prætextu
„ rem maturè discussam, ac judicatam rursus in
„ controversiam retrahi, néve denuò in Ecclesiâ
„ Dei inter tales personas Religiosas contentio-
„ nes exoriri, ac populo scandala generari con-
„ tingat, tempestivè providere, ac supremam huic
„ negotio manum apponere cupientes, nec non
„ veriores litterarum singulorum prædecessorum,
„ ac rescripti, processûs, relationis, sententia-
„ rumque præfatorum, & inde secutorum teno-
„ res, præsentibus non sufficienter expressis ha-
„ bentes.

„ Motu

„ Motu simili non ad ipsorum Abbatum, Præ-
 „ latorum, & Canonicorum Regularium congre-
 „ gationis Lateranensis, vel alterius pro eis nobis
 „ super hoc oblatae petitionis instantiam, sed ex
 „ verâ deliberatione, & certâ scientiâ nostrâ, ac
 „ de Apostolicæ potestatis plenitudine, ad effe-
 „ ctum executionis dictæ sententiæ tum omnes
 „ & singulos processus & sententiæ præfatorum
 „ defectus etiam substantiales, si qui forsan in
 „ eisdem intervenerint, harum serie supplemus,
 „ ac eandem sententiam unâ cum ejus processu
 „ validos & efficaces esse, suosque plenarios &
 „ integros effectus sortiri, & ab omnibus invio-
 „ labiliter observari debere, nec partes ipsas ab
 „ eis ullo umquam tempore, quovis prætextu,
 „ quæsitove colore resilire posse, sed ad illorum
 „ observationem teneri, censurisque, & pœnis,
 „ tam Ecclesiasticis quàm pecuniariis ad id cogi
 „ & compelli, neque Monachos eorūve con-
 „ gregationem adversus sententiam, aliâve præ-
 „ missa in pristinum statum quovis quæsito co-
 „ lore, vel ingenio restitui, nec illa oppugnantes
 „ audiri, præsentisque litteras de subreptionis,
 „ vel obreptionis vicio, aut intentionis nostræ,
 „ aut alio quovis defectu notari, seu impugnari
 „ posse.

„ Sicque & non aliter per quoscunque Iudices
„ & Commissarios etiam S. R. E. Cardinales sub-
„ lata eis, & eorum cuilibet quâvis aliter judi-
„ candi, & interpretandi facultate & auctoritate
„ judicari & definiri debere, ac quicquid secus
„ à quoquam quâvis auctoritate, scienter vel igno-
„ ranter attentari contigerit, irritum & inane de-
„ cernimus; præmissaque omnia perpetuò sta-
„ tuimus, & quòd ita fiant & observentur, volu-
„ mus atque mandamus.

„ Similiter venerabili fratri Episcopo Amerin.
„ & dilectis filiis nostris, nostro in almâ Vrbe &
„ ejus districtu Vicario in spiritualibus ac Curia
„ causarum Camera Apostolicæ Auditori, gene-
„ ralibus per præsentis motu pari mandantes,
„ quatenus ipsi vel duo aut unus eorum per se
„ vel alium, seu alios præsentis litteras, & in eis
„ contenta quæcunque, ubi & quando opus fue-
„ rit, ac quoties pro parte Rectoris generalis &
„ Abbatum, Prælatorum, ac Regularium Cano-
„ nicorum S. Augustini congregationis Latera-
„ nensis præfatorum, vel alicujus eorum fuerint
„ requisiti, solemniter publicantes, ac illis in
„ præmissis efficacis defensionis præsidio assisten-
„ tes, faciant auctoritate nostrâ illos suppletionem,

„decreto, statuto, voluntate, & mandato, alijs
 „præmissis pacificè frui & gaudere. non permit-
 „tentes eos, vel eorum quempiam desuper per
 „quoscumque quomodolibet indebitè molesta-
 „ri, perturbari, vel inquietari. Contradictores
 „quoslibet & rebelles per sententias, censuras et-
 „iam Ecclesiasticas, & pecuniarias etiam arbi-
 „trio suo moderandas & applicandas, quàm et-
 „iam privationis beneficiorum Ecclesiasticorum
 „per ipsos contradictores obtentorum, pœnas,
 „aliaque juris remedia, appellatione postpositâ,
 „compescendo, ac legitimè super his habendis
 „servatis processibus, illos sententias, censuras,
 „& pœnas hujusmodi incurrisse declarando, il-
 „losque etiam iteratis vicibus aggravando, &
 „interdictum Ecclesiasticum imponendo, invo-
 „cato etiam ad hoc, si opus sit, auxilio brachii
 „sæcularis. Non obstantibus præmissis, ac fœli-
 „cis recordationis Bonifacii Papæ VIII. præde-
 „cessoris nostri de unâ, & Concilii generalis de
 „duabus diætis; dummodò quispiam præsen-
 „tium vigore ultra tres diætas ad judicium non
 „trahatur, ac aliis quibuscvis constitutionibus &
 „ordinationibus Apostolicis, nec non Monasterio-
 „rum, & ordinum, ac congregationum præfa-
 „torum

„torum, etiam juramento, confirmatione Apo-
„stolicâ, vel quâvis firmitate aliâ roboratis sta-
„tutis, vel consuetudinibus, privilegiis quoque
„indultis, & litteris Apostolicis illis eorumque
„superioribus, ac personis sub quibuscunque te-
„noribus & formis, ac cum quibuscunque etiam dero-
„gatoriis derogatoriis, aliisque efficacioribus
„& insolitis clausulis, irritantibusque & aliis de-
„cretis in genere vel in specie, etiam motu &
„scientiâ similibus quomodolibet concessis ac et-
„iam iteratis vicibus approbatis & innovatis.

„Quibus omnibus illorum tenores præsentibus
„pro sufficienter expressis & insertis habentes,
„illis aliâs in suo robore permansuris, hâc
„vice dumtaxat specialiter & expresse derogamus,
„contrariis quibuscunque, aut si aliquibus
„communiter vel divisim ab Apostolicâ Sede in-
„dultum sit, quòd interdici, suspendi, vel ex-
„communicari non possint per litteras Aposto-
„licas non facientes plenam & expressam, ac de
„verbo ad verbum de indulto hujusmodi men-
„tionem.

„Volumus autem quòd præsentium transumptis
„manu alicujus Notarii publici subscriptis
„& sigillo personæ in dignitate Ecclesiasticâ con-

„stitutæ munitis, in iudicio & extra ubilibet lo-
 „corum plena & indubia, eademque prorsus fi-
 „des adhibeatur, quæ ipsis præsentibus adhibe-
 „retur, si forent exhibitæ vel ostensæ. Datum
 „Romæ apud S. Petrum sub annulo Piscato-
 „ris die 18. Ianuarii 1564. Pontificatûs nostri
 „anno 5.

Hieron. Gadicen.

Hæc constitutio cum sententiâ suprapositâ re-
 fertur in Bullario inter constitutiones Pii IV.
 estque num. 95. habetur etiam apud Navarrum
 tom. 1. Comment. 4. de regularibus de stabili-
 tate & transitu eorum in cap. statuimus 19. q. 3.
 ex quo Caramuel in Librâ eam exscripsit num.
 162. & seq. eandem citat doctissimus Andreas
 Catulle in suo motivo juris num. 12. &c. extat
 etiam apud Pennottum lib. 2. cap. 71. num. 2.
 & apud Ascanium Tumburinum tom. 1. de jure
 Abbatum disp. 25. quæst. 1.

Dicet aliquis, hic Ascanius eâdem disputa-
 tione quæst. 6. num. 8. asserit, quòd stabilita hæc
 & decisa in favorem Canonorum Regularium
 Lateranensium, non extendantur ad alios Abba-
 tes & Canonicos Regulares cæterarum congre-
 gationum etiam sub Augustino militantium: Et

ideò

ideò minùs benè (inquit) Ioseph Mozagrungus lib. 2. & 8. fol. 9. pag. 2. probare contendit, sententiam à Pio IV. ad favorem Canonorum Regularium Lateranensium latam, equè pro Canonicis suæ congregationis S. Salvatoris Bononiensis facere; cùm ex ejusdem sententiæ verbis id non satis appareat, imò contrarium eliciatur; cùm in eâ Lateranensis tantùm congregationis Canonici nominentur. Ideò meritò illius dicta circa hoc confutantur à Gabr. Pennotto Histor. tripart. Canonic. Regul. lib. 2. cap. 53. num. 12. ubi testatur dictæ congregationis S. Salvatoris Bononiensis Canonicos in eâ causâ, ne per somnium quidem nominatos, sed neque laborum vel expensarum participes fuisse. Ita ille.

Respondeo Gabrielem Pennottum, quem sequitur hoc loco Ascanius, ostendere incunabula Canonorum Regularium S. Salvatoris Bononiensis esse origine & institutione recentiora, nec eos ex se esse Canonicos Regulares S. Augustini, sed ad summum ex privilegio; differunt enim & professione & habitu à Canonicis Regularibus S. Augustini propriè dictis, ut ille multis probat libro citato cap. 51. 52. 53. quare mirum non est decisionem Pontificum ad hos non esse extendendam.

Cæterum idem Gabriel Pennottus eodem lib. cap. 71. num. 3. probat omnes Canonicos Regulares qui sunt verè de illis à D. Augustino & à SS. Apostolis institutis, ratione prioris illorum institutionis, & etiam ratione Clericalis dignitatis, quæ illis per essentiam, & non ex accidenti inest (quæ sunt duo fundamenta Pontificiæ decisionis) omnes Monachos præcedere debere: *Licet in dictâ sententiâ* (verba sunt Pennotti) *de solis Lateranensibus mentio habeatur, quia à paritate & identitate rationis optimè infertur ad paritatem & identitatem juris.* Ita Pennottus, qui etiam suprà dixerat pro comperto se habere Canonicos Regulares ordinis S. Augustini in Galliâ, Germaniâ, & Belgio residentes esse tales, & speciatim ac expressè inter eos recenset Canonicos Regulares Aroasienses eod. lib. cap. 74. num. 1. unde & idem Pennottus initio præcitati capitis 71. dicit jus præcedendi cæteros ordines in Conciliis, processionibus, & aliis actibus publicis & privatis toti ordini Canonico Regularium S. Augustini generaliter esse concessum. Idem etiam tenet doctissimus Navarrus suprà, quem sequitur Rodericus tom. 3. qq. Regularium q. 37. art. 1. & alii. Consule quæ suprà notavimus ex

Rode-

Roderico in part. 4. superioris nostri tractatûs num. 269. & quæ scripsimus suprâ partis 2. parte poster. cap. 10. num. 184.

Nec his adversari deberet Adversarius, qui Commentario in regulam S. Benedicti num. 893. scribit: *Doctores communiter docere leges debere extendi ad casus similes, & in praxi multos casus difficiles per alios similes eos solere explicare.* Hactenus de sententiâ & brevi executorio Pii IV. Hic autem Pontifex re & nomine verè pius, optimè meritus est de ordine Canonico, quem adeò dilexit, ut Canonicos Regulares S. Augustini in Lateranensem basilicam reducere summoperè optârît, quod & præstitisset, nisi negotium ab ipsis fuisset aut neglectum, aut ad veteres discordias cum Canonicis secularibus cavēdas dissimulatum, de quâ negligentia Canonici ordinis Superiores non semel, nec leviter ab eo fuerunt objurgati. Cujus rei fidem faciunt litteræ reductionis prædictæ, nondum tamen expeditæ, cum conventionibus inter partes initis, & conventu pro eâdem Lateranensi basilicâ designato, quæ ad rei memoriam servantur in Archivo Romano Canonice S. MARIÆ de Pace, & quas se vidisse testatur Pennottus Gener. Hist. lib. 3. cap. 45. num. 3.

Pium IV. immediatè secutus, est ejusdem nominis & pietatis hæres, Pius V. qui edidit sequentem.

Bulla Pii V. Motu proprio eandem controversiam & sententiam terminantis & declarantis in favorem Canonorum Regul. eorundem.

„ 338. **P**IUS Episcopus servus servorum Dei
 „ ad perpetuam rei memoriam. Cùm
 „ ex ordinum diversitate, qui in Dei Ecclesiâ re-
 „ periuntur, illa castrorum aciei comparetur,
 „ illius autem gubernium Rom. Pontific. B. Pe-
 „ tri vero successoris sit demandatum, nemini mi-
 „ rum videri debet, si ille curæ sibi divinitus com-
 „ missæ invigilans, cuilibet quod suum est, be-
 „ nignè concedendo, & quæ clara etiam sui
 „ ipsorum natura sunt, ne in recidux contentio-
 „ nis scrupulum relabantur, opportunæ declara-
 „ tionis, ac novæ concessionis remedio consoli-
 „ dat, ut quibusvis sublatis obstaculis, quilibet
 „ pacis amœnitate frui liberè possit, ac scandalo-
 „ rum occasio penitus tollatur. Cùm itaque sicut
 „ accepimus, dilecti filii universi Canonici Reg.
 „ ordinis S. Augustini congregationis Lateranen-
 „ sis qui ab Apostolis originem traxerunt, quique
 „ ab

Nota.

„ ab eodem S. Augustino eorum Reformatore,
 „ iterum per reformationis viam mundo geniti
 „ meritò prætere possunt, se omnes alias per-
 „ sonas Ecclesiasticas, tam sæculares, quàm Re-
 „ gulares in processibus & aliis actibus publi-
 „ cis præcedere debere. Cùm tamen non liceat
 „ membra à capite separare, sed tamen eis locum
 „ debitum assignare, ipsorumque indemnitati, ut
 „ sine populi scandalo in publicum prodire, ex-
 „ emploque potiùs cæteris Christi fidelibus esse
 „ possint, consulere volentes, atque omnium ac
 „ singularum litium, quæ forsàn super præmissis
 „ exortæ sunt, aut exoriri quoquo modo possint,
 „ status, & merita, nominaque, & cognomina lu-
 „ dicum, & collitigantium præsentibus pro ex-
 „ pressis habentes.

„ Motu proprio, non ad dictorum Canonico-
 „ rum, vel alicujus alterius pro eis super hoc no-
 „ bis oblata petitionis instantiam, sed ex certâ
 „ scientiâ nostra, & de Apostolicæ potestatis ple-
 „ nitudine, omnes & singulos Canonicos prædi-
 „ ctos ubique locorum existentes, quos deinceps
 „ processibus, & aliis actibus publicis vel pri-
 „ vatis interesse contigerit, statim ipsum Clerum
 „ sæcularem non exemptum subsequi dum ipsi

„subsequendo præcedunt; dum præcedēdo præce-
 „dunt illum immediatè sequi debere auctoritate
 „Apostolicà per præsentēs declaramus. Ac insuper
 „in omnibus locis in quibus talis viget consuetu-
 „do in processionibus, ut dicti Clerici non ex-
 „empti, præcipuè quando Canonici alicujus Ec-
 „clesiæ Cathedralis paramenta Ecclesiastica in-
 „duunt, ut cultus divinus magis vigeat, ac ut
 „sanctissimum corpus Christi, vel aliæ reliquiæ,
 „quæ processionaliter deferuntur, decentiùs ac
 „honorificentius associantur; aut quando hoc
 „ipsius ordinarii mandato continget, ipsi Cano-
 „nici similiter, ac illi pluvialia, planetas, tuni-
 „cellas, & alia paramenta super eorum Clerica-
 „lem habitum deferre, nec non pro cruce affo-
 „ciandâ, quæcunque luminaria deferre liberè &
 „licite possint, statuimus & ordinamus.

„Districtiùs inhibentes quibusvis locorum or-
 „dinariis, etiamsi Patriarchali, Provinciali, Ar-
 „chiepiscopali, & aliâ dignitate præfulgeant sub
 „excommunicationis majoris, & indignationis
 „nostræ pœnâ, ne eosdem Canonicos, seu ali-
 „quem eorum molestare, aut præmissa quovis
 „modo declarare aut interpretari audeant.

„Decernentes præsentēs litteras nullo unquam
 „tempore

„ tempore subreptionis vel obreptionis vitio, aut
„ intentionis nostræ, vel quopiam alio defectu,
„ etiam ex eo quòd locorum ordinarii, aut alii for-
„ san interesse habentes vocati non fuerint, aut
„ nullitatis notari, imputari, invalidari, ad termi-
„ nos juris deduci, in jus vel controversiam vo-
„ cari, causamque vel causas, quare præmissa à
„ nobis emanaverint, verificandum nullatenus
„ teneri, nec ob id viribus carere, minusque sub
„ quibusvis similium & dissimilium gratiarum re-
„ vocationibus, sustentationibus, limitationibus,
„ aut aliis contrariis dispositionibus comprehen-
„ di; sed semper ab illis exceptas, & quoties illæ
„ emanabunt, toties in pristinum statum restitu-
„ tas, repositas, ac plenariè reintegratas etiam
„ sub Dat. per ipsos Canonicos eligenda esse,
„ sicque ab omnibus censi. Et ita per quos-
„ cunque Iudices & Commissarios, etiam cau-
„ sarum palatii Apostolici auditores, ac S. R. E.
„ Cardinales, & ipsosmet ordinarios, sublatâ eis
„ & eorum cuilibet, quâvis aliter judicandi &
„ interpretandi facultate & auctoritate judicari
„ & definiri debere.

„ Irritum quoque & inane si secus super his
„ à quocunque, quâvis auctoritate, scienter vel

„ ignoranter contigerit attentari. Quocirca di-
 „ lectis filiis D. Congregationis Protectori, seu
 „ ejus Vice-protectori, & causarum curiæ Cam.
 „ Apostolicæ Generali Auditori, ac Vicario ven.
 „ fratris nostri Episcopi Lauden. in spiritualibus
 „ Generali per Apostolica scripta motu simili
 „ mandamus, quatenus ipsi vel duo, aut unus eo-
 „ rum per se vel alium seu alios præsentis litte-
 „ ras, & in eis contenta quæcunque ubi & quan-
 „ do opus fuerit, ac quoties pro parte Canonico-
 „ rum prædictorum, vel alicujus eorum fuerint
 „ requisiti, solemniter publicantes, illisque in
 „ præmissis efficacis defensionis præsidio assisten-
 „ tes, faciant auctoritate nostrâ eosdem Canoni-
 „ cos, illorumque singulos præmissis omnibus &
 „ singulis vi præsentium, continentia, & tenore
 „ pacificè frui & gaudere.

„ Non permittentes eos, seu eorum aliquem
 „ desuper per quoscunque indebitè molestari,
 „ perturbari, & inquietari. Contradictores quos-
 „ libet & rebelles, ac præmissis non parentes, per
 „ censuras & poenas Ecclesiasticas, aliaque op-
 „ portuna juris remedia, appellatione postpositâ
 „ compescendo, nec non legitimis super his ha-
 „ bendis servatis processibus, illas censuras & pœ-

, nas ipsas incurrisse declarando , nec non eos
, etiam iteratis vicibus aggravando, invocato et-
, iam ad hoc , si opus fuerit, auxilio brachii sæ-
, cularis, non obstante felicitis recordationis PP.
, Bonifacii prædecessoris nostri, etiam quâ ca-
, veatur, ne quis extra suam civitatem vel Diœ-
, cesim, nisi in certis exceptis casibus & illis ul-
, tra unam diætam à fine suæ Diœcesis ad judi-
, cium evocetur, seu ne Iudices à Sede Aposto-
, licâ deputati extra civitatem vel Diœcesim in
, quibus deputati fuerint, contra quoscunque
, procedere, aut alii vel aliis vices suas commit-
, tere præsumant, ac de duabus diætis in Con-
, cilio Generali edita dummodo ultra tres diætas
, quis vigore præsentium ad iudicium non tra-
, hatur, ac aliis Apostolicis in Provincialibus
, ac Synodalibus Conciliis editis specialiter,
, vel generaliter constitutionibus, & ordinatio-
, nibus, ac etiam juramento, confirmatione Apo-
, stolicâ, vel quâvis firmitate aliâ roboratis, sta-
, tutis, & consuetudinibus, etiam immemorabi-
, libus, privilegiis atque indultis, & litteris Apo-
, stolicis, quibusvis Ecclesiis, congregationibus,
, capitulis, collegiis, monasteriis, & aliis locis,
, eorumque superioribus & personis sub quibus-

„vis tenoribus & formis, ac cum quibuscvis clau-
 „sulis, etiam derogatoriis derogatoriis, irri-
 „tantibusque, & aliis decretis, motu, scientiâ, &
 „potestate similibus, etiam consistorialiter con-
 „cessis, approbatis, & innovatis.

„Quibus omnibus etiam si de illis eorumque
 „totis tenoribus specialis, specifica, & expressa
 „mentio, seu quævis alia expressio habenda, aut
 „aliqua alia exquisita forma ad hoc servanda fo-
 „ret, tenores hujusmodi, ac si de verbo ad verbum,
 „nihil penitus omisso, ac forma illis tradita ob-
 „servata, inserti forent eisdem præsentibus, pro
 „sufficienter expressis habentes, illis aliàs in suo
 „robore permanens, hâc vice duntaxat specia-
 „liter & expressè derogamus.

„Contrariis quibuscumque, aut si aliquibus
 „communiter vel divisim ab Apostolicâ sit Sede
 „indultum, quòd interdici, suspendi, vel excom-
 „municari non possit, per litteras Apostolicas
 „non facientes plenam & expressam de verbo
 „ad verbum de indulto hujusmodi mentionem.

„Nulli ergò hominum liceat hanc paginam
 „nostræ declarationis, statuti, ordinationis, inhi-
 „bitionis, decreti, mandati, & derogationis in-
 „fringere, vel ei ausu temerario contraire. Si
 „quis

„ quis autem hoc attentare præsumpserit, indi-
 „ gnationem omnipotentis Dei & beatorum Pe-
 „ tri & Pauli Apostolorum ejus, se noverit in-
 „ cursurum. Datum Romæ apud S. Petrum anno
 „ Incarnationis Dominicæ MDLXX. 10. Kalend.
 „ Ianuarii, Pontificatûs nostri anno V.

*CC. Alphons. D. ac Ioann. de Monsoi pro comp.
 G. Deldado. V. Macaran. Alex. Peregrinus.
 A. Canitranen. Ru. Bonfiolus. C. Math.*

„ A tergo in calce registratum in Camerâ Apo-
 „ stolicâ
Iu. Mandosius.

Extat apud Pennottum lib. 2. cap. 72. num.
 7. apud quem eodem lib. 2. cap. citato num. 6.
 hæc legitur quam subjungo.

„ 332. **C**UM superioribus diebus, die videli-
 „ cet 4. Augusti, præsentis anni 1603.
 „ S. D. N. Clemens Papa VIII. in congregatio-
 „ ne illustrissimorum Dominorum Cardinalium,
 „ super negotiis Episcoporum & Regularium, &
 „ ex voto ejusdem congregationis super contro-
 „ versâ inter Canonicos Regulares Lateranen-
 „ ses, & Monachos S. Benedicti congregationis
 „ Cassinensis, ortâ occasione præcedentiæ in con-
 „ grega-

„gregatione nuncupatâ Sapiëntia, quæ in civi-
 „tate Patavii celebratur coram Episcopo, inter-
 „venientibus in eâ uno ex Canonicis, & uno ex
 „Monachis prædictis, mandaverit observari sen-
 „tentiam aliâs inter eosdem Canonicos & Mo-
 „nachos latam à fælicis recordationis Pio IV.
 „prout jacet. Cumque deinde alia nova diffe-
 „rentia in eâdem congregatione Patavinâ inter
 „eosdemmet orta sit, prætendens Monachus Cas-
 „sinensis, ut non solum Canonicus Regularis
 „Lateranensis (ad hoc ut juxta dictam senten-
 „tiam sit præferendus & anteponendus in dignio-
 „re loco) teneatur dimittere superiorem vestem,
 „pallium, seu cappam nigram, sed etiam indue-
 „re super lineâ veste quam rochetum vocant,
 „aliud superpelliceum lineum, vulgò cottam
 „nuncupatum, quemadmodum solet fieri ab ipsis
 „Canonicis Regularibus in publicis processio-
 „nibus. Eadem sacra congregatio negotio matu-
 „rè discusso declaravit sufficere, ut ipsi Cano-
 „nici Regulares Lateranenses in omnibus actis
 „publicis & privatis, & sic etiam in eâdem con-
 „gregatione Patavinâ, remaneant (dimissâ tan-
 „tummodò superiori veste nigrâ) in lineâ veste,
 „videlicet in rochetto, absque alio superpelliceo,
 „ & tunc

„ & tunc intelligantur esse in habitu Clericali
 „ juxta eandem sententiam Pii IV. & ita obser-
 „ vari mandavit Romæ die 1. Septembris 1603.

*Determinatio per sanctissimum Patrem facta in causâ
 habitus Prælatorum ex ordine Cano-
 nicorum Regularium S. Au-
 gustini assumptorum.*

*Venerabili fratri Zachariæ Episcopo Sebastienfi,
 Prælato nostro domestico.*

LEO PAPA X.

„ 340. **V**enerabilis frater salutem & Aposto-
 „ licam benedictionem. Dudum cùm
 „ ad Ecclesiam Sebastiensem à nobis de venera-
 „ bilium fratrum nostrorum S. R. E. Cardina-
 „ lium consilio promotus esses in Pastorem, du-
 „ bitatum fuit à nonnullis, an tu, qui ordinem
 „ Canonorum Regul. S. Aug. expressè profes-
 „ sus eras, in habitu, & coloribus Prælati sæcula-
 „ ribus de jure vel consuetudine permissis ince-
 „ dere posses, prout incedebas: & cùm quæstio
 „ hujusmodi ad nos perlata fuisset. Nos causam
 „ ipsam maturè determinare desiderantes, vene-

A a a a

„ rabili

„rabili fratri nostro Nicolao Episcopo Albanensi,
 „tunc titulo S. Priscæ Presbytero Cardinali de
 „Flisco nuncupato, vivæ vocis oraculo commi-
 „simus, ut super his se diligenter informaret,
 „& demum nobis referret. Cùm autem præfa-
 „tus Nicolaus Episcopus nobis retulerit, de an-
 „tiquâ consuetudine in pluribus locis, etiam in
 „Romanâ curiâ, ubi Pontifex residet, receptum
 „fuisse, ut Canonici Regul. hujusmodi in Epi-
 „scopos promoti, tam in capellâ nostrâ, quàm
 „extra, utantur habitibus & coloribus, quibus
 „utuntur alii Clerici sæculares in Episcopos pro-
 „moti. Nos propterea juxta relationem nobis
 „factam ut præfertur, fraternitati tuæ vivæ vo-
 „cis oraculo concessimus, ut habitus & colores
 „quos dicti Clerici sæculares in Episcopos pro-
 „moti, tam in capellâ nostrâ quàm extra gestant,
 „gestare posses, & ita etiam tenore præsentium
 „auctoritate Apostolicâ de novo concedimus,
 „in contrarium non obstantibus quibuscunque.
 „Datum Romæ apud S. Petrum sub annulo Pi-
 „scatoris die 1. Septembris MD.XIX. Pontifi-
 „catûs nostri anno VII.

Nota, Zacharias hic cognominatus est Lilius,
 fuit patriâ Vicentinus, & Canonicus Reg. S Bar-
 tholomæi.

tholomæi Vicentiæ Leoni X. familiaris. Pennot. lib. 3. cap. 34. huic difficultatem circa habitum moverat Paris Grassus Magister cæremoniarum; quâ occasione edidit Zacharias Ferrerius Iureconsultus clarissimus librum de proprio habitu Canonorum Regularium, in quo doctissimè & solidissimè probat, Canonicos Regulares ad Episcopatum & Cardinalatum evectos, habitu Canonorum, & cæterorum Clericorum sæcularium, qui ad gradus similes assumuntur, legitimè uti posse; quam sententiam Leo X. hoc decreto publico promulgato probavit, quod habetur in bullario inter bullas hujus Pontificis constitutione 34. & confirmat cæremoniale Romanum, inquit Pennott. lib. 3. c. 42. & extat apud Ascanium Tumburinium tom. 1. de jure Abbatum disp. 20. quæst. 3. num. 25. ex quo etiam pro coronide hujus partis notanda duxi quæ ibidem lego num. 14. *Argumentum scilicet, à simili esse validum, ut Doctores in cap. jus naturale 1. dist. 2. & illa quæ in jure ponuntur gratiâ exempli, non restringunt regulam juris ad expressa tantum, sed etiam ad alia similia, ut Clem. 1. ne Clerici vel Monachi §. Haftenus de gradibus. Item quod ibidem lego num. 17. Argumentum, nimirum, ab identitate rationis esse*

fortissimum, ut in cap. 1. Romanor. 19. dist. cap. consuetudo 2. dist. cap. si Laicis 31. dist. cap. de hymnis, de consecrat. dist. 1. l. illud ff. ad l. Aquilianam. Quare jure merito asseruit Pennottus loco suprà citato, quòd licèt sententiæ & diplomata jam recitata tantùm faciant mentionem Canonorum Regular. ordinis S. Augustini congregationis Lateranensis, eadem tamen etiam locum habere in omnibus Canonicis Regularibus ejusdem ordinis S. Augustini cujuscumq; sint congregationis, & signanter Arosiensis, quamvis ea jam à longinquo tempore esse desierit; quia ubi eadem est ratio, idem jus servari debet. lege illud ff. ad legem Aquilianam jam citatam, & cap. dudum 2. de electione. Equidem certum est quod Canonici Regul. Lateranenses non tantùm præcedant Monachos Benedictinos Cassinenses, sed etiam Camaldulenses, Olevitanos, Vallis-umbrosæ, &c. quamvis hi in diplomatibus, nominatim non exprimantur; quidni ergò & reliqui Canonici Regulares S. Augustini non-Lateranenses præcedant, quamvis expressè non nominentur in bullis? Sicut enim reliqui Benedictini Monachi in Cassinensibus, fuerunt victi; ita & reliqui Canonici Regul. Augustiniani in Lateranensibus fuere victores.

Diploma

*Diploma Alexandri Papæ III. datum Abbatiali Ecclesiæ S. Bartholomæi de Eechout; superest etiam-
num autographum in Archivis.*

„341. **A**lexander Episcopus servus fervorum
 „ Dei dilectis filiis, Arnulpho Abbati
 „ Ecclesiæ S. Bartholomæi de Eechout, ejusque
 „ fratribus tam presentibus quam futuris regula-
 „ rem vitam professis in PP. M. Cum sitis regu-
 „ larem vitam Domino inspirante professi. Paci
 „ vestræ paternâ consideratione prospicimus, &
 „ ne possitis malignorum vexationibus fatigari,
 „ Apostolicum vobis patrocinium exhibemus.
 „ Eapropter dilecti in Domino filii, vestris justis
 „ postulationibus clementer annuimus, & præ-
 „ dictam Ecclesiam S. Bartholomæi, in quâ di-
 „ vino estis obsequio mancipati, sub B. Petri &
 „ nostrâ protectione suscipimus, & præsentis scri-
 „ pti privilegio communimus. In primis siqui-
 „ dem statuentes ut ordo Canonicus qui secun-
 „ dùm Deum & B. Aug. regulam in vestrâ Eccle-
 „ siâ institutus esse dignoscitur, perpetuis ibidem
 „ temporibus inviolabiliter observetur. Præter-
 „ ea quascunque possessiones, quæcunque bona
 „ eadem Ecclesia in præsentiarum justè ac Cano-

Notat.

„ nicè possidet, aut in futurum concessione Pon-
 „ tificum, largitione Regum, vel Principum, ob-
 „ latione fidelium, seu aliis justis modis præ-
 „ stante Domino poterit adipisci, firma vobis,
 „ vestrisque successoribus & illibata permaneant.
 „ Sanè sepulturam ipsius loci liberam esse decer-
 „ nimus, ut eorum devotioni & extremæ volun-
 „ tati qui se illic sepeliri deliberaverint, nisi fortè
 „ excommunicati vel interdicti sint, nullus ob-
 „ sistat. Salvâ tamen justitiâ illarum Ecclesiarum
 „ à quibus mortuorum corpora assumuntur. Ob-
 „ eunte verò te nunc ejusdem loci Abbate, vel
 „ tuorum quolibet successorum nullus ibi quâ-
 „ libet subreptionis astutiâ, seu violentiâ præpo-
 „ natur, nisi quem fratres communi consensu,
 „ vel fratrum pars consilii sanioris secundum Dei
 „ timorem, & B. Augustini regulam providerint
 „ eligendum. Nihilominus etiam arctiùs inter-
 „ dicimus ne Episcopo, Archidiacono, vel eorum
 „ ministerialibus Canonicis seu Clericis aliis pro
 „ confirmatione, intronizatione, vel pro benedi-
 „ ctione Abbatis vestri, palefridum, cappam se-
 „ ricam, aut quidquam aliud facultas vel licentia
 „ pateat à vobis obtentu cujuslibet consuetudinis
 „ exigendi. Si verò pro his à vobis quidquam exe-
 „ gerint,

„ gerint, cùm detestabile sit & obvium rationi,
„ liberè vobis liceat eis quod postulaverunt de-
„ negare. Ad hæc cùm generale interdictum ter-
„ ræ fuerit, liceat vobis clausis januis exclusis ex-
„ communicatis & interdictis non pulsatis cam-
„ panis suppressâ voce divina officia celebrare.
„ Decernimus ergò ut nulli omninò hominum
„ liceat præfatam Ecclesiam temerè perturbare,
„ aut ejus possessiones auferre, vel ablatas reti-
„ nere, minuere, vel aliquibus vexationibus fati-
„ gare. Sed omnia integra conserventur eorum
„ pro quorum sustentatione ac gubernatione con-
„ cessa sunt, usibus omnimodis profutura, salvâ
„ Sedis Apostolicæ auctoritate, & Diocesani Epi-
„ scopi Canonica justitia. Siqua igitur in futu-
„ rum Ecclesiastica sæculariſve persona hanc no-
„ stræ constitutionis paginam sciens contra eam
„ temerè venire temptaverit secundo tertiove
„ commonita, nisi reatum suum dignâ satisfactione
„ correxerit, potestatis, honorisq̃ue sui dignitate
„ careat, reamq̃ue se divino judicio existere de-
„ perpetratâ iniquitate cognoscat, & à sacratissi-
„ mo corpore, ac sanguine Dei & Domini Red-
„ emptoris nostri Iesu Christi aliena fiat, atque
„ in extremo examine districtæ ultioni subjaceat.

n. Cunctis

560 PONDERIS SANCTVARII

„Cunctis autem eidem loco sua jura servanti-
 „tibus sit pax Domini nostri Iesu Christi. Qua-
 „tenus & hîc fructum bonę actionis percipiant,
 „& apud districtum Iudicem præmia æternæ
 „pacis inveniant. Amen, Amen, Amen.

Ego Alexander Catholice Ecclesiæ
 Episcopus subscripsi.

Ego Hubaldus Hostiensis Episco-
 pus. SS.

Ego Theodir. Portuens. & S. Rufinæ
 Episcopus SS.

Ego Hugo Presbyter Cardin. tit.
 S. Clementis SS.

Ego Matth. Presbyter Cardin. tit.
 S. Marcelli SS.

Ego Ardicio Diac. Cardin. S. Theo-
 dori. SS.

Ego Gratian. Diac. Card. SS. Cosmæ
 & Damiani SS.

Ego Iohannes Diacon. Cardin. S. An-
 geli SS.

Ego Ramerius Diac. Cardin. S. A-
 driani SS.

Ego Matth. S. Mariæ novæ Diac.
 Card. SS.

Ego

S.	S.
Petrus	Paulus
Alexa	nder
PP.	III.

Vias tuas Domine demonstra mihi.

*Ego Paulus SS. Sergi & Bachi
Diac. Card. SS.*

„Dat. Velletr. per manum Alberti S. Rom.
„Presbyt. Cardin. Cancellar. 4. Idus Ianuarii
„indict. 3. Incarnat. Dom. anno MCLXXIX.
„Pontificatûs verò Domini Alexandri PP. III.
„anno XXI.

*Ex Archivis celebris Abbatialis Cœnobii S. Nicolai
de Pratis, vulgò S. Marci, ordinis Canoniorum
Reg. S. Augustini nunc in civitate Tornacensi.*

„342. **I**N nomine Patris, & Filii, & Spiritûs
„Sancti. Amen.

„Ego Everardus Dei gratiâ Tornacensis Epi-
„scopus, omnibus ad quos istæ litteræ pervene-
„nerint in perpetuum. In hoc speculam domûs
„Domini adscendimus, ut quæ infirma sunt ro-
„boremus, & quæ suo robore sunt infixa, ne ali-
„quâ incursione detrimentum sustineant Pastro-
„rali sollicitudine tueamur. Ut fortes à nobis ro-
„boris munimentum accipiant, & infirmi unde
„subleventur solatium à nobis percepisse se sen-
„tiant, quia non solùm officii nostri est indi-
„gentibus subvenire, sed etiam bona volentibus

B b b b

„opem

„ opem ferre, hâc solitudine inducti Ecclesiæ
 „ B. Nicolai de Pratis extra Tornacum altaria
 „ Hedenghem, Gelevelch, Hinguddeghem, Led-
 „ hem, quæ Gosuinus fratris mei Fastredi filius
 „ in manus nostras liberè & sine conditione resi-
 „ gnavit, intuitu Religionis pro remedio animæ
 „ nostræ, & celebratione Anniversarii nostri in
 „ perpetuum faciendi, seu etiam pro expiatione
 „ Prædecessorum nostrorum Tornacensium Pon-
 „ tificum, vel parentum nostrorum, salvo jure
 „ nostro & ministrorum nostrorum, liberè in
 „ perpetuum possidenda donavimus. Et ne per
 „ revolutiones temporum in aliquâ nostrâ dona-
 „ tio suo robore minuatur præsentem paginam
 „ sigilli nostri impressione munivimus. Si quis
 „ huic paginæ calumniam in præjudicium doni
 „ nostri movere tentaverit, vel eam aliquatenus
 „ infirmare præsumperit donec ad satisfactio-
 „ nem venerit, & erratum suum correxerit judi-
 „ cium Dei viventis incurrat, & partem cum Da-
 „ tan & Abyron quos terra vivos absorbit ac-
 „ cipiat. Porro ut præsens pagina, in amplioris
 „ roboris exsurgat incrementum, nomina testium
 „ qui donationi interfuerunt dignum duximus
 „ annotare. S. Domini Everardi Tornacensis Epi-
 „ scopi,

„scopi, S. Arnulphi Archidiaconi, S. Thomæ,
 „Theodorici, Gouteri, Presbyterorum; S. Ma-
 „gistri Gilberti, Galteri de Iabeka, Gossuini,
 „iterum Gossuini Canonorum; S. Matthæi Si-
 „clinienſis Præpoſiti; S. Gerardi Abbatis Gan-
 „denſis, S. Arnuldi Abbatis de Eechout, S. Da-
 „nielis Abbatis de Sonnebecq, S. Samuelis Ab-
 „batis de Los, S. Danielis Abbatis de Cam-
 „bron, S. Ioannis Abbatis de Thofan, S. Theo-
 „berti Prioris de Cyſonio. Actum Tornaci anno
 „Dominicæ Incarnationis MCLXXIX. confe-
 „crationis noſtræ VII. 13. Kalend. Auguſti.

Nota, Arnuldus Abbas de Eechout, & Da-
 niel Abbas de Sonnebecq erant ordinis Cano-
 nicorum Regularium S. Auguſtini; Samuel verò
 Abbas de Los, Daniel Abbas de Cambron,
 Ioannes Abbas de Thofan, ordinis Ciftercien-
 ſis. Porro præfatus Arnuldus Abbas de Eechout
 idem eſt qui & Arnulphus, ſeu Arnolfus, qui
 ab Alexandro III. præcedens diploma impetra-
 vit, eodem enim anno ab Arnuldo, & illud di-
 ploma impetratum, & hoc inſtrumentum ſigna-
 tum: ex quo manifeſtè apparet, Abbatem Eec-
 houtanum in eâ congregatione Cleri Tornacen-
 ſis digniorem locum tenuiſſe, reſpectu Abbatis

Baronius
ad annum
355.

Sonnebecani; & hunc, & illum respectu reliquorum Cisterciensis ordinis Abbatum, ibidem presentium, & hic commemoratorum. Priorem autem subscriptionem, ab antiquis temporibus habitam, semper fuisse digniorem, & præcedentiæ signum patet ex mirabili facto S. Eusebii Vercellensis Episcopi & Martyris, qui Mediolani ut Athanasii damnationi subscriberet, ab Hæreticis rogatus, facturum se dixit, si deletio nomine Dionysii, sibi tanquam seniori primum locum ad subscribendum concessissent: sed cum deleta statim ipsius Dionysii subscriptione, chartam ad scribendum porrigerent, subscribere noluit; & ita Dionysium mirabili sapientiâ liberavit.

Quod annotasse placuit contra Adversarium, qui alibi se hujusmodi subsignationis ordinem non magni facere insinuavit.

Ex Archi-
vis civita-
tis Brugensis.

De kennisse ende oortontschepe bande Prelaten die waren ter casseringhe vanden ouden Zeghel der Stede van Brugge / ende ter solemnifatie vanden nieuwen Zeghel. in daten M.CCC.U.

343. **A** Tous chians qui ces presentes lettres verront
& oyront. Nous Pierre par la souffrance
de

de Dieu de S. Andrieu dencoste Bruges de l'ordre de S. Benoiët, Wouttier de le mesme souffrance de S. Barthelmeu de l'Eechout en Bruge de l'ordre d'Arrouase, & frere Willaume de le Capielle de les Bruges de l'ordre de Cisteaux. dictz Abbez. Prieur de l'ordre des freres Prescheurs en Bruges, Gardien des freres Mineurs en Bruges, & le Doyen de le Chrestiente en Bruge salut. Comme le semmedy apres le jour de Pasque pardeuant nous à che semons & requis. aient monstre li Esceuin, li Bourgois, & toute li Communité de le ville de Bruges que le saiel dont il auoient vsé. dusques à l'heure dadont, par asses de parfaicte raisons necessaires & conuenantes qu'il nous monstrerent euidentement & expressement, & pariurerent par liberal & conuenable tesmoignage avec tout chou. que on en vseroit ou pourroit vser pour le temps auenir sauuei en robur deut & en fermetei perpetuelle quicunque pour le temps passei on. en ouoit vsé, il cassoint, annulloint & prononchoint de nulle valeur & moment, & le nous monstrerent souffisanment cassei, & nous monstrerent un saiel à enprente, intitulation, & sculpture certaines & assureans lequel il requisent par grand volunte & diligence estre celebri. & confirmei pour eux vser. Eans & le corps de le ville en forme & maniere dentes & vse. du temps passei. Sachent tout

De le Capielle, alias de Thofan, vulgò Doeft.

que à le requeste de dicts Escheuins, Bourgois, & Communité nous recognossons & tesmoignons le premier dit saiel de leur volonte en le maniere, & par les raisons dessusdicts, estre casseé, annulleé, & prononche de nulle valeur & le saiel dessusdict de nouel confirmeé, nous tesmoignons de leur volonte, desir, & requeste, estre faict, authorisé, & confirmeé à user pour le corps de le ville pour le temps auenir ce cest iour & heure en auant, en forme & maniere dentes & uses en le dicte ville ou temps passeé. Et pour accomplir toutes les solemnités à che afferans, li dict Escheuins, Bourgois, & Communité de le ville de Bruges pour tout le corps de le ville, pour eaus & pour leur Successeurs quicunque du saiel passeé auoit esté eusque au iour & le eue dore, fait consentu conuenenche permis & saele. Il ratifierent & permirent à tenir fermement à tous iours sans corrompre, blecher ne enfreindre sus l'obligation des eaus, de leurs successeurs & dou corps de le ville de Bruges dessusdict. Et obligerent & lyerent eaus, leurs successeurs, & les corps de le ville de Bruges à tenir fermement à tousiours quicunque dou dict saiel de nouel confirmeé, on feroit, useroit, conuenencherait, consentiroit & permetteroit, & sacleroit dou iour & del eue de huy pour le temps auenir, & quant à

chou

chou & toute chou que dessus est dict de point en point il renoncherent à tout exceptions, fraudes, cauillations, à tout droicts, loiz, escrys, & ne une escriu à tous vsages, à tous immunemens des priuileges, de liberteis, de apostele, ou des se soinges de Empereurs, de Roys, de Duchs, de Contes, de Barons, & à tous drois de Chrestientei, & de le loy mondaine, & closement à toutes choses qui ayder leur pourroint à blecher & enfreindre ne le tout ne le partie des choses susdictes sus l'obligation dessusdictte toutes les choses dessusdictes: li dit Escheuin, Bourgois, & Communitai de le ville de Bruges souuent dite, ont reconnu pardauant nous, & acceptai, & permis quiconque on saclera en auant dou dit nouel saiel dont li enprentepent à ches presentes lettres en la derraine Relue, apres les nous saians à tenir loyaument & fermement si comme dessus est dict. Et nous Pierre, Waultiers, & frere Willaume par le souffrance de Dieu dit Abbez. Prieurs, Gardiens, & Doyen dessusdicts à le priere & requeste des Escheuins, Bourgois, & Communitai de le ville de Bruges souuent dis en signe de recognoissance & tesmoignage des choses dessusdictes auons à ces presentes lettres faict mettre nos saians avec l'emprente dou dict nouel saiel. Faict, recognu, consentu, & permis en le Hales de Bruges le Semmedi
dessusdict.

dessusdict à eue de nueue en l'an de grace mil, trois cens, & cinq.

Collation faicte avec son originel est ceste copie, avec icelle trouue accorder de mot à aultre, par moy Notaire Publyc resident à Bruges.

B E E R B L O C .

C O P I E .

344. **V**Eu au grand Conseil du Roy nostre Sire, le different meu sur requeste du vingtiesme d'Aougt 1629. enter l'Abbe de S. Iean en la ville de Valenciennne suppliant d'une part, & l'Abbe de S. Saluue Lez laditte ville rescribent d'aultre le Roy faisant droict garde, e maintient le dict suppliant en la preseance dont est question declarant ledict Rescribent en ses conclusions prinses au contraire non recepuable ny fondé, compensant les despens entre lesdicts parties, & pour cause. Prononcé à Malines le 6. de Septembre xvj.c. trent vng: plus bas estoit signé avec paraffe I. van Paeffenrode. Et aussi: collationné à son originel, en parchemin daté & signé que dit est, que trouué concorder de mots à aultre par le Notaire scubsigné ce xvij. iour de Decembre

bre 1631. tefmoin. & foubfigné I. le Dieu Notaire Publicq.

Nota. Abbas S. Joannis Valencenensis ordinis Canonorum Reg. S. Auguftini, Abbas verò S. Saluii ordinis S. Benedicti.

**Copie bande Acte bande provisionele
sententie.**

345. **E**hesien 'tProces hangende soo ter provisione als ten principale tusschen den eerweerdigen Heere den Prelaet vanden Duyzen heerschere in materie van maintenue ter eender sijde / ende den eerweerdighen Heere Prelaet vanden Eerhoute tot Brugge verweerdere ter andere / gemoebeert ter cause van prescance in alle publijcke Processien / vergaderinghen / obsequien / ende andere publijcke acten binnen der stede van Brugge ende elders / die elck bande voorsz. partyen mainteneert hem te competeren / ende daer van in possessie te wesen; 'thof uytende sijn aduys ter provisione / wijst den verweerder anne de respedentie bande sake litigieux op seekere ende voorsz recht te doene ten principale ordonneert

C c c c


beede

beide partyen ober te nemen elcanders inbens
 taris ende oberleggh/ om daer jegheus te dies
 nen van contradietien / ende daer naer van
 solutien duncket hunlieden goet / statrende
 de costen totter diffinitive. Gedaen in de Cas
 niere vanden Raede in Vlaenderen te Gent
 den 16. April 1631. onderteeckent

Massen.

EPILO





EPILOGVS.

346. **H**Æc quidem pro veritatis dilectione, quam *arrogantia non est vel querere, vel asserere*, & pro defensione ordinis Canonico-Augustiniani, juxta PONDUS SANCTUARII, id est, Diplomata Pontificia collibrata, in lucem proferenda habui; multa, ut aliquibus fortè videbitur, sed pro argumenti copiâ, pauca. Neque enim omnia quæ dici potuerunt, dicta sunt, sed quædam reservata urgentiori necessitati, si fortè Adversariis replicare placuerit, suo tempore & loco dicenda. Equidem paratum habeo Hagiologium Chronico-canonicum, cujus passim facta mentio, in quo velut in sacro quodam theatro, præcipuæ personæ utriusque sexûs suo sæculo exhibentur, & earum vitæ recitantur, quæ in ordine Apostolico-Canonico, ante & post Augustinianam reformationem per univ-
sum orbem, ab initio usque ad nostram ætatem

August.
contra
Crescon.
lib.4.

illustri sanctitate, miraculis, scriptis, & in sanctam Romano-Catholicam Ecclesiam meritis; vel alias insigniori præ cæteris sanctitate claruerunt: cui apparatus præfixi, in quo quædam huic argumento vicina tractantur, ubi secundo & uberiore calamo, fortè futuris Adversariorum replicis, poterimus respondere. Porro in hoc opusculo præsentè adornando, abstinui ab Oratorio fuco, eò vel maximè, quia video Adversarium illo delectari; summatim itaque, & per ordinatas certis numeris periodos, stylo simplici & scholastico magis, quàm Rethorico, neglexi ejus facundiam, utpote cum quo noluerim pueriliter componere pro imperio. Imitatus illorum priscorum Brahmanorum morem, de quo illorum quidam in epistolâ ad Alexandrum Magnum: *Artem benè dicendi non discimus, neque facundie Oratorum Rhetorumq; operam damus; cujus officium est falsitatis sermonibus figmentare mendacia, & innocentie fidem conferre criminibus.* Amator autem veritatis, *Qui suave clamat esse quod verum est*, hunc scribendi modum non habet ingratum; nam *Bonorum ingeniorum insignis est indoles, in verbis verum amare, non verba; quid enim prodest clavis aurea, si aperire quod volumus*

Vide Vir-
triacum in
Hittor.
Orient.
cap. 92.

August. e-
narrat. in
Psalm. 118.
vers. 39.

Idem de
Doctrinâ
Christianâ
lib. 4. c. 11.

mus non potest? & quid obest lignea, si hoc potest, quando nil querimus nisi patere quod clausum est? Dabis igitur veniam, Lector, verbis Barbaris, quibus frequenter in decursu hujus opusculi usi sumus; nam & Lipsius ipse, præsentibus hujusmodi vocabulis uti se profitetur, ut morbo & moribus hujus sæculi serviat.

Equidem præbere fidem non fucatæ assentantium gloriolæ, sed elucidandæ veritati servire proposui, & proinde clarè potiùs, & planè aliquando, quam purè & Latinè sum locutus, memor dicti S. Augustino familiaris, teste Sixto Senensi in Bibliothecâ: *Malo me reprehendant Grammatici, quàm non intelligant populi.* Quod verò hucusque siluerim, modestiæ fuit, non malæ conscientiæ, quo modo se excusat S. Hieronymus: *Vt aut agnoscam crimina, inquam, aut diluam, aut in accusatorem quæ objecta sunt retorqueam, & ostendam quòd huc usque silentium modestiæ fuerit, non malæ conscientiæ.* Dictum Catonis; *Sat citò, si fac benè*, usurpatum augustè ab Augusto Principe, teste Tranquillo in Actis ejus; quo Imperator, ut antiquitarum peritis notum, significatum voluit, quicquid benè, celeriter faciendum, qui adeò sic semper celer, ut præcipitem appella-

Lib. 1. ad-
versus Ru-
finum.

verit Lucanus in Pharsalicis: *Sit subitum quodcunque paras, sed Caesar in omnia princeps.* Mensibus aliquot, sed paucis præ materiæ pondere opusculum absolvi gravitatem rerum, celer agilitate superavi, diu noctuque, æstu geluque urebar cum Jacobo, recedebatque somnus ab oculis meis: neque lassitudinem unquam labor animo peperit; imò ita mens delitiabatur operi insudando, ut otiando mœreret, laborando gauderet, loqui liceat cum Oseâ vate, docta diligere trituram; vel cum Phœnice Aquilæ interroganti, respondente apud D. Cyrillum: *Quia in hoc igne, inquit, non doleo, sed delector, dum in generationem alterius totam me ipsam effundo;* nimirum cuncta sua beneficia, non sine magnâ delectatione liberalis natura naturans Deus communicat, nam cùm digestum cibum stomachus donavit, delectatur; omnis enim donatio liberalis cum jucunditate est cordis, ut verbis Cyrilli utar, & quemadmodum:

Labor improbus omnia vincit.

Virgil. Sic

Omnia vincit amor; omnia scilicet difficilia.

Aristot. Et

Delectatio perficit opus, si Philosopho credimus.

Itaque

Itaque opus *sat citò* quidem factum, sed an *sat benè* antequam prodiret, in publicum Docto-
rum proborumque judicium fuit expectandum &
tandem quod aliquot, ut dixi, mensibus ador-
natum est, non nisi post aliquot annos, è late-
bris in lucem venire compullum ab iis, qui do-
ctrinâ, prudentiâ, & in Auctorem auctoritate pol-
lentes, ita posse & debere fieri judicabant, quo-
rum judicio non stare, consilio non acquiesce-
re, imò imperio non parere mihi Religio vide-
batur.


Tandem Christianæ charitatis, & Augusti-
nianæ sinceritatis non immemor, magni Patris
Augustini, cujus ordinem propugnâvi, verbis
meum Antagonistam compellabo & dicam: *Cum*
videas nil à te dici potuisse, quod non hæc tua cau-
sa refellat atque convincat, da veniam si quo ver-
bo durius emisso te offendi. Quamquam excusari
posse videar hisce ejusdem S. Patris verbis in si-
mili causâ prolatis, & nostræ accommodandis:
Sic ergò librum, cui nomen est libra, te oportet re-
fellere.

Augustini
contra
Crescon.
libr. 4.
cap. 66.

Idem lib.
contra
menda-
cium c. 21.

Benevole Lector, hætenus cum patientiâ,
spectator fuisti, tetrici tibi (ut vereor) certa-
minis

minis; quare ne cum nausâ abeas, ad lætiora
te invito spectacula, celebrati nimirum Iubilæi,
ob annum millenarium à fundatâ nostrâ Abba-
tiâ Eechoutaná-Brugensi, cujus descriptionem se-
quens dabit M A N T I S S A.



MANTISSA

IN QVA

Laconicè per diaria describitur Celebratà ipso
anno Jubilæo M. DC. L.

FESTIVITAS SECVLARIS

ANNI MILLENARII

A FVNDATA

ABBATIA BRVGENSEI BECKHOVTTANA

PER

S. TRVDONEM

CONF. PRESBYTERVM

ANNO CHRISTI DC.L.

Itemque,

Anni sexcentenarii à plenariâ restauratione
consummatâ Anno M. L. in ejusdem

Sancti natali xxij. Novemb.

& per totam octavam.

Sub auspiciis R. Adm. in Christo Patris,

Amplissimiq; Domini,

D. NICOLAI van TROOSTENBERGHE

PRÆSVLIS MERITISSIMI.

THE JOURNAL OF THE
ROYAL ANTHROPOLOGICAL INSTITUTE

VOL. LXXV. PART I. 1945

CONTENTS

THE JOURNAL OF THE
ROYAL ANTHROPOLOGICAL INSTITUTE
VOLUME LXXV. PART I. 1945

CONTENTS

CONTENTS

CONTENTS

CONTENTS

CONTENTS




DESCRIPTION

J V B I L Æ I

E E C H O V T T A N I

celebrati Anno MDCL.



SOLEMNE olim fuit Iudæis, quolibet quinquagesimo anno recurrente, ex præscripto divino, celebrare Iubilicum; quæ vox à *Iobel*, quod juxta Levit. 23. quosdam buccinam significat, vel, arietis cornu, quo illo anno clangere, in memoriam Isaac liberati, ejusque loco substituti, immolati que arietis solebant, suam derivationem habere videtur. Alii verò à radice *Iabal* eam deductam volunt, quod Hebræis idem est, quod afferre cum gaudio, ut annus dictus sit *Iobel* quasi omnia afferens bona, & quemque in pristinam libertatem & hæreditatem reducens. Nonnulli derivatam censent à radice *Iebel*, quod germen denotat: quasi annus Iobel sit annus germinans omne bonum.

Lyranus,
Toletus, &
alii.

Ribera, Scarrarius, Cornelius à Lapide.

Cajetanus, Bellarminus.

Latini verò non absurdè etymologiam petunt

A 2

à jubi.

4 AD PONDVS SANCTVARI

à jubilando, quod in Diplommatibus innuere videntur Pontifices, dum versiculum Psalmi 46. *Omnes gentes plaudite manibus, jubilate Deo in voce exultationis*, usurpant. Quæ omnia annum Iubileum insinuant solemnem esse, lætum, faustumque.

1. Cor. II.

Iudæorum illud Iubileum (*Omnia enim in figurâ contingebant illis*) præludium quoddam fuit Christianorum Iubilei; quod à Bonifacio VIII. quolibet centesimo anno revertente fuit institutum, à Clemente VI. ad annum quinquagesimum, à Sixto IV. & aliis Pontificibus ad vigesimum-quintum deductum. De multitudine concurrentium ad Iubileum anni 1450. hæc habet Pennottus: *Hoc anno, inquit, Romæ tantus peregrinorum fuit concursus, ut singulo die hominum triginta millia civitatem ingrederentur, & amplius, totidem ex urbe successivè recedentibus. Unde & contigit, ut quâdam die ad D. Petri basilicam propter videndam Salvatoris nostri Iesu Christi imaginem, Veronica nuncupatam, tanta populi multitudo conflueret, ut ad pontem S. Angeli plus quàm tercentum utriusque sexus interirent, vel à multitudine conculcati, vel in profluentem delapsi. Quam ob causam Pontifex duo sacella in utroque pontis capite fieri fecit, in quibus pro animabus defunctorum sacra fieri sole-*

Lib. 3. General. Hist.
cap. 24. n. 2.

solebant. Haftenus Pennottus. Qui autem reversi sunt ex urbe fide digni, testantur, solemni benedictioni publicè habitæ ab Innocentio X. Pontifice Maximo in conclusione novissimi Iubilei anni MDCL. interfuisse plus quàm ducenta quinquaginta hominum millia.

Inde deventum ad varios status, ut-puta Sacerdotalem, Religiosum conjugalem: ut qui quinquaginta annos consumpsissent in Sacerdotio, Religione, Cōjugio, suum celebrarent Iubileum, & vulgò Iubilarii audirent. Certè de S. Remigio notat Molanus in Natal. SS. Belgii ad 13. Januarii, quòd nuncupatus sit Iubilæus, postquam Episcopatum suum administravit 50. annos, reliquis 24. quibus in eadem supervixit administratione: *Ex quo discimus, ait Molanus, non nuperum esse ut Iubilarios honorare, qui laudabiliter 50. annos in sacerdotio, aut quod rarissimum est, in Episcopatu exegerunt.*

Anno 1640. festivissimè per orbem Christianum, Iubileum anni centenarii à fundata Societate Iesu celebratum est, quò Deo grates habitæ pro beneficiis per eam Ecclesiæ Catholicæ collatis, in confusionem nuperorum illorum Sectariorum, quos Lutheranos vocant, qui quasi

6 AD PONDVS SANCTVARI

Catholicorum simii, annum centesimum ab ex-
ortâ suâ noviciâ religione per Iubileum celebrem
esse voluerunt incidentem in annum millesimum
sexcentesimum decimum septimum.

Igitur si annus xxv. si L. si C. quid-ni & CIO.
solemni Iubileo veniet celebrandus; millesimus,
inquam, à primò fundatâ per S. Confessorem &
Presbyterum Hasbanix Principem Trudonem,
Abbatîâ Brugensi-Eechoutanâ, qui incidit in an-
num M.DC.L. quo universalis Ecclesia Romana
jubilavit, & ex omnibus Catholici orbis partibus
in urbem moribus antiquis convocavit, & innu-
meros peregrinos venientes læta suscepit, fovit,
ac apertis spiritualium divitiarum thesauris, eos-
dem cœlestibus donis divites, hilaresque dimisit.

9. Novemb. quæ incidit in fer. 4. Hujus rei
consideratione motus, datâ occasione suggesti ad-
modum Rever. Dom. Abbati nostro D. Nico-
lao van Troostenberghe, præsentibus RR. piis,
ac eruditis DD. Domino Huberto Waeghenaers
tunc Pœnitentiario postea Archipresbytero, Sa-
cræ Theologiæ Licentiato, & Domino Cæsare
Nieuburgh Licent. V. I. Canonicis Ecclesiæ Ca-
thedralis Brugensis fore operæ præmium instante
S. Trudonis Fundatoris Monasterii nostri Eec-
houtani

houtani festo, & per Octavam celebrare Iubileum anni millenarii: ad maiorem Dei gloriam ejusque S. Confessoris præfati, cujus nos grato animo profitemur alumnos, & huic suggestioni prædicti DD. faventem præbuerunt aurem.

10. Novemb. idem ipsum nactâ opportunitate secundò eidem perquàm Rev. Dom. Abbati nostro per iteratam suggestionem à Rever. Dom. Bernardo Isenbaert Con-Canonico nostro fuit refricatum.

11. Novemb. Propositum fuit negotium Religiosis DD. Canonicis Echoutanis capitulariter, ut loquimur, congregatis, & communi calculo resolutum Iubileum celebrandum. Quamobrem.

12. Novembr. per venerandum Antistitem eundem requisiti fuerunt RR. adm. DD. Vicarii Generales Episcopatus Brugenfis, vacantis per obitum perillustreis ac R^{mi} Domini D. Nicolai de Haudion, octavi Brugenfium Episcopi piæ memoriæ, quatenus cum ipforum notitiâ & licentiâ procedi posset ad hujusce Iubilei celebrationem, & eâ durante, per octiduum, visitantibus Ecclesiam Echoutanam 40. dierum indulgentia in formâ consuetâ concedi; cum pulsa omnium campanarum per totam civitatem Brugenfem ab horâ

7. vesper-

§ AD PONDVS SANCTVARI

7. vespertinâ usque ad 8. in ipsâ S. Trudonis festiuitate. Denique ad ostendendum quam hæc postulatio iusta esset & fundata, exhibita est brevis relatio primariæ foundationis Abbatiæ Brugenfis-Eechoutanæ à S. Trudone factæ anno 650. à quo præsens erat millesimus, atque adeò lubileus: quam ad veriore[m] ejusdem rei notitiam iuvat hîc forma subjicere ampliori.

*Relatio de S. Trudone Presbytero Hasbanie
Principe, & per eum factâ fundatione
Abbatiæ Brugenfis-Eechoutanæ Chri-
sti anno 650. restaurata
verò anno 1050.*

BEatum Trudonem Sanctorum catalogo adscribunt Martyrologium Romanum, Beda, Ufuardus, Martyrologium Monasticum, Molanus in additionibus ad Ufuardum, & in Natalibus, & in indiculo die 23. Novemb. ubi Baronius, & Arnoldus Wyon in annotationibus ad Martyrologium. Ejus vitam primi scripsisse videntur Donatus Diaconus ad Ingelramnum Archiepiscopus, & Guicardus Abbas, itemque Harigerus Abbas Lobienfis; quos secutus est Theodoricus ex Abbate S. Petri Blandiniensis factus Abbas

bas Trudonopolitanus, de quo N. Draeck Lector Abbatiae Trudonopolitanæ apud Iosephum Geldolphum à Rijckel Abbatem Gertrudanum historiæ S. Gertrudis Virginis lib. 3. pag. 578. *Theodoricus, inquit, præest anno 1098. præfuit autem annis octo, discedit anno 1107. 7. Kal. Maji, vir optimè de Monasterio meritus; cui successit in Abbatiali dignitate Rodolphus natus in pago supra Sambram fluvium, cui nomen Monasterium, consecratur in Abbatem anno M.C.VIII. 7. Kal. Martii; præfuit admodum laudabiliter annis 30. mense uno, diebus 7. obiit anno 1138. pridie nonas Martii.* Ita Dominus Draeck in Catalogo Abbatum Trudonensium: Rodolphus hic auctor seu inchoator est Chronici Trudonensis, quod M. S. extat in eâ Abbatiâ teste Auberto Miræo in originibus Cœnob. Benedict. qui & idipsum penes se habuisse in Chronico Belgico pag. 311. testatur. Auctor item est idem Rodolphus epistolæ ad Walramum Ducem Limburgensem, & Advocatum Ecclesiæ Trudonensis scriptæ anno 1130. apud eundem Aubert. Miræum. Facit autem tam in hâc epistola, quam in illo Chronico Rodolphus mentionem Cœnobii à S. Trudone suo in alodio prope Brugas fundati. Porro vita ejusdem

In Annal.
Belg. ad
ann. 689.

10 AD PONDVS SANCTVARIII.

Sancti à Theodorico Abbate descripta, ea est quæ extat apud Surium, quam Zacharias Lippe-
lo in compendium contraxit; ubi ejusdem Mo-
nasterii mentio ad calcem. Ejusdem meminit
Cœnobii Gerardus Moringus in vitâ ejusdem S.
Trudonis, ex quo Molanus.

In Natalib.
ad 23. No-
vembr.

Scriptores passim S. Confessorem natum asse-
runt Christi anno 628. defunctum verò anno
693. ætatis suæ 65. *Natum, inquam, ex nobilissimis
parentibus Wilboldo & Adilâ sanctissimâ Matronâ
miraculis clarâ, cujus reliquie collocatæ juxta altare
in vico Zeilem prope Diest, verba sunt Molani, in
fundo hereditario in veneratione habentur; ejus-
demq; os permagnum & maxilla pars in Monasterio
visuntur Trudonopolitano, qui amplas habebant di-
tiones in Flandriâ, Hasbaniâ, & Campiniâ, ob quas
nomine, & Comitum dignitate celebres habebantur.*

Harigerus,
Theodori-
cus, Ro-
dulphus.

Olivarius
Vredius
lib. 2. Prod.
pag. 413.

Quinimò ex nobili stirpe Francorum Regum,
& Ducum Austrasiorum, id est, Orientalium
Francorum ad distinctionem Neustrasiorum, id
est, Occidentalium; qui Austrasii modò Lotha-
ringi indigitantur. Postquam enim Franci bellis
in Romanos gestis occupârunt Galliam, & Re-
ges longè latèque dominantes publica omnia lo-
ca, oppida, vicos, castra, lucos, & nemora ad se
traxe-

traxerunt, eaque filiis, nepotibus, atque propin-
 quis sunt partiti; factum est, ut Quercetum cum
 aliis possessionibus juxta castrum, vicumque Bru-
 gensen tandem ad S. Trudonem jure hæredi-
 tario devenerit, è Francorum Regum stemmate,
 ut dictum est, oriundum.

Rodol-
 phus, Mo-
 ringus, Mo-
 lanus,

Erat Quercetum tunc lucus Iovi sacer; quer-
 cum siquidem Ethnici omnes, inter quos & Fran-
 ci, qui veterem Flandriam, quam verisimile est
 primam fuisse Franciam, incolebant, sanctam ha-
 buerunt, & ex eadem sua oracula expectarunt;
 quâ de re multa pulchra eruditus admodum &
 sagacissimus antiquitatis explorator Olivar. Vre-
 dius nostras lib. 2. Prod. pag. 411. & seqq. po-
 steritati commendavit. Cujus elogium habetur
 in Bibliothecæ Ecclesiasticæ parte alterâ cap.
 123. lib. posthum. Auberti Miræi.

Verisimile autem est, Quercetum prisco illo
 ævo multò spatiosius excurrisse quàm modò
 Abbatia Eechoutana, adeò ut complexum fue-
 rit loca circumvicina, quorum fundus etiamnum
 ad eandem jure antiquo spectat; in quo moder-
 num S. Trudonis Cœnobium, Asceterium quo-
 que Dominicanarum, & Coletanarum, Xeno-
 dochium S. Magdalensæ, Sacellum Ierosolymi-

tanum, Conventus fratrum Alexianorum, Schola pauperum Bogardica dicta, cum aliis locis excurrentibus extra civitatem, per pagum Odegemianum usque ad pontem Lapideum, quæ etiam hodie censum annum pendunt Abbatiæ Eechoutanæ, cui omninò vicina est Ecclesia Præpositalis B. Mariæ qui totus fundus, bonum patrimoniale, & ut vocant, Alodiale S. Trudonis fuisse & ipsi defunctis parentibus jure hæreditario creditur obtigisse. Quâ observatione facile reconciliari videntur Scriptores, quorum aliqui in Querceto moderno, aliqui in loco ubi modò Ecclesia B. Mariæ, aliqui in urbi vicinâ Parochiâ Odegemianâ S. Trudonem juxta Brugas eo tempore non adeò amplas fundasse Monasterium, de quo infra, commemorant: siquidem priscum illud Quercetum (cujus Brugesenses omnes Costellani advocati fuere) hæc omnia loca verisimile est, olim fuisse complexum, ut annui censûs pensio protestari videtur. Quo animadverso ad S. Trudonem redeamus. Itaque S.

Harigerus,
Theodoricus,
Morinus,
Morus,
off.
prop. Can.
Regul.

Trudo à teneris unguiculis, singularis pietatis gratiâ præventus, cœpit cogitare de ædificandis Oratoriis, Ecclesiis, Cœnobiis, ut meritò pro insigni gestet; dum pingitur sacellum.

Paren-

Parentibus defunctis, pius Adolescens S. Remacii consilio, ad Metensem profectus est Episcopum S. Clodulphum, ibique quicquid in Hasbaniâ (quæ patria ipsi natalis fuit, hodie in ditione Leodiensi) patrimonii possidebat quasi sibi dictum reputans; *Si vis perfectus esse, vade & vende omnia, & da pauperibus; & qui non renunciat omnibus quæ possidet, non potest meus esse discipulus*; perfectorum Clericorum statum affectans, quorum tonsura olim symbolum erat hujusmodi renunciationis, in honorem S. Stephani largitus est Ecclesiæ Metensi; quæ tunc temporis Regularis erat instituti, non quidem Monachalis, sed Clericalis, quod institutum ibidem suscepit Clericus inibi ordinatus, & jam sacris litteris instructus, non multò post Presbyter est consecratus, mox sacer Christi Præco futurus. Adolescentes equidem primævis illis temporibus, in quibus singulare Apostolici spiritûs specimen præ cæteris elucebat, ætate juvenes, moribus senes, Presbyteri creabantur; exemplo sint S. Joan. Chrysostomus, & S. Remigius, quorum prior anno ætatis 22. ad Episcopatum quæsitus, posterior reipsâ Episcopus est inauguratus. B. Petrus de Lutsemburgo ætatis anno 10. Canonicus Pa-

Molanus

Pennort.
Hist. Gen.
lib. 2. cap.
39. num. 6.
Et Not.
in vitam S.
Trad.

Lippeloo
in viis SS.
tom. 4.
ex Hinc-
maro &
Baronio.

14 AD PONDVS SANCTVARI

est institutus, & post biennium Archidiaconus Carnotensis, decimo quinto Episcopus Merensis, & paulò post Cardinalis ad S. Georgium ad velum aureum, obiit anno ætatis 18. aliàs 22. anno Domini 1387. vide Molanum in Natalib. SS. 2 Iulii.

Libr. 2.
Prod. & in
Poëmate
In Histor.
Ecclesiast.
In Flandria
illustrata.

De Walra-
mo vide
Myræum.
in Chron.
Belg. pag.
289.

Quo eodem ætatis anno, nempe 22. Christi verò DCL. ut nobiscum sentiunt Vredius, Gazetius, Sanderus, celebre tunc prope Brugas, fundare cœpit Monasterium, quod & dotavit, in quo temporis successu, suam ante mortem, ipsemet fundator S. Trudo congregationem habuit, & aluit 80. Cœnobitarum, quâ de re Rodolphus Abbas Sarchiniensis in epistolâ ad Walramum suprâ citatâ: *Inter cetera, ait, Bruges in Flandriâ Alodium S. Trudonis fuit, ubi & congregationem 80. Monachorum habuit. Quod idem hisce verbis reddit in Chronico citato: B. Trudo habuit ex parte patris dominium villæ Brugis nuncupatum cum suis attinentiis, quæ modò est oppidum famosum in terrâ quæ vocatur Flandriâ. Et post pauca: Monasterium ipse B. Trudo ibidem in proprio suo Alodio fundavit & dotavit, & in eo 80. Monachos instituit. Cui consonat Molanus in Chronicâ Sanctorum Belgii recapitulatione cap. 17. S. Trudo Hasbanus in Brugenfi*

Brugensi agro sibi gentilitio Monasterium construebat, ubi 80. Monachos aluit. Quo titulo idem Molanus & Gazetius ponunt S. Trudonem inter Sanctos qui coluntur in Diœcesi Brugensi, quod Monasterium profectò non aliud quàm Abbacia Eechoutana Brugensis, quæ præter S. Trudonem fundatorem alium, cùm aliquem habuisse certum sit, non agnoscit. Ita nobiscum sentiunt Molanus, Moringus, Ioannes Gramayus, Lippeloo, Mutsaert, Sanderus, Vredius, Auctor Legendæ Flandricæ, Gabriel Pennotrus, &c.

Molanus
in præfat.
ad Natal.
SS. Gazet.
in Histor.
Ecclesiast.

Est autem Cœnobium hoc in territorio Brugensi fundatione primum; nam reliqua longè posteriora, ut Aldenburgense, quod anno 1084. Andreanumque 1098. primum fundari cœptum, ut lego apud Miræum de orig. Benedict. cap. 39. & 48. Dunense autem anno 1627. Brugas translatum, cætera recentiora.

Quamvis primitivi illi Clerici, cùm institutum Clerico-regulare susciperent, propriis renuntiarent, ut ea pauperibus distribuerent, Ecclesiis vel Cœnobiis ad hunc effectum videntur, cum consensu Superiorum retinuisse eorum administrationem salvo carentiæ proprii voto, ut observat Pennotrus in notat. ad historiam vitæ S. Ludgerii

Ludgeri ex S. Augustino serm. de communi vitâ Clericorum; incapacitas siquidem Domini, inhabilitas ad matrimonium, annus novitiatus, certa ætas ad profitendum requisita, postmodum tantum & tandem inducta sunt Ecclesiastico jure. Porro S. Trudonem ut Clericum, seu Canonicum Regularem inter suos Sanctos colit nobiscum tota congregatio Lateranensis, & Windesemensis ex indulto Pii V. concinnatis propriis lectionibus, in quibus hæc in ejus festo recitantur: *Cumq̃, plures adolescentes, comprimis nobiles, contemptâ mundi felicitate, in illius contubernium, & disciplinam recipi contenderent, eorum causâ monasterium Clericorum regulariter viventium apud Ecclesiam edificavit, & amplissimè dotavit, factus ipse eorum Rector, & forma vivendi exemplo bonorum operum. Duo alia insuper Monasteria erexit apud Brugas, urbem paternæ ditionis, alterum in loco Querceto. Vbi tamen emendanda mentio regulæ S. Benedicti; cui mendo occasionem dedit Molanus, qui deceptus, scripsit ad 23. Novemb. in Natal. SS. suo tempore Brugis in Querceto Benedictinos residere, quem secutus est Pennottus Italus, concinnator dictarum lectionum; quâ de re statim.*

Notat Ioannes Baptista Gramayus Quercetanam foundationem Sarchinienſi eſſe nonnihil antiquiorem; hæc ſiquidem ſi fides Miræo, facta eſt anno 657. illa verò anno 650. ut ſuprà docebamus: quòd autem aliqui ſcribunt Cœnobitas à S. Trudone congregatos, Benedictinos fuiſſe, veriſimile non eſt; neque enim regula S. Benedicti ante annum 743. quo celebrata eſt Synodus Liptinenſis, in Galliam Belgicam, ſeu Germaniam Inferiorem, videtur fuiſſe invec̃ta. Vide Miræum in præfat. ad orig. Bened. unde & vetuſtiora pleraque Gallix Belgicæ, ſeu Germaniæ Inferioris Cœnobia, quæ hodie Benedictini ſunt inſtituti, olim à primævâ foundatione Regularium fuerunt Clericorum. Cujus rei ne longiùs exemplum petamus, adſunt duo talia Cœnobia. quorum primum Sarchinienſe, ſeu Trudonopolitanum; poſterius Audaginenſe, cujus Auct̃or fuit Beregiſus, qui in Sarchinienſi Cœnobio, à S. Trudone rec̃ens extructo, regularibus diſciplinis informatus, locum hunc à Pipino Majore domus Regiæ impetravit. Verba ſunt Miræi de orig. Bened. cap. 16. ubi & producit teſtimonium Chronographi Trudonopolitani, quem ſuprà diximus Rodolphum Abbatem, quòd ſic ſonat: *Beregiſus ex pago Condro-*

In Flandria
Franca tit.
de ſuburb.
Brug.

In orig.
Bened.

fio ortus, & à parentibus intra Monasterium S. Tru-
 donis, sub habitu Religionis, litterarum studiis & lege
 divinâ imbuendus traditus, largiente Pipino Principe
 eidem lata prædia, monasterium Andainense in hono-
 re S. Petri construxit, in quo Clericis ordine Canonico
 militantibus, ipse pater in eodem habitu est sociatus,
 quod modò S. Huberti in Ardennâ nuncupatur, ubi
 Waso Leodiensis Episcopus, delato eodem à Traiecto
 corpore dicti S. Huberti, pro Canonici Regul. Mona-
 chos instituit. Hactenus testimonium Chronogra-
 phi Trudonopolitani, cui subnectit Miræus: Ex
 quibus Trudonensis Chronographi verbis illud effici
 videtur, cum apud Sarchinienses, tum apud Anda-
 ginenses, ex primævâ institutione fuisse non Mona-
 chos, sed Clericos, seu Canonicos, ut vocant, Regula-
 res. Quod ante nos & Ioan. Molanus, vir Ecclesia-
 sticarum, præsertim nostratium peritissimus, obser-
 vavit.

Institutum igitur Clericorum, quos modò Ca-
 nonicos Reg. vocamus, quod S. Trudo in Eccle-
 siâ Metensi Cathedrali (in quâ id viguit usque
 ad Wasonem Episcopum, sub quo Clerici hæcte-
 nus Regul. Facti sunt nomine & conversatione, ait
 Molanus, Canonici Seculares & proprietarii) Di-
 dicit, & suscepit, in suo Sarchiniensi Cœnobio
 poluit,

Molan. in
 Natal. SS.
 6. Martii.

pesuit, in quo idem ipsum S. Beregisus imbibit, atque inde in suum Andainum transportavit. Quo eodem modo de instituto primitivorum Cœnobitarum Quercetanorum sentiendum. Illo enim S. Trudonis ævo nondum in Galliâ Belgicâ regulam S. Benedicti in usu fuisse, intelligere est ex originibus Cœnobiorum Bened. quas justo volumine ex eorum Archivis prosecutus sæpè citatus Miræus publicabat, ut jam dicebamus. Gandense Bavonicum, Blandiniense, Elnonense, Trunciniense, antiquissima Cœnobia à S. Amando fundata priùs fuerunt Clericorum Cœnobitalium, postea verò Monachorum; ex Molano & Miræo. Item Lutosanum priùs Regular. postea Sæcul. Canonorum; Molan. 8. Octobr. Matth. Lamb. Hist. Ecclesiast. cujus 1. Abbas S. Badilo. Cæterùm institutum Clerico-Regulare, quod ducentis circiter annis ante Benedictinum in Galliâ floruit, à primâ fundatione per S. Trudonem factâ, apud Cœnobitas Eechoutanos usitatum fuisse, nobiscum tenent Ioannes Baptista Gramayus suprâ citatus, Geldolphus Richelius Abbas Gertrudanus, lib. 3. vitæ S. Gertrud. pag. 531. Sanderus in Flandriâ illustratâ; quod confirmatur ex eo quòd istius temporis Monachi

nondum curam pastorem administrarint, in Flandriâ adeo recenter conversâ; hi autem Cœnobitæ à S. Trudone in Querceto congregati, educati, sustētati, & informati eam obierint atque eâ de causâ decimæ & oblationes solitæ fuerint ad eos devolvi. Quâ de repulcherrimè antiquitatum nostratium peritissimus Vredius in poëmate infra ad longum recitando, ex quo nonnulla excerptenda quæ ad rem pertinent præsentem:

*Lucus erat densus è Quercu frondibus ater,
 Quo vixdum radius solis adire datum.
 In medio luci Iovis olim stabat imago
 Vibrantis dextrâ fulmina dira manu.
 Hic dudum fuerant Druidarum sacra peracta
 Quis solis fingunt numina nosse, datum.
 Hunc sibi de primis Francis & patre profectum
 In Christo templum vertere Trudo parat;
 Et ne fortè iterum retrò labentibus annis
 Vnquam aliquis Christi Præco deesse queat,
 Cœnobium fundat, quo Franca & Brugica possit
 Christiadum institui prima juventa, sacris.
 Approbat Eligius factum, firmatq; sigillo,
 Et loca quæ restant erudienda, petit.
 Interea schola sit Christi, Trudone Magistro
 Quercerum, & tantâ Religione viget,*

*Et sibi Trudo senex, intra penetralia Claustrī
 Bis quadragenos viderit esse viros,
 Moribus insignes, omni virtute coruscōs,
 Doctrinā eximios, eloquiōq; graves;
 Quos Augustini non tantum vivere Christo
 Verum etiam populo, regula sancta iubet.
 Ad vetera hinc numquam Bruga est idola relapsa
 Solaq; sunt Christi culta deinde sacra.*

Ex ultimo hoc disticho facilè est observare, eo
 ipso anno 650. (quo primò fundatum est Cœno-
 bium Abbatiale Eechoutanum) in territorio Bru-
 genſi Paganismum penitus fuisse extirpatum o-
 perâ S. Eligii, cooperante S. Trudone, & colla-
 borantibus Cœnobitis ab eo ibidem institutis,
 adeò ut Brugenſes ab eo tempore numquam fue-
 rint ad idololatriam relapsi; sed constanter pro-
 fecerint in Christianismo, in eoq; perseverave-
 rint per mille annos usque in tempus præsens,
 quo celebrata festivitas læcularis anni millenarij
 à fundatâ Abbatia Eechoutanâ, à Paganismo
 Brugis penitus exciso, & Religione Christianâ
 stabilitâ, per ejusdem urbis Apostolos, & Patro-
 nos SS. Eligium, & Trudonem, cujus Brugenſe
 Cœnobium ab anno 650. per ducentos amplius
 annos, plurimos aluit, ex relictâ S. Trudonis dote

Zacharias
 Lippeloo
 tom 4. 23.
 Novemb.

Olivar.
Vredius
libr. 2.
Prod.c.25.
pag. 525.

Clericos Religiosos sanctitate, doctrinâ, & exemplo bonorum operum, quibus Brugeses, in ipsis Religionis Christianæ incunabulis sunt educati & confirmati, florentes usque ad annum 880. quo anno à Nordmannis & Danis, cum aliis plurimis in Belgio Cœnobiis est destructum, de quâ vastatione Molanus in Chronicâ SS. Belgii recapitulatione cap. 23. contra quos à Balduino Ferreo primo Flandrorum Comite antiquum munitum fuerat Burgum Brugense, cui vicinum vetus Quercetum; unde Cœnobitis dispersis (*in eo enim luctuosissimo statu Clerus & Monachi cum Sanctimonialibus, ait Molanus suprâ, exusta ac depopulatis suis Monasteriis, ubi poterant oportunius latebant; aut de locis ad loca peregrinabantur*) unde, inquam, Cœnobitis dispersis, in locum desertum seu derelictum videntur Flandriæ Comites, juris quid sibi usurpasse & vendicasse, quod temporis lapsu tandem devolutum est ad Theodoricum Elsatium, qui illud abdicavit, & Religiosis Eechoutanis postliminiò resignavit, ut ex nostris patet Archivis.

Videntur interea temporis præfatorum Cœnobitarum aliqui commorati circa Ecclesiam de Ameresham, in agro Brugensi, quæ etiamnum hodie

hodie villa nostra est antiquissima, & creditur olim fuisse pars patrimonii, seu alodii S. Trudonis: donec dispersi denuò collecti sunt circa annum 6. decimi sæculi quo sæculo multa Monasteria à Nortmannis everfa in Elandriâ reparari cœperunt, ait Molanus suprâ, collecti inquam, operâ Episcopi Tornacensis (non Uldarici, ut aliqui volunt, quia hujus nominis nullus in Tornacensium Episcoporum catalogo; nec etiam Balderici, ut alii, quia hic multò posterior) sed Lamberti, erecto Cœnobio, cum Parochiali Ecclesiâ in Parochiâ de Odegghem juxta Brugas sub titulo S. Trudonis, ob superstitem ab eodem S. factam dotationem, ex cujus reliquiis hæc restauratio, cum iteratâ Cœnobitarum congregatione est adornata; qui Cœnobitæ Clericali suo more ibidem curam animarum, ratione cujus ab eo decimæ receptæ, & oblationes, quod jus in præsentiarum durat in Præfecto Sanctimonialium Trudonissarum ex concessione Antistitæ, exercuerunt. Verum enimvero

Archiva
Trudo-
nissarum.

Sanderus
in Elandriâ
illustratâ.

Anno 1016. pars Cœnobitarum (quos jam in Odegemianâ S. Trudonis Ecclesiâ denuò congregatos diximus) ob devotionem, ut videtur, erga primæ foundationis locum regressa est in Quer-
cetum,

Ex Archi-
vis.

24 AD PONDVS SANCTVARIII.

cetum, nondum ab omni jure, occasione desolationis loci, ut scripsimus, à Flandriæ Comitibus usurpato, liberum, ubi iterum restauratum Monasterium, quod temporis lapsu in formam surrexit ampliore, & titulum resumpsit Abbatialem, cui prius illud Odogemianum, solo titulo Prioratûs, ut vocant, contentum, tam quoad spiritualia, quàm temporalia, mansit subiectum, & ab eodem dependens. Post annos verò duos supra triginta nimirum anno 1048. B. Everelmus Anachoreta admissus est in Quercetum (in quo etiamnum forma insulæ propter fluviolum Keyam undique circumfluentem) à Cœnobitis Quercetanis; non ut ipsorum more vitam ageret Cœnobiticam, sed potiùs quasi Anachoreticam & solitariam, qualem consueverunt illi, quos ea ætas reclusos vocabat, quibus subinde concessus locus contiguus Cœnobiorum oratoriis, ubi solitariè degentes, absque egressu, cum solo Deo conversabantur. Qualis exempli causâ fuit Geldinus ille, cujus meminit Auctor Chronici Aquicincti, apud Miræum de orig. Benedict. in Auctario cap. 41. scribens in hæc verba : *Eâ tempestate venit Aquicinctum quidam nomine Geldinus, qui ex Monacho Laudunensi Abbas S. Michaëlis de Terrascia, re-*
lictâ

Anno
1090.

dictâ Abbatiâ, ob amorem Domini reclusus vixit Aquicincti. Quod contigit sub Abbate 3. Aquicinctino Haimérico, cui defuncto dictus succenturiatur Geldinus, qui tamen onus regiminis, tandem fastidians, eligensque potius olim actæ otium reclusionis, curam reliquit animarum, iterumque effectus est reclusus ad S. Bertinum, ut in prædicto chronico est videre. Qualem denique fuisse notat Molanus in nat. SS. 2. Feb. Columbanum Abbatem Hibernensem, reclusum in cœmiterio Gandensis Cœnobii anno 987, ubi post biennium obiit, & in cryptâ B. Mariæ requievit. Ut hîc nil dicam de S. Bavone, qui in urbe eâdem reclusus vixit in suo Cœnobio Bavonico. Qualem insuper fuisse commemorat idem Molanus suprâ ad 17. Aprilis, Beatum Gervinum, qui reclusus habitavit sub basilicâ S. Petri in Aldenburgh, quia locus ille per dignitatem S. Petri miraculorum signis illustrabatur, & tandem electus est in ejusdem loci Abbatem secundum, qui ad Dominum migravit anno 1117. Simili modo vitam eremiticam, seu Anachoreticam duxisse legitur S. Aibertus reclusus juxta Cœnobium Crispiniense, de quo consulendus Molanus ad 2. Maji. His adde B. Mariam Oigniacensem sic dictam

etiam à Cœnobio Oigniacensi ordinis Canonico-
rum Regul. S. Augustini, prope cujus Ecclesiam
reclusa vixit in magnâ sanctitate, ad Sponsum
transiit anno 1203. de eâ Molanus supra ad 3.
Iunii & in Chronicâ recapitulatione cap. 27. Por-
rò post biennium ab admissione B. Everelmi, tan-
dem perfectè restauratum est Cœnobium Quer-
cetanium, & juxta hunc sensum intelligenda
Meyeri verba in Annalibus Flandriæ :

Anno 1050. *In suburbano Brugensi conditum est
Cœnobium Regularis disciplina, cui nomen Quercetum.*
A quo eodem anno supputatione factâ modernus
deprehenditur sexcentessimus hoc titulo iterum
Iubiteus, à quâ Cœnobii amplificatione vel con-
summatione annis elapsis circiter decem scilicet

Anno 1060. piè in Domino obdormivit B.
M. Everelmus, quem perperam Querelinum cum
Gazetio, (qui loco Eechout Ofterloo habet)
Meyerus nuncupat his verbis: *Anno 1060. Bru-
gis in Cœnobio Quercetano obiit religiosissimus Que-
relinus Anachoreta.* Hunc sanctis, qui in Diœcesi
Brugensi celebres habentur accenset Guillelmus
Gazetius, nec immeritò; siquidem in signum san-
ctimonix sepulchrum ejus honoratum est anti-
quissimâ tumbâ lapideâ elevatâ, cui superstructus
immi-

imminet Australis murus basilicæ, supra tumbam verò in ipso muro visitur tabula ex albo lapide exhibens imaginem Anachoretæ cum hoc epigraphe: *Hic jacet Everelmus Anachoreta, qui duodecim annos hâc in insulâ luci nostri conversatus est, & obiit anno Domini MLX. secundâ die Octobris.*

Anno 1071. in viciniâ Querceti fundatur Collegium B. Mariæ & anno 1074. electus est in primum Præpositum Gummarus, qui præfuit annis 20. hic Romam profectus fertur Ecclesiam Monialibus cessisse, at successor ejus reclamavit. Ita Sanderus in Flandriâ illustratâ lib. 2. Rerum Brugensium ex Archivis. Videntur hæc Moniales eadem illæ quæ hætenus in viciniâ commemoratæ, postea dictæ sunt Trudonissæ, &

Anno 1110. sub Roberto Frisio juniore, seu Ierosolymitano admittæ sunt à Cœnobitis Quercetanis in suam societatem & curam, tam spirituales quàm temporales, deinceps simul cohabituræ & eodem loco, & eadem lege, regulâ Canonica scilicet, seu Augustinianâ. Observandum hoc loco olim quandoque contigisse, ut ejusdem instituti utriusque sexûs Religiosi scilicet & Sanctimoniales in eodem degerent Cœnobio: exemplum est in Oostbrouckano olim prope Ultra-

Archiva
Trudo-
nissarum

Miræus de
orig. Be-
nedict. cap.
49. item
cap. 25.

jectum, quod Monachorum simul & Monialium fuit fundatum anno 1122. itemque in Stauriensi, quod ex Monasterio Clericali, quale ex primævâ fuit fundatione, mutatum est in Benedictinum utriusque sexûs, circa annum 1232. denique in celeberrimo sanctæ Crucis Monasterio Canonici ordinis prope Conimbriam Lusitaniæ, Canonici simul, & Canonissæ quas vocant habitârunt circa tempora S. Theotonii, primi ibidem Prioris, qui ad Dominum migravit anno 1126. sed de his hætenus.

Anno 1122. sub Flandriæ Comite Carolo Bono prædictæ Moniales, quas diximus receptas fuisse in curam tam spirituales quàm temporalem Cœnobitarum Quercetanorum, transferuntur in Prioratum Odegemianum, cujus Paræcialis Ecclesia titulo S. Trudonis erat insignita. Unde & illæ Deinceps Trudonissæ vulgò fuerunt indigittatæ, manseruntque ibidem sub immediato regimine Prioris, à Cœnobiarchâ Eechoutano quantum ad utrumque regimen spiritale & temporale cum illis dependentis: bonis S. Trudonis, quæ allodialia vocant, communibus manentibus, & utrique sexui, & utrique Monasterio, Quercetano scilicet, & Odegemiano.

Archiva
Trudo-
nissarum
& Ianus
Leruntius
in vitâ Ca-
roli Bor. i.

Anno

Anno 1126. 12. Kalend. Aprilis Burchardus Stratenfis Princeps Paricidarum Caroli Boni confugit ad Monasterium Eechoutanum, tunc temporis in suburbano Brügenfi, oppido, ut nunc nondum amplificato, etiamnum situm, ibique per dies quatuor delituit, & extorto habitu, & tonsurâ regulari, quo securius evaderet, ad quod quærebatur, supplicium, ubi pervenit ad Scaldim fluvium, sæpius trajicere conatus, semper miraculo repulsus, tandem comprehensus, capite est minutus.

Meyer. iii
Annal.

Anno 1130. Quercetum Cœnobitis Eechoutanis B. Mariæ, S. Bartholomæo, Willebrordo eorum Ecclesiæ Præsidibus servientibus, in perpetuum, liberè possidendum traditur à Comite Flandriæ Theodorico Elfatio, cujus decessores juris quiddam acquisierant in Eechout (in Diplomate jacere dicitur in Royâ vivario Principis; porro vivarium non tantum piscium est, sed & avium & ferarum ad victum pertinentium) occasione desolationis, & ad tempus derelictionis, per destructionem prioris Cœnobii à S. Trudone fundati, factam per Nortmannos & Danos, ut supra notatum est. Et quanquam Cœnobitarum denno collectorum pars quædam posita sit

Extrat Di-
ploma in
Archivis
Eechouta-
nis, quod
recitant
Minxus &
Vredius.

in Parochiali Ecclesia Odegemianà, cujus titularis post B. Mariam S. Trudo, pars vero amore loci primævæ foundationis ad Quercetum sit reversa, ut diximus, supra ad annum 1016. Hoc tamen incolere solummodo permissa est, nondum libero acquisito Domino, & loci proprietate, quousque hoc anno 1130. absolutam possessionem, cum omni jure & redditibus Flandriæ Comiti hætenus pendi solitis, adjectis insuper quatuor caseorum piscis, ut vocat diploma, post liminiò est adepta.

Anno 1133. Monasterii S. Trudonis in Odegem prope Brugas priorem egit Liethardus Priorem, inquam, dependentem ab Abbate Eeckhoutano, ut supra est notatum. Gubernabantur itaque illo tempore Moniales Trudonissæ immediate per Priorem ibidem degentem, paucis fratribus associatum, mediatè verò per Abbatem Eeckhoutanum: cui quidem Liethardo Priori, ejusque fratribus, notabilem terræ partem dono dedit, idem qui supra Flandriæ Comes Theodericus, quâ de re exstat Diploma illo ipso anno 1133. notatum. Ex quibus manifestum fit eæ ætate, sub Priore Liethardo, in Odegemiano illo S. Trudoni dedicato Monasterio Regulares

res fratres simul habitasse & Moniales.

Anno 1206. Philippus Marchio Namurcensis (ut est in Archivis nostris Eeck-houtanis) attestatur Arnoldum Ooscampanum militem, sic eo ævo nobilis eques significabatur, qui nunc eques auratus, Dominis Eeck-houtanis vendidisse totum illum agrum, qui interjacet inter Ecclesiam S. Trudonis, & Ecclesiam de Amerfham (quæ hodie in agro Brugensi, Villa nostra est) idque ad opus Ecclesiæ S. Trudonis, intellige vel ad reparationem, vel amplificationem. Hinc constat etiamnum eo tempore DD. Eeck-houtanos dictæ S. Ecclesiæ fuisse Curatores, & Abbatem Eeck-houtanum utrumque Monasterium, & Quercetanum, & Trudonicum gubernasse, ut hinc natus videatur mos in nostris insigniis duplex pedum exhibendi.

Anno 1212. Joanna Flandriæ Comitissa notabilem Agri portionem per donationem à se factam, communem esse voluit, & Canonicis Eeck-houtanis, & S. Trudonis Canonissis. Verum enim verò post annos ferè triginta nempe

Anno 1248. ad sopiendas quasdam inter utrosque exortas difficultates, facta est bonorum divisio, & personarum separatio, nec non exemptio

Archiva
Eechouta-
na.

32 AD PONDVS SANCTVARI

Meyer. in
Annalib.
Flandr.

exemptio Monialium Trudonissarum ab Abbatte Eeck-houtano tunc Goufwinno nomine, ejusque successoribus, Comite auctoritatem interponente, & teste assistente Abbate Dulcisvallenfi, institutâ denique primâ Antistitâ Vfsiliâ nobili, ac singularis pietatis Sanctimoniali. Verum post annos ab hac mutatione factâ tredecim S. Trudonis Monialium Cœnobium jam Abbaticum cœlitus tactum, incendio conflagravit: nimirum

Anno 1261. postmodum verò novum extructum est Cœnobium, in viciniâ juxta viam Curtracensem, quod superiori sæculo Calvinisticâ rabie eversum

Miræus in
orig. Can.
Reg. c. 31.

Ioannæ
Plaffæ.

Anno 1580. 10. Maji in civitatem Brugensem est translatum, converso in illud refugio Bavonico, & fratrum quondam S. Francisci Tertiario-
rum Asceterio adjuncto, in fundo Eechoutano. Hæc de ortu & progressu utriusque Monasterii à S. Trudone derivati & dotati, ex probatis Auctoribus & certis Archivis. Unde eâdem operâ corrigendi quidam lapsus recentioris cujusdam Scriptoris, magni aliàs rerum Belgicarum Elucidatoris, secuti incorrectam quandam tabulam & nimium cræduli fœmineæ cuidam narrationi.

I. Est

1. Est quòd scribat ad Monasterium Quer-
cetanium, jam conditum, ut ex Meyero notat
(qui quomodo intelligendus dictum aliàs)

Anno 1050. evocatos primùm fuisse Reli-
giosos Canonicos ex Tornacensi Abbatiâ S. Ni-
colai de Pratis, nunc S. Marci: quod stare non
potest, nam ut eod. lib. de orig. Canonico-
Regul. cap. 59. idem scribit, illud S. Nicolai de
Pratis Monasterium primùm fundatum fuit

Anno 1125. ab Ogerio Canonico Regulari
montis S. Eligii, apud Atrebates.

2. Est quòd ponat quendam Uldaricum Tor-
nacensem Episcopum; cùm in catalogo Episco-
porum Tornacensium apud Gazetium & alios
nullus reperiaturs hoc nomine nuncupatus.

In Histor.
Eccl.

3. Est quòd eundem Udalricum ab anno 906.
usque ad annum 1010. plusquam centum annos
necesse sit Tornacensem mansisse Episcopum, ut
vera sint, quæ ibidem scribit, de nescio quibus
fratribus de Capellâ, positis in Odegemianâ S.
Trudonis paræchiali Ecclesiâ, ab eodem Vdal-
rico anno prænotato 906. & sub eodem Præsule
fratres illos, factos Canonicos Regul. anno 1010.
quod quàm sit incredibile, imò fabulosum, pri-
mâ fronte est manifestum.

E

4. Est

4. Est, quòd Aroasienses Canonicos eod. cap. scribat initium habuisse anno 1000. cùm veritas habeat, & ipsemet Auctor scribat eod. lib. cap. 10. Aroasiensem Abbatiam solummodò fundatam anno 1097. ex quo facillè notari potest & emendari

5. Quòd ibidem narratur dictos fratres de Capellâ, Aroasienses factos Canonicos anno 1010. cùm post annos circiter octoginta tantummodò exorti sint Aroasienses, & ipsa congregatio multis annis sit posterior. Porro ad fratres de Capellâ quod attinet, videntur illi qui aliàs Thousani dicti; nam Abbatia Thousana olim dicebatur Capella Thousana, & Abbas Thousanus dictus est Abbas Capellæ: olim autem ante tumultus Belgicos sita erat prope Brugas ad regionem Septentrionalem, cùm Quercetani ad Australem habitarent, hinc quia ambo juxta Brugas, inter se confusi videntur.

6. Est, quòd notet Moniales Trudonissas fuisse receptas in societatem & curam Dominorum Quercetanorum anno 1116. & post pauca eod. cap. id factum narret anno 1110.

7. Quòd ponat easdem Moniales habitu nigras, cùm tamen priùs dixisset eas ipsas fuisse ejusdem

eiusdem instituti & ordinis cum Canonicis Quercetanis, nimirum Aroasiensis, cuius habitus non niger, sed albus, quo illæ etiam hodie utuntur.

8. Quod asserat in Monasterio prope Brugas à S. Trudone fundato, Monachos constitutos fuisse 70. cum alii Auctores passim 80. fuisse constanter scribant cum Rudolpho Abbate Trudonopolitano, in epistolâ ad Walramum; imò ipsemet Scriptor hoc ipso capite ponat 80.

9. Quòd eosdem Monachos vixisse referat ex S. Benedicti instituto, cuius nullum apud nos vestigium, quodque suprâ refutatum.

10. Quòd post destructionem Nortmannorum Trudonicum Monasterium desertum jacuisse scribat usque ad tempora Balderici Episcopi Tornacensis, qui sedere cœpit anno 1097. cum antea solummodò usque ad, nescio quem, Uldaricum Nerviorum Episcopum, anno 906. sedentem, eam desolationem mansisse eodem capite scripsisset.

Gazer. in
Hist. Eccl.

11. Est in anno donationis Querceti factæ, juxta Scriptorem illum anno 1134. per Theodoricum Ellatium Flandriæ Comitem, cum ex superstitibus ejusdem donationis literis certò constet eam factam anno 1130.

Archiva
Eechouta;
na.

In Append.
defens.

12. Quòd referat combusto S. Trudonis Monasterio, aliud exstructum fuisse apud Curtracenses, cùm clarum sit restitutum fuisse apud Brugeses prope viam Curtracensem. Dictum Scriptorem secutus videtur Paulus Laymannus apud R. D. Iosephum Geldolphum à Rickel Histor. S. Gertrudis lib. 2. pag. 253. ubi hæc lego: *B. Trudonis Monasterium Brugis olim à 80. Benedictinis inhabitatum, deinde datur Cœnobitis, demum anno 1110. conceditur Canonicis Regularibus S. Augustini. Cæcus cæco dux, ne sutor ultra crepidam. Nec opus à me refutari, abundè siquidem refutatum à Geldolpho lib. 3. vitæ S. Gertrudis Virginis pag. 531. ubi probat à B. Trudone Brugensè Monasterium Eechout nunc vulgò dictum, fundatum ab initio non à Benedictinis; sed à Canonicis Regularibus fuisse inhabitatum. Hæc paulò fusiùs scribere placuit juxta certa Archiva, & probatos Auctores, quò satisfactum sit quorundam mussitationibus, ut audio, Criticorum, absque ullius tamen præjudicio, majus jus, vel evidentius testimonium habentis; siquidem cultores sanctorum esse volumus, non verò propugnatores errorum: *Quamquam non sit alienum à religione, ait Molanus, quemquam sanctum honorare, quia ejus corpus**

In Natal.
Sanctor.
27. Nov.
2.

corpus nos habere putamus [eadem est ratio de Sancto quem juxta antiquam traditionem fundatorem piè credimus] nam & nummum, & cultrum, & similia in pretio habemus, quia putantur hujus, aut illius fuisse, etiamsi obscuram tantum eâ de re famam habeamus. Ita Molanus.

Hac itaque relatione in compendium contractâ, & prænominatis RR. Dominis Vicariis exhibitâ 12. Novemb. Sequenti die quæ fuit Dominica, tradita est in scriptis facultas per Rev.D. Ioannem Baptist. vander Zijpe Canonicum Cathedralensem Brugensem Dominis Vicariis à secretis, & concessa 40. dierum indulgentia, omnibus Eechoutanam Ecclesiam S. Bartholomæi Apostoli visitantibus, & ibidem orantibus pro foelici successu armorum Catholicæ suæ majestatis, ipsâ festivitate S. Trudonis, & totâ durante Octavâ; formula autem concessionis quæ sequitur.

13. Noy.

Actum Brugis in congregatione adm. Reverend. Dominorum Vicariorum Generalium vacantis Episcopatus Brugensis 12. Nov. 1650.

Ad expositionem R. Adm. in Christo Patris D. Nicolai van Troostenberghe Abbatis Eechoutani, exponentis qualiter cum consilio suorum Religiosorum

rum capitulariter congregatorum, resolutum fuisset
solemniter celebrare Iubileum anni millenarii, à pri-
mâ fundatione Abbatie Echouane: item j, sexcen-
tenarii à restauratione plenariâ ejusdem circa annum
880. per Nordmannos & Danos cum multis aliis Mo-
nasteriis Comitatus Flandriæ quondam destructæ; &
supplicantis quatenus Admod. RR. Dominis Vicariis
Generalibus præfatis, placeret concedere 40. dierum
indulgentias, in ipso instante S. Trudonis festo & per
octavam lucrandas ab iis qui Ecclesiam prædictæ Ab-
batie viderint & ibidem Deum omnipotentem ora-
verint pro fœlici successu & profectu armorum Ca-
tholicæ suæ Majestatis, ad obtinendam pacem diutius
desideratam; declarantis insuper eam suam esse incen-
tionem, quatenus in ipso S. Trudonis festo, omnes hu-
jus civitatis campanæ per horam pulsarentur sumpti-
bus ipsius supplicantis, confidentis hoc ipsum RR. Do-
minis Vicariis præfatis non futurum ingratum:

Adm. RR. DD. Vicarii Generales venerando Do-
mino exponenti consentiunt in postulatas indulgentias,
ordinantes nostro Secretario, quatenus desuper expe-
diat litteras in formâ. Ad pulsus autem campina-
rum hujusce civitatis Brugensis quod spectat, quando-
quidem aliàs simile quid hîc usitatum sit in occasiombus
minoris momenti, Adm. RR. Domini Vicarii declarant
id sibi

id sibi gratum futurum, dummodò impetretur consensus respectivorum capitulorum civitatis ejusdem, & aliorum ad id jus habentium.

*Actum die, mense, anno ut suprâ
me præsentē*

IOAN. BAPT. vander ZIIPER.

14. Novemb. amandatus fui cum D. Bernardo Isenbaert ab adm. R. Domino Abbate nostro ad Capitulum Cathedrale, à quo obtentus fuit campanarum pulsus audiendus in ipso S. Trudonis fundatoris & dotatoris nostri festo, datâ in scriptis facultate hac formulâ.

*Actum in Capitulo Ecclesiæ Cathedralis
Brugensis die 14. Novemb. 1650.*

Comparentes RR. DD. Cornelius Bartholomai & Bernardus Isenbaert Canonici Regulares S. Augustini Abbatie de Echout, ad hoc deputati ex parte Adm. Rev. Domini Prælati ejusdem Abbatie, exposuerunt quòd Adm. R.D. Prælatus intendat hoc anno per octiduum inchoandum à festo S. Trudonis, quod incidit in 23. hujus celebrare solemnitatem secularem, seu Iubileum decimi sæculi & anni millesimi à primâ fundatione ejusdem Abbatie, per eundem S. Trudonem factâ, anno sexcentesimo quinquagesimo
adbi-

40 AD PONDVS SANCTVARIJ

adhibitis ad hoc ceremoniis opportunis, & signanter pulsu campanarum Ecclesiarum hujus civitatis, rogando quatenus Domini ad honorandum seu promovendum hujusmodi solemnitatem, dignentur ejus expensis concedere pulsum hujus Ecclesiæ: Domini ad majorem splendorem tam laudabilis solemnitatis, in petitum pulsum hujus Ecclesiæ consenserunt.

Actum ut suprâ me præsentem
H. WALGENAERS.

Similiter obtentus fuit pulsus campanarius, à perquam Reverendo Domino Præposito Ecclesiæ B. Mariæ Brugensis: itemque Aedituis Ecclesiæ S. Salvatoris. Quibus impetratis

15. Novemb. alia cœpta sunt præparari quæ magis spectare videbantur ad solemnem futuram Iubilei celebrationem.

16. Novemb. per DD. Iosephum Beerblock & Prosperum de Vinck Canonicos nostros, invitati sunt viri primarii civitatis Brugensis tam Ecclesiastici, quàm Sæculares, & Franconatûs ad solemnem Missam & mensam in festivitatem S. Trudonis.

17. Novembr. Obtinuimus per libellum supplicem à Senatu Brugensi, pulsum maximæ campanæ,

panæ, & luminis triumphalis, ex phalis & turri Ecclesiæ B. Mariæ exponendi; libellus autem sic sonabat:

Nobilibus Dominis Consulibus & Scabinis civitatis Brugensis.

EXponunt cum debitâ reverentiâ Adm. Rev. D. Prelatus & Religiosi Domini Abbatia Echoutana, se resolvisse celebrare, instante feriâ quartâ, quæ erit 23. Novembris, in quam incidet festum S. Trudonis sui fundatoris, & per octiduum Iubileum anni millenarii à primâ fundatione sui Cœnobii factâ à S. Trudone anno 650. quo eodem tempore S. Eligius majores nostros à Paganismo convertit ad Christianismum, fundavitq; in Burgo Ecclesiam B. Mariæ, postea S. Donatiani nuncapatam, & in suburbio Ecclesiam S. Salvatoris. Ad cujus Iubilei celebrationem honorandam, quandoquidem Adm. RR. Dominis Decano & Capitulo Cathedralis Ecclesiæ consultum visum fuerit, pulsari omnes campanas à septimâ vespertinâ usque ad octavam, ut patet per actum his annexum; supplicant nobilibus dominationibus vestris, quatenus in pulsum campanæ maxime triumphalis, ab horâ octavâ vespertinâ usque ad nonam, & in accensionem lucernarum & lampadum in utraque turri edi-

42 AD PONDVS SANCTVARI

vestris sumptibus consentire dignentur, in gratam memoriam luminis fidei, prenotato tempore, primitus in hac civitate accensi, quo præstato, &c.

In margine notatum erat:

Collegium Scabinorum Dominis supplicantibus, id quod postulant, concedit.

Actum in Curia 17. Novemb. 1650.

me presente.

G. vander WOESTINE.

18. Novemb. facta est nobis facultas à Dominis Vicariis Generalibus habendi supplicationem ex Abbatiâ nostrâ Eechoutanâ ad Abbatiam Sanctimonialium S. Trudonis in octavâ ejusdem S. Confessoris post solemne sacrum, in quam incidit festivitas S. Apostoli Andreæ; quâ de re copiosius postea suo die.

19. Novemb. collocatam fuit loco pictæ tabulæ super altare princeps prostare solitæ in concavo, spectaculum quoddam repræsentans sanctum Confessorem Trudonem fundatorem dotatoremque duobus mendicis stipem erogantem, ornatum pluviali nostro pretiosissimo artificiosissimoque ex panno argenteo, limbis prominentibus auriphrigiatis, quod spectatores rapere solet

in admirationem; cum hac inscriptione litteris aureis; S. TRUDO PATER PAUPERUM.

Eodem die supra sepimentum quod anteriorem Ecclesiæ nostræ partem à posteriore dirimit, constituta alia simulachra, quorum primum repræsentabat eundem S. Trudonem quasi Cœnobium nostrum fundantem, appositis hinc inde personatis Architectis, & iis qui erant quasi à consiliis, circumstantibusque personatis Canonicis Eechoutanis, & Sanctimonialibus Trudonissis, quo dabatur intelligi utrosque Sanctum sæpe dictum recognoscere fundatorem dotatoremque.

20. Novemb. Simulacra, de quibus jam agere cœpimus, magis magisque (quod dici solet) ad vivum fuerunt, promota & apparata. Navis item Ecclesiæ adornata fuit tapetis artificiosissimis, pretiosissimis, amplissimisque regali palatio dignis, qualia vix unquam Brugis visa ubi tamen ea ars textrina à priscis temporibus hucusque semper floruit, vivaciter exhibentibus vitam Caroli quinti Imperatoris semper augusti fel. recordationis. Primum vivaciter reddebat Carolum Africæ domitorem. 2. Lusitaniæ amato-

rem. 3. Civium defensorem. 4. Romanorum Imperatorem. 5. Sui ipsius Triumphatorem; Cujus cum nuper, datâ occasione, Gandavi essem conclave natale in palatio principis cum admiratione, delectatione, & veneratione spectavi.

21. Novemb. Supra Basilicæ nostræ vestibulum ex ramis virentibus confectus est lucus Quercetanus, in quo Iovis simulachrum olim ibidem culti, jussu S. Trudonis, & operâ Quercetanorum ejus sodalium dejectum. Demum super altare facelli, hoc ipso anno celebrati Jubilei, amplè & magnificè fundati & consummati, Industriâ Adm. R. Dñi Nicolai Abbatis optimè meriti, in honorem Dei Virginis Deiparæ; posita est Crux, cujus basis in modum tabernaculi, perspectivo & tornatili opere composita ex testis concharum marinarum, raris, speciosis, pretiosis, & versicoloribus, mira arte & ordine undique dispositis, variaque emblemata exhibentibus, artifice D. Ambrosio Sasboldo Concanonico, ingeniosè concepta & affabrè confecta, innumeros spectatores ad se traxit, detinuitque in admiratione. Denique supra portam anteriorem Cœnobii nostri, quæ respicit plateam Eeck-houtanam

tanam. præfixum est ligneum frontispicium variis emblematis deauratis & insigniis Abbatiæ & Abbatis moderni circumornatum, cui non absimile præfixum est supra valvas templi continens deauratam hujusmodi inscriptionem.

I V B I L E V M

Decimi seculi primæ foundationis Brugenfis Abbatie de Eeck-houte, factæ per SANCTUM TRVDONEM anno 650. Celebratum ipso festo ejusdem S. TRVDONIS 23. Novemb. 1650.

22. Nov. Matutino tempore designatus fui, comite adsignato Dño Josepho Beerblock ad irritandum Senatum Brugensem, quatenus dignaretur, quod dici solet, in corpore, & habitu Senatorio, interesse crastino solemni sacro, annuit Senatus, quo ipso anno Magistratum gerebant, qui sequuntur.

CONSVL SCABINORVM. CONSVL COMMVNITATIS.

D. Vincentius Stochoue
Toparcha S. Catharinæ.

SCABINI.

D. Alphonfus de Gras,
Toparcha de Bouchoute.

D. ac Mr. Olivarius Vredius I. C.

D. Gerardus van Volden.

D. Petrus Adornes, Toparcha de Poelvoorde, &c.

CONSILIARI.

D. Petrus Sucx.

D. Gualtherus Tristram.

D. Arnoldus de Walle.

Mr. Ignatius de Muelenaere f. D. Guillelmi.

E 3 .

CON-

46 AD PONDVS SANCTVARI

D. Petrus Soutieu.
 Carolus Raepaert
 D. ac M. Ioannes de Tol-
 lenaere I. C.
 D. Ioannes Cloribus.
 D. Ioannes Baptista Hum-
 belot.
 D. Michael de Valcke.
 D. Martinus Bruynsteen.
 Franciscus Clayfman F.
 D. Valentini.
 Iacobus Scherlinck.

D. Ioannes van Bogaerde.
 Iudocus Wouters.
 D. Aegidius Ramont.
 D. Georgius Saegheman.
 D. Carolus Ingelbrecht.
 Balduinus L'espé.
 D. Antonius Beerblock.
 Philippus Blanckaert.

THESAURARI

D. Georgius Aerts.
 D. Ioannes vander Leepe.

HOOFDMANNI.

D. Petrus Lootyns F. Io
 annis.
 D. Ioannes de Clercq.
 D. Adrianus Villegas.

D. Bathasar Clayfman.
 D. Daniel Pallant.
 D. Franciscus de Gooris.

Primæ vespæ solemnissimè sunt celebratæ,
 Adm. Rev. Dño Abbate, assistentibus sibi mini-
 stris, paratis pluvialibus pretiosis, officiante; si-
 militer & completorium, quo absoluto, quinque
 tubicines ex nostro campanili tubis, festivissimè
 buccinare cœperunt, harmoniâ nostrâ campana-
 riâ consonante.

23. Novemb. ipso S. Trudonis festo, ad ho-
 ras matutinas, circa medium quartæ est pulsa-
 tum, quæ solemnissimè organo resonante, sunt
 decan-

decantatæ. Populi fidelis concursus incoepit, circa quintam. Porro in frequentissimo auditorio horâ sextâ dicta est prima Missa privata, & subsequenter reliquæ usque ad horam undecimam. Circa horam verò septimam, sedilia decorata tapetis venturo Magistratui sunt præparata, qui adfuit circa medium undecimæ in corpore, ut dicunt, & habitu Senatorio. Tanta autem fuit turmatim accurrentium hominum multitudo ut plebæis à choro arcendis publici vix sufficerent ministri. Summum sacrum maximâ solemnitate celebratum fuit à Rever. Adm. Dño Abbate in Pontificalibus infulis, ipso & sibi assistentibus ministris in panno aureo pretiosissimo effulgentibus, festivissimè Musicis Cathedralibus modulantibus ad organum & musicalia instrumenta, postea liberaliter remuneratis. Divinum cultum suâ præsentia honestârunt Perillustris ac Reverendissimus D. Carolus vanden Bosch Episcopus Brugensis, tunc Decanus Ecclesiæ Cathedralis S. Donatiani; Adm. Rev. D. Henricus vander Zijpe Abbas S. Andreæ prope Brugas, cujus encomium lib. posthumo Aub. Miræi cap. 222. recitatur; perquam Rev. ac nobilis D. Jacobus de Bernemicourt Præpositus Brugensis Ecclesiæ Collegiatæ B. Mariæ, Topar-

43 AD PONDVS SANCTVARI

Toparcha de Vrevin &c. Rev. adm. D. Christianus vanden Berghe Archidiaconus. Rev. D. Bartholomæus de Crits Cantor. Rev. D. Hubertus Waegenærs Archipræsbyter. Rev. D. Petrus Cortewyle Officialis. Rev. D. Cæsar Nieu-burch. Rev. D. Joannes Bapt. vander Zype, Canonici Cathedrales; & cujusvis ordinis Religiosi, insuper præter Senatores Brugenses interfuerunt etiam Consules & Senatores Franco-natenenses, inter quos D. Ludovicus vander Hâghen Eques, Dominus de Lembeke &c. D. Iacobus de Velare Dominus de Noortvelt &c. Nobiles denique Matronæ, & promiscuæ plebis multitudo copiosa. Finito sacro honestissimo pro-cænio optimates sunt excepti, ad bellaria, reci-tata sunt duo poëmata festivissimo versu expli-cantia mysterium tantæ lætitiæ composita ab Eruditissimo amplissimoque, Brugensi Consule D. Olivario Vredio, sic habent:

Aano
Christi
500.

*Plaudite Brugenses, agitur millesimus annus,
Quo CHRISTI Brugis est stabilita Fides.
Francorum latè Clodoveus scepra gubernans,
Vixdum sacrato flumine tinctus erat;.*

503. *Cum mox Remigius per Belgicæ rura Vedastum
Cum sancto sanctum mittit Eleutherio,*

- Hi Fidei sparsere quidem sacra semina, at illa* 510.
Non satis exculto delituere solo;
Bella inter natos, Clodovei morte, suborta 515.
Ob regnum, tanti causa fuere mali.
Postea Eleutherii residens in sede Medardus. 523.
Magnanimâ sacrum mente resumpsit opus,
Quindenâsq; tulit CHRISTI de semine messes, 530.
Diruta vanorum post simulacra Deum.
Ast humeris cum Chlotarius sublata Medardi 560.
Sacra Suëssonico condidit ossa solo;
Bello inter Fratres, extincto Patre, renato, 563.
Qui sacra det Flandris dogmata, nemo fuit.
Alter Chlotarius donec submisit Amandum, 626.
Lisiacas jungit quâ sibi Scaldis aquas.
Hic mox cœnobium, templum quo struxit Amandus,
Cui Bavo largas suppeditavit opes,
Bavo Hasbanorum soboles, de sanguine Regum,
Quos Franco-Austrasios indigitare solent.
Trudo quoq; Hasbanus, de sanguine natus eodem,
Dum multas Brugis dudum habuisset opes,
Cum fortè Eligius Tornacæ Sede relictâ 647.
Frandriacas vifit, Franca per arva, plagas,
Rumpere congaudet simulachra profana Deorum, 648.
Quæ rursus longis invaluere moris;

50 AD PONDVS SANCTVARI

Condere quin etjam passim nova templa, sacrasq;
In variis edes accumulare locis.

650. Primam, in Bruganâ statuerunt arce, MARIÆ,
Tum SALVATORI structa secunda fuit.

Lucus erat densis è QVERCV frondibus ater,
Quò vixdum radius solis adire datum.

In medio luci Iovis olim stabat imago
Vibrantis dextrâ fulmina dira manu,

Hic dudum fuerant Druydarum sacra peracta,
Queis solis fingunt numina nosse, datum.

Hunc sibi de primis Francis à patre profectum
In CHRISTI templum vertere TRVDO parat;

Et ne forte iterum retro labentibus annis
Unquam aliquis CHRISTI preco deesse queat,

650. Cœnobium fundat, quo Franca, & Brugica possit
Christiadum institui prima iuventa sacris.

Approbat Eligius factum, firmatq; sigillo,
Et loca, quæ restant erudienda, petit.

Interea scola fit CHRISTI TRVDONE Magistro
• QVERCETVM, & tantâ religione viget,

690. Ut sibi TRVDO senex, intra penetralia claustri
Bis quadragenos viderit esse viros,

Moribus insignes, omni virtute coruscos,
Doctrinâ eximios, eloquioque graves;

Quos

Quos Augustini, non tantum vivere CHRISTO
 Verum etiam populo, regula sancta jubet.
 Ad vetera hinc nunquam Bruga est idola relapsa,
 Solaque sunt CHRISTI culta deinde sacra.
 Festivos igitur victrix age Bruga triumphos,
 Cum spolia à victo demone opima refers,
 Splendida dispositis celebra convivia mensis,
 Nec sit tam festâ luce maderè, rubor,
 Natali gaudetò die, quo, fidere fausto,
 Tuque, & posteritas tota renata Deo es.

A L I V D E I V S D E M

A V C T O R I S.

A Quercu^a sumpsit Quercetum nomen, & omen,
 Insula Hamadriadum^b dum locus iste fuit.
 Vatibus à Druidis^c hic postquam tempore multo
 Fulmineo fuerant sacra peracta Iovi,^d
 TRVDO genus ducens Francorum à sanguine Regum,
 Inter opes cujus Quercea sylva fuit.
 Quercetum excidit, delubrum fregit, & ædem
 Constituit, Christo, Cœlitibusque^e sacram.
 Cœnobium adjunxit, quò Brugis mille per annos
 Insignes essent relligione viri;
 Annuit inceptis Sancti TRVDONIS olympus,
 Hinc agitur totâ festus in urbe dies;

G 2

Autumnos

^a Verus in-
 scriptio
 Monasterii
 Eechouta-
 ni etjamnū
 in insula
 fiti
^b Dearum,
 quæ finge-
 batur cum
 quercubus
 nasci dux
 cum, spūs
^c spūs
 quercus
^e Druyda.
 Sacerdotes
 Sacrificia
 peragētes
 in lucis
 querceis.
 Plin. lib. 16.
 cap 44.
^d Quercus
 sacra Iovi.
 cVrg.
 D. Bar-
 tholomeo.

52 AD PONDVS SANCTVARI

Autumnos etenim nunc Phœbus mille peregit,

TRVDO suas in hæc cum sacra vertit opes.

Et quia lux Fidei nova tum Brugensibus orta est,

Hinc tot lucernas utraque turris habet;

Resplendent totis quoque lumina multa plateis,

Illa domus præfert lampadas, illa faces.

Templa coronantur sertis, altaria fumant,

Et redolent sacris thura cremata focus.

Indulgent plerique epulus, & vina bibuntur,

Et choreas ducit femina, virque, canens.

Verum hæc lætitiæ tantum sunt signa potentum,

Et quibus hæud modicas sors cumulavit opes.

Pauper ubique jacet, nullo solamine, & expers

Omnis lætitiæ, pauper ubique jacet.

Vidit & indoluit Præsul, cui nomen, & omen

Solari mæstos, ipseque mæstus ait:

Siccine TRVDONEM celebrabimus, omnia quondam

Qui bona pauperibus, cœnobiisque^f dedit?

Pauperis & turbæ nos prava oblivio tanget?

Abfit id à nostra dedecus æde procul.

Bis sex quadrantum pistorem pinsere panes

Trititio mox è polline mille jubet.

His discurrit ovans urbis per compita, fundens

Pro Te millenas pauper ad astra preces.

f Trudo-
nensi in
Hasbania,
& Brugensi
Querceta-
no, unde
orta &
Abbatia
Monialiū
Brugis,
vulgo S.
TRVEN.

Sic

*Sic faveant precibus Superi, sic gaudia posthac,
In cœlo maneant millia mille Tibi.*

Eandem festivitatem Iubilarem Logicalibus
suis Thesisibus Præsides R. P. Iacobo Isenbaert S. I.
Philosophiæ Professore Brugensi in universitate
Duacenâ propugnatis cohonestavit ingenuus ado-
lescens Franciscus Adrianus van Wissen Harle-
mientis, in Epigraphe quâ eandem dedicavit, mi-
sericordiæ matri, cujus icon è ligno foyensi in
novo sacello Ecclesiæ Quercetanæ colitur, sic
præfatus: In publico Brugarum gaudio, MISERI-
CORDIÆ MATER, in communi Quercetanae fa-
milie jubilo ob primam sui originem & ortum à
decem jam sæculis retro-actis, Logica mea venire
gestit in partem Iubilei, quod Reverendus. Admodum
Dominus D. Nicolaus van Troostenberghe, meritis-
simus ejusdem familie Præsul unâ cum suis festivo
apparatu, ritu sacratione, solemni omnium aggratu-
latione in D. Bartholomei non minus pie instituit,
quàm feliciter. Præludere dudum visus fuit, MISE-
RICORDIÆ MATER, cum tibi aram sub hoc ti-
tulo magnis impendiis adornavit, muros vastissimos
ampliavit, & sacras exercitationes quor. Hebdoma-
dibus ad aram tuam celebres esse voluit & fecit.
Gratulabunda graphicâ cum tabelli quantocius ad-

*nolat Logica mea, mora impatiens longioris, tuis tho-
lis apponenda, ut vel ego absens, adscripto nomine
valeam te MISERICORDIÆ MATREM ibi ag-
noscere, Dominam suspicere & pio animi sensu sup-
plex venerari, ubi simul clares beneficentiae tuae sym-
bola & amore.*

Vinum honorarium ab utroque Senatu Bru-
gensi scilicet & Franconatensi liberaliter præ-
sentatum. Et ne pauperibus tanti gaudii aliquod
participium deesset, in aliquale eorum solatium
distributi sunt mediantibus plumbetis, ut vocant,
mille panes, juxta numerum annorum lapsorum
à primâ fundatione ad Iubilæum.

Horâ tertiâ promeridianâ magnâ celebritate
officium vespertinum est decantatum, quo fini-
to per totum octiduum à diversis Concionato-
ribus selectis diversæ habitæ sunt conciones in
quibus, septem fere notabilia de Querceto de-
clamata.

1. Quercetum olim lucus Iovi sacer tandem
Sancti Trudonis ex Francorum Regum prosapiâ
progeniti factum patrimonium vulgò Alodium,
eiusdem Sancti operâ in Cœnobium conver-
sum anno 650.

2. Quercetum venerabilis Everelmi Anacho-
retæ

retæ Domicilium, oratorium quondam & mausolæum.

3. Quercetum, S. Bernardi Abbatis Clarævallensis quondam hospitium, qui testis adfuit cuidam donationi Ecclesiæ Eeckhoutanæ factæ anno 1146. à Radulpho Castellano Brugensi, Ex Archivis Eeckhoutanis, qui sicut & omnes alii Brugenses Castellani præcedentes, & succedentes, fuerunt Advocati .i. protectores Ecclesiæ ejusdem; tenor instrumenti istius donationis ad verbum sic habet: **IN NOMINE SANCTÆ AC INDIVIDUÆ TRINITATIS.** Ego Radulphus Brugensis Castellanus pro redemptione animæ meæ, quadraginta solidos ex decimâ meâ de Lophout Ecclesiæ S. Bartholomæi apud Eechoud in Brugis contuli, Theodorico Flandrensi Comite, assensum præbente, & sigilli sui impressione confirmante. Testes affuerunt Bernardus Abbas Clarevallensis, Robertus Abbas ex Dunis, Lennotchus S. Bertini, Anselmus Dapifer, Eustachius Camerarius, Balduinus Desthuga, Dodinus frater ejus. Actum Brugis, Anno Incarnationis Dominicæ M.C. XLVI. Regnante Ludovico Rege Franciæ, Theodorico Flandriam tenente.

4. Quercetum Illustrissimi Principis Henrici Perchii ex nobilissimo S. Caroli Magni stemmate,

AD PONDVS SANCTVARI

te, Noort-umbriæ Comititis potentissimi, de quo multa Polidorus Virgilius in Historiâ Anglicanâ, quondam per tres menses refugium.

5. Quercetum Domicilium Luberti Haudschilti Abbatis, Illustrissimorū Principum Ioannis Ducis Bituricensis, Itemque Ioannis Ducis Burgundiæ & Comititis Flandriæ Consilarii, Prophetæ Belgii, cuius vaticinium ut olim sic nunc & videmus impleri totâ Europâ famosum, cuius demum sepulchrum epigraphæ Ænigmaticâ inscriptum frequenter ab exteris visitatur: qui propter doctrinam & morum gravitatem, in Concilio Constantiensi à patribus mitrâ donatus fuit, & sex ex suis Canonicis, partim nostro, partim nostri ordinis cœnobiis aliis, Abbates dedit: quique sodalitium magnatum instituit (qui dicti sunt Confratres nostri ad succurendum) gestabant hi certum numisma ad pectus, dicti sodalitii tesseram. Quos inter fuit Eminentissimus Cardinalis Petrus de Aliaco Episcopus Cameracensis, scriptis Theologicis & Mathematicis clarus, magni Ioannis Gersonis magister, singularis Luberti Quercetani Abbatis mœcenas. Denique Ioannes Archiepiscopus Rigenfis. Præterea Ioannes Dux Bituricensis, nec non Henri-

cus

tus Perchius prænominatus, Noort-umbriæ Comes.

6. Quercetum multorum insignium Abbatum plantarium qui temporibus & rebus difficillimis, pro Brugensibus velut fortia robora steterant olim, & pro eis legatione functi ad Principes pacem subinde reportarunt, quorum unus instar omnium, Adm. Rev. Dominus D. Antonius de Mil cum laude commemoratus. Plantarium denique tot Religiosorum virorum, qui olim & nunc divino officio reverenter insistentes, & Missæ sacrificio indefinenter operantes populo Brugenfi gratis adstiterunt & assistunt, & religionem ac eruditione conspicui verbo eundem ædificant & exemplo. Quæ & his majora Religiosi Eeck-houtani non sine verecundiâ audire sunt coacti.

7. Quercetum titulo Abbatie Brugenfis ut singulari ac sibi propriâ tesserâ vulgò notum, Brugenfis urbis insigniis à tempore immemorabili nobilitatum, summorum Pontificum, Regum, aliorumque Principum privilegiis, & donariis auctum, regulari observantiâ virens & Canonica professione florens, cujus incolæ gloriantur se ipsius S. Trudonis Confessoris Presbyteri Hasbanix

baniaë principis Alumnos, qui S. Trudo commendatus fuit à generosâ profapiâ, à pietate in Deum quam à pueritiâ declaravit, in templis & cœnobiis fundandis & dotandis, in Evangelio prædicando, paganismo extirpando, in territorio Brugenfi, à mundi contemptu, à liberalitate in pauperes, &c.

Ordo Canonicus laudatus ab antiquitate, à Sanctorum multitudine, à Professorum ejus sanctimoniâ & doctrinâ, ab exercitio Chori, quod piè peractum Angelicum potiùs est quam humanum.

Igitur prima Concio habita est circa horam quartam pomeridianam à Rev. ac Eruditissimo Dño D. Antonio Cabreels Canonico Cathedrali magnâ cum facundiâ & energiâ. Thema, ex Isaiaë 6. *Sicut Quercus quæ expandit ramos suos: semen sanctum erit id, quod stetit in ea.*

Concionem subsecutæ sunt Laudes exposito Augustissimo Sacramento, priùs tamen solemni-ter decantato Completorio, quibus debitâ cum celebritate expletis, post horam sextam, cœpit pulsus sex nostrarum Campanarum, sibi harmoniacè proportionatarum, tribus distinctis vicibus, expositis lucernis ex campanili, & in viâ quæ ducit
à placea

à plateâ ad ostium templi. Ab horâ septimâ usque ad octavam resonabant campanę omnes omnium Ecclesiarn & Monasteriorum, quę haud exiguo numero sunt in urbe Brugenſi, tanto sonitu ut facile auditus sit à Dammenſibus & ulterioribus opidanis. Interea accenſi ſunt ignes triumphales in utroque ponte Beckhoutano & per totam plateam Beckhoutanam. Itemque in ponte B. Marię, ante Cœnobium Monialium Trudoniſſarum; ante Noſocomium B. M. Magdalenę: Denique per vicum vulgò Diveriam, & per totâ ferè viciniam, Abbatiam Beckhoutanam circundantem. Ante portam verò ipsius Abbatię, ubi præcipuè focus triumphalis fulgebat, & populus turmatim ſe premebat, quędam opera pyria ex pulvere tormentario artificioſè compacta, ſuo ſpectaculo tumultuantis plebis frequentiam recreabant. Insuper quinque Tubicines, nunc è turri templi, nunc ante portam Cœnobii, nunc alibi in viciniâ ſativiffimè concrepabant. Circa horam octavam in coronâ altiffimę turris Eccleſiæ Collegiatę B. Marię, quę per aliquot milliaria in Oceano, & ipsis Zelandis ſe ſpectandam præbet, diadematis in modum circumpoſitę, accenſę ſunt lucernę, prout & in phalis civicis in quibus per quinque di-

stinctos ordines circumcirca dispositæ lucernæ & lampades piceæ, quasi astra in cœlo relucebant; jucundo spectaculo non solum civibus Brugen-
 bus, verum etiam propinquioribus opidanis, sed
 & campana maxima triumphalis ab octavâ ad no-
 nam usque resonabat, harmoniâ campanariâ con-
 sonante, & communi gaudio Senaru, populo-
 que Brugensi exultante prout in publicâ lætitiâ
 fieri consuevit pro victoriâ vel pace obtentâ, jubi-
 lante, & Religiosis Canonicis Eeckhoutanis con-
 gratulante.

24. Nov. Deputatus fui adjuncto Comite D.
 Ludoco Inbona Concanonico, ut nomine Adm.
 Rev. Dñi Præfulis Eeckhoutani ejusque Religio-
 forum, Capitulo Cathedrali pro honore exhibito
 per pulsum campanarium grates haberem, & ab
 eodem postulare dentem S. Trudonis in Ca-
 talogo Reliquiarum quem piæ memoriæ Rev.
 Dominus Ioannes Iacobs publicabat, erat confi-
 gnatus. Responsum datum, prius de eo faciendam
 inquisitionem, & postea dandam resolutionem.

Item Adm. Rev. Dñs Archimandria Missarum
 solemniter celebravit: resonante plenâ musicâ tam
 vocali quam instrumentali, prout etiam in Vesp-
 ris circa horam tertiam decantatis, Completorio,
 & Lau-

& Laudibus de *Venerabili*. Post vespertinum officium habita est docta & pia Concio de notâ Ecclesiæ, antiquitate scilicet, de laudibus S. Trudonis & Monasterii Eeckhoutani ab eo fundati, per Rev. Dñm Hugonem de Werchein quondam Ecclesiæ S. Salvatoris tunc Xenodochii S. Ioannis pastorem Thema. *Mille anni ante oculos tuos*. Psalm. 89.

25. Novemb. Summum Sacrum itidem solemni ritu factum fuit, à plurimum Venerando Dño Cœnabiarchâ ad medium undecimæ, cui intersonantibus instrumentis, plena musica consonabat, similiter in Vesperis & Completorio ac Laudibus cum expositione *Venerabis*. Circa quartam pomeridianam dictus est Sermo à Rev. Patre Seraphino Capucino. Thema ex *Psal. 111. In memoria eterna erit Iustus, ab auditione mala non timebit: potens in terra erit semen ejus, generatio rectorum benedicetur.*

26. Novemb. Hora septima matutinâ, eo quod esset dies sabbathivus, more majorum assistentibus Diacono & subdiacono, in frequentiâ populi, decantatum est Sacrum in honorem Deiparæ Virginis, ad organum musicè modulantibus Religiosis summum denique sacrum consuetâ celebrata-

te peractum ab Antistite plurimū colendo, quod suā præsentiā cohonestavit nobilis Domina uxor Marchionis Strossi. Item generosus Baro Ioannes Baptista Camargo Gubernator Dammenfis cum Coniuge. Inter Vesperas & Completorium cum Laudibus subsecutis consuetā solemnitatem & musicā decantatis, Concionem habuit Rev. Pater Marcus Capucinus. Thema *Lampas contempta apud cogitationes divitum.* Iob 12.

27. Novemb. ratione dominicæ primæ adventūs, cantavimus unam Missam de eadem; alteram de S. Trudone, cui Præsul perquam Reverendus operatus est adsonante solemni musicā, interfuerunt generosa Marchionissa Strossi, cum matre nobilissimā, itemque vidua illustris Baronis Maleani, nec non promiscuum vulgus frequentissimum. Post vespersas solitā solemnitatem absolutas celebrem concionem habuit Rever. Dominus Joannes vander Stael Clivius Parochus B. Mariæ portionis, ut vocant, argenteæ. Thema: *Et folium ejus non defluet.* Psal. 1. auditorium adeo fuit copiosum, ut ei capiendū non sufficeret Basilica, quantumvis hoc anno spaciofo & magnifico adaucta sacello, homines qui foris erant intrare, qui verò intus, exire nequibant, quorum
non

non modicus se comprimantium exortus est tumultus. Subsecutum est Completorium & laudes solemnes.

28. Novemb. Legatione functus sum ad Capitulum Cathedrale Brugense comitante Domino Iudoco Inbonà Concanonico, auditurus resolutionem dicti Capituli circa supplicationem nostram nuper factam pro dente S. Trudonis, quem nobis addixit Reverendissimus Dominus Decanus cum suo Capitulo, si adhuc superstes inter Reliquias reperiretur.

Itidem horâ consuetâ, festivissimo ritu summum sacrum perfecit venerandus Abbas cum solitâ symphoniâ, quod honoratum plurimarum primariarum personarum præsentia quarum Rhedæ expectabant ante fores templi: vespere peractæ sunt adhibitæ cæremoniis solitis, quas subsecuta est concio præsentè honesto auditorio, quam dixit Rev. Pater David Capucinus. Thema: *Ecce Sacerdos magnus, qui in vitâ suâ suffudit domum, & in diebus suis corroboravit templum.* Eccl. 50.

29. Novemb. præparata sunt ea quæ videbantur, necessaria crastinæ supplicationi, adornatum tabernaculum herbis odoriferis deargentatis, gestandum à duobus Religiosis Canonicis super feretrum

retrum subserviens sacrosanctis Lipsanis S. Trudonis deferendis. Missarum solemniis perfunctus est, Pontificiis infulis indutus Prælati perquam venerandus, non defuit musica consuetæ. A prandio post *Magnificat* celebri decantatum symphoniâ, sermo dictus est à Rev. Patre Balduino Cattebroucq Capucino Guardiano Conventûs Brugenfis. Thema: *Quid videbis in sunamite, nisi choros castrorum*. Cant. 6. quod appositè applicatum præcipuè Canonici Regulæ chorum tenentium functioni, in quo die ac nocte, divini officii resonant laudes; quorum denique alterum munus bellum vitiis indicere. Demum multa dicta in Canonici ordinis commendationem. Concione finitâ circa quintam vespertinam inceptum completorium, quo absoluto, musicè resonabant laudes de *Venerabili* prout præcedentibus diebus.

30. Novemb. die octavâ quæ incidit in festum S. Andreæ Apostoli, à mane in vespere tanta fuit populi catervatim concurrentis frequentia, præsertim in maximo sacro, vespertino officio, Concione, Completorio, & Laudibus, ut eam templum non caperet, plurimis foris remanere coactis. Circa septimam Matutinam per duos Religiosos Canonicos allata sunt supra feretrum

Vene-

Venerabilis Reliquiæ S. Trudonis, inclusæ Lipsano-thecæ argenteæ, quam decorabat tabernaculum palmis pulcherrimè deargentatis condecoratum, & expositæ fidelis populi venerationi, adhibito lumine, in Chori medio. Sacrum præcipuum magnificentissimè concelebratum ab Amplissimo Domino Præsule, assistentibus illi solitis ministris, Diacono, Sub-diacono, Presbytero à libro, alio à mitrâ, tertio à pedo, duobus Cantoribus cum scipionibus argenteis, omnibus circumcirca dictum Amplissimum Dominum Pontificiis infulis eminentem in panno aureo vel argenteo pretioso, magnificè fulgentibus. Muscorum duo fuerunt Chori, vocalium unus, instrumentalium alter. Post celeberrimum sacrum, decantatâ nonâ, instituta est supplicatio hoc ferè ritu & ordine. More solito præcedebat crucifer medius inter duos ceroferarios; secuti sunt tediferi Laici copioso numero; deinde Canonorum Eechoutanorum faces gestantium, & hymnos cantantium ad directionem prædictorum duorum DD. Cantorum chorus. Postea duo Seniores Canonici Eechoutani, pluvialibus holosericis speciosis induti supra feretrum veneranda S. Trudonis Lipsana deferebant; inter complures

I

res

res pulchellos pueros habitu Angelico personatos sedes itidem instructos ab utroque latere gradientes, postmodum pane albo sigillatim remuneratos, subsecutus est tandem Amplissimus Dominus celebrans pretiosissimo magnificentissimoque pluviali inter fulgentes suos ministros effulgens, Augustissimum Sacramentum corporis Christi deferens sub Baldachino, musicis instrumentalibus proximè præcedentibus, & festivissimè modulantibus. Sequentis populi cujusque sexûs & ordinis innumerabilis multitudo. Processum ex Cœnobio Eechoutano clangentibus tubicinibus ad portam, per plateam Eechoutanam, forum frumentarium, vicum vulgò angulum rusticanum, retrò conventum fratrum minorum Recollectorum, quæ loca omnia pulcherrimè fuerunt adornata, tapetibus, pannis versicoloribus, sayetis variegatis, picturis, & aliis cimmeliis, & supernè decussata, funibus virente palmâ circumdatis. Tandem approximatam oratorio Dominarum Trudonissarum, quarum Patres reverendi bini pretiosis pluvialibus amicti incensantes obviam venerunt; mox oratorium ipsum festivissimè præparatum, ingressus Chorus Dominorum Canonorum Eeckhoutanorum, posito *Venerabil*

merabili super altari, & S. Trudonis Reliquiis super mensulâ nitidè comptâ quiescentibus cecinit Antiphonam: *O sacrum convivium. V. c. Similabo eum. V. c.* Sanctimonialiû Choro ad crates Religiosè spectante & tantam celebritatem admirante, Laicis verò tediferis cum subsecuto populo foris remanentibus; & Auscultantibus adolescentem recitantem Flandrico idiomate compositû Rythmum mysterium tantæ solemnitatis exponentem. Finitis Antiphonis versibus & collectis de *Venerabili*, & S. Confessore Trudone datâ benedictione solemni, Cantoribus incipientibus Hymnum *Te Deum laudamus*, & Choro prosequente recessum est præter Nosocomium B. M. Magdalenæ trans parvum pontem Eeckhoutanum, & sic perventum ad Ecclesiam Eeckhoutanam, ubi iterum datâ per Adm. Rev. Dñm Sacramentali benedictione, supplicatio est completa.

Circa tertiam pomeridianam more consueto, officiante Rev. Adm. Abbate solemnissimo cultu Vesperæ sunt decantatæ, quibus persolutis in frequentissimo auditorio habita est concio regratiatoria, perorante Rev. Dño Adriano van Cartenbroucq Con-canonico nostro, cum totius auditorii applausu. Thema. *Benedicite Deum Cæli, V*

coram omnibus viventibus confitemini illi, quia fecit nobiscum misericordiam suam, Thobiaz 12. In ea explicatæ rationes celebrati Jubilæi, Grates dictæ, primò Deo. Opt. Max. Deinde Senatui populoque Brugensi pro ostensa Religione per totum octiduum, & reciproca oblata servitia à nobis præstanda, urgente necessitate, & in defectu Parochorum ac Religiosorum mendicantium, qui quasi recentiores milites, Canonicis Reg. veteranis jam quasi factis præfidiariis, in officio curæ proximi successerunt & populi fidelis saluti vel infidelium conversioni ex professo invigilant, dum illi pro statu suo moderno, divinis laudibus jugiter, magis occupantur. Fulminatum contra hodiernos Hæreticos, novos quidem & Novatores, occasione antiquissimæ foundationis jam à mille annis factæ à S. Trudone Confessore, presbytero Religiosissimo & Principe Generosissimo, in confusionem sectariorum vicinorum nuperorum illorum, qui templa & Monasteria (quæ cane peius & angue oderunt) Catholicorum deturbant, qui Sacerdotium contemnunt, Sacramenta conculcant, verbum Dei adulterant, & sacra omnia profanant: Quâ finitâ, ad organum musicè decantatum Completorium, subsecutæ Laudes celeberrimæ

rimæ exposito augustissimo Corporis Christi Sacramento, agente plurimum Venerando Præsule, pontificiis ornamentis amicto, assistentibus sibi consuetis ministris pluvialibus aureis fulgidis inter copiosa luminaria, in Choro, navi Ecclesiæ & alibi radiātia: capiendo omnis sexus & ordinis populo basilica non sufficiebat. Pietatem præcipuam ostendit nobilis Domina uxor Marchionis Strossi pro tempore Gubernatoris nostri, cum Matre nobilissimâ & aliis primariis personis, quæ quotidie ferè divinum Officium suâ præsentia cohonestavit. Laudibus ad finem perductis, plebe recedente, & exposito igne triumphali ex turri vicini nostri D. Matthæi de Tolenaere viri Senatorii, tubicines in campanili nostro inter exstantes lucernas festivè sunt modulati, & sex nostræ campanæ harmoniacæ, more per totum octiduum observato, personuerunt atque ita consummatum est Jubileum cum honore, ad majorem Dei, & S. Confessoris ejus Fundatoris nostri Trudonis gloriam. Nullo in tanto populi se comprimentis infortunio, nisi quod nonnullis minùs cautis vel felicibus furtivè præcisæ sint crumenæ. Sic ferè semper mala vicina bonis, & ut S. Hieronymus ait, epistolâ ad Rusticum: *In omni conditione &*

70 AD PONDVS SANCTVARI

gradu optimis mixta sunt pessima.

1. Decemb. Solvi cœpti sunt sumptus qui, haud modici facti sunt in descripti cultu Iubilai, & operarii prandio excepti.

2. Decemb. Concionatores octo qui durante octiduo per vices declamaverant honesto convivio sunt recreati. Inscriptiones aureæ, quæ supra anteriorem cœnobii partem & valvas templi totâ octavâ prostiterant, ad perpetuam rei memoriam, translatae sunt in majorem aulam Conventus & ibidem stabilitæ.

Quod reliquum est: tempore descripti Iubilai anno 1650. in vivis degebant, sub Adm. R. in Christo Patre Amplissimoque Dño D. Nicolao van Troostenberghe Abbate-Brugensi-Eeckhoutano, annum vigesimum septimum in Abbariali dignitate agente

Rev. Dominus Alexander de Muliers Prior.

D. Franciscus Bone Meetkercke Ecclesie nostri patronatus Pastor.

D. Paulus de Buyre Senior domus.

D. Cornelius Bartholomæi Lector.

D. Adrianus van Cattenbroucq Concionator.

D. Iudocus Inbona OEconomus.

D. Bernardus Isenbaert Cantor.

D. Petrus

D. Petrus Steenlant Thesaurarius.

D. Augustinus Blomme Sacellanus Abbatis.

D. Ambrosius Sasboldus.

D. Iacobus Peerman.

D. Iosephus Beerblock.

D. Prosper de Vinck.

D. Robertus de la Fontaine.

D. Philippus Iennyn,

D. Guilielmus vande Walle & prenotati omnes Sacerdotes.

D. Franciscus Steenlant.

D. Thomas Cereso.

D. Ioannes Loock, hitres Diaconi, in fine tamen huius
ejusdem anni ad Sacerdotium promoti.

D. Nicolaus Rylant Subdiaconus, ante finem huius
anni Diaconus ordinatus.

F. Alexius de Necker conversus.

Mr. Iacobus Pollet Organista.

Ioannes le Blan Baillivus Templi & Ianitor.

Celebrati Jubilæi Eeckhoutani nostri pompam quam pro mea tenuitate solutæ orationis penicillo huc-usque pingebam: sequenti eleganti poëmate doctissimo suo operi poëtico Mariano inferendo, pangebatur. & Eruditus D. Ioannes de la Salle Pastor in Schore nostratiū flos Poëtarum.

Quid

72 AD PONDVS SANCTVARI

Quid video? cur tanta tibi devotio Bruga,
 Trudonis festum commemorando diem?
 Cur millesimus hic & sexcentefimus annus
 Cum decies quinto, tanto in honore tibi est?
 Cur Eeckhoutanam populus quasi pulsus ad edem
 Hic litat eterno tam pia vota Deo?
 Cur oblatus ei tam multus cereus ardet?
 Cur tibi tam letis organa pulsa sonis?
 Tam nova cur totum stupefecit musica templum?
 Omnia cur festi triplicis acta modo?
 Cur confessio? cur tanta hac communio? tanta
 Cur isto festo concio facta fuit?
 Cur & in octavam sese devotio tanta
 Proripiens, cœlo tot nova corda parit?
 Cur tot ab auleis, ramis & imagine pulchra?
 Hæc domus ornatum deforis, intus habet?
 Brugarum totis cur talia gaudia murus?
 Vrbe patens tantâ jubilus unde venit?
 Vnde tot in vestrâ, cives sunt lumina turri?
 Cur mediâ tantos detego nocte rogos?
 Vnde tot ante fores vestras cum plausibus ignes?
 Cur vorat accensas sic sacra jamma pices?
 Audio campanas totâ simul urbe tonantes,
 Letitiæ rarum significare genus.

Aspicio

Aspicio totâque leres hac nocte choreas,
 Quas ciet in vico femina, virque suo.
 Innumeris plateis pueros, & cerno puellas
 Ludere, ad accensos corpore, voce focus.
 Intueor subitas ascendere in aëra flammæ,
 Quas accensa levi pulvere massa facit.
 Et facit obscuris terrores nubibus, omnem
 Urbis & aspectam nocte dat esse domum;
 Percipio noctemque tubâ, & testudine latam,
 Utque sonet multâ musa sonora domo.
 Ante fores Eeckhouta tuas, tibicine docto
 Freta scatet nimis ista platea jocis.
 Nec solis sunt divitibus festi hujus cbori
 Gaudia: letitiam tunc quoque pauper habet.
 Cecus habet mutusque, manus habet inops & auris,
 Orphanus, & viduo femina mœsta toro.
 Pauperibus sic consuluit meritis Abbas,
 Iusserit ut panum millia distribui.
 Sic populus, sic clerus, egens divesque triumphat,
 Letitiis festo TRVDO sacrate tuo.
 Penna, metro tanti titulum depinge triumphi
 Quercetana & eris magnus Apollo domus.
 O pietas! ô sancta fides antiqua! vocetur
 Roma, sonans Brugis jubilus ille tuus,

74 AD PONDVS SANCTVARIÆ

*Iure tuus! subdit tibi se pia filia matri
 Quidque ligas, solvis solvit & illa ligat!
 Imo tuus! tu quod proprio tibi credidit ore
 Petrus Evangelium nobile, semper habes!
 Semper habes! & habebis in omnia secula! porta
 In te nempe stygis nil sibi juris habent!
 Si possent habuisse; diu te, Roma, deditissent
 Ut viduam muris, sic viduamque viris
 Id toties & Turca potens molitus Arabsque
 Omnis & heretici dogmatis atra schola!
 Sed tecum sese esse Deus qui voce spondit;
 Arcuit à portis ista venena tuis!
 Ter fatuos Luthere tibi, Calvine salutem
 Qui tibi constituunt pectora vana suam!
 Incipitis vafroque fides exsugitis ungue,
 Quas vos ante potens credere nemo fuit!
 Nemo fuit qui vos docuit sic ante! susurri
 Sunt Sathanae bina hæ, turpia monstra, fides!
 Vix numerat centum bina hæc insania messes
 Et tot habet miseros ista ruina procos!
 Natus ego infausto sæclo, quo pestibus istis
 Obruta, vix aberat, Belgica Nympha fuit!
 Heu! per quot pagos, & per quot regna, per urbes
 Ista cacangelii sparsa libido fuit!*

Bruga

Bruga sali, letare, sona, bibe, plaude, triumphas,
Cur nunc in Domino sic recreeris habes!
En quod Cœnobium complecteris Eechoutanum,
Hoc tibi structum annis dicere mille potes.
Millenis paganismo nunc libera ab annis
Inseruis verò sponso sacrata Deo!
Mille domus sacrae segetes hîc præsuit Abbas
Mille vocent annos, hîc tria vota viri!
Mille Sacerdotes annis hîc sacra celebrant,
Pontifici parent & sacra Roma, tuo!
Mille Dei coluit Genitricem hæc vinea Messes,
Et sacra tot soles Bartholomæe tibi est.
Sunt & adhuc veneranda tibi hæc ô inclyta Bruga,
Et tibi in egregio est sanctus honore cruor!
Est tibi millenos persuasa MARIA per annos
Non satis ornari munere, voce potest!
Perge Dei laudem cœlique merebere regnum
Hæc animæ nostræ per quasi fulcra duo!
O! bene Quercetum domus hæc sacrata vocere!
Vera tot hîc annis floruit una fides!
Floruit & Quercu quoque fortior, exstuit omnes
Hæreseos, domino suppeditante, dolos!
Quot verò Cœlis missas ex te hortule Quercus
Hactenus! hinc quantis patria leta viris!

76 AD PONDVS SANCTVARI

Et quas non nardos, narcissos, lilia, Calthas,
 Balsama pergenuit hortulus iste rosas!
 Respicio! te plantavit, te nempe rigavit
 Plena poli succo, numine plena manus!
 Inde Comes TRVDO est, electus Eligius inde
 Qui tibi Romanum constituere jugum!
 Qui castum, docuere pium te vivere, jussa
 Omnia prepositi solvere teque tui!
 Te mundo debere mori, si vivere Cælo
 Expetis, & carnis pellere tela cupis!
 Et superum vim regna pati, crucis atque sequela
 Cum fame, cumque siti, frigoribusque rapi!
 Hæc felix Eechonta facis, quam dirigit Abbas
 Qui quæ jussa legit voce, reapse facit!
 Presbyteri facitis! num sit paradysus, an unum
 Cœnobium, mihi mens! uctuat, ista domus.
 Filioli certè dociles! jam TRVDO per annos
 Mille fuit vester Syndicus, atque Pater,
 Et sedet illius memori sententia mente,
 Ac velut ante unum sit recitata diem!
 Pergite; TRVDONIS si verba & facta tenetis
 Latitiæ socios vos quoque scribo sue.

Iubilas

M A N T I S S A. 77

IUBILVS EVCHARISTICVS

E T
HYMNVS IUBILÆVS
Quo antiqua domus Eeckhoutana
D E O . O P T . M A X .

Gratias agit pro acceptis hætenus beneficiis præsertim sub regimine viginti quinque annorum Adm. Rev. Patris ac Domini D. NICOLAI VAN TROOSTENBERGHE Abbatis sui de se suisque optimè meriti.

*Iubilate Deo omnis terra servite Domino in lætitia
• Psalmo 99.*

*Anno Domini M. DC. XLIX. ipso S. Virg. Mart.
Agnæ festo.*

<p>Prisca domus Eeckhoutana Intra Mania Brugana, Qua nunc dudum habito, Sancto olim à Trudone Principe & Marchione Veteris Hasbania: Generosum ducens stemma, Honoravi velut gemma, Caput ejus inclytum. In Brugensi agro nata Sancto Genitore sata Sanctitate florui.</p>	<p><i>Ad Brugense suburbanum, Fundum vulgò Eeckhoutanum Remigrare placuit Everelmi Sanctitate Tracta, atq; claritate Tanti Eremitæ, Qui duodecim hic annis, In Anachoreta pannis Domino servierat: Annus fere qui sexentis Tumbâ suâ mea gentis Famam longè proutulit.</i></p>
K 3	Comitatus

Comit̃s Theodorici,
 Postmodum affectum vici,
 Vt me manumitteret,
 Amplius nec jam servirem
 Vt vivarium transirem
 Verum in Dominium
 Liberum Canonorum
 Regularium dictorum
 Augustini Prasulus.
 Sancto postmodum Bernardo
 Qui Clarevallensis Cardo
 Præbui hospitium,
 A quo benedicta crevi
 Sobolemque multam sevi
 Asperante numine.
 Dedi plurimos Abbates,
 Quos Ecclesia Primates,
 Exornarunt Baculo.
 Accesserunt & favores
 Sacri Principum, honores
 Qui auxerunt largiter.
 Stephanus tunc Tornacensis
 Atq; Milo Morinensis
 Veteres Episcopi,
 Famâ bonâ excitati
 Quibus fuimus dotati
 Consulunt decimas.
 Binstius est Andæanus
 Pontifex, Antesignanus
 Scotice Ecclesie,
 Quondam me sic diligebat,

Nempe quando eligebas
 Apud me quiescere,
 Tuba mirum spargens sonum
 Coget omnes ante thronum,
 donec simul sistere.
 Tandem tempore labente,
 Sancto Spiritu volente,
 Magis me provehere:
 Prodiit Lubertus Ille
 Haudschilt, unus inter mille
 Flamme Prophetico
 Inspiratus, qui prædixit
 Tabulâ, quam in me fixit
 Mala, quæ nunc cernimus:
 Cujus prophetia fama
 Clamat, quasi vox in Rhama
 Per Europam eminus
 Hic Ioannem tunc Burgundi
 Ducem, & non injucundum
 Flandria tunc Comitem,
 Ducem & Byturicensem
 Sic Ioannem, non per mensem
 Docuit consilia.
 Perchium & is Henricum,
 Anglus quem ut inimicum,
 Comitem Noort-umbria
 Effugarat, perbenignè
 Ardens charitatis igne,
 Tenuit hospitio.
 Fuit in Constantiensi
 Synodo, Aliacensi

Petro factus intimus
 Ob mathesim & virtutem
 Adeo, ut inde putem
 Auctum myrtâ reducem.
 Multos transeo Pralatos,
 Mihi calitus donatos,
 Nam ad unum propero
 Nicolaum Troostenberghe
 (Mihi Musa labrum terge
 Nomen dum pronuncio)
 In quo mihi consolamen
 Monte, fuit & levamen,
 Quo in altum surgerem,
 Pro quo Deo ago grates
 Qui post bonos tot Abbates
 Licet sis novissimus,
 Primum tamen in tiarâ
 Post Lubertum esse rarâ
 Vult Urbanus Pontifex.
 Huic deus annos quinque
 Et viginti dedit, linque
 Parca, eum vivere,
 In Abbatiali pedo
 Annos multos, nam sic credo
 Est decretum numinus.
 Sancta virgo martyr Agnes
 Quam divinus traxit magnes
 Iubilaum numerum
 Sicut cepit, sic finivit
 Hodiernâ cum rediit
 Ad nos solus Orbita.

Adinva nos jubilare
 Deo laudes decantare
 Virgo Martyr inclita,
 Sumus insufficientes
 Deo nam convenientes
 Laudes, gratis solvere,
 Pro tot in nos Dei donis
 Tot annorum in coronis,
 Per hunc datam calitus
 Qui in primis reformavit
 Et ad normam conquadravit
 Prasulis Aurelii
 Mores nostros, ut sic tota
 Servarentur tria vota,
 Iure ante omnia
 Ut floreret Dei cultus
 In me, fuit ille multus,
 Viveret Religio.
 Hinc & is Canonorum
 Auxit numerum suorum
 Duplicato fenore,
 Largam benedictionem
 Tantam per provisionem
 Aspirante numine,
 Qui ad Organum sonorum
 Musicum teneret chorum
 Diu noctu iugiter
 Tempore ut matutino
 Missas, sic & vespertino
 Laudes semper agerent.
 Ad quas per campanas senas
 Plebs

80 AD PONDVS SANCTVARI

Plebs Brugensis tracta plenas
consequatur gratias.

Totus chorus fulget auro,

Et sacrarium thesauro

Dives est argenteo.

Pulchra sunt & ornamenta

Acupicta quæ talenta

Constituisse diceres.

Cuncta hac per istum virum

Dedit Deus, id quod mirum

Sape visum amulis.

Tandem post religionem,

Esse eruditionem,

In me idem voluit.

Hinc salubriter statutum

Vt Theologia tutum

Esset hic Gymnasium;

Quo ab otio remoti

Studiis intenti toti,

Essent Dei famuli.

Quando vacant à divinis

Laudibus, est datus finis

Calicis officii.

Sunt hinc Concionatores

Sunt hinc denique Pastores

Mare, ore strenui.

Sunt qui scribunt libros doctos

Quos cum tempore perlectos

Sapient posteritas.

Est qui novit idioma

Hebraeorum quo est gnoma

Tradita Syrachica,

Vnus facit Chartabellas

Iuxta Rituum pagellas

Magno Cleri comòmodo.

Alter facit Rithmos bonos

Flandricos latinos tonos

Servans arte metrica.

Transfert tertius libellos

Quibus animos novellos

formet atque moveat.

In officio divino

Sunt qui ludunt violino

Organo & Barbitò.

Insuper & florent artes,

Tales quas mirantur partes,

quæ hinc longe distia.

Ex materia marina,

De qua quasi genuina,

Fiunt peristromata.

Nec hic desunt qui ex are

Instrumenta parant verè

Arte Mathematica.

Astrolabia quadrantes

Annulos & circinantes

Mira horologia.

Minabantur ipsa tecta

Quæ ruinam, sunt refecta

Hujus & industriâ.

Ipsum Chori pavimentum

Marmor sternit, ornamentum

Quod & Refectorii.

Sed


Sed & pars Abbatialis
sota nova, quæ & qualis,
Quanta sit, conspicitur.
Quin & novum molendinum
Est equinum, ut pistrinum
Novum braxatorium.
Sacramenti & sacellum
Venerabilis, perbellum
Fere hic omiseram,
In quo semper ardet lumen,
Prout tantum petit numen
Intra muros aureos,
Novum quod à fundamentis
Est extructum huius mentis,
Erit hoc Mnemosynon,
Opera sunt huius Abba
Hac ab intra, sancto Sabba
Iure Comparabilis ;
Sed ad extra properemus
Atque sedulo lustremus
Et ejusdem fabricam.
Ville multa reparata
Ab eodem qua prostrata
Ævo, bello fuerant ;
Imo aliquæ de novo
Atque veluti ab ovo
Hoc parentem nata sunt.
Sunt & Ruri spaciola,
Novis plantis speciosa
Consita pomaria,
Quæ propitiâ Bellonâ

Multa poma, pyra bona,
Suo dabunt tempore.
Nullum propter hæc gravamē
Sensit, contra sed levamen
Claustum in redibus.
Hæc sunt opera præclara
Multa, pulchra, mira, rara
Vnius Ansistitis
Per viginti quinque soles,
quibus rexit, tanta moles
Et surrexit altius,
Montis Consolationis
Verè digni cali thronis ;
Verum nobis opus est,
Multos adhuc annos regat,
Et nobiscum sanus degat,
Latus & incolumis.
Hæc sunt magna Dei dona
Cujus dextera tam prona,
Ad hæc beneficia,
Super caput Nicolai
Troostenberghe in aula
Quercetana medio:
A quo universum datum
Optimum descendit gratum
Numini, efficiens ;
Cui uni trino Deo,
In hoc sacro iubileo
Sit æterna gloria.
Qua ut semper perfruatur,
Qui nunc jubilat precatur
L *Abbas*

82 AD PONDVS SANCTVARI

Abbas cum familiâ.
Sanctâ Mariyre Agnete
Inveniente latè,
Cunctis cum caliculis :
Et in his Bartholomao,
Augustino atque meo,
Nicolao Prasule.
Quorum hætenus favore,
In vigore atque flore,
Eechous dudum constiti.

Sub regimine Pralati,
Tot jam annis præservati
Mortis ab interitu.
Singulari Dei dono,
Magno quoque mei bono,
Vi totius Ordinis,
Quare soli Trinitati
Iterum sint Hymni dati
Nunc & in perpetuum.
C. B.



INDICVLVS MANTISSÆ.

A

Abbatia Eeckhouttana
fundatione prima in ter-
ritorio Brugensi. pag. **15.**
Annis septem antiquior
Sarchiniensi **17.** quo anno
eversa à Noordmanis. **22.**
quo anno perfectè restau-
rata. **26.** in eâ à S. Trudo-
ne positi Clerici Reg. **19.**
hi dispersi à Noordmanis
22. iterum collecti **23.** Ai-
bertus Reclusus. **25.**

B

S. Bavo Reclusus. **25.**
S. Bernardi olim Hospiti-
um Quercetū. **29.** Brugis
paganismus extirpatus eo
anno, quo à S. Trudone
Cœnobium Eeckhoutanū
fundatum **21.** ab eo tem-
pore hucusque ibidem
Christianismus permansit.
ibid. Burchardus Straten-
sis latet in Eeckhout. **19.**

C

S. Chrysostomus anno
ætatis vigesimo secundo,
requisitus ad Episcopatū.
13. Clerici Reg. antiqui

ut se habuerint circa ca-
rentiam proprii. **15.** Cœ-
nobium Sarchiniense & An-
daginense prius Ordinis
Canonici. **17.** S. Colum-
banus Reclusus. **25.** Con-
ciones per diversos & se-
lectos concionatores ha-
bitæ per totam octavam.
54. Crux artificiosa cujus
Basis spectabilis. **44.**

D

Descriptio Poëtica Iu-
bilei Eeckhouttani per D.
Ioannem de la Salle. **72.**

E

Ecclesiæ Brugenfis B.
Mariæ initium. **27.** ejus-
dem primus Præpositus
Gummarus. ibid. beatus
Everelmus admittitur in
Quercetum. **24.** exempla
Reclusorum olim com-
moratorum circa oratoria
Cœnobiorum. **25.** & seq.
Exempla Monasteriorum
utriusque sexus simul ha-
bitantis olim **27.**

F

Fratres de Capella o-
lim

INDICVLVS MANTISSÆ.

lim quinam. 34.

G

Geldinus & Gervinus
Reclusi. 25.

H

Henrici Perchii Noort-
umbria Comitiss olim Re-
fugium Quercetum. 55.

I

Iubilei origo & vocis
etymologia. 3. Iubileum
Iudaicum præludiū Chri-
stiani. 4. Iubileum anni
1450. celeberrimū. 4. no-
vissimum anni 1650. fre-
quentissimum. 5. Iubila-
rii varii, ibid. Iubileum
Societatis, ibid. Luthera-
num, ibid. Eeckhouttanū
anni millenarii quā consi-
deratione primō concep-
tum. 6. Capitulariter re-
solutum. 7. ad ejus cèle-
brationem requisita fa-
cultas à Vicariatu Bru-
genfi, ibid, obtenta. 37.
ad illius pompam invitati
optimates utriusque Or-
dinis Ecclesiastici & poli-
tici. 40. Iubilei inscriptio.

45. solemnitas 46. & seq.

L

Letardus Prior Cœno-
bii Odegemiani S. Trudo-
nis prope Brugas. 30. Lu-
berti Haudschilti Prophe-
tæ Flandriæ habitaculum
Quercetum. 56.

M

Maria Oigniacensis Re-
clusa. 25. & seq. Miræ
cespitationes notatæ &
emendatæ. 32. Molani lap-
sus dedit occasionem ce-
spitandi circa Regulam S.
Benedicti quasi in Eeck-
hout olim observatam. 16.

N

Nomina Senatorum
Brugensium & optimatū
tam Ecclesiasticorum,
quam politicorum qui of-
ficio divino in Iubileo in-
terfuerunt. 45. & seqq.
Nomina Canonorum
Eeckhoutanorum qui vi-
vebant tempore Iubilei.
20.

O

Odeghemianum S.

Tru-

INDICVLVS MANTISSÆ.

Trudonis Coenobium cælitus combustum, postea reparatum, ac tandem à Geusiis eversum Brugas trallatum. 32.

P

Panes mille pauperibus dati. 54. B. Petrus de Lutzenburgo anno suæ ætatis decimo quinto Episcopus ordinatus, paulò post Cardinalis creatus. 14. Poëmata Olivarii Vredii viri Consularis. 48. & seqq.

Q

Quercetum Alodium S. Trudonis. 11. lucus olim Iovi sacer. ibid. de Querceto septem Memorabilia declamata à Concionatoribus. 54. & seq. Quercetum plantarium egregiorum Prælatorum & Religiosorum. 56.

R

Regula S. Benedicti quando in Belgium inventa. 17. Reliquiæ S. Trudonis venerationi populi

expositæ & circumlatæ.

65. S. Remigius dictus Iubileus id est Iubilarius. 5.

S

Symulachra personata posita in Basilicâ Eeckhouttanâ. 43. & seqq. signa lætitiæ publica, per ignes, lampades, lucernas, campanas & instrumenta musica. 58. & seq. Supplicatio sollemnis habita in octavâ S. Trudonis. 65. & seqq.

T

Tapeta insignia vitam Caroli V. exhibentia. 43. De S. Trudone relatio. 8. quinam ejus vitam scripserint. 9. quinam meminerint Monasterii ab eo juxta Brugas fundati. 9. & seq. quo anno natus & defunctus. 10. Franco ù Regum sanguine profatus ibid. pietas ejus in pueritiâ. 12. S. Trudo Consilio S. Remacii, adit Clodulphum Metensem Episcopum & assumit statum

L 3

Cleric

INDICVLVS MANTISSÆ.

Clericorum Reg. **13.** cœ-
pit fundare Monasterium
Eeckhouttanum anno æ-
tatis vigesimo secundo.
14. colitur inter sanctos
diocesis Brugensis. **15.**
ut Clericus Reg. colitur
in Ordine Canonico. **16.**
Pater pauperum. **43.** Tru-
donissæ quando admissæ

à Canonicis Eeckhoutta-
nis. **27.** quo tempore in
Odeghem migrarint. **28.**
quo anno exemptæ ab
Eeckhouttanis. **31.**

V

Vinum Honorarium.

54.

*Imprimatur, ut ex hac magis resplendat titulus
Iubilei millenarii.*

**C. vanden Berghe, Archidiaconus
Brugensis, L. C.**

